

TENY FANOLORANA

TARI – DALANA VOALOHANY

TOMOERA AMIKO

(Notsohana avy tamin'ny "Voaloboka sy ny Sampana", Frank Phillips)

- FIZARANA VOALOHANY -

Hafatra sarobidy

Raha tena tsy manana afa-tsy adiny roa na telo ianao hanomezana ny fara-hafatra tianao apetraka, dia ho inona izany hafatra izany? Moa ve handany andro amin'ny "pintsom-pintsony" tsy misy antony ianao? Mazava fa tsy ho izany. Ho zava-dehibe indrindra ho anao ny teny tsirairay, ny hevitra tsirairay.

Niezaka ny Tompo Jesosy, ao amin'ny Jaona faha-15, andininy 1-8 hanome anao sy ahy, ireo fahamarinana lehibe indrindra avy amin' Andriamanitra ho an'ny taranak'olombelona. Misy sary hoenti-manazava izany ao ary tena tsy azo heverina mihitsy izany ho diso fandrany ny hafatra. Fa, na hodianao tsy fantatra tanteraka, na hinoanao. Azonao hodian-tsy fantatra izany, azonao atao koa ny hifantina andininy hafa ao amin'ny Soratra Masina ka hanambatra fehin-kevitra hafa ianao. Nefa kosa tsy afaka inia tsy ahafantatra tsotra izao io sary enti-manazava ao amin'ireo toka sy andininy ireo io ianao.

Hoy Jesosy: "Izaho no tena voaloboka, ary ny Raiko no mpamboatra. Ny sampana rehetra eto amiko izay tsy mamoha dia esoriny; fa ny sampany rehetra izay mamoa kosa dia amboariny, mba hamoa bebe kokoa. Efa madio rahateo ianareo noho ny teniko, izay nolazaiko taminareo.

"Tomoera amiko ianareo ary Izaho aminareo. Tahaka ny sampana tsy mahay mamoa ho azy, raha tsy miray amin'ny voaloboka izy, dia toy izany koa ianareo raha tsy miray amiko. Izaho no voaloboka, ianareo no sampany. Izay miray amiko ary Izaho aminy, dia mamoa be izy; fa raha misaraka Amiko kosa ianareo, dia tsy mahay manao na inona na inona (raha misaraka amiko: na tapaka tsy eo amiko). Raha misy tsy miray amiko dia hariana eny ivelany tahaka ny sampany izy ka malazo; ary angonina izy ka atsipy ao anaty afo, dia ho may. Raha miray amiko ianareo, ka mitoetra ao anatinareo ny teniko; dia angataho izay tianareo na inona na inona, fa ho tonga aminareo izany. Izany no ankalazana ny Raiko mba hamoazanareo be ka ho tonga mpianatro ianareo." Jaona 15:1-8.

Misy fahamarinana misongadina entin'ireo toko sy andininy ireo eo amin'ny mazava: ao ny voaloboka, ao ny mpamboatra, ao ireo sampana, ao ny vokatra, ao ny hoe "mitoetra", ary ao ny maha-mpianatra.;

Inona no tena votoatin'ireo andininy 8 voalohany ao amin'ny toko faha-15? Ny "mitoetra" ao amin' i Kristy ve ? Ahoana izany "mitoetra" ao amin' i Kristy? Fomba ahoana no ahazoako "mitoetra" ao amin' i Kristy?

Andriamanitra no mampitoetra

"Fa izay mampitoetra anay mbaminareo ao amin' i Kristy sady nanosotra antsika dia Andriamanitra ." 2 Kor. 1:21 "Sady nanosotra antsika", iza no nanosotra? Andriamanitra. Andriamanitra no mametraka antsika ao amin'i Kristy ary tsy mametraka antsika fotsiny ao amin' i Kristy Izy, fa mbola misy tohiny. Mariho izao: "Izay nanisy tombo-kase antsika koa ka nanome ny Fanahy ho santatra ao am-pontsika." 2 Kor 1:22. Napetrany tao amin' i Kristy isika dia tonga eo amin'izay anosorany antsika ao amin' Andriamanitra, ary rehefa izany dia ambarany amintsika fa tsy isika no manao izany fa ny Fanahy Masina.

Fanamboarana miandalana mitaky "fotoana"

Ny Fanahy Masina no manao izany, izay mametraka antsika ao amin'i Kristy, mitahiry antsika ao amin'i Kristy ary manombo-kase antsika avy eo. Rehefa misy zavatra asiana tombo-kase, dia atao izany satria misy resaka fotoana manana ny lanjany ao. Tsy marina ve izany? Rehefa tombohonana hihidy ny tavoara misy voankazo, dia misy resaka fotoana no anton' izany. Raha tsy tombohonao izany, dia haninona? Ho simba. Raha mandray na manana taratasy ara-panjakana misy tombo-kase ianao, dia misy resaka fotoana tafiditra ao. Fantatrao tsara ny momba izany amin'ny fotoana andraisanao azy, nefa tianao hisy olon-kafa koa hahafantatra fa zava-misy izany amin'ny ho avy. Ary izay no antony. Misy resaka fotoana tafiditra foana ao. Misy resaka fotoana ve ny nanosorana antsika, mariho ny lazaina hoe: Izay "mampitoetra" anay... "eo am-panantanterahana izany."

Asa mitohy io fanamboarana io. Noho izany tsy hoe "rehefa izany", fa "raha mbola". Raha mbola eo am-panaovana izany. Ary izao no fizotrany: "tsy mamoa" ny sampana izay hitanao ao aorian'ny fanamboarana azy, fa " mamoa bebe kokoa" izy rehefa amboarana. Arakaraka ny hanamboarana azy, no "hamoazany bebe kokoa" mandra-pahamoazany "be" amin'ny farany. Lazain' i Jaona fa ny maha-sampana ny sampana dia ny hanao inona? "Hamo". Mahatonga azy "hamoa bebe kokoa" ny "fanamboarana" azy, ny "fanamboarana bebe kokoa" mahatonga azy "hamoa be"; Miainga amin'ny "mamoa" izany ianao, dia manjary "mamoa be kokoa" ary mankeo amin'ny "mamoa be" ary hoy Jesosy: Ny planany ho anao sy ho ahy dia ny hamoa manao ahoana? "Hamo be". Hisy fanamboarana be izay hatao eny am-pandehanana eny izany.

Rehefa hitan'ny mpanao zaridaina, ilay mpamboatra ny sampana, fa mila fanamboarana kely ny sampana, etsy sy eroa, dia miroso manao izany izy ka manamboatra na tiansika izany na tsia. Misy andininy hafa ao amin'ny Soratra Masina mitondra izany amin'ny dingana manaraka. " Fa izay mampitoetra anay mbaminareo ao amin' i Kristy sady nanosotra antsika dia Andriamanitra. Izay nanisy tombo-kase antsika koa ka nanome ny Fanahy ho santatra ao am-pontsika."

Mitoetra mitohy ao amin'i Kristy

"Ary ny aminareo, dia ilay hosotra noraisinareo taminy no mitoetra aminareo ka tsy mila hampianarin'olona ianareo; fa satria ny hosotra avy aminy no mampianatra anareo ny zavatra rehetra, sady marina fa tsy lainga izany, dia tomoera ao aminy ianareo araka ny mampianarany anareo" 1 Jaona 2: 27. Hoy i Jaona: Avy amin' Andriamanitra izany. Tsy mila olona hampianatra anareo. Ilay olona izay mitoetra ao amin' i Kristy amin'ny fo mahitsy sy tsy miova dia mandray hatrany ny toro-marika avy amin'iza? Avy amin'ny Fanahy Masina. Mandray hatrany izy, ary tsy hoe mandray ny toro-marika avy amin'ny olona tonga hampianatra, fa mandray toro-marika avy amin'ny Fanahy Masina. Mariho izao: " fa satria ny hosotra avy aminy no mampianatra anareo ny zavatra rehetra, sady marina fa tsy lainga izany, dia tomoera aiza? Ao aminy".

Handeha araka izay nandehanany koa

"Ary ankehitriny, anaka, tomoera ao aminy; mba hananantsika fahasahiana, raha hiseho Izy ka tsy ho menatra eo anatrehan'ny amin'ny fihaviany." 1 Jaona 2:28. Tomoera amiko. Fahamarinana manetriketrika no raketin'io resaka "mitoetra" io. Mitoetra ao amin' Andriamanitra. Mampianinona antsika ny "mitoetra"? Inona no tena antony hanirin' Andriamanitra ny hitoerantsika ao amin' i Kristy? Nahoana no homena antsika manontolo ny momba izany resaka izany.

"Izay milaza fa mitoetra ao aminy, dia tsy maintsy mandeha toy izay nandehanany koa". 1 Jaona 2:6. Mahatonga ny olona haninona izany ny "mitoetra"? Handeha tahaka izay nandehanany koa. "Izaho no voaloboka, ianareo no sampany. Izay miray Amiko ary izaho ao aminy, dia mamoa be izy; fa raha misaraka Amiko kosa ianareo, dia tsy mahay manao na inona na inona". Jaona 15:5. Jesosy no miteny eto ary ny tenin' i Kristy no ampiasain'i Jaona.

- Fizarana faharoa -

Ny maha-sampana ny sampana

Efa noresahintsika ilay hoe zavatra tokana anton'ny sampana ary zavatra tokana ihany. Ary inona izany? Ny hamoa. Ny sampana no faritra eo amin'ny voaloboka izay mamoa. Inona no ifandraisan'ny "mitoetra" sy ny "mamoa"? **Rehefa "mitoetra" dia "mamoa".** "Izay rehetra ao Aminy dia **tsy manota**; izay rehetra manota dia tsy mahita na mahalala azy." 1 Jaona 3:6. Izay rehetra **mitoetra ao Aminy dia tsy manota**. Tsy takatrao ary tsy takatro izany! Nahoana ary ahoana no maha-zava-misy an'izany? Ny finoana an' izany ve? Lazao ahy ary, inona ary no azon'ny sampana izay mitoetra ao amin'ny voaloboka atao? **Tsy misy. Ny hany ataony dia ny mitoetra.** Ary izay ihany no ataony. Mandray ny herin'ny voaloboka izy, nefa moa ve izy manao hoe: "Izao an, mila ranon-kazo 20 litatra aho androany"? Na "Iray litatra ihany no ilaiko androany" Manao izany ve izy? Inona no ataony? **Tsy misy. Mandray izay omen'ny voaloboka fotsiny izy.**

Tsy maintsy mitoetra mba hamoa

Misy zavatra tena lehibe tokony ho azontsika raketina ny amin' ny hoe "mitoetra". Araka ny hevitrao, inona no hevitra voarakitra ao amin'ny hoe "mitoetra" rehefa ampiasaina ao amin'ny Soratra Masina izany? Rehefa ampiasainao ho "baiko" ny teny hoe "mitoetra", inona no voarakitra ao amin'izany? Tsy hisy antony hanomezana ny toro-hevitra "hitoetra" raha tsy hoe **ny mifanohitra amin'izany no zavatra ironan' ny maha-olona.** Tsy marina ve izany? Ny ironan' ny maha-olona dia ny **"tsy mitoetra"**, ny mitady ahafantatra, ny manangona ny zava-misy ary mitsikitsiky manohy ny dia. Tsy marina ve izany? Azonao ve izany hevitra mitsiry izany? Fa raha hiroso kosa isika ka handao ilay loharanon' izay fanao iron'ny olona dia hoy Jesosy hoe: **"Mitoetra"**. Io "mitoetra" io izany no tena ilaina, **tena ilaina mihitsy hiainana ny fiainana kristiana, hiainana fiainana mandresy. Io no hany zavatra tena tsy maintsy ataontsika.** Tsy misy lalan-kafa ankoatr'izany.

Ahoana no hitoerana ao amin' i Kristy?

Hisy olona hilaza avy hatrany hoe: ahoana anefa izany? Ahoana? Jereo Ny Tena Hasambarana pp. 83, 84. Manontany ve ianao: "Fomba ahoana no hitoerako ao amin'i Kristy," Efa nanontany izany ve ianao? Eny, tokoa. **Tahaka ny nandraisanao Azy tamin'ny voalohany.** "Koa tahaka ny nandraisanareo an'i Kristy Jesosy Tompo, dia mandehana ao Aminy araka izany koa." Raha mitoetra ao amin' i Kristy isika, dia afaka mandeha tahaka ny nandehanany isika. Tsy marina ve izany?

1 Jaona 2: 6 **Tsy mahay mandeha isika" raha tsy mitoetra"**. Hoy i E-G White hoe: "tahaka ny nandraisanareo an'i Kristy, dia mandehana". **Tsy misy mahasamihafa ny "mitoetra" sy ny "mandray Azy"**. Manaiky an' i Kristy ianao, mitoetra ao amin' i Kristy izany dia ny manao inona hatrany? **Manaiky.** Ary rehefa nanaiky an'i Kristy ho

voalohan-daharana indrindra isika, araka ny fahalalantsika tsara indrindra, dia napetraka anjorony fotsiny ny izaho. Ary nanaiky Azy isika eo amin'ny fahafenoany hany ka nanambara ny tenany tamintsika izy. Ny olana dia hitanao fa arakaraka ny hizoranao eo amin'ny fiainana, no hanambarany ny tenany bebe kokoa, ary noho izany dia mitaky inona bebe kokoa izany? **Misy fitakiana bebe kokoa eo amin'ny fiainako** satria tokony ho afaka mitoetra aho. Manaraka ny ohatra omeny aho amin'izay.

Tsy amin'ny alalan'ny ezaka

Ary izay indrindra no ataon'ny sampana. Tsy misy ataon'ny sampana afa- tsy ny mitondra ravina izay mahatonga ny fanovàna simika hitranga, mandray ny ranon-kazo avy amin'ny voaloboka ary mamoa, **fa tsy misy ezaka ataony amin' izany. Tsy misy satria natao hanao izany izy.** Izaho sy ianao dia natao hanao inona? Hamoa ho an' Andriamanitra, hitaratra ny endriny. Izany no nanaovany antsika. Izany no nanaovany antsika tany amboalohany. Izao ary, tsy mety izany raha tsy amin'ny fomba tsy misy ezaka ary tena izany mihitsy no tiako holazaina, "amin'ny fomba tsy misy ezaka". **Ny olana amintsika dia mifangaro daholo ny "mitoetra" sy ny "mamoa" ary ny "asa"**.

"Tahaka ny nandraisanareo an' i Kristy Jesosy, dia mandehana ao Aminy". "Ny marina ho velona amin'ny finoana". Nomenao ho an' Andriamanitra ny tenanao manontolo hanompo sy hankato Azy. Ary nekenao ho Mpamonjy anao Kristy. Tsy afaka manao fanavotana ho an'ireo fahotanao samirery ianao, na manova ny fonao; nefa rehefa nanolo-tena ho an' Andriamanitra ianao, dia mino ianao fa, noho ny amin' i Kristy, dia Mino izany ianao, tsy misy fanontaniana momba izany ao ant-sainao. **nataony daholo ho anao izany. Amin' ny finoana dia nanjary an' i Kristy ianao, ary amin'ny finoana dia mitombo ao Aminy ianao - amin'ny fanomezana sy ny fandraisana.** Amin'ny inona? Amin'ny fanomezana sy ny fandraisana. Izany ve no ataon'ny sampana? Tsy izany ve? **Inona no raisiny?** Mandray ny rano-kazo avy amin'ny voaloboka izy, mandray ny tanamasoandro avy amin' io loharano io ihany izy, avy amin' Andriamanitra, mandray foana izy ary inona no ataony ho setriny? Amin'ny fanomezana sy ny fandraisany.

Izao ary, mariho : **"Tsy maintsy homena avokoa ny zavatra rehetra –** dia ny fonao, ny safidinao, ny herim-ponao. **Omeonao Azy ny tenanao hankato izay rehetra asainy atao;** ary koa tsy maintsy horaisinao ny zavatra rehetra. Ny voaloboka no mametra ny habetsahany fa ny habetsahan' izay tian'ny voaloboka homena, dia ny habetsahan'ny tokony horaisintsika, **satria izay no habetsahany fantatry ny voaloboka fa ilaiko hamaozako ny karazany tokony hamaozako.**

Ary koa **tsy maintsy horaisinao ny zavatra rehetra,** dia Kristy ilay fahafenoan'ny fitahiana rehetra, mba hitoetra ao am-ponao sy mba ho tanjakao, ho fahamarinanao, ho mpanampy anao mandrakizay, - **mba hanome anao hery hoenti-mankato.** Raha mitoetra isika ary, dia tokony handeha araka izay nandehanany koa. Nefa tsy amin'ny herin'ny tenantsika izany. **Amin'ny heriny izany satria mitoetra izy ary izy no manome ahy hery hoenti- mandeha tahaka**

izay nandehanany koa. Tsy zavatra azoko atao aman- ezaka izany, na inona na inona dikan'io teny io.

Dingana sarotra

Tsy mampisalasala fa ny resaka “mitoetra” no dingana sarotra indrindra eo amin'ny fiainan' ny kristiana. Dingana sarotra izany. Tsy sarotra amiko ny manatona ka mampilefitra ny fiainako amin'i Kristy. Tsy zava-tsarotra ho ahy ny manaiky an' i Kristy, fa ny “mitoetra” eo kosa, tena sarotra mihitsy.

Azonao heverina ve ny mahatonga izany? Eny, mifanohitra amin'ny fironana ao amintsika izany. Tena marina izany. Nefa , ary mety ho izany, ny anankiray amin'ny antony lehibe indrindra dia izao: ny ankabeazantsika dia manandrana ny manao izany ho **zavatra ara-tsaina**. Rehefa manaiky an'i Kristy aho, dia zavatra ara-tsaina izany. Ny saiko misaintsaina no iantefan' Andriamanitra ka miantso ahy Izy ary manaiky Azy amin'ny saiko aho.

Ny fihetseham-po

Lalindalina kokoa noho izany ny “mitoetra”. Ary miditra any amin'izay azo heverina fa faritra sarotra indrindra eo amin'ny fiainan'ny olona. Efa sendran'izany niandry ny vadin'ao lasa niantena ve ianao? Zavatra tena sarotra mihitsy ny “mitoetra”. Tsy izany ve? Mijajirika eo ianao, dia mihidy vazana ary miteny hoe: fa inona ihany no maha-ela be azy toy izany, izay kiraro ihany no vidiana? Io karazan-javatra io, io resaka fiandrasana io, “mitoetra “ io, tsy hoe ho an'ny lehilahy ihany izy io no sarotra, fa sarotra ho an'ny vehivavy koa. Hoy ny vehivavy: inona foana izao maha-ela anao miharatra izao e? Ny hoe “miandry an' i Jehovah fotsiny”, mametraka an'izany hitoetra “ao anaty ao” dia tena zavatra sarotra dia sarotra.

Nahoana no izany? Ny tena antony dia satria mikasika ny fiainantsika eo amin'ny lafiny fihetseham-po izany. Tsy ny fiainantsika ara-tsaina tsy akory. Raha afaka mipetraka amin'ny fo tsy miangatra aho ka miteny hoe: mazava ho azy fa raha tao anatin'ny trano fivarotana tao aho nividy kiraro, dia ho tiako koa ny hahazo zavatra manokana, Ary dia ho lanjalanjaintsika izany toe-javatra izany. Nefa tsy izany no resahantsika, fa tsapantsika fotsiny ao amin'ny fiainantsika araka ny fihetseham-po ao fa misy zavatra izay mandratra ny fihetseham-pontsika; dia miakatra ny tosi-drà. Hitanao ny tena olana fa mikasika ny fihetseham-po io”mitoetra” io.

Mamela ny voaloboka hanao ny asany

Fomba ahoana no mahatonga ny sampana hamao amin'ny fahatanterahana? Ny anjara asantsika dia ny “mitoetra” foana ary mamela ny voaloboka hanao ny asany. Tena zavatra sarotra amintsika ny mahazo izany; raha “mitoetra” isika ka avelantsika Andriamanitra hanao ny asa, dia ho vita tsara izany ary isika indray no hanjary ho fantsona ahazoany mikoriana. Raha miselontselona

amin'izany isika, dia manakorontana ny zavatra rehetra; ary efa 6000 taona izay isika no nanao izany, izany no tena maha-ela azy. Any no misy ny olana.

Zavatra tena mahaliana izany satria miresaka momba ny famoazana vokatra isika. Ary ny vokatra dia ireo naseho antsika ao amin'ny boky ny Galatiana Inona izy ireo? Ny vokatra ny Fanahy. Ny vokatra ny Fanahy dia fitiavana, fifaliana, fiadanana, fahari-po, fahamoram-panahy, fanaovan-tsoa fahalemam-panahy, fahononam-po. Izaho no tena voaloboka, ianareo no sampany. Hoy Jesosy: ny Raiko no mpamboatra. Tsy maintsy ho tazonina mandrakariva ao an-tsaina ireo zavatra ireo, raha tsy izany dia ho very tanteraka isika. Ary tsy misy afa-tsy fomba tokana hihazonana azy ireo araka ny tokony ho izy. Ny sary hoenti-manazava tsotra indrindra ary tsy mety ho tsotra kokoa noho izany, dia ny sampana sy ny voaloboka,

Izao no lazain'ny Tenin' Andriamanitra antsika ao amin'ny Jaona 15: 6: “Raha misy tsy miray Amiko dia ariana eny ivelany tahaka ny sampany izy ka malazo; ary angonina izy ka atsipy ao anaty afo, dia ho may.” Ny sampana izay tsy sampana mitoetra dia tsy misy mety hatao azy afa-tsy ny hodorana. Tsy misy ilàna azy. Tsy misy ilàna azy tanteraka mihitsy. Ahoana no hampifandraisanao izany amin'ny hoe **raha tsy mitoetra ianao, dia manao asa hafa**. Ny zavatra izay ironantsika ka ataontsika dia izay ataon' i Satana ao amintsika araka izay fironana ao aminy. Ary izany fotsiny ny zavatra rehetra. Na isika mitondra ny vokatra omen' i Satana antsika isika na mitondra ny vokatra izay omen'Andriamanitra antsika.

- Fizarana fahatelo -

Vokatra sy asa

Hitantsika ao amin'ny Galatiana 5:17 ny maha-samihafa ny vokatra sy ny asa. Eto no iavian'ny resaka “asa”. “ Fa ny nofo manohitra ny Fanahy, ary ny Fanahy manohitra ny nofo; ary mifanohitra izy roroa, mba tsy hahazoanareo manao izay zavatra tianareo.” Tena tsy azo atao mihitsy izany. **Ny hany fomba ahazoana “tsy manao izany” dia ny mitsahatra tanteraka, “mitoetra” ao amin' i Kristy.** Mariho ary fa raha tarihin'ny Fanahy ianareo, dia tsy ambanin'ny lalàna; “Fa miharihary ny asan'ny nofo, dia izao: Fijangajangana, fahalotoana, fijejojejoana, fanompoan-tsampy, fanaovana odi-ratsy, fandrafiana, fifandirana, adi-lahy, fiafonafonana, fifampindanianana, fisarahana, fitokoana, fialonana, fahamamoana, filalaovan-dratsy, ary ny toy izany, izay lazaiko anareo rahateo, tahaka ny voalazako fahiny koa, fa izay manao izany, dia tsy handova ny fanjakan' Andriamanitra”. Galatiana 5:18-21.

Izany no zavatra ataontsika izay fironana ao amintsika. Isan-karazany ireo fa ny zavatra tiantsika hatrehina manomboka izao dia ny hoe **tsy maintsy mifamatotra tena akaiky dia akaiky ny sampana sy ny voaloboka**. Inona ary no tena mampisaraka matetika ny voaloboka sy ny sampana? Inona? Izaho? Ny fanaovana antsirambina? Ny fanamboarana? Mety misy vokany izany; nefa tsy izany no zava-dehibe indrindra. Ny fahotana? Inona no mitsofoka manelanelana? Ho

gaga ve ianao raha hilazako fa ny zavatra tena manelanelana indrindra dia ny resaka "**vokatra**"? Ny zavatra indrindra izay nokasaina hataon'ny sampana no mitsofoka manelanelana. Ary Andriamanitra nibaiko fa ny sampana dia tsy hanao afa-tsy ny mamoa, ary nataony hanao izany ny sampana ary **ny hanao io zavatra io indrindra izay nokendren' Andriamanitra ataony io indrindra no mampisaraka ny voaloboka sy ny sampana**. Ho tsakotsakoina izany.

Ny tontolo iainana sy ny famoazana

Ny olana dia isika no sampana. Efa nandre sampana ve ianao niteny hoe: mba te-hamoa paoma aho amin'ity indray mitoraka ity na dia hazo paoso aza aho. Toa te-hamokatra "abricots" indray aho amin'ity. Na zavatra mety ho zava-misy kokoa, dia izao. Olona manao hoe: ity resaka mamoa ity anie ka marina saingy tsy azonareo ny toerana misy ahy, satria raha ianao no mipetraka eo amin'ny toerana izay misy ahy, miaraka amin' ny olona miara-belona amiko ianao, dia ho hitanao fa tena ho hafa mihitsy ny tantara satria tsy afaka mamoa ianao eo amin' io toerako io. Efa nandre olona nilaza zavatra tahaka izany ve ianao? Tsy afaka mamoa fotsiny izao izy eo amin'ny toerana tahaka izany.

Etsy ange, sampana inona, na dia eo afovoan'ny zaridaina aza no miteny hoe: jereo ange. Ho afaka mamoa aho raha tery ivelany tery, eo afovoan'ny saha any ho any. Ny olana amintsika dia **ny tontolo misy antsika no ijerentsika ny resaka mamoa**. Eo no tena ipetrahan'ny olana. Tena tafasaraka tanteraka, tapaka tsy eo amin'ny voaloboka ny sampana, matoa manjary milaza hoe: tsy afaka mamoa aho eo amin'ny toerana misy ahy. Firy ny olona niresaka tamiko niteny hoe: izao anie, tsy hitanao izany miasa eo amin'ny toerana izay hiasako. Ianao anie mpitoriteny e, mitety ny olona izay tena mora hiresahina, fa raha miasa miaraka amin'ny karazan' olona hiarahako miasa ianao, manompa, miteny ratsy, fantatrao daholo izany, dia ho sahirana ianao.

Tsy misy ifandraisana mihitsy amin'ny famoazana ny tontolo misy ny sampana, tsy izany ve? Tsy misy mihitsy na kely aza. Ny hazo paoma eo afovoan'ny hazo kointsy maromaro dia mbola hamoa paoma ihany, tsy izany ve? Tsy tokony hitovy amin'ireo izy ka hilaza hoe: Aleo aho hamoa kointsy amin'ity indray mitoraka ity. Tsy tokony hanao izany izy. Fa izay no olana amintsika. Mahita izany isika ary mijery ny tontolo iainana misy antsika isika dia **tonga ny eritreritra hoe tokony hifanaraka amin'ny zava-misy aho**. .

Ny zavatra rehetra resahiko momba ny fialan-tsiny ataontsika sy ny tena olana dia isika manala-tsiny ny tenantsika tsy mamoa noho ny antony 1, 2, 3, 4, 5. Fantatrao fa raha sahala amin'ny ahy ny fianakavianao, raha zaza mandrotika anao tahaka ny ahy ny zanakao lahy. Isan'andro vaky izao dia zavatra tahaka izany no tsy maintsy zakaina. Fialan-tsiny daholo tsy hamoazana izany. Izay maha-izy ihany no ataon'ny sampana, ireo voninkazo mamelana eo amin'ny sampana, dia tsy manao ezaka amin'ny resaka famindrana vovombony, manao ezaka ve izy? Miandry an' Andriamanitra any an-danitra izy hanao izany koa. Tsy misy ezaka ataony ny amin'izany; Mitondra ny voniny fotsiny izy dia miasa ny vovombony noho ny asan'

Andriamanitra eo amin'io voninkazo io. Araka izay hanaovany izany na amin'ny alalan'ny tantely izay mitondra ny vovombony na entin'ny zavatra hafa, na rivotra na inona na inona izany. Hitombo tsara ara-dalàna ihany ny zava-maniry, nefa tsy misy ezaka ataon' ny tenany momba izany.

Io no lesona tian' Andriamanitra ekentsika satria ao an-tsaintsika ao fotsiny ny hoe sarotra ho ahy ny mamoa noho ny tontolo iainako. Tonga ny rivotra, na ny tafiotra, na ny hatsiaka, na zavatra karazan' ny toe-javatra tsy ara-dalàna. Tsy isalasalana fa misy asany eo amin'ny famoazana izany. Tsy fantatro marina ny fomba hilazanao izany. **Heveriko fa tokony horaisina izay rehetra tsy ara-dalàna handraisana lesona azo ampiharina**, ho sary enti-manazava. Marina ny sary enti-manazava. Indro ny andrian' ny herin'ny rivotra ary lzy no manao izany, ka mety ho sary afaka manazava izany.

Ny karazan'asa ataoko hatramin'izao, dia izay hitarihin' Andriamanitra ataoko, raha ny amiko dia fifaliana ho ahy. Tsy misy na inona na inona eo amin'ny asa izay efa nataoko, ka nitarihan'ny Tompo ahy ataoko, no enta-mavesatra ho ahy. ... Fa ny "mitoetra" eto tsy hoe mipetraka ary tsy manao na inona na inona arabatana ary tsy tokony hihevitra ianao fa afaka mipetraka fotsiny eo amin'ny dabilio ao am-pianganana dia mody ary mipetraka amin'ny seza savily eo amorom-patana. Miandry, mitoetra ary matoky, mikasika ny fihetseham-po izany.

Fiankinana feno

Amin'ny ara-tsaina dia manaiky an' i Kristy aho ary misy fihetseham-po ny "mitoetra". Ento no tena olana, **Tsy mamboatra ny Tompo raha tsy mamoa aho**. Raha manomboka mamboatra lzy alohan'ny hamoazako, dia mandratra izany.... Nefa rehefa mamoa aho; dia mamboatra lzy. Dia mamoa bebe kokoa. Ary mamboatra bebe kokoa lzy. Tsy mbola izany no tena zavatra tiako ahatongavana. Mila bebe kokoa hatrany amin' izany zavatra maharary izany aho. Nefa mamboatra bebe kokoa lzy, ary mitombo ny voa.

Tonga daholo izany iny izaho "mitoetra" iny. Ny olona "izay mitoetra" dia tsy "mitoetra" amim-piadanana ao amin'ny fitsapana sy ny tebiteby rehetra, koa miverina indray amin'ny zavatra mitovy ary isika, fa tsy misy hifandraisana amin'ny famoazana na amin'ny hoe "mitoetra" ny tontolo iainana. "Mitoetra" tsotra fotsiny sy tanteraka sy amin'ny fomba feno izy, na dia eo aza ny tontolo iainana. Miverina eo amin'izay nanaovantsika fialan-tsiny ny amin'ny tsi-famoazana isika noho ny tontolo iainantsika na noho ny toe-javatra tena misy marina ny momba ahy manokana. Ny tebiteby sy ny fitsapana rehetra avy amin' ny hery miasa mangina avy any ivelany, dia lzy no mikarakara ny momba izany. Toy izany ireo fialantsika tsiny rehetra izay entintsika hanamarinana ny antony tsy hamoazantsika marina tokoa.

Raha miresaka famoazana isika dia miresaka momba ny vokatra ny Fanahy: fitiavana, fifaliana sy fiadanana... raha lazaina amin'ny teny hafa dia miresaka momba ny toetra amam-panahin' i Kristy isika. Nahoana no tsy hitako eo amin'ny fiainako ny toetra amam-panahin' i Kristy? Nahoana no tsy hitako eo

amin'ny fiainanao izany? Nahoana no tsy hitanao eo amin' ny fiainako? Ary eo amin'ny fiainan'ny tenanao?

Fironana ao amintsika ny manao ireo fialan-tsiny samihafa sy isan-karazany ireo satria tsy azontsika marina ny tena fototry ny famoazana na dia tena mampivelatra ireo toetra manokana ireo aza isika, izay ataontsika hoe famoazana. Andeha hokolokoloiko ny faharetana amin'ny maha-vokatra azy. Hokolokoloiko ny fitiavana. Andeha ho tia io olona io aho na dia mamono ahy aza izy. Afaka manao izany ve ianao? Mahatsikaiky izany! Hamidin'ny devoly anefa isika amin'izany ary tapa-kevitra ny hizaha isika. Impiry aho no niteny tamin'ny mpivady izay nilaza hoe: ho tia azy aho tahaka ny zavatra farany indrindra eto an-tany", ary tena ho tia aho! Zavatra tena mahatsikaiky izany.

Raha mitoetra ao amin'ny voaloboka isika, dia inona no mitranga? Mipoitra ny fitiavana. Raha raisintsika ny zavatra rehetra, dia hanome isika. Raha manome isika, dia tokony handray. Tsy afaka hahavita izany ianao raha tsy eo Izy. Tsy mampaninona izay finivanao, fa tena tsy azo atao tanteraka izany. Ny sampana misaraka amin'ny voaloboka dia mendrika atao inona? Hodorana ary izay ihany. Tsy misy zavatra hafa mahaso ny aminy. Fantatrao fa iray minitra ihany no aharetany. Hisy hafanana dia izay no izy. Ary izay no farany momba azy. Ary izay indrindra no nokasain' i Jesosy hambara. Marina feno indrindra io sary io sady tsotra indrindra ka sarotra, eny tena sarotra ho antsika ny mino azy fotsiny.

Ny zavatra voalohany indrindra tiako apetraka ao an-tsainareo dia ilay lesona voalohany voarakitra ao amin'ireo andininy ao amin' ny Soratra Masina ireo, dia ny leson'ny fiankinana feno sy tanteraky ny sampana. Fiankinana feno sy tanteraka. Tsy afaka ho velona ny sampana, tsy afaka hisy, tsy afaka hamokatra, tsy afaka hanao na inona na inona, raha tsy mitoetra ao amin'ny voaloboka. Ary io "mitoetra"io dia 24 ora isan'andro ary 365 andro isan-taona. Mitohy izany. Tsy resaka andro Sabata na fotoana Alarobia izany , fa resaka "mitoetra" isan' andro sy mitohy. Ary raha mitoetra ao amin'ny voaloboka ny sampana, dia tsy afaka tsy an'inona izy? Ny tsy hamao. Tokony hamao fotsiny izy. Izay no araka ny maha-izy azy. **Tsy afaka ny tsy hamao tsotra izao izy. Ary izany no fanamarinana amin'ny finoana.**

- Fizarana fahefatra -

Ilay tena voaloboka

"Izaho no tena voaloboka, ary ny Raiko no mpamboatra. Ny sampana rehetra eto amiko izay tsy mamoha dia esoriny; fa ny sampany rehetra izay mamoa kosa dia amboariny, mba hamao bebe kokoa. Efa madio rahateo ianareo noho ny teniko, izay nolazaiko taminareo.

"Tomoera amiko ianareo ary Izaho aminareo. Tahaka ny sampana tsy mahay mamoa ho azy, raha tsy miray amin'ny voaloboka izy, dia toy izany koa ianareo raha tsy miray amiko. Izaho no voaloboka, ianareo no sampany. Izay miray amiko ary Izaho aminy, dia mamoa be izy; fa raha misaraka Amiko kosa ianareo, dia tsy mahay manao na inona na inona (raha misaraka amiko: na tapaka tsy eo amiko). Raha misy tsy miray amiko dia hariana eny ivelany tahaka ny sampany izy ka malazo; ary angonina izy ka atsipy ao anaty afo, dia ho may. Raha miray amiko ianareo, ka mitoetra ao anatinareo ny teniko; dia angataho izay tianareo na inona na inona, fa ho tonga aminareo izany. Izany no ankalazana ny Raiko mba hamaozanareo be ka ho tonga mpianatro ianareo." Jaona 15:1-8.

Tsaroanao ny toe-javatra manodidina io teny io, dia izay nolalovan' i Jesosy raha vao vita ny Fanasan' ny Tompo, rehefa nankalaza ny Paska niaraka tamin'ny mpianany Izy sy nanorina ny Fanasan'ny Tompo, ary rehefa izany, vita ny fanompoam-pivavahana, dia nipetraka teo Izy niteny tamin'ny mpianany ka hoy Izy hoe: "Mitsangàna, andeha isika hiala eto". Jaona 14:31, dia nitsangana niala teo an-databatra Jesosy, nivoaka ny trano Izy ary diabolana iny alina iny, voalaza fa nankeo amin'ny voaloboka Izy. Fotom-boaloboka tsara tarehy, be voninahitra.

Naneho an-tsary mandrakariva ny tenany ho voaloboka ny firenena jiosy. Tian' i Jesosy nahitsy nazava tsara izany ary nijoro teo anoloan' ny voaloboka teo Izy, tamin'izay dia notarafin'ny diabolana ireo sampahom-boaloboka miantona amin'ny voaloboka; Nampiasainy izany araka ny fahazarany mampiasa ny zava-boary ho sary enti-manazava.

Nampiasainy izany hanesorana ny hevitra diso efa noraisiny ka hoy Izy: "Izaho no tena voaloboka". Nihevitra izy ireo ho tena voaloboka, hoy kosa Jesosy izao hoe: "Izaho no tena voaloboka, ary ny Raiko no mpamboatra, ny sampana rehetra eo Amiko izay tsy mamoa dia esoriny."

Ny asan' ny voaloboka

Tsikirintsika fa tsy misy fikendrena hafa noho ny hamao ny sampana. Ny hany fikendrena ny sampana dia izao: ny voaloboka mamelona ny sampana ary ny sampana, toy ny fitaovana iavian'ny vokatra. Ary izay no nikendrena azy. Eo amin'

izay hisian'ny famoazana vokatra izay, raha ny tena izy, eo koa no ipetrahan'ny olana. Ahoana no hany fomba hamoazan'ny sampana? Amin'ny fitoerana eo amin'ny voaloboka. Tsy afaka mamoa ny sampana amin'ny fanaovana ezaka, tsy misy ezaka na toy inona na toy inona, tsy misy ezaka atao mihitsy. Mamoa ny sampana ara-voajanahary raha mbola manao zavatra iray izy. Raha mbola mitoetra ao amin'ny voaloboka izy. Tsy misy hery sy ezaka tokony hampiasainy ka hitenenany hoe: heveriko fa tsy hanana sampahom-boaloboka iray aho eto na etsy, tsy misy karazan-javatra toy izany ataony, fa mamoa fotsiny izy.

Ny voaloboka mihitsy no manao ny asa rehetra. Mandefa ny fakany ny voaloboka, ny tangolombahiny, mety alefany any amin'ny metatra maromaro any izany. Fakany madinika kely hitady famelomana sy hamandoana any anaty tany izany. Entiny izany famelomana izany ary havadiny ho tsiron-kazo sarobidy alefany any amin'ny voaloboka ka horaisin'ny sampana izany. Dia ataon'ny sampana inona izany? Hitanareo fa fitaovana ihany ny sampana satria araka izay ahatongavan'ny tsiron-kazo sy hikoriantany ho any sampan' io voaloboka io, no hisian' ny raviny aloha eo amin'ny sampana, mandray ny hazavan'ny masoandro ny ravina, ny tanamasoandro no iavian'ny aina, raha ny tena marina, izy no iavian'ny aina eto amin' ity planeta ity.

Misy fanovàna ara-tsimika izay mitranga ao amin'ny simian'ny zava-maniry ary tsy noho ny zavatra ataon'ny zava-maniry no mahatonga io fanovana io, satria tsy misy na inona na inona ataon'ny sampana. Eo fotsiny amin'ny maha-fitaovana azy izy. Izay ihany. Fitaovana tanteraka. Ary misy lesona lehibe ao amin'izany izay tena ilaintsika ianarana.

Ny sampana tsy mamoa

Ny tena fisedrana ny sampana rehetra dia ny famoazana. Ary raha tsy mamoa ny sampana, dia tsy misy ilàna azy. Hoy ny Soratra Masina hoe: “Esorina izy”. Karazan-javatra mahavariana izany satria izao no voalaza ao amin'ny andininy faharoa:: “Ny sampana rehetra izay tsy mamoa dia esoriny”, Efa noeritreretinao ve ny hoe” esoriny”, **iza no manaisotra? Ny mpamboatra. Iza no mpamboatra? Ny Ray. Andriamanitra izany. Andriamanitra no manala ny sampana tsy mahasoa mba hametrahana antsika eo amin'ny toerantsika** satria maro amintsika no tia manao ny fandratsanana. Tiantsika ny manao ny fanetezana. Tiantsika ny hanao izany.

Raha ampitahaina amin'ny Matio toko fahafito io toro-hevitra naverin'i Jesosy io, ny andininy fahenina-ambinifolo sy faha-roapolo, dia misy sary mihamazava tsara momba ny toerantsika ary izay toerantsika raha ny mikasika ny fahamarinana. ‘Ny voany no hahafantarana azy’. “Mitandrema ianareo fandrao voafitaky ny mpaminany sandoka, izay mankao aminareo amin'ny fitafian'ny ondry, fa ao anatin'ny dia ambodia mitoha izy.” “Ka dia ny voany no hahafantarana azy”.Matio 7:16, 15, 20.

Inona ary no ataontsika rehefa fantatsika izany? Rehefa fantatsika izany? Inona no ataontsika? Hita fa ny tena fironana ao amintsika dia ny miezaka maka ny toeran'ny mpamboatra dia mijoro eo, manao ny fampisarahana. Izay foana no fironana. “Tampo, tianao ve ny hanogontanay ny inona? Ny tsimparifary? Ahoana no navalin' i Jesosy? Aoka ihany hiara-maniry izy roroa, mandra-pahatonga ny inona? Ny fararano, Iza no hanao ny fanongotana?, Ny mpamboatra roana. **Asan' Andriamanitra fa tsy asantsika izany.** Ary isaorako ny anarany noho izany satria tsy mora ny mahita ny voany raha ny fijerin'ny olombelona; Ary tsy zavatra azo antoka, nefa Andriamanitra dia milaza amintsika fa ny voany no hahafantarantsika azy.

Ny voany no ahafantarana azy

Rehefa misy mpaminany, ary natao mikasika mpaminany izay milaza ny tenany ho zavatra izany fanambarana izany, dia ny voany no hahafantarantsika azy. Nahoana? Satria azo atao foana ny manamarina ny voany amin'ny Tenin' Andriamanitra na voany izany na tsia, fa rehefa **fantatsika daholo izay fantatsika**, amin'izay, dia zavatra izay tokony ho tsaroantsika. Mampitombo ny **fahalalako** fa tsy anjarako ny mitsara na dia amin'izay fotoana izay aza. Ny fitsarana dia navela tanteraka sy feno amin' Andriamanitra, fa ny ho ahy dia ny **mahafantatra** ary nomen'Andriamanitra ho ahy ny fomba hanamarinako izany. Koa ny voany no tari-dàlana nomena antsika.

Voalaza izao fa “ny sampana rehetra izay tsy mamoa, dia esoriny”. Misy teny mahaliana nosoratan' ‘i A. Murray’ Aoka isika hitandrina amin'ny fomba manokana momba ny fahadisoana lehibe iray. Maro ny Kristiana no mihevitra fa ny famonjena ny tenany no voalohan-daharana. Manaraka izany dia ny **fiainana arabatana** sy ny fanambinana azy amin'ny fikarakarana ny ankohonana.”

Tsy mazava aminareo izany, azoko antoka. Betsaka ny Kristiana no mihevitra fa ny famonjena ny tenany no voalohan-daharana, manaraka izany dia ny fiainana arabatana sy fanambinana azy eo amin'ny fikarakarana ny ankohonany. Fotoana inona sy fitiavana inona no sisa mety ho tavela ho famoazana voany hamonjena olona, tsy mahagaga raha , amin'ny ankabeazany, dia kely dia kely ny fotoana na ny fitiavana mety ho hita. Tsia, ry Kristiana, ny hany antony nanaovana anao ho isan'ny tenan' Andriamanitra dia ny **hanatanterahanao ny asany mahavonjy**: Ny hany antony nanaovan' Andriamanitra anao ho sampana **dia mba hitondran' i Kristy fiainana ho an'ny olona amin'ny alalanao**. Ny famonjena anao manokana, ny asanao sy ny fikarakaranao ny ankohonanao dia fehezin' izany tanteraka. Hoy Andriamanitra hoe: Izaho no Tena Voaloboka, ianareo no sampana.

- Fizarana fahadimy -

Ny fikasan' Andriamanitra ny aminao

Ny hany fikasan' Andriamanitra ho anao dia ny manao anao ho sampana izay izarana ny fiainana ho an'ny olona amin'ny alalan' ny inona? Ny voany. Ny voany no mamelona na iza na iza mankeo amin'ny voaloboka; tsy marina ve izany? Ary sampana isika, tokony hitondra voany isika, amin'izay dia tokony hanome ny sakafo isika izay ahafantaran'izao tontolo izao ny Tompo Jesosy..

Izany ve no anton'ny teny vakiantsika milaza fa miandry ny olony Andriamanitra hanao inona? **Hitaratra tanteraka ny endriny.** Nahoana? Satria ny zavatra tena hitany no hany afaka mamelona ny lehilahy sy ny vehivavy. **Voasintona ho eo amin' i Kristy izy hanatona Azy amin'ny alalan' ny inona? Amin'ny alalan' izay hitany.** Ny hany antony nanaovan' Andriamanitra anao ho sampana dia ny hitondranao fiainana ho an'ny olona . **Ary ny famonjena ny tenanao manokana, ny asanao, sy ny fikarakarana ny ankohonanao dia fehezina izany zavatra tokana izany.** Filazana miezinezina izany. Zavatra tena mora ny mametraka ho voalohan-daharana ny fikarakarana rehetra ny tenako, na ny ankohonako , ny zanako. Mahatsapa ny mahavita zavatra ambony sy tsara aho, satria ny olona izay mijery ny ankohonany dia raisina ho olona tena tsara. Zava-dehibe izany, tsy misy maharatsy an'izany. Nefa ny zavatra voalohany ary ny fikendrena voalohany amin'ny fiainany dia tsy ny fikarakarany ny ankohonany. Fa ny inona? **Ny hitondra voany.**

Hita fa ny tsy maintsy ataony voalohany dia ny fifandraisana amin' Andriamanitra, fa tsy ny famonjena ny tenany. Raha mifototra feno amin'ny famonjena ahy ny fifandraisako amin' Andriamanitra, dia ho manao ahoana izany fifandraisako Aminy izany? Ho tia tena. Ny fifandraisako amin' Andriamanitra kosa dia **satria tiako ny hitoetra ao amin'ny voaloboka mba ho tonga sampana mahatoky ka hamoa,** amin'izay dia manantanteraka ny fikendrena namoronan' Andriamanitra ahy aho; izaho no voaloboka, ary ianareo no sampana. Ho voakarakara ny ankohonana, ary ireo no voalohany handray tombon-tsoa.

Ny zavatra kendrenao voalohany amin'ny fiainana, ny zavatra kendrenao voalohany isan'andro dia **tokony ny ahafantatra ny fomba tian' i Kristy hanatanterahana ny fikasany ao aminao.** Efa novakianao ve fa ny asa voalohany indrindra nataon' i Kristy dia zavatra iray ihany? Isa maraina dia nitady tari-dalàna avy amin'ny Rainy any an-danitra Izy ny amin'izay tiany hatao io andro io. Inona no asanao voalohany indrindra? Toy izany koa. **Handray ny toro-marika vaovao isa-maraina.**

Misaina araka ny sain' Andriamanitra

Mariho ity fizarana faharoa;"Aoka isika hanomboka hisaina araka ny sain' Andriamanitra." O! Raha mba afaka isika hahatakatra izay rehetra voarakitra, izay rehetra voafehy ao amin' izany firaisan'ny voaloboka sy ny sampana izany, sy ao amin' ilay fanoharana nambaran'i Jesosy ny alina farany talohan'ny nanombohana Azy teo amin'ny hazo fijaliana! Ny hany anton'ny maha-sampana ahy, ny hany zava-kendrena ny maha- tena sampana ahy, ny hany fepetra hitoerako sy hitomboko hanan-kery dia ny hamoazako ny voan'ny voaloboka ny lanitra hohanin'ny olona eo ambavahaona ka ahavelona azy. **Ny hany zavatra izay hananako toky tanteraka dia Kristy no voaloboka ary ny Ray no mpamboatra ahy; tena mety ho tonga sampana mamoa aho; tsy misy olona na iray aza tokony hihevitra fa tsy afaka ho sampana mamoa izy; tsy misy olona manirery avela any ivelany.**

Ny fahafam-po amin'ny tena

Hoy Jesosy: raha misy sampana tsy mamoa, dia esoriny. Izy no manaisotra azy amin'ny fotoanany. Amin'ny fomba izay hanaovany azy. Tsy asako izany.Azy izany. Fa ny sampana rehetra izay tena mamoa, dia misy zavatra ataony aminy. Nahoana ary no miteny momba izany Izy? Dioviny izany. Manjary io famoazana io no tena olana eo amin'ny ankabeazan' ny olona misaina satria voafitaka isika ary notarihin' i Satana tsy hazava ny tena atao hoe mamoa ho antsika.. Hiverenantsika izany ao aoriana kely; fa hoy Jesosy eto hoe ny sampana rehetra izay mamoa dia dioviny mba hamoa bebe kokoa. Ny tena loza ao amin'ny fiainan' ny Kristiana, ny tena loza marina ao amin'ny fiainan' ny Kristiana dia **ny fahafam-po amin'ny tena.** Manaiky izany ve ianao? Inona izany afa-po amin'ny tena izany?

Hitantsika ao amin'ny Apokalypsy 3:14-18 ny hafatra ho an'ny fiangonana ao Laodikia . Ary hita ao io toetra matimaty io, ilay olana mampihavaka natrehin'ny fiangonana hatrizay, fa toetry ny fiangonana farany manokana, Ny fiangonana ankehitriny izany: "Ary soraty ho an'ny anjelin'ny fiangonana ao Laodikia : Izao no lazain'ny Amena, dia Ilay Vavolombelona mahatoky sy marina, izay niandohan'izao zavatra noharian' Andriamanitra izao: Fantatro ny asanao fa tsy mafana na mangatsiaka ianao; aleo ho mangatsiaka na ho mafana ianao. Fa satria matimaty ianao ka tsy mafana na mangatsiaka dia efa haloan'ny vavako ianao. Fa hoy ianao: manan-karena sy efa niary fananana be aho ka tsy manan-java- mahory; kanjo tsy fantatrao fa ianao no ilay ory sy mahantra sy jamba ary mitanjaka dia manoro-hevitra anao Aho hividy amiko volamena voadio tamin'ny afo mba hanan-karena ianao, ary fitafiana fotsy hotafianao mba tsy hisehoan'ny henatrao noho ny fitanjahana ary odi-maso hahosotrao ny masonao mba hahiratanao. " Apokalypsy 3:14-18.

Ny olana amin'ny Kristiana manirery rehetra eo amin'ny lalan- diaviny dia tsy ny olana amin'izy tsy mamoa, fa rehefa tena mahatsapa izy fa namoa kely, nahatsapa kely ny amin'ny fitiavan' Andriamanitra izy, nahatsapa fifaliana kely ny amin'ny famonjena, nanana fanandramana kely izy, ary nisandratra ny amin'izany, **dia maka toerana izy ka mahatsiaro ny sisa amin'ny fiainany.** Izay no ivelomany sy anton-dresany ary toy izany hatrany ihany. **Dia diso azy ny maha-sampana mamoa bebe kokoa azy.** Mahatalanjona ny mety ho vitan'ny sampana ka inona no

mitranga? Tonga ny mpamboatra ka manomboka manadio izy mba hamoazantsika bebe kokoa.

Mamoa bebe kokoa

Inona no mamoa bebe kokoa? Ary iza no mamoa bebe kokoa? Ny fanamboarana na ny fanadiovana dia kasaina hanao zavatra iray, dia ny hitaona antsika ho amin'ny **fifandraisana etyety kokoa amin' Andriamanitra** mba ahatonga antsika ho fantsona mahomby kokoa na ho fitaovana izay hisehoan'ny voany. Izay no fikendrena azy; tsy misy hery hananantsika. Tsy misy Kristiana izay manan-kery ao aminy. Tsy misy na inona na inona mety ho vitantsika. Ny zavatra tokony apetratsika voalohany indrindra dia ny hoe inona izany, ahoana no fandehany, ahoana no tena fitrangany.

Ao amin'ny boky faha-7A ny Hevi-teny momba ny Baiboly pejy 1114, izay hita koa ao amin'ny boky mitondra ly loha-teny hoe Fanamarinana amin'ny finoana, dia misy famelabelarana momba ny firaisana amin' i Kristy, ny sampana miaraka amin'ny voaloboka; ny firaisana amin' i Kristy amin'ny alalan'ny finoana velona dia maharitra, **tsy maintsy ho levona ny firaisana hafa rehetra**. Kristy no nifidy antsika voalohany ary nandoa ny fanavotana antsika tamin'ny vidiny tsy hita lany, ary ny tena mpino dia mifidy an' i Kristy ho voalohany, sy farany ary ny tsara indrindra amin'ny zavatra rehetra.

Ny loharanon-kery

Misy sandany amintsika io firaisana io; fifandraisana midika ho fileferana feno ho an'ny olona miavona izany. Inona ary no vokatr'izany amin'ny avonavona? Aza milaza amiko hoe tsy miavona ianao, satria miavona daholo isika rehetra. Ny tiako holazaina dia anisan'ny maha-izy antsika izany. Samy manana toetra mivohy ny izaho isika raha raisina samirery. Ny hany fomba afahantsika amin'izany dia ny manaiky ny fikendrena ho an'ny sampana. Misy loharanon-kery izay azon'ny sampana raisina avy amin' ny inona? Avy amin'ny voaloboka. Io no loharanon-kery ho antsika. Io no hany loharanon-kery. Io no iavian'ny hery. Nefa mitady hafa hatraiza hatraiza isika. Mandeha any amin' i Nenitoa Jeannie, na i Dadatoa Tom. Handeha hatraiza hatraiza isika, hotratrarintsika ny zavatra rehetra, ataontsika daholo ny zavatra rehetra na inona na inona, afa-tsy ny mandray avy amin'ny voaloboka, raha ny tena izy. **Ny antony dia satria tsy tiantsika ny ala-olana omen'ny voaloboka antsika..** Misotro **lalindalina kokoa** ny ran' i Kristy. Tsy tokony hanohana ny voaloboka ny sampana. Tsy tokony mihitsy. Mandray avy amin'ny voaloboka ny sampana ary zavatra mitohy izany. Izany no nikendrena ny sampana. **Fitaovana fotsiny ihany. araka izany ny fifandraisantsika amin' Andriamanitra, izany no ilazan' Andriamanitra hoe: tokony hiditra amin'izany ny miavonavona.** Nahoana? Satria izany no **lalan'ny fanetren-tena**. Rehefa tsapako fa tsy mahavita na inona na inona amin'ny tenako aho, rehefa tapahina avy amin'ny voaloboka ny sampana, angonina sy hodorana no mety atao aminy. Ao amin'ny andininy fahenina izany. Izay ihany no azo atao aminy.

Izao no ambaran'izany: izay rehetra miditra amin'izany firaisana izany **dia tsy maintsy mahatsapa ny ilàny ny ran' i Kristy manavotra azy. Izany no rà mitondra aina. Tsy maintsy hotsapan'ny sampana ny ilàny io tsiron-kazo io. Io no rano mikoriana mitondra aina. Tsy maintsy hotsapantsika ny filàna ny ran' i Kristy manavotra antsika. Raha tsy zava-misy ho anao sy ho ahy ny nahafatesan' i Kristy, ny nandevenana Azy sy ny nitsanganany tamin'ny maty, ny fanavotana nataony teo amin'ny hazo fijalian' i Kalvary, raha tsy tena izany no ivon'ny fisainantsika, dia tsy misy antony ny fivavahantsika;** Voafatotra amin'ny voaloboka ratsy isika. Kristy no voaloboka, ary rehefa mandray hery avy amin'ny voaloboka isika, dia mandray izany avy amin' i Kristy. Nandray ny ratra izay nanaovana grefy ahy sy ianao Kristy.

- Fizarana fahenina -

Vita grefy

Milaza ny amin'ny fanaovana grefy i Paoly ao amin'ny Romana 14. Milaza amintsika izy ao fa natao grefy tamin'ny voaloboka isika. Alohan'ny hanaovana grefy amin'ny zava-maniry, inona no tsy maintsy atao amin'ilay zava-maniry? Ilay taho-fototra? Tsy maintsy ratraina izany. Tsy maintsy misy fandidina atao. Tsy maintsy ratraina mafy io taho io, hosokafana izany ratra izany ary apetraka ao anatin'io ratra io mihitsy ny grefy, avy aùin'ny ratra no andraisany aina. Ny ainao sy ny ahy, ny herintsika dia avy amin'ny fanavotana, ao no hiafenan'ny heriny. Ao no hiafenan'ny heriny. Tsy satria Jesosy no mpamorona, tsy ny maha-lehibe sy mahagaga an'izany, tsy ny maha- mahatalalanjona an'izany, tsy ny hoe Izy mahay miantso ny maty ho velona, manan-kery mahagaga, mahavelom-bolo, mampangitakitaka izany, fa ny hany zavatra lehibe indrindra izay manome aina ahy dia Izy, Andriamanitra, nanaiky ho faty ho ahy mba ahazoako atao grefy ka hanana aina.

Afa-po tanteraka isika eo amin'ny fiainantsika mihevitra fa raha misy zavatra tsara ataontsika, dia mety mahazo fiainana isika. Mahatsikaiky izany. **Ny hany loharanon'aina dia ny mandray anjara amin'io tsiron-kazo io izay tsy hafa fa ny ran' i Jesosy Kristy.** Tsy misy loharanon'aina hafa; Raha tsy raisintsika eo izany, dia tsy manana fotsiny izao isika. **Tsy maintsy mandray fiovam-po.** Iza? Ny sampana. Tsy maintsy miova fo ny sampana. Handray loharanon' aina hafa ny sampana. **Tapaka teo amin'ny fototra niaviany izy, dia napetraka eo amin'ny tena voaloboka izao, ary ny sakafo avy amin'ny tena voaloboka izao dia ahatonga azy hanana karazam-boany vaovao.** Hanana fanandramana vaovao izy, fo vaovao **satria ny fon' i Jesosy izao no manome aina mikoriana ho an'io sampana io;** Tsy maintsy mampilefitra ny sitrapony amin'ny sitrapon'Andriamanitra izy.

Fisarahana sy firaketana

Eto dia manomboka ny zava-manahirana ho antsika. Tsy maintsy mampifititra ny sitrapon'ny tenany amin'ny sitrapon' Andriamanitra isika. Hisy tolona sy ady amin'ny sakana avy ao anaty sy avy eo ivelany. Tsy maintsy hisy asa mampahory ;;; momba ny inona re? Fisarahana. Asa mampahory amin'ny fisarahana sy firaketana.

Inona izany. Tokony ho tafasaraka amin' inona aho? **Ny avonavona.** Hitanao fa izany no zavatra tena voalohany. Tsy maintsy ataon'ny olona miavona, ho kapaina hisaraka amin'ilay loharanon' avonavona efa tranainy isika. Ilay fototra izay nampitombo ny avonavona raha ny tena izy, **Hosarahana tamin'ny avonavona, ny fitiavan-tena, ny eboebo, ny fitiavana an'izao tontolo izao.** Tsy maintsy horesena ny fahotana amin'ny endriny rehetra. Tsy misy afa-tsy lalana tokana ahazoana mandresy azy **dia ny ho tafasaraka aminy.** Tsy maintsy tafasaraka amin' ny inona ianao? Amin'ny loharanon'ain'izany zavatra izany. Ny loharanon'ain'ny avonavona, ny fitiavan-tena, ny fahotana araka ny endriny, dia izao tontolo izao izany.

Tsy maintsy hosarahina amin'ny fitiavana an'izao tontolo izao aho izany. Izay no antony hilazan'ny Baiboly hoe: raha tia izao tonolo izao isika dia tsy maninona ny fitiavan' ny Ray? Tsy mitoetra ao amintsika. **Ka tsy afaka manao marimaritra iraisana ianao, tsy afaka mampifangaro azy roa ianao; tsy afaka ampitambatra azy ianao, mifanohitra mankarary ireo.** Ary ny olona izay heverinao fa afaka mamikitra an'izao tonolo izao amin'ny tanany ilany ary Jesosy Kristy Tompo amin' iray, dia mamita-tena fotsiny. Tena tsy azo atao tanteraka mihitsy izany. Izay no antony ahitan'ny olona maro ny fiainan'ny Kristiana ho sarotra sy mampahory, mandalo zava-tsarotra toy izany ve ianao?

Mivembena izy ireo, inona no dikan'ny teny hoe mivembena? Miovaova, tsy mitombina, zavatra iray no lazainy ary hafa ny zavatra ataony. Tsy misy sorena amin'izany, inoako izany. Ny antony ahitan'ny Kristiana maro ny fiainany ho sarotra sy mampahory raha mivembena izy, miovaova, dia **satria miezaka ny hamatotra ny tenany amin'i Kristy izy nefa tsy nisaraka amin'ny sampy hankamamiany aloha.** Ary ny tena olana izao dia ny tapan'ny fehezan-teny voalohany. Rehefa miezaka ny hamatotra ny tenantsika amin' i Kristy isika; rehefa mifatotra amin'ny voaloboka ny sampana, iza no mamatotra? Ny mpamboatra.

Ny olana dia rehefa mihevitra aho fa afaka mamatotra ny tenako amin' i Jesosy Kristy Tompo aho, dia tiako atao ahoana izany? Amin'ny fombako. Ary mazava ho azy fa rehefa mamatotra ny tenako amin'ny voaloboka aho, dia azo antoka fa tsy hampiasa ny fomba sarotra sy mampahory manaraka ny fanaovana grefy. Tsy izay no ataoko. Satria, tsy ny taho-fototra ihany no tokony horatraina , **fa, raha atao grefy aho, dia tsy maintsy misy fandratsanana maharary atao amiko koa.** Tsy iny sampana be iny no alaina, iny sampana be eo ivelany iny, izay efa nitondra izao karazam-boany izao ka atsofoka atao grefy. **Fa hetezany izany. Amboariny izany. Tapahiny ary ataony izay ahazoany hifanaraka amin'ilay foto-**

kazo, dia fatorany ao amin' ilay foto-kazo ka manomboka mandray famelomana vaovao tanteraka.

Raha ny tenako no manao io zavatra io, dia izao no holazaiko: Tompo o, aoka hiara-mandeha fotsiny izaho sy ianao. Hila ny fanampianao aho eny ampandehanana eny. Tena amin'ny foko madio izao ary heveriko fa ho vitako izany nefa inoako fa mila ny fanampianao aho. Raha ny marina, dia tena fomba fisainana kristiana eo amin'ny olona maro dia maro izany. Isaky ny tafintohina aho Tompo, dia mijanona akaiky ahy, satria hila ny fanampianao aho isaky ny misy io karazana olana io. Hoy kosa Jesosy: raha tsy miaraka Amiko kosa ianareo dia tsy manao na inona na inona.

Koa niresaka tamin'ny mpianany Jesosy, iny alina farany iny, nandritra ireo ora vitsy farany niresahany. Niezaka Izy hanampy azy ahatsapa ny fahalemeny. Mazava aminao ve fa malemy ianao? Izany no zava-dehibe. Tokony ho tonga saina amin'ny fahalemenao tanteraka ianao; tsy maintsy tsapantsika ny fiankinantsika feno amin' Andriamanitra.

Inona no dikan'ny teny hoe “feno”? Farany indrindra. Ny fiankinantsika amin' Andriamanitra hatramin'ny farany indrindra. Misy fizaran-dahatsoratra hafa koa manao hoe: “raha tsy mbola milefitra tsy misy fepetra amin' Andriamanitra ny olombelona dia tsy mitoetra ao amin'ny tena voaloboka.” Raha tsy mbola milefitra tsy misy fepetra ny fo. Inona ary no dikan'izany? **Tsy misy hazonina.** Raha mbola tsy milefitra tsy misy fepetra amin' Andriamanitra ny fo, dia tsy mitoetra ao amin'ny tena voaloboka ny olona ka tsy afaka hamelana ao amin'ny tena voaloboka ary hamoa sampahom-boaloboka sarobidy. Tsy misy afa-tsy lalana tokana ahazoana manao izany dia ny hoe raha tsy milefitra tsy misy fepetra amin'ny voaloboka.

Voalohany indrindra, ny sampana izay mamoa dia hamboarina. Inona ary ny fanamboarana na ny fanadiovana. Inona no fanamboarana? Ny fanadiovana. Rehefa mahery vaika ny fanamboarana na ny fanadiovana, araka ny hevitrao, inona no ampiasain' Andriamanitra hanamboarana na hanadiovana? Ny fitsapana no ampiasainy. Misy olona tsy hamboarina firy, tsy izany ve, mahalala Kristiana aho izay toa tsy manana olana firy mihitsy. Angamba tsy asehony izany; Mety ho izany. Ho an'ny sasany fomba fanamboarana ny zavatra mizotra tsara, miteny ho azy izany. Mahazatra eo amin'ny Kristiana ny mandray ny fitsapana, ny zava-tsarotra avelan' Andriamanitra hihatra amintsika ho fanamboarana sy fanadiovana. Heveriko fa milaza marina aho fa ny ankabeazantsika dia manaiky fa marina izany. Ho gaga anefa ianao raha miverina eo aün'ny andininy faha-3 isika ka hahita zavatra hafa,

Radio noho ny teniko

Jaona 15;3. Miteny mazava izao Jesosy aloha ny hiresahany amin'ny mpianany momba ny “mitoetra” sy ny maha-tsy maintsy an'izany rehetra izany; Milaza Izy izao hoe efa madio rahateo ianareo noho ny teniko izay nolazaiko taminareo. Resy lahatra tanteraka aho fa ny tenin' Andriamanitra ary ny tenin' Andriamanitra samirery no antsy manao ny fanamboarana. Mety hisy fitsapana sy

zava-manahirana eny am-pandehanana eny izay tena mahasorena antsika. Tsy dia mahasorena antsika ireo zavatra ireo raha ny tena izy. **Fa ny zavatra izay mahasorena antsika momba ny fitsapana sy ny zava-tsarotra dia ny ala-olana omen'ny Tenin'Andriamanitra antsika momba ireo fitsapana sy zava-tsarotra ireo.** Mino izany ve ianao? Arakao ve ny tiako holazaina? Hitanao fa tonga amintsika ireo olana ireo ary mitady ala-olana ao amin'ny tenin' Andriamanitra isika. Dia mazava izany. Ary matetika ny ala-olana dia ny hoe **Minoa Ahy**. Tsy tiantsika izany satria mora kokoa ho ahy ny hiroso raha manao zavatra aho.

Io no loharanon-kery ho antsika, io no hany loharanon-kery ho antsika. Avy eo no iaviany nefa mitady hatraiza hatraiza isika. Handeha ho any amin' i Nenitoa Jeanne isika, any amin' i Dadatoa Tom. Handeha hatraiza hatraiza isika, hamaky ny zavatra rehetra, hanao izao zavatra rehetra izao afa-tsy ny handray ny voaloboka; satria tsy tiantsika ny ala-olana omen'ny voaloboka antsika. Hihevitra lalindalina kokoa ny amin'ny rà'n' i Jesosy Kristy. Zavatra tokana ihany no ambaran'ny Baiboly dia Jesosy Kristy irery ary Izy voahombo. Izay no hany zavatra ambarany. Hatreo aùin'ny Genesisy ka hatramin'ny Apokalypsy, tantara tokana no haverimberina amin'ny fomba maro samihafa ny amin'ny fahafatesan' i Jesosy Kristy, ny nahafatesany hisolo antsika, ny fiainany, ny fahafatesany ho ahy sy ho anao. Ary izay no hany tantara voalaza ao amin'ny Baiboly izay mamolavola ny fiainanao sy ny ahy.

Nefa tsy manintona izany satria tsy misy azo atao afa-tsy ny mankasitraka izany fotsiny. Ny miankina feno amin'izany sy ny matoky izany tanteraka. Izay ihany. Tsy fanandramana tena mampiantanentana izany, tsy izany ve? Hitanao fa tsy tena mamirapiratra izany. Tsy zavatra entinao mivoaka izany ka hivelezana amponga. Miankina sy mino fotsiny ianao; Fantatr' i Jesosy tsara ny maha-zava-dehibe an'izany ary rehefa nilaza tamin'ny mpianany Izy fa izay no valiny rehefa andeha hisetra ny fanandramana mahatsiravina indrindra izay nety hosetrainy izy. Ora vitsy fotsiny tao aorian'izao, dia hiatrika ny fahakiviana lalina indrindra teo amin'ny fiainany ireo. Ora vitsy ao aorian'izao, dia ho faty Jesosy Kristy ka ho eo ivelany izy ireo hihifikifi-doha hanao hoe "noheverinay fa Izy no hanafaka an'Isiraely".

Ary tao anatin'izany fahakiviana izany indrindra no nahatsapany io fanandramana feno io. Hoy Jesosy raha tsy mitoetra ao amin'ny voaloboka ianareo, dia handresy anareo ny fihetseham-ponareo. Raha misotro lalina ny rà'n' i Jesosy Kristy ianareo dia llay voaloboka, dia ho resy ny fihetseham-ponareo. Ary tsy hofehezina ny fihetseham-ponareo ianareo.

Loharano hafa

Loza manao ahoana raha sarotra ho antsika ny hahalala fa ny tokony hifehy antsika ny fihetseham-pontsika fa isika no tokony hifehy azy. Nahoana? Hita fa rehefa tsy mitoetra ao amin' i Kristy intsony isika no tena mahatratra antsika ny fihetseham-pontsika, Ary tsy mampaninona ahy raha ianao na olon-kafa, isaky ny maratra ny fihetseham-poko na voakasika, na mitovy amin'ny anao ny fihetseham-poko. Izany no izy dia satria tsy mandray ny fifaliako, ny heriko, ireo vokatra ny

Fanahy tahaka ny fitiavana, fifaliana, fiadanana aho. Miezaka ny ahazo izany avy aiza aho? avy amin'ny loharano avy ety ivelany. Raha raisiko avy amin' i Kristy izany, inona no fahasamihafana amin' izay mitranga raha Izy no loharanon'izany ary inona no fahasamihafana raha mitranga amintsika avy eo ivelany izany?

Izany ho nanoratan' i Paoly tamin'ny fomba tena kanto ny hoe: na dia vaky sambo aza aho, na dia maty noana aza, sy niaran'ny zavatra rehetra dia nofaranany ny teniny tamin'ny filazana fa tsy nisy nampaninona azy ireo zavatra ireo. Tsy nisy na dia iray aza satria nahita ny loharanon'ny fiainany izy. Io loharano io dia ny voaloboka. **Ary raha mianatra ny hitoetra ao amin'ny voaloboka isika dia tsy mampaninona ahy izay loharano iavian'ny tafiodrivotra. Tsy mampiontsona antsika izany.**

..Lazao ahy anefa. Oviana no nahakivy anao farany noho ny fihetseham-po? Oviana no nanosika anao ny fihetseham-po? Nanao zavatra satria nahatsapa an'izao na izatsy? O! Tena andevon'izany fihetseham-po izany isika. Izany no fomba ahazoan' i Satana antsika. **Ary tsy misy fomba hialana amin'izany afa-tsy ny mitoetra ao amin'ny voaloboka.** Izay ihany no làlana. Fa rehefa mitoetra ao amin'ny voaloboka dia lasa ny fihetseham-po. Hoy Jesosy efa madio ianareo noho ny teniko ary raha raisinao ny dikan'izany feno dia izao no izy: ny tena lazain' i Jesosy dia hoe: ankehitriny efa madio ianareo noho ny finoana ny teny izay nambarako taminareo amin'ny finoana an'izany. Tsy ninoan'izy ireo izany. Ora vitsy tao aorian' izao fotsiny dia nahita izy. Ary andro vitsy tao aorian'izao dia nanomboka nahita izy

Hafa ny fandehan-javatra ary nanomboka ho azony fa fantatr'i Jesosy ny zavatra noresahiny, koa ireo lehilahy izay niavaka tamin'ny toetra nivadibadika izay nianarantsika dia nanjary natanjaka sy andry azo niankinana. Matotra tsy nisy toa azy, ilay Petera nivaralila, izay olona mbetika mafana, mbetika mangatsiaka, dia nanjary andry ho an' Andriamanitra, ny antony dia nianatra ny mitoetra izy, ny hiandry fotsiny, hiandry ny Tompo, ny mikasika Azy ary ny mino Azy. Andriamanitra hitahy anareo raha mianatra ny mitoetra ao amin'ny voaloboka ianareo.

- Fizarana fahafito -

Fara-hafatra

Ity toro-hevitra faran'izay sarobidy nomen' i Jesosy ny mpianany ity, no azo lazaina marina tokoa ho fara-hafatra sy didim-panàna navelany talohan'ny nahafatesany. Io no toro-hevitra nomeny rehefa niala ny efitrano ambony Izy ary talohan'ny nizorany ho any Getsemane; tsy nahery ny adiny roa izany niarahany tamin'ny mpianany izany. Jaona 15, 16, sy 17 dia manambara teny nambarany marina. Ny momba ny voaloboka tao ivelany tao, iny diavolana iny, no notantarain'ny

mpanompovavin'ny Tompo fa nanombohany ny resaka. Nivoaka lzy ka nahita io voaloboka io, tsara tarehy raha notarafin' ny diabolana. Nijoro nanoloana ny voaloboka lzy, izay tandindon'ny vahoaka sy ny firenena Jiosy araka ny fiheveran-dry zareo azy. Noheverin'izy ireo fa mampiseho azy ireo ny voaloboka. Dia hoy Jesosy: "Izaho no tena voaloboka". Nahatohina marina izany. Nahatohina marina izany satria ny voaloboka hatrany no zava-maniry mendrik'haja indrindra ho an' ny Jiosy. Nefa izao, ilay laviny indray, no manodin-dresaka ka manao hoe "Izaho no tena voaloboka". Mafy taminy izany.

Midina eo amin'ny andininy faha-4 isika. Nambaran'i Jesosy teo amin'ny andininy 1, fa lzy no voaloboka, ny Rainy no mpamboatra. Milaza lzy eo amin'ny andininy faha-2 fa ny sampana izay tsy mamoa dia esoriny ary dioviny ny sampana izay mamoa mba hamao bebe kokoa. Asehon'ny andininy faha-3 ny fomba iavian'izany fanadiovana izany. "Efa madio rahateo ianareo noho ny teniko izay nolazaiko taminareo": Avy amin'ny Baiboly, ny tenin' Andriamanitra ny fanadiovana. Tsy misy toerana hafa iaviany. **Manjary madio isika rehefa miray amin'ny tenantsika ny teny.** Ambara ao amin'ny Genesisy ka hatramin'ny Apokalypsy io teny io ary fiteny tokana no hitenenany. Io lesona tokana, io fiteny tokana izay ampiasainy io dia Kristy; "Dinihinareo ny Soratra Masina fa ataonareo fa ao aminy no anananareo fiainana mandrakizay, ary ireny no manambara Ahy", hoy Jesosy. Tsy misy afa-tsy hafatra tokana. Izany no **fony** manontolo. Raha nandinika ny andininy faha- 4, sy faha-5, isika, dia nandany fotoana lava nanadihadiana io resaka fanadiovana io. Inona marina moa ny fanadiovana resahin' i Jesosy io? Ny fanadiovana na ny fandratsanana dia karazan-javatra atao amin'ny voaloboka, Rantsanana ho tapaka. Rantsanana hiala. Izay niasa tao amin'ny tanimboaloboka dia mahalala ny tena dikan'izany. Asa be ny mitety ny tanimboaloboka hanadio azy. Nianarantsika fa ny hoenti-manadio eto dia ny teny. Ary tsy dia ekena izany amin'ny ankapobeny. Raha ny marina, rehefa milaza amintsika ny Baiboly ny tokony hodiovina ao amin'ny fiainantsika, dia mahazatra antsika ny manangana adi-hevitry. Tsy tena vonona isika hanaiky tsotra ny toro-hevitry ny Tompo; fa aleontsika miezaka mandahadahatra eo. Dia hoy isika hoe: "Eny e, heveriko fa mety izany ho an- dry - Rakoto, fa tsy azoko antoka kosa fa mety ho an-dry Rabe izany. Hitanao fa ampiharina amin'ny hafa foana ny toro-hevitry, fa tsy ampiharina amin'ny tena. Nefa miteny mivantana amintsika ny Baiboly fa mety hampiaiky sy hanitsy antsika izany. Ary izay no katsahantsika eto. Valiteny momba ny inona izany? Tsaroanareo, fa mahatonga antsika ho afaka hamao bebe kokoa izany. Ny hany fomba hamaozana bebe kokoa dia **ny fianarana, sy ny fampiharana an'io fianarana io eo amin'ny fiainan'isam-batan'olona.** Tsy mitondra soa firy ny fahalalana fotsiny ny Soratra Masina. Tsy manampy antsika izany. Tsy ahazoana tombony **raha tsy efa ampiharina izany.** Amin'izay dia tena manjary resaka famoazana izany. Ny famoazana dia tsy resaka fanangonana olona bebe kokoa hampilefitra ny fiainany amin' i Jesosy Kristy Tompo. Ny famoazana izay resahin' i Paoly ao amin'ny boky ny Galatiana rehefa milaza izy fa ny vokatra ny Fanahy dia inona? - fitiavana, fifaliana, fiadanana, fahari-po, fahamoram-panahy, fanaovan-tsoa, fahamarinana, fahalemam-panahy, fahononam-po. Ny fahononam-po no manaraka ny faharetana sa ny faharetana no manaraka ny fahononam-po. Sarobaliana izany. Nefa lazaina fa samy vokatra ny Fanahy ireo rehetra ireo amin'ity ohatra manokana ity, **satria mitaratra eo amin'ny fiainana Kristiana izy rehetra**

Ary izay no mahatonga ny famoazana bebe kokoa. Ary izay no planan' Andriamanitra.

Tomoera Amiko ary Izaho ao aminareo

Tsaroanareo koa fa nisy fanontaniana faharoa napetratsika. "Iza marina no mahatonga ny vokatra ho bebe kokoa? Inona no mahatonga izany? Ny Tenin' Andriamanitra – ny fampiharana ny Tenin' Andriamanitra ao amin'ny fiainantsika. Izao ary inona no mahatonga azy hamao bebe kokoa? **Ny mitoetra ao Aminy; tena mazava fa ny voaloboka no mahatonga ny voa hisy.** Afaka mitondra inona ny sampana? Tsy misy na inona na inona raha tsy mitoetra ao amin'ny voaloboka ka mifamatotra aminy, mandray ny famelomana avy amin'ny voaloboka dia manjary fantsona. Izay no tian' Andriamanitra ataontsika tsirairay. Misy olana marina mifandray amin'izany. Kristy no voaloboka, mazava ho azy izany, ny mitoetra ao amin'ny voaloboka dia mahatonga ny tsy maintsy hanarahantsika izay voalazan'ny Soratra Masina hoe: "tomoera Amiko". Inona no tapany manaraka? **"Ary Izaho ao aminareo" Zotra mifanena izany;** Misy olona maro tia ny mifamatotra amin'ny fiangonana, ary mihevitra fa namatotra ny tenany tamin'i Jesosy Kristy Tompo izy; hiverenantsika ny momba izany ao aoriana kely. Ary tena tsapan'izy ireo fa manana ny antoka tadiaviny izy. Fiantohana na izay tianareo iantsoana azy izany. Tsy misy ifandraisana amin'ny famonjena anefa izany, raha ny tena izy, na ny tena antoka. Ny iavian'ny antoka dia **tsy isika mitoetra ao Aminy fotsiny, fa lzy mitoetra ao amintsika.** Izay no tena iavin'ny antoka, raha ny marina. Asehon' i Jesosy mazava eto **fa lzy no mahatonga ny voa ao amin'ny fiainantsika. Mahatonga antsika hamao bebe kokoa lzy ary amin'ny farany hamao be, ary izay no zava-kendreny.**

Ahoana no ampitahanao na hanazavanao ny fampianaran'ny Soratra Masina avy amin'ny toro-hevitry i Jesosy io, raha ampitahaina amin'ny Apokalypsy toko faha-22, andininy faha-14, raha niteny Jesosy hoe: "Sambatra izay mankato ny didiny, mba hananany fahefana amin'ny hazon'aina, sy hidirany amin'ny vavahady ho ao an-tanàna?" Toko sy andininy henjana izany? Nanahirana ny sain'ny Advantista maro naharitra ela. Izy io "Sambatra izay mankato ny didiny, mba hananany fahefana amin'ny hazon'aina io". Izao, amin'ny dikan-teny ankehitriny dia tsy izany no hilazana azy. Izao no voalaza: "Sambatra izay manasa ny akanjony". Tsy dia azoazon'ny Advantista sasany izany, nefa ao amin'ireo soratanana tranainy sasantsasany ka tokony hekentsika koa. Raha ny marina, dia zavatra mitovy ihany ireo. Ahoana no hanazavanao na ampitahanao ireo andininy roa ao amin'ny Soratra Masina ireo? Inona no resahina ao? Hoy Jesosy: Raha misaraka Amiko kosa ianareo dia tsy mahay manao na inona na inona". Mitoetra ao amin'ny voaloboka, toy ny sampana tsy afaka mamoa samirery raha tsy mitoetra ao amin'ny voaloboka

Tsy mahatandrina ny didiny isika

Ary izao: "Sambatra izay mitandrina ny didiny mba hananany fahefana amin'ny hazon'aina". Ahoana no hanazavanao ireo andininy roa ireo? Tsy afaka mifanaraka ve ireo? Mifanohitra ve ireo? ary raha mifandrindra izy dia ahoana? Tena tsy vitanao samirery izany, tsy vitako samirery. Tsy vitantsika samirery ny mitandrina ny didin' Andriamanitra. Ary na iza na iza mihevitra fa mahavita dia mamita-tena, ary mahatsikaiky sy tsy mety ho vita izany. Ahoana no fihevitra ny Jiosy? Misy porofo

mazava tsara asehony satria nilaza taminy Jesosy fa mpampianatra ny lalàna izy kanefa tamin'izany fotoana izany koa dia niezaka sy nitady ny hamono Azy. Nino ny lalàna izay manao hoe "aza mamono olona izy" nefa, tamin'izay fotoana izay indrindra dia nioko ny hanala ny ainy izy. Izany no mahatsikaiky amin'ny fomba fisainan' ny olona, rehefa miezaka ny hampihatra ny fanatanterahana ireo foto-kevitr' Andriamanitra samirery izy. Tsy mahatanteraka ireo foto-kevitr' Andriamanitra isika **raha tsy ny Fanahy Masina no mivelona sy mitarika ary manazava ao amin'ny fiainantsika ny hevitra ny mety sy ny marina**; izao no teny hitantsika ao amin'ny Marka 12:29-31: "Ny didy manao ahaoana no voalohany amin'izy 10?" Novelabelarin' i Jesosy izany hoe: "Tiava an' i Jehovah Andriamanitrao amin'ny fonao rehetra, sy ny fanahinao rehetra sy ny sainao rehetra ry ny herinao rehetra." Afaka manao izany ve ianao? Aoka hilaza ny marina isika, vitanao ve izany? Mazava, fa tsy vita. Tena tsy vita mihitsy. **Raha tsy ny Fanahy Masina no manao izany ao aminao sy amin'ny alalanao, dia tsy mety ho vita izany.** Tsy vitanao fotsiny izao izany. Azonao atao ny misafidy ny hanao izany. Azonao ampiasaina ny sitraponao. Eo sy izany no mahatonga ny fiainan'ny Kristiana hivelomana ao amin'ny sitrapo fa tsy eo amin'ny lalàna, tsy midika akory izany fa tsy mirindra ny lalàna. Fa tsy ny olona no mitarika ny lalàna. Ny sitrapo no tarihin'ny maha-olombelona ary ny lalàna dia manjary tarihin'ny Fanahy Masina. Eo no mahalavo antsika. Miezaka ny manao ny anjaran'Andriamanitra isika ary tiantsika hanao ny anjarantsika Andriamanitra. **Ny anjarantsika dia ny misafidy an'Andriamanitra amin'ny toe-javatra rehetra.**

Any an-tatatra

Mora ery izany miala amin'ny planan' Andriamanitra ary ny maka ny toeran'ny mpamily rehefa misy zavatra manakorontana ao amin'ny fiainantsika. ... Mahavariana ny mahita fa mora amin'Andriamanitra ny mamaly ny fanirantsika rehefa raisintsika indray ny familiana. Tsy manangana ady Andriamanitra. Mitana ny familiana Izy. Mitarika ny fiainantsika Izy, nefa isaky ny tiantsika, dia azontsika raisina izany ary miala fotsiny tsy ho eo amin'ny lalàna Izy. Tsy miteny Izy hoe: Tsia, henoy aloha, ajanony dia mieritrereta. Izaho no mitondra ary tsara ny diantsika. Raisinao izao ny familiana, dia hivarina ho any an-tatatra ianao". Tsy miteny an'izany mihitsy Izy. Miala fotsiny Izy, dia raisinao ny familiana ary iny ianao fa any an-tatatra. Na angamba tsy mbola tao mihitsy ianao. Fa raha tao an-tatatra ianao, dia satria izay foana, izay foana, satria noraisinao ny familiana. Fantatro izany teo amin'ny fiainako. Isaky ny mandray ny familiana aho dia indro fa any an-tatatra, ary tsy maintsy miantso olona hanampy. Dia tonga ny Tompo manafaka ahy, tsy maintsy ho izany ihany. Impiry impiry isika no mianatra fa tsy afaka mifehy, tsy mahay mitari-dalana. Andeha hiverina any amin'ny filazantsaran' i Jaona.

Tiava ny namanao tahaka ny tenanao

Andininy faha-12: inona ilay didy voalohany? "Tiava an' i Jehovah Andriamanitrao amin'ny fonao rehetra, sy amin'ny fanahinao rehetra, sy ny sainao rehetra ary ny herinao rehetra." Inona no tavela? Tsy misy tavela. Izay no didy voalohany. Tia an' Andriamanitra. Ny didy faharoa na ilay didy izay nambaran' i Jesosy manokana dia manao hoe: "Mifankatiava tahaka ny nitiavako anareo. Tsy vita mihitsy ny manoratra izany ho teny na dia ao amin'ny Baiboly aza, satria ny

Baiboly dia mazava ho azy, fa natao tamin'ny tenin'olombelona notenenina. Marina amin'ny fahendren' Andriamanitra izany, nefa raha ny tena izy dia avy amin' Andriamanitra mihitsy na ny teny aza, raha ezahinao atao an-tsary ny teny hoe: "Tiava an' i Jehovah Andriamanitrao amin'ny fonao rehetra, sy ny fanahinao rehetra sy ny sainao rehetra ary ny herinao rehetra", rehefa ataonao ho sary tena izy izany dia mihoatra lavitra. Tsy mety ho azonao. Koa nirahin'Andriamanitra Jesosy mba hanomezany antsika fanaporofaona velona ny tena izy. Ka io ihany no nambaran' i Jesosy amin'ny teny tsotra. "Tiava ny namanao tahaka ny tenanao". Mifankatiava tahaka ny nitiavako anareo". Ahoana no nitiavako ny namako tahaka ny tenako? **Tiako ny namako tahaka ny tenako tahaka ny nitiavan' i Jesosy ahy**. Mampahazava azy ve izany? Raha tsy izany, ny tokony hataoko dia ny miverina mianatra ny fiainan' i Jesosy. Mijery ny fiainan' i Jesosy. Aseho ho ohatra ao ireo fampianaran'ny Soratra Masina rehetra. **Ny foto-pinoana rehetra, ny fampianarana rehetra, ny fanandramana rehetra eo amin'ny fiainana dia voafono tao amin'ny olona iray. Kristy. Ao daholo.** Ary raha te- ahafantatra ny valin'ny olona rehetra eo amin'ny fiainana aho, dia mandray ny Soratra Masina aho.

"Dinihinareo ny Soratra Masina satria ataonareo fa ao aminy no ananareo fiainana mandrakizay ary ireny no manambara Ahy". Ary ny fiainan' i Jesosy, ny fikendreny manontolo, ny asany ho an'ny taranak'olombelona, ny planan'ny fanavotana dia samy natao ho ohatra teo amin'ny aloky ny fanompoam-pivavahana fanatitra. Ao daholo ireo. Izy no Zanak' Ondry. Izy no fanatitra. Ary nampiseho ny fiainan' i Kristy ireo fanompoam-pivavahana rehetra amin'ny isa-tsokajiny. Azon'ny olona ve izany? Azony ve? Vitsy dia vitsy no nahazo; tonga eo amin'ny fiainan' i Kristy teto an-tany isika, dia hitantsika naseho ho ohatra ny sary manontolo, niainana. Ary izay indrindra no resahina. Momba izany manontolo io resaka famoazana io. Raha miverina eo amin'ny andininy faha-4 isika, izay nianarantsika hatramin'izay momba ny voaloboka sy ny sampana izay, inona no holazaintsika ny amin'izay tena nikendrena ny sampana? Ny tena anjaran'ny sampana? Ny tena asany? Hamoa? Hitoetra? Manana hevitra roa isika izao eto. Ho tonga fantsona? Tena marina izany. Ny resaka famoazana foana ary ho izany mandrakizay no eritreritra manaitra ny sain'ny olombelona. Ny hevitra momba ny vokatra farany, manahy ery isika ny amin'ny vokatra farany. Tena vitsy ny olona nahalala izany faharetana voajanahary izany, manam-paharetana voajanahary. Efa nahita olona toy izany ve ianao? Izaho tsy mbola nahita. Tsy mbola nahita aho. Tsy mbola nahita olona manam-paharetana hatramin'ny nahaterahany aho? Mety nahita izay angamba ianareo. Olona manokana mihitsy izany raha nisy, satria tsy inoako ny hisian'ny izany. Raha tsy hoe tonga ao am-pon'ny olombelona ny faharetan'ny Tompo Jesosy. Mety maharitra zavatra ny olona, miandry ny Tompo. Betsaka ny olona tia ny hiroso hanao izany amin'ny tenany, na toy inona na toy inona izany, ary tsy vonona hiandry ny Tompo. **Ny olona momba ny maha-sampana sy ny mamoa, mamoa ny tena voa, dia ny hoe tsy misy na inona na inona azonao atao momba izany.** Misy ve? Izay hany azonao atao dia ny mihantona eo amin'ny voaloboka, mijanona eo. Ary inona no azonao atao momba ny famoazana? Mitondra ravina bebe kokoa? Hamokatra? Inona no azonao atao? Tsy misy azonao atao; anjara asa iray ihany ny anao. Etsy ankilany, ny resaka mitoetra dia zavatra azontsika atao. Tahaka ny hoe mifindra eo amin'ny sezan'ny mpamily izany.

Safidy

Azontsika atao ny miala ny voalobok'Andriamanitra amin'ny fotoana tiantsika hialana ary tsy manangana fanorisorenana mihitsy momba an'izany Izy. Tsy mampaninona Azy izany. Mifindra fotsiny Izy ary avelany isika hahita ny vokatra mazava. Azontsika atao ny miala ny voaloboka. Na oviana na oviana tiantsika; betsaka amintsika no niditra sy nivoaka efa in-jato. Raha tianao ny tena valiny ny amin'izany, aoka hojerentsika ny ambadik'izany ka hilaza hoe: "Aiza no faritra tena hiasan' i Satana mafy?" Ny "mitoetra" sy ny fijanonanao ao amin' i Kristy ve no foto-kevitra ijoroany hiasany ao aminao? Sa miasa ao aminao avy amin'ny foto-kevitra ny famoazana vokatra izy? Ny asa manokana ataony dia **ny ahatapaka ny fifandraisanao amin' Andriamanitra**, tsy izany ve? Izany no zavatra kendreny. Fantany fa milamina ho azy ny resaka famoazana voa. **Rehefa azony hifantoka amin'ny voany isika, dia miezaka ny hamokatra voany amin'ny alalantsika izy, voany izay tsy kasain' Andriamanitra**, noho izany dia tsy mitoetra intsony ao amin'ny voaloboka isika, fa manao inona isika? Mitoetra ao **amin'ny izaho**. Ary ny voany izay kasain'Andriamanitra vokarintsika dia tsy vokarintsika, fa **fitiavan-tena no vokarintsika**. Ny hany fomba hamokarantsika ny voany fahamarinana, ny vokatry ny Fanahy dia ny **mitoetra ao amin'ny voaloboka** Ankoat'izay **dia fitiavan-tena feno sy tanteraka**. Ary mahafaoka antsika tsirairay izany. Mety tsy izany no heverintsika. Izany anefa no izy. Ary mampifantoka ny saintsika eo indrindra i Satana, eo amin'ny resaka famoazana voany, fa ny zavatra kendreny **dia ny hanapaka ny fifandraisantsika amin'ny loharano**.

Naseho an-tsary mazava tsara izany ao amin'ny Soratra Masina, raha niteny Jesosy hoe: amin'ny andro ihaviany, ho betsaka ny hanatona Azy hilaza hoe: "Tampo ô, tsy mendrika anay izao ataonao aminay izao satria niaraka taminao foana izahay. Nanao fahagagana betsaka tamin'ny anaranao izahay. Nandraoka demonia aza izahay. Nanasitrana ny marary izahay. Fahagagana miampy fahagagana no nataonay tamin' ny anaranao." Ary ho toy izao ny tenin'ny mpampianatra: "Mialà Amiko, ianareo mpanao ratsy, tsy fantatro akory ianareo. Mety hisy izany mitoetra ao amin'ny voaloboka,tsy tokony hampiasa io fiteny io isika, **nefa tsy mitoetra ao amin'ny voaloboka**. Tokony hofaritana tsara izany ny dikan'ny teny.

Andininy faha-6. Mampiseho ny vokatra farany izany, hangonina ny sampana atao ampehezana dia dorana amin'ny farany. Tsy maintsy toe-javatra amin'izay tena araka izay naseho anareo dia ny **mijanona ao amin'ny sampana nefa tsy mitoetra**. Nojereko ny raki-bolana Webster ka nanontaniako Webster izay famaritany ny hoe "mitoetra." Taitra ihany aho. Famaritana efatra samihafa no noraisiko. Vitsy izy ireo nefa tena nanaitra ahy ny famaritana "ny mitoetra". Inona no dikany araka ny fiheveranao? Makà-bahana tsara hihaino. Heveriko fa somary niova ny dikany "ny mitoetra" nefa na dia izany aza, hoy ny Webster hoe: "Ny miaritra tsy milefitra" dia famaritana iray, "miaritra amim-paharetana", iray hafa. "Manaiky tsy misy fandavana" hafa koa. Famaritan' ny Webster izany fa tsy ny ahy. "Mitoetra tsy mihozongozona", hafa ihany koa. Afaka manokona adi-hevitra marina isika mikasika azy rehetra ireo. Angamba mety hahasoa izany? Nefa mety mahita ny tenanao ao amin'ny voaloboka ianao sady ho olona milefitra. Mihilangilana.. Lazain' i Jesosy ho toy ireo ampitambolibenin'ny rivotry ny fampianarana samy hafa ireny, nefa raha ny marina dia mino ny tenany fa mifandray amin'ny voaloboka. Mihevitra an'izany aho noho ny

foto-kevitra hiheverako-tena fa ao aho. Mahatoky aho fa ao. Raha tsy izany dia tsy ho nisy ny sarin'ireo tonga ka nanao hoe: "Jereo, Tampo ô, tsy mety ny ataonao ahy". Madio ny ao am-poko fa voafitaka aho. Tsy mazava mihitsy ny fitaka. Tena madio ny foko fa ao amin'ny voaloboka aho. Itokisako izany. Raha tsy izany dia tsy nisy ireo antokon'olona ho avy hilaza hoe: "Henoy Tampo ô, tsy mety ny ataonao amiko. Tsy tokony hatao izao aho. Tokony ho tsara kokoa ny fitondranao ahy satria nanao an'izatsy sy izaroa aho." Koa ny tena mitoetra ao amin'ny voaloboka izany dia resaka inona? **Fihetseham-po**.

Tsy resaka fihetseham-po. Tsy ny fahatsapako ho tsara, ratsy na tsy rotoatra. Fa miverina tsotra any amin'izay manadio izany. Inona no manadio? Tsy adinonao sahady ve izany? Vao naverintsika izany, iray minitra izay? Inona no manadio? Ny teny. Miverena any amin'ny teny. Raha tsy mifandrindra amin'ny teny eny amin'izay diaviko ny fiainako, dia mamitaka ny tenako aho. Ny zavatra resahintsika eto dia ny hoe **Jesosy Kristy no voaloboka. Ao anatintsika ao, dia mety mamita-tena isika amin'ny fihetseham-po fa tsy amin'ny firosoana ho eo amin'ny fanadiovana ka hamoa**. Mety hitranga izany, satria ny sampana, raha tsy diovana hamoa bebe kokoa, sy hamoa betsaka, dia ahoana? Nefa oviana izy no hoesorina, oviana izy no tsy mamoa? Tsy esorina izy, raha tsy tonga ny fandorana azy? Raha nanaiky an'i Jesosy Kristy Tampo aho, oviana no kosehina ny anarako? Rahoviana izany? Rehefa mikatona ny varavaram-pahasoavana? Amin' izay no mitranga ny fanadiovana, tsy izany ve? Manoratra ny anarako ve Andriamanitra ary mikosoka azy rahampitso, mandroso sy mihemotra? Torak'izany koa ny tsimparifary Aoka hiara-maniry ny tsimparifary sy ny vary mandra-pahatonga ny fararano. Rahoviana izany? Hongotanay ve izy izao, tsia, hoy Jesosy, avelao izy haniry! Tsy tonga amin'ny fihetseham-po ny fahazahoana antoka. Tsy tonga satria ao amin'ny bokin'ny fiangonana ny anarana. **Tsy izay zavatra tsapako, fa araka ny asan'ny teny ao amin'ny fiainako. Na navelako hanao ny asa fanadiovana ao amiko ny Baiboly na tsia. Izany no mametra raha mbola tena ao amin'ny voaloboka aho na tsy ao intsony**. Ny sampana izay tsy mahazaka ny fanadiovana dia tsy hamoa na voany kely fotsiny aza. Tsy hamoa izy raha ny tena izy. Inona ary ny voany? **Ny voany dia fandraisana tsotra izao sy madiodio ny toetra amam-panahin' i Kristy eo amin'ny vatana maha-olombelona**.

- Fizarana fahavalo -

Fanamasinana ny fanadiovana

Ny voany dia fandraisana tsotra izao sy madiodio ny toetra amam-panahin' i Kristy eo amin'ny vatana maha-olombelona. Eo amin'ny maha-olombelona, tsy izany ve? Ny fahamasinana dia ny fanekena ny planan'ny famonjena ao amin'ny drafity ny fanavotana nataon' Andriamanitra ho an'ny maro. **Ekeko ny fanomezana nataon' Andriamanitra teo Kalvary dia hamarinina aho**, inona ho ahy anefa izany? **Fanomezan-dàlana**, tsy izany ve? Io no fanomezan-dàlana ho ahy ho any an-danitra. **Fa miankina amin'ny fanadiovana ny fahazoako miaina any an-danitra. Ary ny fanadiovana dia resaka fanamasinana**

fa tsy fanamarinana, Ny fanamarinana foana no mialoha. Ary manomboka avy hatrany ny fanamasinana raha vao nohamarinina . Mandritra ny fiainana ny fanamasinana. Maharitra afiriana ny fanadiovana?. Ny fanadiovana dia mandritra ny fotoana rehetra. Inona no ezahiny atao? Inona no antony? **Hitondra antsika mihalalina hatrany ao amin'ny toetra amam-panahin' i Jesosy, dia ny hizarana amintsika ny toetra amam-panahin' i Kristy.** Ary rehefa manopy ny masony amin'ny sampana mitondra voa betsaka sady tsara Izy, dia hoy Izy anefa: "Misy zavatra kely eto izay tokony hokosehina hamirapiratra". Tsy mahatsangana olona ny fahalalana ny Soratra Masina. Mitarika fotsiny ho eo amin'i Jesosy izay manangana ny olona izany. Izay no hany fikendren' ny Baiboly. Ny faminaniana, ireo fampianarana, ny finoana – izany manontolo, **raha tsy eo Jesosy, dia tsy misy dikany.** Ny fanamasinana, araka ny nolazaina antsika, **dia mihazona ny fanamarinana antsika hisy.** Tsy be fanahiana momba ny famoazana ny sampana, tsy izany ve? **Ny olana dia voarain'ny devoly ianao ho be fanahiana momba ny famoazana.** Arakaraka ny maha-be fanahiana anao momba ny famoazana, no maha-kely ny voa hoentinao, izay tsy karazany tsara. **Izay asanao sy asako rehetra dia ny mitoetra ao amin'ny voaloboka.** Tsy afaka ny tsy hamoa ny sampana raha mbola mitoetra ao amin'ny voaloboka. Tsy mety hitranga mihitsy ny toy izany. **Tsy mandeha ny fanadiovana raha tsy hoe manaiky izany ny sampana.** Raha tsy hodiovina ny sampana, dia tsy misy na inona na inona azonao atao. Ary raha tsy hoekenao ny fanadiovana ao amin'ny Soratra Masina, manitsy ny fiainanao, mampirindra azy, amin'izay dia tsy misy na inona na inona azo atao. Mijanona ao amin'ny fitaka fotsiny ianao. Mamita-tena mandritra ny fiainanao. Inona no manosika ahy hanao na tsy hanao? Izany koa ve no mampangatsika? Manosika ny tenako aho ve sa Kristy mitoetra ao amiko no manosika ahy? Izany no toa misy tsy mifanaraka eto. Miverina eo amin'ny filazana isika fa ny mitoetra ao amin'ny voaloboka dia tsy mampamoa ny sampana ny voa izay tsy tiany voakarina.. Eo izany satria fantsona izy ary nampilefitra ny tenany, namela ny tenany ho rantsanana, hodiovina, mba hamokatra bebe kokoa. Mampalahelo fa indranidray, **mamorona fakam-panahy ho an'ny tenantsika isika ary mandeha eo anoloan'ny Tompo,** ary mamorona toe-javatra isika izay hihatrehantsika olana tsy nokasain' Andriamanitra hatrehantsika. Nefa raha mitoetra ao amin'ny voaloboka isika, tsy manahy isika satria Izy no mamaha ny olana amin'ny fitoerana.

Fifaliana mitondra voa

Tsy izaho izany no mandray fanapahan-kevitra, fa ny fanadiovana izay navelako hizotra, izay nekeko hileferana. Izao ary, io fanadiovana io dia ny Baiboly, manapaka ny fahazarana ao amin'ny fiainana. Manala ahy tsy ho eo amin'izao tontolo izao amin'io karazan-javatra io. Dia manjary resaka fitsarana ny fakam-panahy rehetra na ny fihetsiketsehana izay entin' i Satana eo amiko, tsy amin'ny alalan'ny fahendreko fa amin'ny alalan' ny inona? Ny tenin' Andriamanitra ary izay ihany. Fahafinaretana izany, nahoana? Fahafinaretana satria nandalo fandratsanana isika. Tsy fahafinaretana izany raha tsy vita ny fandratsanana, satria ilazana isika ny antony mahatonga Kristiana maro mahita ny fiainana ho sarotra sy mahakivy. Tadiidinareo ve izay voasoratra ao amin' ny boky "Kristy Fahamarinantsika"? Ny antony mahatonga ny olona maro hahita ny fiainana Kristiana ho sarotra sy mahakivy toy izany dia **ny fiezahany hamatotra ny tenany eo amin' i Kristy.** Ny teny hoe **mamatotra** no voambolana izy eto. Mamatotra ny tenany amin'i Kristy

alohan'ny inona? **Alohan'ny hamahanany ny tenany amin'izao tontolo izao** Ary izay no mahatonga ny fahasamihafana; raha tsy voavahy aho ary ny fandratsanana no fomba hamahana ahy. Koa **raha namahy ny fatorako amin' izao tontolo izao ny fandratsanana, dia manjary fifaliana sy fahafinaretana ny mitondra voa.** Ary izao, raha hitako fa sarotra ho ahy ny manao izany, dia indro sary enti-manazava tsotra dia tsotra ity, nefa koa tena araka ny zava-misy koa.

Fanandramana niainana

Tsy mino ny fitorian-teny momba ny sakafo isika ary tsy manome vahana ny momba ny fihinanana-kena sy ny karazan-javatra toy izany, nefa kosa ao ny sary enti-manazava. Rehefa nandray ny fahitana voalohany nomena azy momba ny fahasalamana i Ellen G White, dia naseho azy fa tsy ny hena tsy akory no sakafo tsara indrindra; tsy "nitoetra" teo amin'izany foto-kevitra izany izy; raha ny tena izy, tsy narahiny izany. Notohizany ny fihinanana-kena nandritra ny fotoana maharitra. Ary nasehon'Andriamanitra azy in-telo na in-efatra tamin'ny fotoana samihafa fa tsy tsara izany. Ary farany dia nihorona mafy taminy ny fandresen-dahatra fa tokony hafoy izany. Nanapa-kevitra ary izy hampijanona ny fihinanana-kena. Namboariny fotsiny ny sainy, ny sitrapony fa izany no ho izy. Notantarainy fa tonga hisakafo izy, efa nanome baiko ny mpahandro ny handroso legioma sy voankazo eo amin'ny lababatra, fa tsy hena. Nankeo amin'ny lababatra izy, dia nojereny izany, dia 'narikivy' fotsiny ny vavonony. Naharikoriko azy ny sakafo. Tsy afaka nihinana izy. Lasa izy nanohy ny asany. Tonga indray tamin'ny sakafo manaraka, dia nandramany indray. Dia nikomy fotsiny indray izy ary avy tao anatiny tao no nisy izany fikomiana izany. Dia hoy izy: "Ry vavony, afaka miandry ianao, mandra-panekenao izany amim-pifaliana.". Lasa indray izy tsy nihinana na inona na inona. Niverina indray izy tamin'ny sakafo manaraka – dia toy izany hatrany. Hadinoko ny isan'ny sakafo tsy nihinanany na inona na inona; angamba telo andro izy izay, lasa tsy nihinan-kanina izy, mandra-pahitany fifaliana hihinana zavatra kely. Dia hoy izy efa voakarakara avokoa ny zavatra rehetra; Voalohany indrindra, nampilefitra ny tenany izy hodiovina, ary fandratsanana izany. Tsy tian'ny devoly ny ho hesorina; Dia tonga teo izy dia nanao hoe: "tsy hihinana isika mandra-pihinanantsika amim-pifaliana. Amim-pahafinaretana. Sarotra izany. Resaka sakafo fotsiny izany.

Ampiharo amim-javatra hafa izany. Amin'ny fahazarana iray amin'ny fiainana. Hanao ny sitrapon'Andriamanitra isika. Havelantsika Izy handratsana. Hitantsika ny devoly handresy lahatra, tiantsika ny hahitsy, nefa inona no ataontsika? Mandray izany an-tanana dia ho lavo ny fakam-panahy indray; raha ny tena izy, ka afaka miteny tsotra isika hoe, rehefa misetra ny fakam-panahy, **raha tsy afaka manao izany amim-pifaliana ianao, dia mialà fotsiny tanteraka mandra-pahatonga ho fifaliana ny manao izany.** Ny mitondra voa no tena zavatra voa-janahary ataon'ny sampana. Ary izany no lalan' Andriamanitra.

Ny anjaran' i Jesosy sy ny anjarako

Izao no nosoratan' i W.W. Prescott." Nandritra ny fotoana maharitra dia niezaka nandresy ny fahotana izy nefa tsy nahomby. Fantatro ny antony; hatramin'izay, tsy nanao ny anjara izay nasain'Andriamanitra nataoko aho, hoy izy (mitoetra ao amin'ny voaloboka) ampihariny amin'ny fomba hafa izany, nefa tiako hadika eo amin'ny fanandramana momba ny voaloboka izany. Tsy nanao ny

fanandramana nandrasan' Andriamanitra hataoko aho, izay zavatra azoko hatao, dia niezaka nanao ny anjaran' Andriamanitra aho, niezaka ny nanao ny anjaran' Andriamanitra izay tsy nandrasany hataoko aho, dia anjaran'Andriamanitra izay tsy azoko atao izany. Voalohany indrindra, tsy anjarako ny ahazo ny fandresena sy ny mamokatra voa, izay efa azon' i Jesosy Kristy ho ahy. Velona tamin'ny fiainana teto an-tany Jesosy, tamin'ny fomba tanteraka. Nanao izany ve Izy? Velona teto Izy, nandray ny toeran' i Adama Izy, ary isan'andro dia namolavola ny toetra amam-panahy izay tsy voavolavolan' i Adama Izy. Marina ve izany?

Manaraka izany, dia nahomby Izy ka nahazo fandresena. Fandresena tamin' iza? Satana. Fandresena ny fahotana. Tiany homena antsika izany, nefa tsy asa tena sarotra sy mahatahotra izany ve? Asa sarotra sy mahatahotra izany, satria nahoana? Satria tsy hanao ny anjarantsika isika, ary inona izay anjarantsika izay? Ny mitoeatra ao Aminy ary ny mamela Azy hanao ny fandratsanana, ny asa fanadiovana mba handraisantsika ny toetra amam-panahiny; satria atsofony ao amin'ny voaloboka aloha isika ary raha manatsofoka antsika ao amin'ny voaloboka Izy, dia manomboka misy tsiry mitsimoka izay loza fa mitovy amin'ilay teo aloha. Ilay fiainana taloha. Ka hoy Izy hoe: "Horantsanako io". Maharary izany ry zareo a. Maharary ka. Dia hoy Izy: Ao, fa tsy hataoko, raha tsy avelanao Aho hanao azy". Dia hitantsika ilay fiainana taloha. Raha ny tena izy dia miala lavitra ny fiainany hivelomana ao amintsika isika. Tsy azo hivelomana ao amintsika izany raha tsy manaiky an-tsitraro isika. Mariho ary izao: Manontany ianao hoe:"Tsy miteny ve ny Baiboly momba ny miaramila, momba ny tolona, ny ady? Eny, izany tokoa. "Tsy nilazana ve isika fa tsy maintsy miezaka hihiditra?" Eny. Marina izany. Ka ahoana ary? Izao ihany.

Ho azontsika antoka izay hitolomantsika ary izay hiezahantsika; ny zavatra izay hitolomantsika sy hiezahantsika sy hiezahantsika atao dia ny inona? Ny mitoeatra ao amin'ny voaloboka. Tsy anjaranao ny manahy ny momba ny voa na kely aza. Tahaka ny sampana tsy manahy momba ny voa. Rehefa ampitahainao amin'ny fiainana Kristiana mandresy ny famoazana voa, dia mitovy tanteraka izany. **Famoazana voa ny fandresena ao amin' i Kristy.** Nahoana? **Satria ny mitondra voa dia ny fandraisana ny toetra amam-panahiny. Rehefa mitaratra tanteraka ny toetra amam-panahiny ny vahoakan' Andriamanitra, amin'izay Jesosy dia ho avy hitaky azy ho fananany.** Zavatra tokana ihany no andrasan'Andriamanitra, ary ny fahatanterahan'ny voa izany dia ny fizarana ny fahamasinana amin'ny tenan'ny olombelona, ny sain'ny olombelona, ny maha-olona ny olombelona, ny toetra amam-panahiny, zaraina amintsika fotsiny. **Nomena antsika izany, ny fanamarinana sy ny fanamasinana dia fanomezana mitovy. Fanomezana feno.** Misy sakana izay apetrantsika eo amin'ny lalana indraindray, izay mahatonga antsika tsy ho afaka hahita ny fanomezana. Efa naniry hanome zavatra olona ve ianao, nefa tsy afaka nanome zavatra ianao noho ireo sakana sasantsany? Misy sakana izay tsy ahazoan' Andriamanitra hizara; Azony atao ny mizara ny toetra amam-panahiny ao amin'ny fanamarinana na toy inona na toy inona fiainantsika taloha, raha mbola milaza tsotra fotsiny ihany ianao hoe: "Tombo, manenina aho. Mamela ahy". Hoy Izy. **"Vita izay."** Dia isainy ho tombony ho anao ny toetra amam-panahiny , ary **manomboka eo dia manomboka mizara Izy, dia fandefasana ara-bakiteny ny toetra amam-panahiny ho ao amin'ny fiainantsika.** Ary tsy zavatra mora izany. **Izany no antony ilàna ny fiainana**

manontolo hanaovana izany. Ary eny am-pandehana eny, mandritra ny fiainako, dia afaka miteny aho hoe: "Maharary loatra izany, Tompo ô. Aoka aloha horaisiko kely ny familiana."

Dia raisintsika ny familiana, dia mivarina any an-tatatra isika, ary mivarina any an-tatatra isika, dia hoy isika hoe; "Voa indray aho Tompo ô, raiso indray."Dia raisiny indray ka entiny kely dia hoy indray isika; "Asa re, tsy fantatro, fa toa horaisiko indray." Toa mora ery izany mitondra ny sambo izao". Raisintsika indray, dia any an-tatatra indray. Izany no zavatra mitranga miverimberina foana. Raisintsika ny familiana dia any an-tatatra indray isika. Izay no zavatra mitranga, ary mitebiteby indrindra hizara ny toetra amam-panahiny amintsika Izy. Ary izany no hilazan'ny mpanompovavin'ny Tompo fa ny fanalana ny sakana ihany , no ahazoana manao izany. Ny fisedrana sy ny fakam-panahy, dia tsy nalefan' Andriamanitra. Avelany ireo hitranga ary ny olana tonga amintsika tsy avy amin'ny fisedrana sy ny fakam-panahy tsy akory. Ny olana dia eo amin'ny **valiny**. Eo no tena misy mahatafintohina , raha ny marina . Avy aiza tsara hoe ny valiny? Avy amin'ny teny; Izany no olana ho antsika, fa tsy ny olana tsy akory. Samy mety misetra olana daholo isika, ary heverintsika fa izany no olana ho antsika . Tsy izany no olana ho antsika. **Ny valiny no olana satria tsy tiantsika ekena ny valiny. Ary ny valiny dia ny fandrantsanana; koa ampiasain'Andriamanitra ny olana rehetra hifanatrehan'ny devoly amintsika. Ny fakam-panahy rehetra, ny fisedrana rehetra, ny zava-tsarotra rehetra entin'ny devoly izay avelan' Andriamanitra ho tonga amintsika mba hanoroany antsika ny ala-olana; ny ala-olana dia Jesosy, mazava ho azy izany, na ho aiza na ho aiza.** Tsy tiantsika fotsiny ny valiny. Imbetsaka tokoa no niara-nidinika tamin'olona aho ka hoy izy hoe: tsy mba manana valin-teny hafa mihitsy ve ianao? Tsy misy valinteny hafa mihitsy ve amin'izany, afa-tsy ny hoe "Jesosy" fotsiny? Tsia, tsy misy. Mahafantatra valin-teny hafa ve ianao, tsia. Mora kokoa ho ahy tokoa ny hanaiky ala-olana avy amin'ny olombelona amin'ny olana' ny olombelona. Raha misy azoko atao hamahako samirery io olana io, azoko antoka fa izay lalana izay no hizorako aloha.. Izany no mahatonga ny fivavahan'izao tontolo izao miankina amin'ny teny ho mahasintona be lavitra.

HDC/GMG

Feb. 23, 2004

(Dikan-teny: Rasoanaivo Victor sy Rasamoely Emilienne)

- TARI-DALANA FAHAROA -

Tari-dalana momba ny Asan'ny Apostoly

(Vavolombelona Mahery Toko 1 - 5)

*“Aoka isika hamaky sy handray ary hitondra eo amin'ny sasany ny toko faharoa amin'ny Asan'ny Apostoly **Mila fitiavam-bavaka lalina kokoa isika sy ny fahadiovan'ny fahalemam-panahin' Ilay Mpampianatra lehibe. Nolazàna aho ... fa ny Asan'ny Apostoly manontolo no boky fianarana ho antsika. Ilaintsika rehetra ny hanetry ny fontsika isam-batan'olona, ary ho voaova fo isan' andro.**”* (Letter 32, 1910). {6BC 1055.1}

- FIZARANA VOALOHANY - Toko I

Ny fikasan' Andriamanitra ho an'ny fiangonany

1) Vakio ao amin'ny Baiboly ireto teny fikasana manaraka ireto izay nomen' Andriamanitra ho an'ny fiangonany:

Isaia 56:7; Ezekiela 34:26, 29-31; Isaia 43:10-12; 42:6, 7; Isaia 49:8-16; Ezekiela 47:8-12;

2) Vakio ny Asan'ny Apostoly, toko I

3) Amin' ny maha-fitaovana voatendry azy hilaza famonjena amin' ny olona, inona avy ireo endriky ny famonjena tokony antenaina avy amin'ny fiangonana?

“Ny fiangonana no fitaovana notendren' Andriamanitra hilaza ny famonjena amin'ny olona. Nalamina ho an'ny fanompoana izy, ary ny hitondra ny filazantsara ho an'izao tontolo izao no asa nanirahana azy; Hatramin'ny voalohany dia drafitra nataon' Andriamanitra **ny hampitaratra amin'izao tontolo izao ny fahafenoany sy ny fahampiany;** Tokony haneho miharihary ny voninahiny ny mambra ao amin'ny fiangonana, dia izay nantsoiny hiala amin'ny maizina ho amin'ny fahazavany mahagaga **Ny fiangonana no nametrahana ny haren'ny fahasoavan' i Kristy;** ary amin'ny alalan'ny fiangonana no hanehoana farany ny fitiavan' Andriamanitra ka hivelomany amin'ny fomba hentitra sy feno, eny, na dia amin'ireo fanapahana sy fahefana any an-danitra aza . Efesiana 3:10. {VM 11.1}.....

4) Vakio Nomery 35: 11: *Ho an' ny fiangonana, inona no dikan' ny hoe atao" tanàna fandosirana"?*

5) Ao amin'ny Salamo 18:2, 91:2, 144:2, Jehovah no harambato ho antsika, vatolampy, fialofana ho antsika, ahoana no hahatonga ny fiangonana ho harambato ho an' Andriamanitra?

Ny fiangonana no tanàna mimandan' Andriamanitra, tanànany fandosirana, izay apetrany eo amin'izao tontolo izao mikomy. {VM 13.1}.....

6) Vakio Matio 5:14: *Inona no mampihavaka ny tanàna miorina eo an-tampon-tendrombohitra, araka ny filàzan' i Jesosy? Afaka manome ohatra sasantsasany amin' ny fiangonan' Andriamanitra ve ianao izay tanàna miorina eo an-tampon-tendrombohitra?*

(Jereo Hery Mifanandrana, toko faha-4)

“ Nandritra ny taon-jato nisian-ny haizina ara-panahy, dia tahaka ny tanàna eo an-tampon-tendrombohitra ny fiangonanan' Andriamanitra. Tamin'ny taonjato rehetra , sy teo amin'ny taranaka nifandimby, dia nivelatra teo amin'ny faritra nisy azy ireo foton-pinoana madio avy any an-danitra “; {VM 13. 3}

7) Vakio Zakaria 2: 8 : *Manao ahoana ny halehiben'ny fitiavan' Andriamanitra ny fiangonany!*

Na dia osa sy marefo aza ny fijery azy, dia eo amin'ny fiangonana irery ihany no ametrahan' Andriamanitra, amin'ny fomba manokana, ny fijeriny farany indrindra”. {VM 13. 3}

8) Vakio ny teny manaraka avy tamin'ny boky Education ka hazavao ny mety hahatonga ny fiangonana ho “sehatra isehoan' ny fahasoavany”.

“ Ho an'izay tia an' Andriamanitra, ireo izay 'tia an' Andriamanitra, dia izay voantso araka ny fikasany rahateo” (Romana 8:28), dia misy lesona mbola ambony kokoa momba ny fanompoana ao amin'ny fahoriana ny tantaram-piainana ao amin'ny Baiboly. *“Ianareo no vavolombeloko, hoy Jehovah, ary izaho no Andriamanitra”* (Isaia 43:12)- vavolombelona fa tsara izy, ary fara-tampony ny fahatsarana. *“Fa izahay dia natao ho fizàhan'izao rehetra izao na anjely na olona.”* 1 Korintiana 4:9. {Ed 154.2}

Izy no sehatra isehoan'ny fahasoavany, toerana tiany hanehoana ny heriny izay manova ny fo” {VM 13.3}

9) Hampitahao io teny io amin'ity manaraka ity: *“Ny fiangonana eto an-tany dia tokony ho tonga toerana isehoan'ny fitiavana masina.... Fomba iray ivoaran'ny toetra amam-panahy ny firahalalana kristiana? Amin'izay dia voadio hiala amin'ny fiainana ny fitiavan-tena, ka ho voatarika ho eo amin' i Kristy, Ilay ivo lehibe, ny lehilahy sy ny vehivavy. Amin'izay dia voavaly ny vavaka nataony mba hiray ny mpanaraka Azy toy ny maha-iray Azy amin'ny Ray”.* {HP 281.6}

“ Kianja ho an'ny fiainana masina, feno fanomezana samihafa sy voahosotry ny Fanahy Masina ny fiangonan' Andriamanitra. Tokony hahita ny fahasambarany eo amin'ny fahasambaran' izay ampiany sy karakarainy amimpitiavana ny mambra.” {VM 13.3}

10) Nahoana Isiraely no tsy nahefa ny asa notendrena ho azy? Ary inona no fanapahan-kevitra noraisin' Andriamanitra?

“Nihevitra ny tenany ho hendry loatra ny mpitarika Jiosy ka tsy nila torohevitra, marina loatra ka tsy hila famonjena, ambony voninahitra loatra ka tsy hila ny voninahitra avy amin'i Kristy. Nesorin'ny Mpamonjy taminy ka nankininy tamin'ny hafa ireo tombontsoa nampiasainy tsy araka izay izy sy ny asa izay nohamaivamaivaniny. Tsy maintsy haseho ny voninahitr'Andriamanitra, tsy maintsy haorina ny teniny. Tsy maintsy hatsangana eo amin'izao tontolo izao ny fanjakan' i Kristy; tsy maintsy hampahafantarina any amin'ny tanàn-dehibe any an' efitra ny famonjen'Andriamanitra ary antsoina ny mpianatra hanao ny asa izay tsy vitan'ireo mpitarika Jiosy.” {VM 16.2}

Eritrereto- Inona avy ireo fikasan' Andriamanitra ny amin'ny fiangonany izay maha-mambra ahy sy ianao? Afaka manatanteraka ireo fikasany ireo ve isika? Inona no ilaintsika? Inona no nampanantenain' Andriamanitra?

Teny notsongaina fanampiny:

“Nomanin' i Kristy ny hahatonga ny fiangonany ho tena voaova marina, hazavain'ny fahazavan'ny lanitra, manana ny voninahitr'i Imanoela. Fikasany ny hahatonga ny Kristiana tsirairay ho voahodidin'ny rivom--piainana ara-panahy eo amin'ny hazavana sy ny fiadanana. Tsy misy fetrany ny soa mety ho vitan'ny olona iray, izay mametraka ny izaho, ka manome toerana ny Fanahy Masina hiasa eo amin'ny fony ary hiaina amin'ny fiainana voatokana tanteraka ho an' Andriamanitra.” {8T19.3}

- FIZARANA FAHAROA - TOKO FAHA- II

Ny fanomanana azy roa ambin'ny folo lahy

1) Iza no nofidian' Ilay Mpampianatra lehibe hitory ny fahamarinana?

“Mba hahatomombana ny asany dia tsy nifidy ny fahalalana Kristy, na ny fahaiza-mandahatra hita teo amin'ny Synedriona Jiosy, na ny fahefana Romana. Nolalovan'Illy Tompon'ny asa fotsiny ireo mpampianatra Jiosy mpanamarin-tena, ka ny olona tsotra tsy nahita fianarana no nofidiny hitory ny fahamarinana izay hanetsiketsika an'izao tontolo izao”. {VM. 17.1}

2) Manao ahoana ny fanofanana?

Mpampianatra:

Zava-kendren'ny fanofanana:

Iraka:

Sy

“Ireo olona ireo no nokasainy hotezaina sy hobeazina ho tonga mpitarika ny fiangonany. Ireo kosa no hanabe ny hafa sy handefa azy hitondra ny hafatry ny filazantsara”. {VM. 17.1}

3) Ahoana no hahitany fahombiazana?

“Mba hisian'ny fahombiazana eo amin'ny asany dia homena ny herin'ny Fanahy Masina izy. Tsy amin'ny herin'olombelona na amin'ny fahendren'olombelona no hitoriana ny filazantsara, fa amin'ny herin' Andriamanitra”. {VM. 17.1}

4) Naharitra hafiriana ny fanomanana azy ireo?

“Nandritra ny telo taona sy tapany ny mpianatra dia nampianarin'Illy Mpampianatra lehibe indrindra izay tsy mbola nisy toa Azy teto amin' izao tontolo izao”. {VM. 17.2}

5) Ny lohateny ny fampianarana dia ny hoe: “Manarahy Ahy”. Momba ny inona izany?

“Nanomana azy ireo hanao asa fanompoana ho Azy Kristy tamin'ny alalan' ny fifampikasohana sy ny firaisana taminy manokana. Niara-nandeha sy niara-niresaka taminy isan' andro izy ireo, ka nandre ny teniny nitondra fifaliana ho an'ny reraka sy mavesatra entana ary nahita ny fanehoan'ny heriny ho an'ny marary sy ny tra-pahoriana. Indraindray dia nampianatra azy Izy, raha nipetraka teo aminy teo an-tendrombohitra; indraindray dia nambarany taminy ny zavamiadin'ny fanjakan'Andriamanitra raha teny amoron'ny ranomasina Izy, na raha nandeha teny an-dàlana. Na taiza na taiza nisy fo nisokatra nandray ny hafatra avy tamin' Andriamanitra, dia novelariny ny fahamarinana momba ny làlan'ny famonjena. Tsy nibaiko ny mpianatra hanao an'ity na hanao iroa Izy, fa hoy Izy: “Manarahy Ahy”. Nentiny niaraka namakivaky ny tanàna sy ny vohitra mba hahitany ny fomba nampianarany ny olona Nifindrafindra toerana naira-dia taminy izy ireo; niara-nihinana ny sakafony tsotra izy ary tahaka Azy dia mba noana koa indraindray sy vizana matetika. Niaraka taminy Izy teny amin'ny arabe be olona, teny amoron'ny farihy, teny amin'ny tany hay mangina. Nahita Azy teo amin'ny ambaratongan'ny fiainana rehetra izy. {VM. 17.2}

6. Ahoana no ahazoan' ny apostoly manao asa lalina sy hentitra amin'izao tontolo izao?

“Hisy asa lalina sy hentitra amin'izao tontolo izao ny maha-solon-tenan' i Kristy ny apostoly. Tsy hampihena ny hery miasa mangina avy aminy, fa hampitombo izany kosa ny maha-olon-tsotra azy ireo; ny sain'ny mpihaino azy mantsy dia ho voatarika hiala aminy ka ho eny amin'ny Mpamonjy, izay, na dia tsy hita aza, dia mbola miara-miasa aminy. Ny fampianarana mahagaga nataon'ny apostoly, ny teniny feno herim-po sy toky, dia nahatonga ny rehetra hahazo antoka fa tsy tamin'ny herin'ny tenany no niasany fa tamin'ny herin' i Kristy. Nanetry tena izy ka nanambara fa ny Andrianan'ny fiainana, ny Zanak'Andriamanitra velona, Ilay nohomboan'ny Jiosy tamin'ny hazo fijaliana, fa tamin'ny anarany no nanaovany ny asa mahagaga efa nataony. {VM. 21.4}

“Tamin'ny resaka nataon'ny Mpamonjy tamin'ny mpianany raha hisaraka taminy Izy, ny alina nialoha ny nanombohana Azy tamin'ny hazo fijaliana, dia tsy nilaza ny amin'ny fijaliana efa niaretany sy tsy maintsy mbola hiaretany Izy. Tsy niteny ny amin'ny fanetren-tena nanoloana Azy Izy, fa nitady kosa ny hitondra ao antsain'ny mpianany izay hampahery ny finoany, ka hitarika azy hibanjina sahady ny

fifaliana izay miandry ny mpandresy. **Naharavoravo Azy ny fahalalany mazava fa afaka hanao sady hanao Izy; fa hitobaka avy Aminy ny fitiavana sy ny fangorahana, ka hanadio ny tempolin'ny fanahy, ary hahatonga ny olona hitovy toetra aam-panahy Aminy; fa hiroso ny fahamarinana, tafin'ny herin'ny Fanahy ka "handresy ary handresy hatrany". {VM 22.1}**

7. Inona no fatran'ny fahombiazana teo amin'ny mpianatra? Ary ny tsiambaratelony?

" Ary raha tonga Izy (ny Fanahin'ny fahamarinana) dia hampiaiky izao tontolo izao ny fahotana sy ny fahamarinana ary ny fitsarana". **Tsy hisy vokany ny fitoriana ny filazantsara raha tsy misy ny fanatrehana sy ny fanampiana mitohin'ny Fanahy Masina. Io ihany no mpampianatra mahomby ny amin'ny fahamarinan' Andriamanitra. Rehefa arahin'ny Fanahy ao am-po ihany ny fahamarinana vao hamelombelona ny feon'ny fieritreretana na hanova ny fiainana. Misy mety afaka hampiseho ny tenin' Andriamanitra amin'ny maha-soratra azy, mety hifankazatra amin'ny didiny sy ny teny fikasany rehetra; nefa raha tsy mampitoetra ny fahamarinana ny Fanahy Masina, dia tsy hisy fanahy hiantoraka eo amin'ilay Vatolampy ka ho torotoro. Tsy misy fanabeazana na tombon-tsoa miavosa, na be toy inona aza, mahavita fantsona tokana mitondra hazavana raha tsy misy fiaraha-miasa amin'ny Fanahin' Andriamanitra. Tsy hisy fahombiazana ny famafazana ny voan'ny Filazantsara raha tsy velomin'ny andon'ny lanitra hanan'aina ny voa. Raha tsy mbola nisy bokin'ny Testamenta Vaovao nosoratana, raha tsy mbola nisy toriteny iray momba ny filazantsara natao tao aorian'ny niakaran' i Kristy tany an-danitra; dia nidina teo amin'ny apostoly teo am-pivavahana ny Fanahy Masina. **Dia izao no vavolombelona nataon'ny fahavalony: Efa nofenoinareo ny fampianaranareo i Jerosalema;" Asa 5:28. {IFM 725.2}****

Eritrereto : "Ho antsika ankehitriny, tahaka ny tamin'ireo mpianatra voalohany, ny teny fikasana momba ny Fanahy. Ankehitriny Andriamanitra dia hanome hery avy any ambony ho an'ny lehilahy sy ny vehivavy, tahaka ny nanomezany izany tamin'ireo izay nandre ny tenin'ny famonjena tamin'ny Andro Pentekosta. Amin'izao ora izao indrindra, ny Fanahiny sy ny fahasoavany dia ho an'izay rehetra mila izany ka hitana Azy amin'ny teniny {8T 20.3}

- FIZARANA FAHATELO - TOKO FAHA - III

Ilay iraka lehibe

1) Nampanantena Kristy fa hiaraka amin'ny mpianatra eo amin'ny asany amin' ny ho avy. Misy toky natao ve momba izany ary inona izany toky izany?

"Efa-polo andro no nijanonan'i Kristy teto an-tany, nanomana ny mpianatra ho amin'ny asa nanoloana azy sy nanazava aminy izay tsy nety ho azony hatramin'izao. Nilaza ny amin'ny faminaniana mikasika ny fiaviany Izy, sy ny nandavan'ny Jiosy Azy ary ny nahafatesany; **ka nasehony azy fa tanteraka avokoa ny antsipiriana ireo faminaniana ieo. Nambarany taminy fa tokony ho noraisiny ny fahatanterahan'ny faminaniana ho toy ny fahatokiana ny hery izay hanomba azy amin'ny asany ho avy. " {VM 26.1}**

2) Vavolombelon' ny inona ny mpianatra ary inona no tokony hotoriany?

"Dia nanokatra ny sain'izy ireo Izy hahalala ny Soratra Masina. Ary hoy Izy taminy. **Izany no voasoratra, fa Kristy hiaritra ka hitsangana amin'ny maty amin'ny andro fahatelo; ary mba hotoriana amin'ny anarany ny fitebavana sy ny famelan-keloka amin'ny firenena rehetra, manomboka eto Jerosalema."** Ary nampiany hoe: **"Ary ianareo no vavolombelon'izany".** Lioka 24:45-48. {VM. 26.2}

3) Nahoana no nohazavain' i Jesosy taminy nandritra ny efa-polo andro ny Soratra Masina?

"Nandritra ireo andro nolanian' i Kristy niaraka tamin'ny mpianany dia nahazo fanandramana vaovao izy ireo. **Tafatoetra tanteraka ny finoany ny Tompo malalany** raha nandre Azy nanazava ny Soratra Masina teo amin'ny fahazavan'izay rehetra nitranga izy. **Tonga teo amin'ny toerana azony nilazana hoe: "Fantatro izay inoako izy" 2 Timothy 1:12.**{VM. 26.2}

4) Inona no toetry ny asa nomena azy sy ny fivelarany?

"**Nanomboka tsapany ny toetry ny asany sy ny fivelarany; nanomboka hitany fa hitory ny fahamarinana nankinina taminy ho an'izao tontolo izao izy"** {VM 26.2}

5) Nahoana no nasaina niandry tao Jerosalema aloha ny mpianatra?

"Efa hoesorina tsy ho eo amin'ny mpianatra izao ny fanatrehan' i Kristy hita maso , **hisy fanomezana hery vaovao ho azy anefa. Homena azy amin'ny fahafenoany ny Fanahy Masina, ka hanokana azy ho amin'ny asany. "Ary indro, hoy ny Mpamonjy, izaho hampitondra ny teny fikasan'ny Raiko ho anareo; fa mitoera eto an-tanàna mandra-panafiana anareo amin'ny hery avy any amin'ny avo" Lioka 24:49. " {VM 29.2}**

6) Inona no dikan'ny hoe atao batisa amin'ny Fanahy Masina? Ary inona no anton'izany?

"Fa Jaona nanao batisa tamin'ny rano; **fa ianareo kosa hatao batisa amin'ny Fanahy Masina rehefa afaka andro vitsivitsy" "Fa hahazo hery ianareo**

amin'ny hilatsahan'ny Fanahy Masina aminareo, ary ho vavolombeloko any Jerosalema sy eran' i Jodia sy Samaria ka hatrany amin'ny faran'ny tany” Asa 1:5, 8. {VM 29.2}

7) *Fomba ahoana no hampahomby ny fitoriana ny filazantsara ?*

“Fantatry ny Mpamonjy fa tsy misy fonjan-kevitra, na tsara rafitra aza, hanalefaka ny fo mafy, na hanapotika ny fonosan'ny fiainana feno rehak'izao tontolo izao sy fitiavan-tena izay efa raiki-tapisaka ao amin'ny olombelona, fantany fa tsy maintsy **handray fanosorana avy any an-danitra ny mpianany**; fantany fa tsy hisy vokany ny filazantsara raha tsy fo mafana sy molotra mahay miteny **noho ny fahalalana velona an' Ilay làlana sy fahamarinana ary fiainana no mitory izany.**” {VM 29.3}

8) *Nahoana no tsy ho afaka hiady ireo mpanaraka an' i Kristy raha tsy noho ny fanampian'ny Fanahy Masina?*

“Mila hery ny asa nankinina tamin'ny mpianatra; **lalina sy nahery vaika mantsy ny fisamontan'ny ratsy nanohitra azy.** Mpitarika mailo sy tsy resy tosika no mibaiko ny herin'ny maizina **ka amin'ny alalan' ny fanampiana nomen' Andriamanitra amin'ny alalan'ny Fanahiny ihany** no ahazoan'ny mpanaraka an' i Kristy miady”. {VM. 29.3}

Eritretero. Manao ahoana kosa isika? Tsy misy vokany ny fitoriana ny teny raha tsy ny fanatrehana sy ny fanampian'ny Fanahy Masina; io Fanahy io ihany mantsy no hany mpampianatra mahomby ny fahamarinana avy any an-danitra. Raha tsy arahin'ny Fanahy ao am-po mantsy ny fahamarinana, dia tsy hamelombelona ny feon'ny fieritreretana na hanova ny fiainana. Mety ho afaka maneho ny tenin' Andriamanitra amin'ny maha-soratra azy ny mpitandrina, mety hifankazatra amin'ny didy sy ny teny fikasana rehetra izy, **nefa tsy hahomby ny famafazana ny voan'ny filazantsara raha tsy velomin'ny andon'ny lanitra hanan'aina ny voa** Tsy misy fanabeazana na tombon-tsoa miavosa, na be toy inona aza, mahavita fantsona tokana mitondra hazavana raha tsy misy fiarahamiasa amin'ny Fanahin' Andriamanitra “[ASA 5:28.] {GW 284.2}

- FIZARANA FAHEFATRA - TOKO FAHA- IV

Pentekosta

1) *Nahoana no niandry tao Jerosalema ny mpianatra?*

“Ho fankatoavana ny baikon' i Kristy dia niandry ny teny fikasan'ny Ray tao Jerosalema izy – dia ny firotsahan'ny Fanahy”. {VM 33.2}

2) *Ny ohatry ny fifohazana apostolika*

Tsy nitomoe-poana izy teo am-piandrasana, fa nivavaka mandrakariva

“**Tsy nitomoe-poana izy teo am-piandrasana.** Hoy ny Sortra Masina hoe: Ary teo an-kianjan'ny tempoly isan'andro izy nankalaza an' Andriamanitra”. Lioka 24:53. Nivory koa izy mba **hitondra ny fangatahany teo amin'ny Ray amin'ny anaran' i Jesosy**”. {VM 33.2}

Ireo loha-hevitry sy antom-bavaka:

a) *Drafitry ny famonjena*

“Fantany fa nanana Solontena any an-danitra izy, Mpisolovava eo anatrehan' ny seza fiandrianan' Andriamanitra. Niondrika nivavaka tamim-panajana fatratra izy, namerina ny toky hoe: “Na inona na inona hangatahinareo amin'ny Ray dia homeny anareo amin'ny anarako izany. Mandraka ankehitriny dia tsy mbola nangataka na inona na inona amin'ny anarako ianareo; mangataha dia hahazo ianareo mba ho tanteraka ny fifalianareo”. Jaona 16:23, 24. {VM 33.2}

b) *Nihanahery ny finoany*

“**Nisandratra ho ambony kokoa hatrany ny tanaan'ny finoana,** notohanany laha-kevitra mahery hoe: Kristy Jesosy no efa maty, eny, sady nitsangana tamin'ny maty koa ka mitoetra eo amin'ny tanaan' ankavanan' Andriamanitra ary mifona ho antsika”; Romana 8:34. {VM 33.2}

d) *Nampietry ny fony tamin'ny fibebahana marina izy ary niaiky ny tsy finoany*

“**Raha niandry ny fanatanterahana ny teny fikasana ny mpianatra, dia nampietry ny fony tamin'ny fibebahana marina izy ka niaiky ny tsy finoany.**” . {VM 34.1}

e) *Nazava kokoa taminy ny fampianaran' i Kristy: Ny Fanamarinana amin'ny finoana sy ny Fanjakan' Andriamanitra.*

“Raha nahatsiaro ny teny nataon' i Kristy taminy talohan'ny nahafatesany izy dia **azony mazava kokoa ny dikany.** Niverina tao an-tsainy ireo fahamarinana izay tsy tao amin'ny fitadidiany intsony, ary naverimberiny tamin'izy samy izy izany. Nanome tsiny ny tenany izy noho ny tsy nahatakarany ny amin'ny Mpamonjy. Nifanesy toy ny nanao rano lava teo imasony ireo toe-javatra teo amin'ny fiainany mahagaga.” {VM 34.1}

“**Nanatona akaiky kokoa an' Andriamanitra izy, ary raha nanao izany izy, dia tsapany ny tombontsoa nananany tamin'ny namelana azy hikambana akaiky toy izany an' i Kristy.** Nameno ny fony ny alahelo rehefa noeritreretiny, impiry izy no nandratra ny fony noho ny fahavotsany ka tsy nahatakarany zavatra, noho ny tsy nahaizany nahazo ny lesona izay niezahan' i Kristy nampianarina azy mba hahasoa azy.” {VM 34.3}

f) *Ny fiainan' i Kristy ao amin'ny fiainany.*

“**Raha nandinika ny fiainany madio sy masina izy ireo, dia tsapany fa tsy nisy asa ho mafy loatra, raha mba azon'ny atao ny ho vavolombelon'ny toetra amam-panahy maha-te-ho tian'i Kristy eo amin'ny fiainany.** Raha mba afaka hiverina hivelomany indray mantsy ireo telo taona lasa, dia tsy hitovy tamin'ny lasa ny fihetsiny! Raha mba afaka mahita fotsiny ny Tompo izy, amin-kafanam-po manao ahoana no iezahany haneho Aminy ny halalin'ny fitiavany Azy, sy ny

alahelony amin'ny fony manontolo noho izy nandratra Azy mandrakariva tamin'ny teny na ny fihesika mitoro tsy finoana! Nampahery azy anefa ny fiheverana fa voavela heloka izy". {VM 34.2}

g) *Fanoloran-tena*

"Ary nanapa-kevitra izy, fa hatramin'izao, raha mbola azo atao, dia hanonitra ny tsy finoany amin'ny faneken'ny Azy amin-kerim-po eo anatrehan'izao tontolo izao". {VM 34.2}

h) *Firahalahiana Kristiana*

"Napetrany ny fahasamihafana rehetra, ny faniriany rehetra ho ambony, ka nifanatona akaiky teo amin'ny fihavanana kristiana izy. "{VM 34.3}

i) *Firaisan-tsaina sy fitiavana*

"Ary nony tonga ny Andro Pentekosta dia teo amin'ny fitoerana iray izy rehetra. Ary nisy feo tonga tampoka avy tany an-danitra toy ny rivotra mahery nifofofoto, ka nanenika ilay trano niangonany". {VM 35.3}

j) *Ny vesatry ny famonjem-panahy*

"Tsy nangataka fitahiana ho an'ny tenany samirery izy. Nitambesatra taminy ny lanjan'ny famonjenny fanahy. Nanjary zava-misy ho azy izany filazantsara hoentina eo amin'izao tontolo izao izany, ka notakiany ny hery izay nampanantenain' i Kristy. {VM 35.1}

"Nivavaka mafy sy tamin-kafanam-po ny mpianatra mba hahazany manatrika ny olona sy manao teny mahatrika ny mpanota eo amin' i Krisy eo amin'ny fifaneraserany andavanandro." {VM 34.3}

k) *Vavaka ho an'ny hosotra masina*

"Andro nandinihany lalina ny fony ireo andro fiomanana ireo. Tsapan'ny mpianatra izay nilainy teo amin'ny ara-panahy, ka nitaraina tamin'ny Tompo izy hahazo ny hosotra masina izay hahatonga azy ho afaka hanao ny asa famonjem-panahy. {VM 35.1}

3) *Inona no nataon'i Kristy tany an-danitra?*

"Tamin'ny andron'ny Patriarika, dia efa naseho matetika tamin'ny fomba miavaka ny hery miasa mangina avy amin'ny Fanahy Masina, nefa tsy mbola tamin'ny fahafenoany. Ankehitriny, ho fankatoavana ny tenin'ny Mpamonjy, dia nitaky io fanomezam-pahasoavana io ny mpianatra, ary nanampy azy Kristy tany an-danitra tamin'ny fanelanelanana nataony. Nitaky ny fanomezana ny Fanahy Izy mba hahazoany mandrotsaka izany amin'ny vahoakany". {VM 35.2}

- FIZARANA FAHADIMY- TOKO FAHA- IV

Vokatra

4) *Inona no vokatra?*

"Raha ny fonjan-kevitra nentin'ny apostoly fotsiny, na dia mazava sy maharesy lahatra aza, dia tsy ho nanala ny hevitra nibahana to an-tsain'izy ireo izay efa nanohitra zavatra hita mazava dia mazava. Zana-tsipika maranitra ny Tsihoa ny tenin'ny apostoly, izay nampiaiky ny olona ny amin'ny heloka mahatsiravina nataony tamin'ny nandavany sy nanomboany ny Tompon'ny voninahitra". {VM 40.4}

5) *Nanjary tahaka ny Tompony izy*

"Notezain' i Kristy ny mpianany mba hahatsapa ny ilàny ny Fanahy. Nampianarin'ny Fanahy izy mba handray ny toetra nilainy farany ary nandeha nanao ny asany mandritra ny fiainany. Tsy olona tsy nahita fianarana sy tsy nanana kolontsaina intsony ireo. Tsy olona tsirairay samy nitokantokana no nangonina, na singan-javatra tsy mifanaraka, sy mifanolana. Tsy nipetraka tamin'ny fahalehibeazana araka izao tontolo izao intsony ny fanantenany. "Niray saina", "niray fo sy fanahy" izy". Asa. 2:46; 4:32. Kristy no nameno ny eritreriny; ny fandrosoan'ny fanjakany no tarigetran'ny. Efa nanjary tahaka ny Tompony izy teo amin'ny saina sy ny toetra amam-panahy, ka fantatry ny olona fa "efa niaraka tamin' i Jesosy " izy " Asa 4:13. {VM 41.1}

6) *Toky sy faharesen-dahatra*

"Nitondra ny fahazavana avy any an-danitra ho azy ireo ny Pentekosta. Novelariny ankehitriny ireo fahamarinana izay tsy nety ho azony fony Kristy teo amin'izy ireo. Neken'ny tamin'ny finoana sy ny fahatokiana izay tsy fantany mihitsy talohan' izao ny fampianaran'ny Teny Masina. Tsy resaka mikasika ny finoana intsony ho azy ny maha-Zanak'Andriamanitra an'i Kristy. Fantany izany, fa na dia nitafy ny maha-olombelona aza izy, dia tena Mesia, koa nambarany tamin'izao tontolo izao ny fanandramany ary nataony tamim-pahatokiana izay nahitana fandresehan-dahatra fa niaraka taminy Andriamanitra." {VM 41.2}

7) *Tsapany ny andraikiny teo amin'ny asany*

"Afaka niteny ny anaran' i Jesosy tamim-pahatokiana izy; tsy sakaizany sy Zokilahiny ve izy? Nifandray akaiky tamin' i Kristy izy ka "niara-nipetraka taminy tany an-danitra". Teny mivaivay manao ahoana no nentin'ny nilaza ny heviny raha nijoro ho vavolombelona ho Azy izy! Nitobaka tao am-pony ny fankasitrahana feno sy lalina ary mahery indrindra ka nanery azy handeha hatrany amin'ny faran' ny tany, mba hijoro ho vavolombelon'ny herin' i Kristy. Fenon'ny faniriana mafy indrindra hanohy ny asa efa natombok' i Kristy izy. Tsapany ny halehiben'ny trosany tamin'ny lanitra sy ny andraikitra mitambesatra aminy." {VM 41.3}

8) *Namirapiratra teny amin'ny endriny ny fiadanan' i Kristy*

“Nanome hery azy ny fanosoran’ny Fanahy Masina ka nandeha feno hafanam-po hanaparitaka ny fandresen’ny hazo fijaliana izy. Nanentana azy sy niteny tamin’ny alalany ny Fanahy. Namirapiratra teny amin’ny endriny ny fiadanana’ i Kristy. Efa nanokana ny fiainany hanompo Azy izy, ka ny endriny mihitsy aza dia nahitana soritra ny amin’ny fanoloran-tena efa nataony”. {VM 42.1}

Eritrereto: (Hosea 6:3; Joela 2:23, 28, 29; Zak. 10:1; Apok. 18:1.)

Pentekosta miverina amin-kery bebe kokoa

“Maniry mafy aho ny hahita sahady ny fotoana izay hiverenan’ny Pentekosta amin-kery be lavitra noho ny tamn’io fotoana io. Hoy i Jaona: “Hitako fa nisy anjely iray koa nidina avy tany an-danitra, nanana fahefana lehibe, ary ny tany nohazavain’ny voninahiny”. Ary amin’izay, tahaka ny tamin’ny andro Pentekosta, dia handre ny fahamarinana hambara aminy, samy amin’ny fiteniny avy, ny olona tsirairay.” {6BC 1055.5}

Mandraisa anjara amin’ny ranonorana farany!

“Azon’ Andriamanitra atao ny mifofo aina vaovao ao amin’ny fanahy tsirairay izay maniry marina ny hanompo Azy, ary azony atao ny manendry ny molotra amin’ny vain’afo mirehitra avy amin’ny alitara, ka hahatonga izany ho mpandahatra mahay ny fiderana Azy. An’arivony ny feo ho vonton’ny hery hampanakoako ireo fahamarinana mahagaga ao amin’ny Tenin’ Andriamanitra. Hivaha ny lela mibadabada, ary hahery ny saro-kenatra hijoro ho vavolombelona momba ny fahamarinana. Ny Tompo anie hanampy ny vahoakany hanadio ny tempoly ny fanahy ho afaka amin’ny loto rehetra, ary hihazona ny fifandraisana ety Aminy mba handray anjara amin’ny ranonorana farany izy rehefa hirotsaka izany”. (RH July 20, 1886). {6BC 1055.6}

- FIZARANA FAHENINA - TOKO FAHADIMY

Ny fanomezan’ny Fanahy

1) Tsy voafetra ny Fanomezana ny Fanahy

“Tsy voafetra ho an’ny fotoan’andro iray na ho an’ny antokom-pirazanana iray ny teny fikasana momba ny Fanahy Masina. Nambaran’ i Kristy fa homba ny mpanaraka Azy hatramin’ny farany ny herin’ Andriamanitra miasa mangina avy amin’ny Fanahiny. Hatramin’ny Andron’ny Pentekosta ka hatramin’izao andro izao, dia nalefa ny Mpananatra ho an’izay rehetra

mampilefitra feno ny tenany tamin’ny Tompo sy ho amin’ny fanompoana Azy.” {VM 44.3}

2) Ny Fanahy Masina ho mpananatra, mpanamasina, mpitarika, ary vavolombelona.

“Tonga tamin’izay rehetra nanaiky an’ i Kristy ho Mpamonjin’ny tenany manokana ny Fanahy Masina ho mpananatra, mpanamasina, mpitarika, ary vavolombelona. Arakaraka ny maha-etiety kokoa ny niarahan’ny mpino tamin’ Andriamanitra, ary arakaraka izany no nampahazava kokoa sy nampahery kokoa ny teny vavolombelona nataony ny amin’ny fitiavan’ny Mpanavotra sy ny fahasoavany mamonjy. Ny lehilahy sy ny vehivavy izay nandray tombon-tsoa betsaka tamin’ny fanatrehan’ny Fanahy Masina nandritra ireo taon-jato lava nisian’ny fanenjehana sy ny fizahan-toetra, dia toy ny famantarana sy fahagagana teo amin’izao tontolo izao. Teo anatrehan’ny anjely sy ny olona no nanehoany ny hery manova ny fitiavana manavotra”. {VM 44.2}

3) Hery nomen’ Andriamanitra ahatrarana ny ohatry ny fahafenan’ny lehilahy sy ny vehivavy ao amin’ i Kristy Jesosy

“Izay voahosotry ny hery avy any ambony tamin’ny Andro Pentekosta, dia tsy hoe afaka tamin’ny fakam-panahy sy ny fitsapana noho izany tsy akory. Raha nijoro ho vavolombelon’ny marina sy ny fahamarinana rehetra izy, dia notafihin’ny fahavalon’ny fahamarinana izay nitady ny handromba ny fanandramana kristiana teo aminy. Voatery niezaka tamin’ny hery rehetra nomen’ Andriamanitra azy izy hanatratra ny ohatry ny fahafenoan’ny lehilahy sy ny vehivavy ao amin’ i Kristy Jesosy.” {VM 45.1}

4) Fanampim-pahasoavana hiakarana ambony kokoa hatrany hanatona ny fahatanterahana

“Nivavaka isan’ andro izy nangataka fanampim-pahasoavana, mba ahazoany miakatra ambony kokoa hanatona hatrany ny fahatanterahana. Na dia osa indrindra aza izy, teo ambanin’ny herin’ ny Fanahy Masina, dia nampiasa ny finoany an’ Andriamanitra, ka nianatra ny hanatsara ny hery nankinina taminy sy hanjary nohamasinina, nohatsaraina ary nasandratra. {VM 45.1}

5) Hery miasa mangina handraisana ny fahafenoan’ny Andriamanitra Ray.

“Rehefa nilefitra tamim-panentren-tena teo amin’ny herin’ ny Fanahy Masina miasa mangina izy, dia nandray ny fahafenoan’ Andriamanitra Ray sy novolavolaina hanampitoviana Aminy”. {VM 45.1}

6) Ahoana no fiasany?

- Hampiaiky ny fahotana izy

“Voafaritra mazava tsara ao amin’ny tenin’ i Kristy ny anjara asan’ny Fanahy Masina: “Ary raha tonga izy dia hampiaiky izao tontolo izao ny fahotana sy

ny fahamarinana ary ny fitsarana “ Jaona 16:8. Ny Fanahy Masina no **mandresy lahatra ny amin’ny fahotana** Raha mamaly ny herin’ny Fanahy Masina izay miasa mangina hamelombelona azy ny mpanota, **dia ho voataona ho amin’ny fibebahana izy, ka hifoha ho amin’ny fahatsapana ny maha-zava-dehibe ny fankatoavana izay takian’ Andriamanitra**”. {VM 47.2}

- Haneho ny Zanak’Ondrin’ Andriamanitra

“Ny mpanota mibebaka, noana sy mangetaheta ny fahamarinana no anehoan’ny Fanahy Masina ny Zanak’Ondrin’ Andriamanitra izay manaisotra ny fahotan’izao tontolo izao” “Izy hankalaza Ahy; fa handray ny amin’ny Ahy Izy ka hanambara izany aminareo”, hoy Kristy.” Izy no hampianatra anareo ny zavatra rehetra sy hampatsiahy anareo ny zavatra rehetra izay nolazaiko taminareo” Jaona 16:14; 14:26. {VM 47.2}

- Mahatonga ny famonjena notanterahan’ny Mpanavotra tamin’ny nahafatesany hisy vokany izy

Nomena ny Fanahy hiasa ho famelombelomana sy hahatonga ny famonjena notanterahin’ny Mpanavotra antsika hisy vokany. Mitarika mandrakariva ny hisarika ny sain’ny olona ho amin’Ilay Fanatitra lehibe izay natao teo amin’ny hazo fikalian’ i Kalvary ny Fanahy. Miezaka Izy hamelatra ny fitiavan’ Andriamanitra amin’izao tontolo izao, sy hanokatra ireo haren-tsarobidin’ ny Soratra Masina eo imason’ny fanahy resy lahatra”. {VM 47. 3}

- Mameno ny fanahy amin’ny faniriana fahamasinana izy

“Rehefa nandresy lahatra ny amin’ny fahotana ny Fanahy Masina, ka nampiseho ny tarigetran’ny fahamarinana ho hitan’ny saina, dia misarika ny fitiavana hiala amin’ny zavatr’ity tany ity izy, ka mameno ny Fanahy amin’ny faniriana fahamasinana, “Hitari-dàlana anareo ho amin’ny marina rehetra izy” (Jaona 16:13), hoy ny nambaran’ny Mpamonjy. **Raha mety hovolavolaina ny olona, dia hanamasina ny tenany manontolo.** Horaisin’ny Fanahy ny zavatra araka an’ Andriamanitra ka **hataony toambo-kase amin’ny fanahiny.** Ny heriny no hahatonga ny làlan’ny fiainana tsy hisy kitoantoana, hany ka tsy misy na dia iray aza tokony ho very làlana ny amin’izany.” {VM 47. 4}

- FIZARANA FAHAFITO- TOKO FAHADIMY

Fepetra

7. Tsy miova ny teny fikasan’ i Kristy raha nandeha izy fa handefa ny Fanahy Masina ho solontenany.

- Saingy tsy ankasitrahana ny teny fikasana

“Tsy nanova ny teny fikasana nataon’ i Kristy ny amin’ny handefasany ny Fanahy Masina ho solontenany tsy akory ny elanelam-potoana. Tsy famerana avy amin’ Andriamanitra tsy akory no tsy nampikoriana ankehitriny ny haren’ny fahasoavany mankety an-tany ho an’ny olona. **Raha tsy hita araka izay tokony ho izy ny fanatanterahan’ny teny fikasana dia satria tsy ankasitrahana araka izay tokony ho izy**” {VM 45. 2}

- Tsy manam-paniriana

“Raha manam-paniriana an’izany ny rehetra, dia mety ho feno ny Fanahy”. {VM 45.2}

- TSY mila ny Fanahy Masina

“Na aiza na aiza handraisasna ny Fanahy Masina ho zavatra tsy heverina firy dia hahitana hai-tany ara-panahy, haizina ara-panahy, fihemorana sy fahafatesana ara-panahy”. {VM 45. 2}

“Misy fanakianana be natao tamin’ny asan’ ny Fanahy Masina, noho ny fahadisoan’ny antokon’olona izay mihambo ho mandray fahazavana avy Aminy ka milaza fa tsy mba mila intsony ny fitarihan’ Andriamanitra. Eritretritra fotsiny izay raisiny ho toy ny feon’ Andriamanitra izany. Ny fanarahana an’ireo eritreritra ireo, sy ny fanaovana an-tsirambina ny Soratra Masina, dia tsy afaka hitarika afa-tsy ho amin’ny korontana, ny fahadisoam-panantenana sy ny fahafatesana. Mampandroso ny fikasan’ilay ratsy fotsiny izany. Satria iankinan’ny ain’ny fiangonan’ i Kristy ny asa fanompoana ataon’ny Fanahy Masina, dia iray amin’ny zava-kendren’ i Satana, ny hanao tsinontsinona ny zava-kendren’ny Fanahy, amin’ny alalan’ny hevi-diso entin’ny mpandray an-tendrony sy mibirioka amin’ny tafahoatra, ka mahatonga ny vahoakan’ Andriamanitra hanao an-tsirambina io loharanon-kery izay nomanin’ny Tompontsika io mihifisy.” {HM 12.3}

- Banga ny herin’ Andriamanitra

“Na oviana na oviana hifantohan’ny saina amin-java-madinika tsy misy antony dia banga ny herin’ Andriamanitra izay ilaina ho fampitomboana sy ho fampiroboroboana ny fiangonana, ary hitondra ny fitahiana hafa rehetra hanaraka azy, na dia natolotra tamin’ny fahafenoany tsy voafetra aza izany”. {VM 45.2}

- Ny faharendremantsika ara-panahy, ny tsi-firaihantsika, ny fitsilamodamohantsika

“Tsy nakaton’ny Tompo ny tahirin-kerin’ny lanitra rehefa avy nandrotsaka ny Fanahiny teo amin’ireo mpianany voalohany izy. Isika koa dia afaka mandray ny fahafenoan’ny fitahiany. Feno ny harem-pahasoavany ny lanitra , ary izay manatona an’ Andriamanitra amin’ny finoana dia afaka mitaky izay rehetra nampanantenainy, **Raha tsy manana**

izany heriny izany isika, dia noho ny faharendremantsika eo amin'ny ara-panahy, ny tsi-firaihantsika, ny fitsilamodamohantsika. Andeha isika hiala amin'izany fomba fanao miendrika fahafatesana izany". (RH June 4, 1889). {6BC 1055.4}

Nahoana? Nahoana? Nahoana?

"Koa satria io no fomba izay handraisantsika hery, nahoana no tsy noana sy mangetaheta ny fanomezana ny Fanahy isika? Nahoana no tsy ataontsika anton-dresaka, antom-bavaka sy toriteny izany? "Vonona ny hanome ny Fanahy Masina amin'izay manompo Azy ny Tompo, mihoatra noho ny fanirian'ny Ray aman-dreny hanome zava-tsoa ho an'ny zanany" {VM 46.1}

8. "Andeha isika hiala amin'izany fomba fanao miendrika fahafatesana izany

- Batisan'ny Fanahy Masina isan'andro

"Tokony handefa fangatahana isan'andro amin'Andriamanitra ny mpiasa tsirairay mba handraisany ny batisan'ny Fanahy isan'andro. Tokony hivory hangataka ny fanampiana manokana, sy ny fahendrena avy any andanitra ny fikambanan'ny Kristiana, mba hahafantarany izay drafira hatao sy hanatanterahany izany amim-pahendrena". {VM 46. 1}

- Mivavaha ho amin'ny fitoriana ny fahamarinana amin-kery

"Tokony hivavaka amin'ny fomba manokana ny hanaovan'Andriamanitra batisa amin'ny fatra betsaka amin'ny Fanahiny ireo ambasadaoro nofidiny ho any amin'ny sahan'ny misiona. Ny fanatrehan' ny Fanahy eo amin'ny mpiasan' Andriamanitra dia hanome hery ny fitoriana ny fahamarinana izay tsy hain'ny voninahitra na ny laza rehetra eo amin'izao tontolo izao omena. " {VM 46.1}

- Mivavaha ho tonga vavolombelona ho an' Andriamanitra sy ny fahamarinany ka handray bebe kokoa hatrany ny herin'ny Fanahy.

" Ankehitriny dia mbola mampiasa ny fiangonany Andriamanitra hampahafantatra ny fikasany eto an-tany. Ankehitriny dia mandeha mitety ny tanàna sy ny vohitra ny mpitondra ny hafatry ny hazo fijaliana, ka manomana ny lalana ho amin'ny fiavian' i Kristy fanindroany. Asandratra ny fanevan'ny lalàn' Andriamanitra. Manetsiketsika ny fon'ny olona ny Fanahin'ny Tsitoha, ary izay manohana ny heriny miasa mangina dia manjary vavolombelona ho an' Andriamanitra sy ny fahamarinany. Amin'ny toerana maro dia ahitana lehilahy sy vehivavy manokan-tena mampita amin'ny hafa ny fahazavana izay nanala ny kitoantoana eo amin'ny lalàn'ny famonjena amin'ny alalan' i Kristy; Ary raha mbola mitohy mamela ny fahazavany hamirapiratra izy, tahaka ny nataon'ireo natao batisa tamin'ny Fanahy tamin'ny Andron'ny Pentekosta, dia handray ny herin'ny Fanahy mitombo ary mitombo hatrany. Amin'ny fomba toy izany no mahatonga ny tany ho hazavain'ny voninahitr'Andriamanitra". {VM 48.2}

- Aoka tsy avela hihamatroka ny fahazavantsika

"Ety ankilany misy ireo izay tsy manararaotra amim-pahendrena ny fotoana mety ankehitriny, fa mitomoe-poana miandry fotoana manokana hisian'ny famelombelomana ara-panahy izay hampitombo be dia be ny fahazoany manazava ny hafa. **Manao an-tsirambina ny andraikiny sy ny tombontsoany ankehitriny izy, ka mamela ny fahazavany hihamatroka**, manantena izy fa hisy fotoana izay tsy hanaovany fiezahana, nefa hahatonga azy ho fitaovana handray fitahiana manokana izay hanova azy sy hahavonona azy ho amin'ny fanompoana " {VM 49.1}

9. Inoy ny teny fikasany: "Indro izaho momba anareo mandrakariva, ambara-pahatonga ny fahataperan'izao tontolo izao"

- Fanehoana manokana ny fankasitrahan' Andriamanitra rehefa hifarana ny asany eto an-tany.

"Marina fa amin'ny andro farany, rehefa mifarana ny asan' Andriamanitra eto an-tany, dia hisy fanehoana manokana ny fankasitrahan'Andriamanitra hanaraka ny ezaka mafana hataon'ireo mpino nanolon-tena eo ambanin'ny fitarihan'ny Fanahy Masina. Ny endriky ny ranonorana aloha sy aoriana, izay milatsaka any atsinanana amin'ny fotoana famafazana sy fijinjana, no entin'ny mpaminany hebreo manambara mialoha ny firotsahan'ny fahasoavana ara-panahy amin'ny fatra mahagaga eo amin'ny fiangonan' Andriamanitra " {VM 49.2}

- Hatramin'ny andro farany

"Ny firotsahan'ny Fanahy tamin'ny andron'ny Apostoly no fiantombohan'ny ranonorana aloha, na voalohany ary be voninahira ny vokatr'izany. **Hatramin'ny andro farany dia hitoetra eo amin'ny fiangonana marina ny fanatrehan'ny Fanahy**" {VM 49.2}

- Fanomezana manokana ny fahasoavana ara-panahy

"**Nefa** rehefa akaiky ny fiakaran'ny fijinjana ny tany, dia hisy fanomezana manokana ny fahasoavana ara-panahy nampantanenaina, **izay hanomana ny fiangonana ho amin'ny fiavian'ny Zanak'olona. Ampitoviana amin'ny filatsaky ny ranonorana aoriana io firotsahan'ny Fanahy io ; ary io fanampim-kery io no tokony handefasan'ny kristiana fangatahana amin'ny Tompon'ny vokatra "amin'ny andro fara-orana"** Ho valin'izany dia "handatsaka ranonorana mivatravatra ho anareo aloha (Jehovah)" . "**eny, ny loha-orana sy ny fara orana aloha"** Zakaria 10:1; Joela 2:23. {VM 49.3}

(Jer. 30:7; Hosea 6:3; Joela 2:23; Zak. 10:1; Efes. 4:13, 15.) **Famelombelomana avy amin'ny Ranonorana farany** – Raha manatona ny fotoanan'ny adiny farany ireo rantsan'ny tenan' i Kristy, "ny fotoanan'ny fahorian' i Jakoba", dia hitombo ao amin' i Kristy izy, ary **handray anjara betsaka amin'ny Fanahiny**. Raha hisandratra ho antso avo ny hafatry ny anjely fahatelo, ka

harahin'ny hery sy ny voninahitra lehibe ny famaranana ny asa, dia handray anjara amin'izany voninahitra izany ny vahoakan' Andriamanitra mahatoky.

- Mandritra ny fotoan-tsarotra

“Ny ranonorana farany no mamelombelona sy mampahery azy ireo hamakivaky ny fotoan-tsarotra. Hamirapiratra noho ny voninahitr'io fahazavana io izay manomba ny anjely fahatelo ny tavan'izy ireo. (RH May 27, 1862). {7BC 984.4}

10. Fepetra

- Manana fifandraisana velona amin'ny loharanon'ny fitombohana ara-panahy rehetra

“Nefa raha tsy manana fifandraisana velona amin'ny loharanon'ny fitombohana ara-panahy rehetra ny mambra ao amin'ny fiangonan' Andriamanitra ankehitriny dia tsy ho vonona izy amin'ny andro fijinjana. Raha tsy tazony hadio sy mirehitra ny jirony, dia tsy ho afaka handray fahasoavana fanampiny izy amin'ny fotoana ilàny fanampiana manokana” {VM 49.3}

- Mampilefitra ny fanahy hotarihin' ireo anjelin'Andriamanitra sy hofeheziny

“Nampanantena ny fanomezan'ny Fanahy Masina ho an'ny fiangonany Kristy ary ho antsika tahaka ny ho an'ireo mpianatra voalohany ny teny fikasana. Nefa tahaka ny teny fikasana hafa rehetra, dia misy fepetra ny hanomezana azy. Maro no milaza fa mino ny teny fikasan'ny Tompo sy mitaky izany, miresaka momba an'i Kristy sy ny Fanahy Masina izy; **nefa tsy misy tombon-tsoa raisiny, satria tsy mampilefitra ny fanahiny hotarihina sy hofeheziny ireo anjelin' Andriamanitra izy.**” {GW 284.3}

- Miandry an'Andriamanitra amim-panentren-tena

“Tsy afaka mampiasa ny Fanahy Masina isika, ny Fanahy no mampiasa antsika. Amin'ny alalan'ny Fanahy Andriamanitra no miasa ao amin'ny vahoakany “na ny fikasana na ny fanaovana ahatanteraka ny sitrapony” [Fil. 2:13.] betsaka anefa no tsy hilefitra hotarihina. **Te-hitantana ny tenany izy. Izay no antony tsy handraisany ny fanomezan'ny lanitra. Ireo izay miandry amim-panentren-tena an' Andriamanitra ihany, izay miandry ny fitarihany sy ny fahasoavany, ireo no homena ny Fanahy**” {GW 285.1}

- Arakaraka ny fahafahany mandray

“Io fitahiana nampanantenaina io, raha takiana amin'ny finoana, dia hitondra miaraka amin'ny fitahiana hafa rehetra manaraka azy. Omena araka ny haren'ny fahasoavan' i Kristy izany ary vonona izy hamatsy ny fanahy rehetra araka ny fahazoany mandray”. {GW 285.1}

- Ilaina isan'andro

“Ireo izay manday fanampim-pahasoavana vaovao hatrany ihany, no hanan-kery mifamatra amin'izay ilainy isan'andro sy ny fahaizana hampiasa io hery io”. ”. {VM 50.1}

- Milefitra amin' Andriamanitra isan'andro

“Tsy hiandrandra fotoana ho avy izay ahazoany fanahy amin'ny fomba mahagaga, amin'ny alalan'ny fanosoran'ny hery ara-panahy izy, fa milefitra amin' Andriamanitra isan'andro kosa, mba hanaovany azy ho fitaovana azony ampiasaina. Isan'andro dia manararaotra ny fotoana mety hanaovany ny fanompoana izay mety ho tratrany izy. Isan'andro dia mijoro ho vavolombelon'ny Tompo izy na aiza na aiza misy azy, na eo amin'ny faritra tsotsotra eo amin'ny asa eo antokan-trano, na eo amin'ny saha hanaovana soa ho an'ny besinimaro”. {VM 50.1}

11. Ny valiny

- Andriamanitra mahafantatra

“Mety ho tonga amin'ny fahafainganana tampoka sy amin-kery manafotra ny valiny, na mety miandry andro sy herinandro, ka misedra ny finoantsika. Nefa Andriamanitra mahalala ny fomba sy ny fotoana hamaliana ny vavaka ataontsika Ny anjarantsika dia ny mitoetra eo amin'izay hifandraisantsika amin'ny fantson'ny lanitra. Andriamanitra no miandraikitra ny anjara asany. Mahatoky izy amin'izay efa nampanantenainy.” . {SR 247.1}

- Inona no anjarantsika?

“Ny zava-dehibe sy manan-danja ho antsika dia ny hiray fo sy saina, ny hanaisotra izay fitsiriritana sy hasomparana rehetra, ka hitalaho amim-panentren-tena, hanantena sy hiandry. Jesosy, Ilay Solontenantsika sy Loha rahateo, dia vonona ny hanao ho antsika izay efa nataony ho an'ireo nivavaka, nanantena tamin'ny andro Pentekosta.” {SR 247.1}

- FIZARANA FAHAVALO- TOKO FAHADIMY

Fanandramana iainana

12. Lesona ho antsika

- Miandry, manantena, ary mirai-fo mivavaka

“Ity teny vavolombelona mikasika ny nananganana ny fiangonana Kristiana dia tsy nomena antsika fotsiny amin'ny maha-ampahany manan-danja azy eo

amin'ny tantara masina fa lesona ho antsika koa izany.. **Izay rehetra mitondra ny anaran' i Kristy dia tokony hiandry, hanantena ary hirai-fo hivavaka**". {SR 246.3}

- **Manaisotra izay rehetra mampisaraka**

"Tokony hoesorina izay rehetra mampisaraka, ka hanenika ny rehetra kosa ny firaisana sy ny fitiavana mamy. Amin'izay dia hiara-misandratra ho any amin' Raintsika izay any an-danitra ny fivavahantsika amin'ny finoana mahery sy mafana. Amin'izay dia afaka hiandry amim-paharetana isika sy hanantena ny fahatanterahan' ny teny fikasana". {SR 246.3}

- **Mahafantatra sy mandray ny ando sy ny ranonorana mivatravatra mandrotsaka fahasoavana eo amintsika.**

(Isa. 61:11.) Nahoana no tsy tokony hiandry ny Ranonorana farany isika .—Tsy tokony hiandry ny ranonorana farany isika. Tonga amin'izay rehetra mahafantatra sy mandray ny ando sy ny ranonorana mivatravatra mandrotsaka fahasoavana eo amintsika izany. Rehefa atambantsika ireo sombintsombin'ny fahazavana, rehefa ankasitrahantsika ireo famindram-pon' Andriamanitra azo antoka, ilay tia ny hatokisantsika Azy, amin'izay, dia ho tanteraka ny teny fikasana tsirairay [Isa. 61:11] **Ho feno ny voninahitr'Andriamanitra ny tany manontolo**". (Letter 151, 1897). {7BC 984.5}

- **Inona no zava-dehibe tsy mainsy hotoriana ANKEHITRINY nefa natao an-jorony, ary inona no vokatr'izany.**

"Aloha indrindra ny nandaozany ny mpianany ho any amin'ny lapa ho any an-danitra, dia nampahery azy ireo tamin'ny teny fikasana momba ny Fanahy Masina Jesosy. **Natao ho antsika koa io teny fikasana io, tahaka ny nanaovana izany ho azy ireo, nefa mahalana dia mahalana no hitondrana izany eo anatrehan' ny vahoaka, sy ny fandraisana izany ao amin'ny fiangonana. Vokatr'izany fahanginana momba izany lahan-kevitra tena manan-danja indrindra izany, inona no teny fikasana izay tsy fantantsika firy ny momba ny fanatanterahana azy hiainana, latsaka noho io teny fikasana sarobidy momba ny fanomezana ny Fanahy Masina io, izay hanomezana fahombiazana ny asantsika ara-panahy rehetra? Kisendrasendra no hisian'ny famelabelarana momba ny Fanahy Masina, zara raha voakasika ny momba izany, dia izay no izy. Noantritanterina ny faminaniana, nohalalinina ny foto-pinoana; fa izay tena ilain'ny fiangonana hitomboany hery ara-panahy sy fahombiazana, mba hitondra faharesen-dahatra ny fitoriana izay atao ka hiova fo ho an' Andriamanitra ny fanahy, izany dia navela lavitry ny ezaka ataon'ny mpitandrina. Napetraka anjorony io loha-hevitra io, toy ny hoe hodinihina any aoriana any, Nisy fitahiana sy tombon-tsoa hafa naseho teo anatrehan'ny olona mandra-pitsirin'ny faniriana ao amin'ny fiangonana hahazoany fitahiana nampanantenain'Andriamanitra; fa ny tsapa mikasika ny Fanahy Masina dia ny hoe tsy ho an'ny fiangonana izao izany, fa hisy fotoana mbola ho avy any izay hilàn'ny fiangonana ny handraisana izany.** {TM 174.1}

- **Ny fitahiana hafa rehetra**

"Raha takiana amim-pinoana io fitahiana nampanantenaina io, dia hitondra ireo fitahiana hafa rehetra hanaraka azy, ary tokony homena an-kalahana ho an'ny vahoakan' Andriamanitra izany. Noho ny hafetsena ataon'ny fahavalo dia toa tsy afaka mahazo sy mandray ireo teny fikasan' Andriamanitra ny vahoakany. Toa mihevitra izy fa ranonoram-pahasoavana faran'izay kely no tokony hirotsaka amin'ny fanahy mangetaheta. **Fahazarana eo amin'ny vahoakan' Andriamanitra ny mihevitra fa tsy maintsy miankina amin'ny ezaka ataony izy, fa misy fanampiana kely horaisina avy any an-danitra; ary ho vokatr'izany dia kely ny fahazavana hozarainy amin'ireo fanahy hafa izay ambavahaona ao amin'ny hevi-diso sy ny haizina mikitroka.** Hafa-po ela tamin'ny fitahiana kely avy amin' Andriamanitra ny fiangonana; tsy tsapany ny ilàna ny hanakatra ireo tombon-tsoa ambony novidiana tamin'ny vidiny tsy hita lany. Ambany ny heriny ara-panahy, ny fanandramany dia toetra amam-panahy soazaniny sy marefo, koa tsy afaka manao ny asa tian'ny Tompo ataony izy. Tsy afaka maneho ireo fahamarinana lehibe sy be voninahitra ao amin'ny Teny Masin' Andriamanitra izay hampiaiky sy hampiova fo ireo fanahy amin'ny alalan'ny asan'ny Fanahy Masina. **Miandry ny fangatahana ataon'izy ireo sy ny fandraisany izany ny herin' Andriamanitra. Hisy fararanom-pifaliana hojinjain'ireo izay namafy ny voa masin'ny fahamarinana.**" **"Mandeha mitomany mitondra ny voa afafiny izy, fa hiverina miondra ny amboarany amin'ny fihobiana kosa**". {TM 174.2}

- **Hohazavaina ny tany manontolo**

"Rehefa afaka izany, dia hitako fa, indro, nisy anjely iray koa nidina avy tany an-danitra, nanana fahefana lehibe; ary ny tany nohazavain'ny voninahiny". Apok. 18:1 {ML 63.1}

Akaiky ny faran'ny zavatra rehetra. Miasa amin'ny saina rehetra Andriamanitra izay misokatra handairan'ny Fanahiny Masina. Mandefa ireo mpitondra hafatra avy amintsika izy hitondra fampitandremana any amin'ny toerana voafaritra rehetra. Misedra ny fitiavam-bavaky ny fiangonany Andriamanitra sy ny finiavany hankato ny fitarihan'ny Fanahy. Tokony hitombo ny fahalalana. Tokony ho hita ireo mpitondra hafatry ny lanitra mihazakazaka etsy sy eroa, mitady ny fomba rehetra izay hampitandremana ny vahoaka momba ny fitsarana ho avy sy haneho ireo vaovao mahafalin'ny famonjena amin'ny alalan'ny Jesosy Kristy Tompontsika. Tokony hasandratra ny fanevan' ny fahamarinana. Miasa amin'ny fon'ny olona ny Fanahin' Andriamanitra, ary ho tonga fahazavana eo amin'izao tontolo izao izay mamaly ny heriny miasa mangina. Hita hatraiza hatraiza izy mandeha mizara amin'ny hafa ny fahazavana noraisiny tahaka ny nataony fony nirotsaka ny Fanahy Masina tamin'ny Andro Pentekosta. Ary rehefa avelany hamirapiratra ny fahazavany, dia handray bebe kokoa hatrany amin'ny herin'ny Fanahy izy. Hazavain'ny voninahitr'Andriamanitra ny tany". {ML 63.2}

- **Vokany manerana an'izao tontolo izao**

"Hifarana amin-pahefana sy hery manaoatra lavitra noho ilay Antso nisasak'alina. Nandroso ny mpanompon' Andriamanitra, nandray fahefana avy

any ambony, ny endriny nitombo hazavana sy mamirapiratra ny fanoloran-tena masina, ka nandeha nitony ny hafatra avy any an-danitra izy. “{ML 63.3}

Maro no nidera an' Andriamanitra. Sitrana ny marary, ary nisy fahagagana hafa natao. Nisy fanahin'ny fanelanelanana niseho, tahak' izay niseho talohan' ilay Andro Pentekosta lehibe. Aman-jatony sy aman-arivony ireo hita namangy fianakaviana sy nanokatra ny Tenin' Andriamanitra teo anatrehany. Nampiaiky ny fo ny herin'ny Fanahy Masina, ary nisy fiovam-po marina niseho. Nivoha nidanadana hatraiza hatraiza ny varavarana hitoriana ny fahamarinana. Toa nohazavain'ny hery miasa mangina avy any an-danitra izao tontolo izao.” {ML 63.4}

- Fanontaniana hosaintsainina {8T 54.2}

Tsy velombelona ve ny herinao noho ny fitahiana narotsak' Andriamanitra taminao? Moa ve tsy latsaka lalindalina koa tao amin'ny fanahinao ny fahamarinana? Moa ve hitanao mazava kokoa ny maha-zava-dehibe an'izany ho an'ireo ambavahaona tsy manana an' i Kristy? Hatramin'ny fanehoana mazava ny fitahian' Andriamanitra, moa ve mijoro ho vavolombelona ho an' i Kristy amin'ny fomba mazava sy hentitra kokoa noho ny teo aloha ianao? {8T 55.1}

- Talenta nampitomboina

“Nentin'ny Fanahy Masina tao an-tsainao ireo fahamarinan-dehibe iankinan'ny aina ho amin'izao fotoana izao. Tokony ho fatorana anaty lamba kely ve izany ka hafenina anaty tany? Tsia, tsia. Tokony hoentiny any amin'ny mpanakalo vola izany. Rehefa mampiasa ny talentany am-pahatokiana ny olona, na kely toy inona aza izany, dia raisin'ny Fanahy Masina ireo zavatr' Andriamanitra, ka asehony ho vaovao eo amin'ny saina. Hataon' Andriamanitra ho hery mitondra aina ny teniny amin'ny alalan'ny Fanahy. Velona sy mahery izany, miasa mahery amin'ny saina, tsy noho ny fianarana na ny fahaizan'ny olombelona, fa satria miasa amin'ny herin'ny olombelona ny herin'Ansriamaintra. Ary ny fiderana rehetra dia tokony homena ny herin' Andriamanitra”. {8T 55.2}

- Antso avo

“Tsy maintsy ho vahoaka voaova fo ny olon'Andriamanitra sisa. Ny fanehoana an'io hafatra io dia tokony hitondra vokatra ho fiovam-po sy ho fanamasinana ny fanahy. Tokony hotsapantsika ny herin'ny Fanahin' Andriamanitra eo amn'ity fihetsehana ity; hafatra mahagaga, mazava ity; midika ny zavatra rehetra ho an'izay mandray azy izany, ary tokony hotoriana amin'ny antso avo. Tsy maintsy manana finoana marina, mitoetra isika fa handroso ity hafatra ity amin-kery mitombo hatrany hatramin'ny faran'ny andro”. {9T 154.1}

FEHIN-KEVITRA: ILAINA NY FANAHY MASINA

Ilaina ankehitriny mihoatra noho ny teo aloha ny asa famaranana ataon'ny Fanahin' Andriamanitra”. [VOL. 3, PP. 327, 328 (1873).] {5T 676.3}

TARI-DALANA FAHATELO

- 10 ANDRO FIFOHAZANA -

Teny mialoha

Kol 2.6 « Koa tahaka ny nandraisanareo an'i Kristy Jesosy Tompo, ***dia mandehana ao aminy araka izany koa*** »

DHK, t.82/2 « Maro ny olona mihevitra fa tsy maintsy hanao ny zavatra sasany amin'ny asa ny tenany. ***Natoky an'i Kristy izy tamin'ny famelan-keloka, nefa dia izao miantehitra amin'ny herin'ny tenany izy mba ho velona amin'ny fahamarinana.*** »

Ho foana anefa ny fiezahana rehetra toy izany.

Hoy Jesosy hoe : « Raha misaraka amiko ianareo dia tsy mahay manao na inona na inona » Ny fitomboantsika amin'ny fahasovana sy ny fifaliansika, ary ny soa mety ho vitantsika, dia samy miankina amin'ny fikambanantsika amin'i Kristy avokoa. Noho ny firaisantsika Aminy isan'andro sy isan'ora – eny, noho ny itoerantsika ao Aminy, - no itomboantsika amin'ny fahasovana.

Tsy Tompon'ny finoantsika ihany IZY, fa Mpanefa azy koa. I Kristy no Voalohany sy Farany ary Mandrakariva. Homba antsika IZY, tsy amin'ny voalohan'ny diantsika ihany, na amin'ny farany, fa isaka ny indray mandingana eny an-dalana. »

Gal 5.16 « « Fa hoy izaho : ***Mandehana araka ny Fanahy***, dia tsy hahatanteraka ny filan'ny nofo hianareo. »

Ny olona mandeha araka ny Fanahy dia mihaino, mandre ary milefitra amin'ny feon'ny Fanahy Masina mandrakariva. Ary manjary manana :

-	Saina	mifanaraka	amin'ny	sain'i	Kristy,
-	Sitrapo	milefitra	amin'ny	sitrapon'Andriamanitra,	
-		Fihetseham-po			masina.

1 Kor 2.13-14 Diem « Ary tsy teny ampianarin'ny fahendren'olombelona no itenenanay momba izany, fa teny ampianarin'ny Fanahin'Andriamanitra ; ka izay manana io Fanahin'Andriamanitra io no anazavanay ny zavatra ampitain'ny Fanahin' Andriamanitra. »

2.14 « ***Fa ny olona tsy manana ny Fanahin'Andriamanitra dia tsy mahay mandray ny fanomezana ampitain'izany Fanahy izany*** ; fa ataony ho fahadalana izany, sady tsy hainy fantarina velively, satria ny Fanahin'Andriamanitra ihany no ahafantarana izany. »

Zava-panahy ny fitomboana ao amin'i Kristy, dia ny fitomboana eo amin'ny arapany izay lazaina koa hoe **FANAMASINANA** sy **FANAVAOZANA**. Ary **fanomezana ampitain'ny Fanahin'Andriamanitra izany ka raisin'izay manana ny Fanahin'Andriamanitra**.

Fl 2.12 “Koa amin'izany, ry malalako, tahaka ny nanekenareo mandrakariva, tsy fony teo aminareo ihany aho, **miasa amin'ny tahotra sy ny hovitra hahatanteraka ny famonjena anareo**”

HF, t.134/3 “Mifandrindra amin'io fanandramana io ny baiko manao hoe : **miasa amin'ny tahotra sy ny hovitra hahatanteraka ny famonjena anareo**. Fa Andriamanitra no miasa ao anatinareo, na amin'ny fikasana, na ny fanaovana hahatanteraka ny sitrapony”. Tsy mibaiko anao Andriamanitra hatahotra sao tsy hahatanteraka ny teny fikasany, sao ho sasatra ny faharetany na tsy ho ampy ny famindrampony.

Fa matahora kosa, sao tsy ho voatana hilefitra sitrapon'i Kristy ny sitraponao, sao ireo lafin-toetra nolovaina sy nokolokoloina no mifehy ny fiainanao. « Andriamanitra no miasa na ny fikasana na ny fanaovana hahatanteraka ny sitrapony »

- Matahora sao misalovana eo anelanelan'ny fanahinao sy **ILAY TOMPON'ny asa lehibe ny « izaho »**
- Matahora sao ny sitrapon'ny tena no hanimba ilay fikasana ambony izay irin' Andriamanitra ho tanteraka amin'ny alalanao.
- Matahora sao matoky ny herin'ny tenanao ianao ;
- tandremo sao esorinao tsy ho tantanan'i Kristy ny tananao, ka hizotra amin'ny fiainana lavitra ny fanatrehany ianao »

Ny firosoana teo amin'ny batisan'ny rano

- no nanehoantsika teo anatrehan'ny vavolombelona maro ny **finoantsika ny famelan-keloka nomen'i Kristy teo an-kazo fijaliana**.
- Ary hanehoana ny fahatokiansika ny Mpamonjy Mpanavotra **hanatanteraka ny fandehanana araka ny Fanahy** eo amin'ny dia kristiana ivelomantsika.

Ny firosoana teo amin'ny batisan'ny Fanahy, ny firosoana amin'ny fifohazam-panahy handraisana ny herin'ny Ranonorana Voalohany sy ny Ranonorana Farany no nanehoantsika :

- **Ny faniriana omena antsika ho iraka hanao ny Antso Avon'ny famindrampo farany ho an'izao tontolo izao**
- Sy ny faniriana omena antsika hahay mandray ny **FANAVAOZANA arapany kasain' Andriamanitra hampitaina ho an'izay mandray ny Fanahin'Andriamanitra**.

Izany no tanjon'izao fifohazam-panahy lehibe hiombonantsika fiangonana Advantista Malagasy izao :

- **Handray ny Fanahin'Andriamanitra, hery hanosika hizara ny hafatry ny anjely telo eto amin'ny nosindrazantsika, hamory olom-bonjena marobe ;**
- **Ary koa, hahay mandray NY FANAVAOZAN'ANDRIAMANITRA ANSIKA LAODIKIA hitombo eo amin'ny zava-panahy.**

VM, p.49/4 “Ampitoviana amin'ny filatsaky ny ranonorana aoriana io firotsahan'ny Fanahy io ; ary io fanampi-kery io no tokony handefasan'ny kristiana fangatahana amin'ny Tompon'ny vokatra “amin'ny andro fara-orana”.”

EGW, RH, 2 mars 1897 “Aza mionona fotsiny hilaza fa tsy maintsy ho tonga ny orana amin'ny fotoanany. **Mivavaha mba ho avy izy »**

FIFOHAZANA sy FANAVAOZANA no tanjona tian'Andriamanitra hahatongavantsika mandritry izao fotoam-pifohazana izao sy ny andro manaraka rehetra.

AN-TSISIN-TANIN'NY MANDRAKIZAY

FANAMARIHANA ANKAPOBENY

Natao ho loharanon-kevitra hanovozana izay ilain'ny fiangonana tsirairay ireto lahatsoratra ireto. Noho izany, anjaran' izay mitondra ny famelabelarana no mahita, araka ny valitenin'ny fiangonana, izay fanantitranterana tokony horaisina sy tokony havela. Misy lohahevitra lehibe isaky ny dingana, izay fakafakaina sy voaboasana amin'ny alalàn' ny ohatra, na toko sy andininy na fanandramana maro, na tenin'ny notsoahiana avy tamin'ny Fanahin'ny faminaniana isaky ny lohateny . Tsy voatery horaisina avokoa izy ireo, ary mety misy aza famoaboasana, fandalinana raisina avy amin' ny leson'ny Sekoly Sabata, na notovozina tao amin'ny boky hafa, ohatra, na koa aza avy amin'ny lohateny hafa mandritra ny Folo Andro izay mifanaraka amin'izay lahin-kevitra hazavaina. Izay manao ny famelabelarana no mahita izay horaisiny araka ny fitarihan'ny Fanahy azy. Koa rehefa mazava fa tafita ny zava-kendrena amin'io dingana io dia miroso amin'ny maraka Koa na mitovy aza ny zava-kendrena dia hanana ny maha-izy azy avy ny Folo Andro, araka ny zava-misy eo an-toerana.

ZAVA-KENDRENA ANKAPOBENY :

- Ny tsy ahatafandrimandry amin'izao fotoana maha- eo amin'ny tokonan' ny mandrakizay ny vahoakan' Andriamanitra izao
- Ka handray ho zava-misy ao amin'ny fiainantsika ny Filazantsara momba ny famonjena izay ala-olana atolotr'Andriamanitra
- Handray ireo fitahiam-panahy rehetra nomanin' Andriamanitra avy ao amin'ny Fitoerana Masina Indrindra ho fanomanana ny vahoakany amin'izao dingana farany eo amin'ny ady ny tsara sy ny ratsy izao
- Ho fiomanana handraisana ny Ranonorana Farany nanpanantenaina ho hery hamitana ny fitoriana ny Filazantsara amin'izao andro farany izao
- Hiroso hangataka izany amim-pinoana
- Hiditra an-daharana hamita ny iraka hitondra ny Hafatry ny famindrampon' Andriamanitra farany ho an'izao tontolo izao tandindomin'ny fahaverezana.
- Handray safidy hentitra hiandany amin' i Jehovah ka tsy hiverin-dalana intsony noho ny fahasoavany

- ANDRO VOALOHANY - ALAKAMISY

TOY INONA ALINA MOA IZAO ? Isaia 21 :11

Tonga izao ny fotoana fiondranana ho any amin'ny mandrakizay

Ny zava-misy anefa

(Lahatsoratra noraisina avy tamin'ny "Appel à la Consécration" (AC), Conférence Générale, nosoratan'i John V. Stevens, Prezidan'ny Komity ny Fahafahana ara-pivavahana, nadikan'i Rasoanaivo Victor, 2005),

Famantarana ny dingana farany eo amin'ny tantaran'izao tontolo izao

"Ento amin'izao tontolo izao ny Fiangonana advantista mitandrina ny Andro fahafito nefa tsy mahita fa ny zava-tsarotra eto amin'izao tontolo izao izay miantraika amin'ny lafim-piainana rehetra dia famantarana ny dingana farany hifampikatrohan'ny tsara sy ny ratsy." (AC9)

Mariky ny bibidia sy ny Hafatry ny Fanamarinana amin'ny finoana

"Raha ny tena izy aza, teo amin'ny taona manodidina ny 1880, dia efa tonga teo amin'ny sisin-tanin'ny Kananan' ny lanitra ny fiangonana. Nisedra ny heriny ireo fahefana ara-politika sy ara-pivavahana tamin'izany fotoana izany ary andeha hitsipaka ny lalàm-panorenana amerikana sy hanery ny fiaraha-monina hanaja ny alahady, ary raha ny marina dia hampandray ny Mariky ny Bibidia, Andriamanitra kosa anefa dia nitady izay hanomezana hery ny fiangonany tamin'ny alalan'ny Fanahy Masina sy ny Antso Avo raha nasongadiny ny hafatry ny "fanamarinana amin'ny finoana". (AC10)

Toy ny fahiny?

"Fahiny, dia nino ny tatitra nodisoana nentin'ireo mpisafotany ny vahoaka Isiraely, ary noho ny tsy fananany finoana, dia nirenireny tany an'efitra izy mandrapahalani-ringana ireo mpikomy tamin' i Jehovah. Raha tafaverina teo amin'ny sisin-tanin'ny Kanana ireo efa-polo taona taty aoriana dia niditra ny tany nampanantenaina izay nino ny teny fikasan' Andriamanitra." (AC14)

.....

Hihamafy

« Nambaran' Andriamanitra mazava anefa fa hihamafy io ady io, izay mampifanandrana ny tsara sy ny ratsy, an' i Kristy sy Satana, ny fiangonana sisa sy ny fisavoritahana ara-pivavahana ao Babylona, mandra-pandresena ny sandry manohitra mihenjana mafy, ny fahadisoan-kevitra sy ny fanenjehana. Tsy ho azo anefa izany fandresena izany raha tsy efa nirotsaka nandritra ny Antso Avo ny Fanahy Masina teo amin'ireo nanao fanekena taminy. » (AC9)

Taon-jato iray sy tapany izao

Moa ve tonga indray eo amin'ny sisin-tanin'ilay Tany nampanantenaina ny Fiangonan' Andriamanitra ankehitriny?

Haverina indray ny endrik' Andriamanitra

« Taon-jato iray sy tapany izay no niantsoana ny Fiangonan' Andriamanitra sisa « hivoaka an'izao tontolo izao » ka ho tonga fahazavana, ho fanehoana an'i Kristy amin'ny toetra amam-panahiny eo amin'ny fiainany, ary noho izany dia hampitodika indray ny taranak'olombelona ho amin'ilay manome aina sy fofon'aina. Tsy ho efa anefa izany raha tsy mamela ny Fanahy Masina hamerina indray ny endrik'Andriamanitra eo aminy izy. (AC9)
Hafatry ny Anjely telo sosona

« Efa maherin'ny taon-jato iray sy tapany izay, no nanomezana ny vahoakan' Andriamanitra ny andraikitra hihaina sy hizara ny Hafatry ny Anjely telo sosona ao amin'ny Apokalypsy faha-14, ilay hany fanantenana ho an'ny taranak'olombelona. Nantsoina hiditra an-tsehatra ny vahoaka tamin'ny fiandohan'ny Fitsarana any an-danitra, hiditra ao amin'ilay Andro Fanavotana manetriketrika ny Famelan-keloka lehibe, izay fotoana fiambenana, fivavahana sy fijoroana ho vavolombelona. Hanetriketrika hatrany izao fotoana iainantsika izao mandrapiverenan' i Kristy amim-boninahitra. » (AC9)

Manahaka an'Isiraely fahizay

"Tonga indray eo amin'ny sisin'ilay Tany nampanantenaina isika. Aoka hihiratra ny masom-panahintsika ka ahamantatra ny lalan'i Jehovah fa tsy, sanatria, hiamboho indray ny fitiavan' Andriamanitra." (AC14)

Nitsangana hilalao?

"Mandinika ny fontsika ve isika ary moa ve mivelona toy ny amin'ilay Andro Famelan-keloka lehibe, sa manahaka an'Isiraely teo am-pototry ny tendrombohitra Sinay, raha nohadinoiny fa nanatrika an' Andriamanitra izy, tamin'ny fotoana masina, ka nitsangana hilalao? Nanova antsika tokoa ve ny filazantsara mandrakizay? Mazava amintsika ve fa iankinan'ny mandrakizay izao fotoanandro eo amin'ny tantara izao ? Mialoha ny fifaliana amin'ny Fetin' ny Tabernakely, rehefa rahatrizay afaka isika ka tonga any an-danitra, ny fotoana "fioriana" raha mbola ao amin'ny Fitoerana Masina Indrindra Kristy mamita ny asany ho antsika." (AC14)

I. NY ZAVA-MISY ANKEHITRINY

Ny eto an-tany

- Toe-java-dehibe mitranga:

AP 7.2 : Ireo loza an-tanety sy an-dranomasina (AP = Any am-parany any)

AP 23: -34 : Avelan'Andriamanitra hihatra ho fanairana

AP 67 – Fotoana fieritreretana lalina: Ao anatin'ilay Andro Fanavotana lehibe izao, Andron'ny famelan-keloka lehibe.

Izao no nosoratan' i Ellen G. White taloha indrindra ny Ady lehibe faharoa naneran-tany "Velona amin'ny andro farany isika. Manambara ny fiavian' i Kristy tsy ho ela ireo fahatanterahana faingana an'ireo famantarana. Manetriketrika sy manandanja indrindra ny andro ahavelomantsika ankehitriny. Miala ny tany ny Fanahin' Andriamanitra, miandalana izany fa tsy azo ivalozana.... Mampivondrona ny heriny ny ratsy ka mahazo vahana. Mifanohina ho amin'ny fotoan-tsarotra lehibe izy. Hisy fiovana goavana tsy ho ela eto amin'ity izao tontolo izao misy antsika ary hirimorimo ireo trangan-javatra farany. " {9T 11}.

« Misy maro ankehitriny eo amin'izao tontolo izao no anakimpy ny masony tsy hahita ireo porofo mazava izay nomen' i Kristy hampitandremana ny olona ny amin'ny fiaviany. Miezaka ny hampitony ny fanahiana rehetra izy, nefa miaraka amin'izany dia tanteraka haingana ireo famantarana ny farany, ary mirimorimo ho any amin'ny fotoana hisehoan' ny Zanak'olona eo amin'ny rahon'ny lanitra izao tontolo izao. Mampianatra i Paoly fa fahotana ny tsy miraika amin'ireo famantarana mialoha ny fiavian' i Kristy fanindroany ireo. Izay meloka amin' io an-tsirambina io dia antsoiny hoe « zanaky ny alina sy ny haizina. » Mampahery ny olona miambina sy mitandrina izy amin'ny alalan'ireto teny ireto : Fa ianareo, ry rahalahy, tsy ao amin'ny maizina, mba hahatratra anareo toy ny mpangalatra izany andro izany ». Zava-dehibe manokana ho an'ny fiangonana amin'izao androntsika izao ny fampianaran'ny apostoly mikasika izany zavatra izany ». {VM 227 :2}

« Tokony ho mailo ny vahoakan' Andriamanitra ka ahamantatra ireo famantarana amin'ny andro farany. Mivandravandra ireo famantarana mialoha ny fiavian' i Kristy indray ireo ka tsy tokony hisy hampisalasala ny momba izany, ary ny fahitana an'izany dia tokony hitarika izay rehetra mino ny fahamarinana ho mpitoriteny velona. Miantso ny vahoakany maneran-tany Andriamanitra hifoha, na ny mpitoriteny na ny mambra. Somadodoka ny lanitra manontolo. Miriotra hifarana ny tantaran'ny tany. Tena eo anivon'ny lozan'ny andro farany isika, nefa tsy mifoha isika. Mahatahotra ny tsy fisian'ny hetsika sy ny hafanam-po ho an'ny asan' Andriamanitra. » {IT 260}

Ny any an-danitra

- Aiza ho aiza amin'ny Planan'ny fanavotana isika? Mamita ny asany ao amin'ny Fitoerana Masina Indrindra any an-danitra Kristy

- Ny Fitoerana Masina sy Masina Indrindra
 - Ara-tandindona teto an-tany: {HM 426..1, 2}
 - Tena izy, any an-danitra: {HM 427. 3}

- Ny fanompoam-pivavahana ao amin'ny fitoerana masina sy masina indrindra {HM 432-436}

- Ny Andro Fanavotana: Lev. 16; {HM 442.3, 445.1}

Mety raha misy sary azo ampiasaina hoenti-manazava)

II. FIFANANDRIANANA FARANY IFANATREHAN' NY TSARA SY NY RATSY IZAO:

Tafika roa mifanandrina:

A. ETSY ANDANINY:

Satana: Mampilahatra ny tafiny : Apok 13

- * Ny Bibidia
- * Ny Sariny
- * Ny Mpaminany sandoka
- * Mitarika ho amin'ny fijangajangany
- * Ny fanamarinana amin'ny asa
- * Ny filalaovana angatra sy ny tsi-fahafatesan'ny fanahy
- * Ny sabata sandoka

« Mampilahatra ny tafiny i Satana ; vonona anefa ve isika tsirairay ho amin'ny ady mahatahotra izay eo anoloantsika indrindra ? Moa ve manomana ny zanantsika ho amin'ny andro sarotra lehibe isika?» {FFF 165.7}

Izao tontolo izao sy isika

"Ara-potoana i Satana, izao tontolo izao ary i Babylona, manao ahoana kosa ny Vahoaka sisan' Andriamanitra ? Efa samy mametra ny laharam-pahamehany izy ireo, fa manao ahoana kosa isika? Inona no hampifoha antsika? Hisy fiovana ve eo amintsika? Hovaliantsika amin'ny fampitombohana hetsika ve ny antso dondona tonga amintsika sa tokony hivelona amin'ny fiainana lalindalina kokoa isika ? Moa ve misy mampihavaka antsika amin'ny lafiny tsara, bebe kokoa, amin'ny maha-fiagonana antsika, sa miha-manahaka amin'ny lafiny ratsy ireo antokom-pivavahana hafa isika? Mila ny fanandramana tao amin'ny « efitrano ambony » ve isika mba ho vonona hanompo sa natokana ho an'ireo mpianatra fahiny fotsiny izany ? Tsy manan-kery isika raha tsy manana an' i Kristy sy ny Fanahy Masina, nefa vonona ve isika hametraka ny « izaho » ka hamela an' Andriamanitra hamonjy antsika, sy hamonjy ny hafa miaraka amintsika ? Fanontaniana mivaivay izany. Tsy azontsika hidifirana fotsiny izany ka hampidi-doza ny tenantsika, sy ny Fiangonana, ary izao tontolo izao." (AC)

"Miriotra manao dingan-dava ho amin'ny fiafarany ilay ady lehibe ifanatrehan'ny tsara sy ny ratsy. Etsy an-daniny Babylona, mampiasa ny fisavoritahana eo amin'ny fivavahana, sady manopy maso maharenoka hanintona ireo mpanjakan'ny tany, ka hanapotika izay mitsanga-kanohitra tsy handrombahany ny fahefana rehetra, etsy ankilany kosa, Kristy, manolotra ny fitiavany, sy manaja ny olombelona sy ny fahafahany, ary miankina amin'ny Fiangonany Sisa hanehoana ny toetra amam-panahiny sy ny fitondram-panjakany, izay vokatry ny fitiavana manolotra famonjena ho an'ny isam-batan'olona, tsy misy ankanavaka." (AC)

"Asehon'ny Matio faha-25 ho renoky ny torimaso ny fiagonana aty amin'ny andro farany. Tsy ny toetra matimaty sy ny toetra afa-po amin'ny tena ihany no voalaza fa manjo antsika ao amin'ny Apokalypsy faha-13, fa ao koa ny fahatokisan-tena tsy voafetra. Tsarovy fa ny tsy mafana tsy mangatsiaka no mari-pana tsara indrindra hatoriana." (AC)

Fanontaniana: Vonona ve aho hatrika ny fahavonona' i Satana sy ny tafika miandany aminy? Vonona ve ny ankohonako?

B. ETSY ANKILANY:

“Soamadodoka ny Lanitra manontolo mandray an-tànana ny ho fahavononan' ny fiangonana sisa hihatrika io ady io “(AC)

Ny olana: Mamita-tena isika: 1 Jao 1: 8

Ny ala-olana : Jesosy no Vavolombelona mahatoky sy marina, Apok 3: 14

Ny olana eo amintsika: Ny fahotana: Isaia 59: 2

Ny ala-olana: Jesosy, Ilay Zanak'Ondry novonoina: Rom 5:8

Ny olana: Isika miery ny tavan'i Jehovah: Gen 3: 8

Ny ala-olana: Jesosy no Mpanalalana, Mpisoronabe : Heb 9: 11, 12

Ny olana: Tsy misy fiadanana ho an'ny ratsy fanahy: Is 48: 22

Ny ala-olana : Jesosy no fiadanana sy fampihavanana: Rom 5:10

Ny olana: Tsy misy finoana: Lio 18: 8

Ny ala-olana: Jesosy, Tompon'ny finoantsika sy Mpanefa azy, Heb 12:2

Ny olana: Handalo ny fitsaran' Andriamanitra isika: Mpit. 12: 14

Ny ala-olana: Jesosy no Mpitsara sy Solovava : Jao 5: 27; 1 Jao 2:1

Ny olana: Isika no irahina hitondra ny Hafatry ny famindrampo farany isika: Apok 14: 6- 12

Ny ala-olana: Jesosy no manana ny fahefana rehetra: Mat 28:18. Izy no hanafy ny fiangonany amin'ny herin'ny Fanahy Masina:: Joela 2: 23

Olana: Antsika ny safidy: Josoa 24: 15

Ny ala-olana: Ahaton' Andriamanitra ny loza mandra-pahavita ny fanombohan-kase ny olony: Apok 7: 3

Noho izany: Andeha hiandany amin' i Jehovah feno, ho tafika homban'ny herin' ny Ranonorana farany hoenti-mandresy

Ny Filazantsara : Sitrapon' Andriamanitra ny ahavoavonjy antsika sy hidirantsika ao amin'ilay Kanana nampanantenainy ho an'ny zanany. Efa nomaniny avokoa ny ala-olana rehetra ahatafita antsika.

III AHOANA NO AHAVONONA AHY?

Kaleba sy Josoa

“Indroa ihany Isiraely no teo amin'ny sisin-tanin'ny Tanin'ny teny fikasana. Tsy afaka niditra izy tamin'ny voalohany noho ny tsi-finoany. Ny fanindroany kosa, dia afaka niditra izy, fa maty tany an'efitra kosa izay rehetra tsy nino an' Andriamanitra. Toy izany koa, ny vahoakan' Andriamanitra sisa, izay tsy afaka

naneho ny finoany raha teo amin'ny sisin-tanin'ny Tany nampanantenaina izy ka nirenireny tany an'efitra nandritra ny zato taona. sy tapany mahery. Indro indray isika fa tonga eo amin'ny sisin-tany fanindroany. Hanana finoana, fanantenana, fitiavana ilaina ve isika hidirantsika amim-pandresena, sa hiampamatrampatra any an'efitra noho ny fanazimbazimbana ny finoana ? Manana Kaleba sy Josoa Jehovah ankehitriny hanainga finoana raha feno fisalasalana ny sasany” (AC)

A. FOTOANA HIASAN' NY FANAHY AO AMINTSIKA IZAO, HO FANATANTERAHANA NY:

1. Fahamarinana isaina:

- Tsy madio isika: Joba 14:4;

- Mandrafy an' Andriamanitra ny fihevitra ny nofo, tsy haintsika ny manaiky ny lalàn' Andriamanitra: Rom 8: 4

- “Tsy maintsy misy hery miasa ao anatintsika, dia fiainam-baovao avy any ambony”

- Tsy manam-pahamarinana aho koa dia atolotra ahy ny tsara indrindra, dia **ny fahamarinan'i Kristy, ny toetra amam-panahiny madio, tsy misy tsiny**, izany no isaina ho ahy **ka ekena fa toetra amam-panahiko ary ”toy ny tsy nanota akory”** no andraisan' Andriamanitra ahy.

- **Izany no natao dia satria Kristy nahazo fanavotana mandrakizay ho ahy: Heb. 9:12 ka manolotra famelan-keloka feno ho ahy, mpanota mibebaka - Is 1: 18 - 1 Jaona 1:9.**

- **Fanomezana maimaimpoana izany: Efes 1: 8, 9, fa tsy noho ny fahamendrehako, na dia kely aza, fa ekeko amin'ny finoana**

Izany no FANAMARINANA AMIN' NY FINOANA

2. “Zarina” ho ahy io fahamarinana io,

tanterahina ao amiko ho tonga zava-misy ao amin'ny fiainako.

Ovain' Andriamanitra hatrany ny toetra amam-panahiko hifanaraka amin'izay efa “nisainy” ho ahy;

Asan' Andriamanitra ao anatiko izany Fil 2:13, izay miseho amin'ny fiainako ety ivelany: Efes 2:10, raha mety hovolavolainy aho ka handray amin'izany amin'ny finoana.

Izany no FANAMASINANA NA FAHAMARINANA ZARAINA

« Inona ny fanamarinana amin'ny finoana ? Asan' Andriamanitra izay ametrahan'ny voninahitra ny olona eo amin'ny vovoka sy hanaovany ho an'ny olona izay tsy vitany ho an'ny tenany ». {TM 456}

« Tsapa tokoa fa tokony hotoioana Kristy amin'ny maha-hany fanantenana famonjena Azy. Rehefa eo ny foto-pinoana momba ny fanamarinana amin'ny finoana, dia tena toy ny rano ho an'ny mpandeha mangetaheta izany. Ny fanaovana an-tsaina fa isaina ho antsika ny fahamarinan' i Kristy, tsy noho ny fahamendrehana avy amintsika na kely aza, fa fanomezana maimaimpoana avy amin' Andriamanitra dia eritreritra sarobidy. . {1SM 360. }

B. TSIAMBARATELON' ANDRIAMANITRA IZANY:

- 1. Kristy ao anatinareo: Kol 1:27 – Efes 3:17

“Rehefa foana tanteraka ny izaho, rehefa voaraoka tsy ho ao amin'ny fanahy ny andriamanitra tsy izy rehetra, dia **fenoin'ny Fanahin'i Kristy mitobaka ny banga**. Ny toy izany dia manana finoana izay manadio ny fanahy ho afaka amin'ny fahalotoana. Manaraka ny Fanahy izy, ary mihevitra izay zavatra araka ny Fanahy. Tsy matoky ny izaho izy. **Kristy no rehetra sy ao amin'ny zavatra rehetra. Raisiny amim-pahalemam-panahy ny fahamarinana izay velarina mandrakariva eo anatrehany**, ary atolony an' i Jehovah mandrakariva ny voninahitra, hoe "Isika no nanambaran' Andriamanitra izany tamin'ny Fanahy". "fa isika tsy nandray ny fanahin'izao tontolo izao, fa ny Fanahy izay avy amin' Andriamanitra, mba ho fantatsika izay zavatra nomen' Andriamanitra antsika". [1 Kor. 2:10, 12.] {GW 287.1}

Vavaka: Mba hitoeran' i Kristy ka ho vonona handray ny fahamarinana izay velarina eo anatrehantsika

-2. “ Nampanantena Kristy fa **hitoetra** eo amin'izay mitolona ho amin'ny fandresena ny fahotana ny Fanahy Masina, mba haneho ny herin'ny fahefan' Andriamanitra **manafy ny olombelona amin'ny hery mihoatra izay eo amin'ny voaary ary mampahafantatra ireo zava-miafin' ny fanjakan' Andriamanitra amin' izay tsy manam-pahalalana.**” {GW 286.1}

3. Misy hery mitondra aina ao amin'ny Tenin'Andriamanitra

Manome hery mitondra aina ny teniny Andriamanitra amin'ny alalan'ny Fanahiny”. {8T 55.2}

“Ny Fanahy izay manambara, dia miasa ao aminy koa ahatanteraka ny voan'ny fahamarinana. Kristy ao aminy, “loharano miboiboika ho amin'ny fiainana mandrakizay.” [Jaona 4:14.]

4. “Ny fandresena izay enti-maharesy izao tontolo izao dia ny finoantsika”. Ny finoantsika an'iza? Ny finoantsika Ilay maharesy izao tontolo izao.

Vavaka: Tiako hitoetra ao amiko Jesosy ary mino aho fa hanao izany izy. Raha mety milefitra amin'izay hitaizany ahy amim-pitiavana aho, dia hanana ny toetra izay hita eo Aminy .

IV. AHOANA NO AHAZON' ANDRIAMANITRA MANAO IZANY?

a. Halefitro ny sitrapoko

“Tsy maintsy halefitra eo amin'ny sitrapon' Ilay tsy voafetra ny sitrapontsika voafetra.” {MYP 55.2}

b. Ny firaisana Aminy:

“Amin'ny alalan'ny finoana Azy ho Mpamonjy ny tena manokana, no hiforonan' ny firaisana Aminy. “Ampiraisin' ny mpanota amin'ny herin' i Kristy ny fahalemeny, amin'ny fahafenen' i Kristy ny fahabangany, ny herin' i Kristy maharitra amin'ny toetrany marefo. Amin'izany dia manana ny sain' i Kristy izy”. { IFM 729/3}

d. Mpiray amin'ny fomban' Andriamanitra

Anjary mpiray amin'ny fomban' Andriamanitra isika amin'ny alalan'ny asan' Andriamanitra.

“Nahakasika ny maha-olombelona antsika ny maha-olombelona an'i Kristy, ary nanendry ny maha-Andriamanitra ny maha-olombelona antsika. Amin'izay, amin'ny alalan' ny Fanahy Masina dia manjary mpiray amin'ny toetran'Andriamanitra ny olombelona. Ekena ao amin'ny Malala izy.” { IFM 729/3 – 730/1 }

e. Gal 2: 20: Ivelomana avy ao anaty Kristy.

Izay hita eo ivelany dia taratra fotsiny ihany:

“Raha mivelona amin' i Kristy ianao, miraikitra Aminy, raha tohànany, raha misintona famelomana avy Aminy, dia mitondra vokatra manam-pitoviana amin'i Kristy” . { IFM 732/1}

f. Hazonina io firaisana amin' i Kristy io

“Tsy misy firaisana mandroso sy mihemotra”

Ohatra: Ilay mararin'ny paralysisa: { IFM 273-275} ; Matio 9:1-8

“Mivavaha mba hiantefa eo amin'ny fanahy voan'ny paralysisa ny Fanahy Masina mahery vaika toy ny herin'aratra milatsaka, hamelona, hanavao sy hanova amin'ny heriny, ka hampifoha ny hozatra tsirairay ho amin'ny fiainam-baovao, hamerina indray ny olona manontolo ho amin'ny fahasalamana ara-panahy, ho afaka amin'ny toetrany maty, araka izao tontolo izao, ara-nofo. Amin'izay ianareo dia hanjary mpiray amin'ny fomban'Andriamanitra, rehefa nandositra ny fahalovana izay eo amin'izao tontolo izao noho ny filàny; ary hitaratra eo amin'ny fanahinareo ny endrik' Ilay nahasitrana anareo ny dian-kapoka taminy.” {5T 267.2}

Vavaka: Hifandray ety dia ety amin' Andriamanitra. “Niory” nanodidina ny Tabernakely Isiraely rehefa Andro Fanavotana, isika koa hiory toy izany amin'izao Fotoana manetriketrika eo antsisin-tanin' ny mandrakizay izao.

ANDRO FAHAROA

Zoma fiomanana

ZAHAN' ILAY VAVOLOMBELONA MAHATOKY SY MARINA

ZAVA-KENDRENA SY ANATOM-BAVAKA:

- Ny antony hitokisana ny fizahana ataon'ilay Vavolombelona Mahatoky sy Marina
- Ny ahatsapana ny toe-javatra tena misy eo amin'ny Fiangonana Sisa
- Ny handraisana ny toro-heviny: "HIVIDY AMIKO" avy ao amin'ny Fitoerana Masina indrindra, amin'izao fotoana fohy sisa izao
- Ny ahatsapana ny maha-sarobidy ireo entam-barotra mitondra ny alalana ho an' ilay fiangonana Laodikia sondrian-tory volamena voadio tamin'ny afo fitafiana fotsy odi-maso

FITARIHAN-TENY : Andro Fanavotana izao, Andro Famelan-keloka lehibe, ho an'ny fiangonana tonga eo an-tsisin-tanin'ny mandrakizay, tokony "hiory" aho, nefa te-hitsangana hilalao aho!

Mila fizahana akaiky aho amin'izany fihetsiko izany, alohan ny hiampitako ho any amin'ny mandrakizay, tsy maintsy zahana ny mpandeha rehetra.

Kristy, Ilay Vavolombelona mahatoky sy Marina no mizaha!

Manao ahoana aho?

- Ny fijeriko ny tenako
- Ny fijerin'ilay Vavolombelona Mahatoky sy Marina, mpizaha marary azo antoka ahy?

Ny FILAZANTSARA dia Mandondona ao am-baravarako Izy, hitondra izay ilaiko indrindra.

I. ILAY VAVOLOMBELONA MAHATOKY SY MARINA AZO ANTOKA

A. Mahalala ny ao am-po Izy
: Ohatra teo amin'ny fiainany teto an-tany

'Efa imbetsaka Izy no namaky ny tao am-pon'ny olona toy ny amin'ny boky mivelatra". {IFM 631.2}

"Ny olombelona mety maty dia tsy afaka mamaky ny ao am-pon'ny olona, ary matetika no voatarika ho diso fihevitra noho ny endrika miseho ety ivelany. Fa Ilay afaka mamaky ny ao am-pon'ny olona kosa tahaka ny amin'ny boky mivelatra dia tsy mba diso fitsara mihitsy.... Fantany ny rivotra-piainana manodidina ny fanahy tsirairay. Fantany ny habetsahan'ny ady atrehin'ny fanahin'ny olombelona sy ny hamafin'izany mba handresena ireo fironana tao amin'ny tena sy nolovaina sy ireo

fahotana izay nanjary nahazatra noho ny fahazarana namerimberenana azy {HP 329.5}

B. Ny mahatoky sy marina izay hambarany

1. Mahatoky Izy: Heb. 2:17

Miandany amiko tanteraka, mitady izay ahasoa ahy: Is. 41: 8-13

Mananatra sy manafay: Apok 3: 19

2. Marina satria Izy no Fahamarinana:: Jao. 14: 6

Izy no Mazava: Jao.1: 9, Is 60: 2

Miasa na ny fikasana na ny fanaovana ahatanteraka ny sitrapony ao amiko Izy: Fil 2:13

Vavaka = Mangataka ny hitokisako Azy sy ny hileferako Aminy

II. LAODIKIA: Apok 3:17

A. MILA FIFOHAZANA

"Rendremana ny vahoaka izay misora-tena ho mankatoka ny fahamarinana. Tsy hiada-pinaritra toy izao izy raha nifoha. Mihalevona ao am-pony ny fitiavana ny fahamarinana. Tsy maharesy lahatra an'izao tontolo izao ny ohatra omeny fa manana fahamarinana tombony izy amin'ny olona hafa rehetra eo amin'izao tontolo izao. Raha tokony hahery ao amin' Andriamanitra indrindra izy, amin'ny fanandramana velona iainany amin'ny andavanandro, dia iny izy no osa, misalasala, miankina amin'ny mitoriteny nefa tokony izy tenany no hitory amin'ny hafa, ka ampiasa ny saina sy ny fanahy, ny feo sy ny penina, ny fotoana sy ny vola". { 5T.457}

« Ny fifohazana ny tena fitiavam-bavaka marina eo anivontsika no zavatra lehibe indrindra sy maika indrindra amin'izay ilaintsika. Ny mikatsaka izany no tokony ho asantsika voalohany. Tokony hahompantsika ahazoana ny fitahiana avy amin'ny Tompo ny ezaka mafana indrindra ataontsika, tsy satria tsy tian' Andriamanitra homena antsika izany, fa isika no tsy vonona handray azy » {1SM 121}

« Tokony hisy fifohazana sy fanavaozana tarihin'ny Fanahy Masina. Zavatra roa samihafa ireo. Midika fanavaozana ny fiainana ara-panahy ny fifohazana, fanavaozana ny hery miasa amin'ny fanahy sy ny fo, fitsanganana amin'ny fahafatesana ara-panahy. Ny fanavaozana dia midika fandaminana vaovao, fiovan'ny hevitra ambara sy vinavinaina, ny fahazarana sy ny fanao andavanandro. Tsy hitondra ny voa tsaran' ny fahamarinana ny fanavaozana raha tsy miara-dia amin'ny fifohazam-panahy. Samy tokony hanao ny asa tandrify azy avy ny Fifohazana sy ny Fanavaozana, ka hiara-mirindra amin'izany. » {1SM 128}

B, MITAFY FITAFIANA MALOTON' NY FANAMARINAN-TENA

1. Mamita-tena

“Betsaka ny Laodikiana no miaina ao anivon'ny famitahan-tena arapahy. Manafy ny tenany amin'ny fitafian'ny fahamarinan'ny tenany izy, ary mihevitena ho manan-karena sy niary fananana be ka tsy manan-java mahory, nefa mila ny hianatra ny halemam-panahy sy ny fanetren-tenan'i Jesosy isan'andro izy “. {OHC 349.3}

2. Tsy manana fitiavana mafana an'Andriamanitra

“Mazava ny fomba hanehoana ny toerana misy an'ireo izay mihevitra fa manana ny fahamarinana rehetra, izay mirehareha ny amin'ny fahalalany ny Tenin' Andriamanitra, nefa tsy tsapa ao amin'ny fiainany ny heriny manamasina. Banga tsy ao am-pony ny hafanan' ny fitiavan' Andriamanitra”.{OHC 349.2}

3. Misora-tena ho mitafy ny fahamarinan'i Kristy

“Inona no mahatonga ny fahoriana, ny fitanjahana eo amin'ireo izay mihevitena ho manan-karena sy niary fananana be? Ny tsi-fisian' ny fahamarinan'i Kristy. Mitafy lamba mihosin-drà izy mitafy ny fahamarinan'ny tenany, nefa na dia izany aza dia mirehareha izy fa voatafy ny fahamarinan' i Kristy. Mety hiantsoantso izy hoe: “Tempolin' i Jehovah izahay, tempolin' i Jehovah izahay, nefa ny fony feno varotra tsy masina sy mizana tsy marina; ny kianjan'ny tempolin'ny fanahiny dia mety ho feno fitsiriritana, avonavona, firehetam-po, fanaovan-dratsy, ngindim-po, ary fihetsika ivelany poakaty.”{OHC 349.4}

D. TSY MAFANA TSY MANGATSIKA

- “Manampy ny fahavalo hanakivy izay miasa hanangana ny asa ny matimaty.” {4T 87}

- “Misora-tena ho Kristiana nefa mandà ny ho faty ny amin'ny “izaho”
{4T 87}

- “ Mety hahavariana ny fisehoan'ny hafanam-po sy ny fanompoam- pivavahana, nefa izay no mameno ny fivavahany mieboebo sy mizahozaho. Asehon' i Kristy ho mankaloioly Azy izy ireo. [Noraisina tamin'ny Apok. 3:17, 18] (MS 61, 1898). {7BC 962.6}

« Famaritana ny atao hoe matimay. » Azo ampiarina amin'io antokon'olona io ny hoe « matimaty ». Misora-tena ho tia ny fahamarinana izy nefa tsy misy hafanam-po sy fitiavam-bavaka kristiana. Tsy sahy manolo-tena feno izy ary amin'izany dia mety hidiran-doza tahaka ny tsy mpino, nefa tsy mazoto ho faty ny amin'ny « izaho » izy sy hanammbara mazava ny foto-kevitra ny finoany amin'ny alalan'ny zavatra ataony. » {4T 87. }

E. 'KANJO TSY FANTATRAO':

1. “Mahantra, ory, malahelo, jamba, mitanjaka”

“Betsaka ireo misora-tena ho Kristiana no tsy manaraka an' i Jesosy marina tokoa. Tsy mitondra ny hazo fijaliany amin'ny fahafoizan-tena marina izy. Na dia manandratra avo ny maha- kristiana mafana fo azy aza izy, dia simba ilay endrika kanto satria maro dia maro ireo kofehy ny tsi-fahatanterahana nafahany hanenomana ny toetra amam-panahiny. Izao no ambaran' i Kristy momba azy ireo:

“Mirehareha ho manan-karena ianao sy manatombo **eo amin'ny zava-bita heverina ho ara-panahy**. Raha ny tena izy anefa dia sady tsy mafana no tsy mangatsiaka ianao, sy feno fiheveran-tena poakaty. {7BC 963.1}

« Zavatra fito banga ». Mitarika ny vahoakany isaky ny mandingana Andriamanitra. Ady ny fiainana sy dia mitohy. Tsy misy fialan-tsasatra ho an'ny mpiady. Ezaka mitohy, tsy miato, no hihazonantsika ny fandresentsika ny fakam-panahin' i Satana. Mila fanetren-tena be anefa isika, faharetana, finoana, fitiavana, fahafoizan-tena, mila miambina sy hanana toe-tsaina feno fahafoizan-tena avy amin'ny Baiboly ». { 3T 253}

2. Raha tsy mibebaka ianao

“Raha tsy mibebaka ianao, dia tsy mety ho voavonjy, satria hanimba ny lanitra amin'ny fahendrena tsy masina eo aminao ianao. Tsy afaka hankasitraka ny toe-panahinao sy ny asanao aho. **Tsy manaraka ny ohatra nomen'Andriamanitra ianao eo amin'ny asanao**. Ohatra noforoninao fotsiny no arahinao. Satria matimaty ianao, dia haloan'ny vavako, " {7BC 963.1}

Sary aman'ohatra azo tsindriana: Lamba tenomintsika ny toetra amam-panahintsika, ka “maro dia maro ireo kofehin'ny tsi-fahatanterahana” ataontsika fahana. Tsy misy singa kofehy avy amin'ny olombelona anefa ny “fitafiana fotsy” atolotra antsika, fa notenomina tany an-danitra izany.

Vavaka = Fangatahana fibebahana ny amin' ireo fiheveran-tena poakaty, fai kena, fandraisana famelan-keloka

III. MANATONA NY FITOERANA MASINA INDRINDRA HANDRAY FANASITRANANA TANTERAKA DIENY MBOLA AO JESOSY

A. HAMOHA NY VARAVARANA HIDIRAN'I JESOSY AO AM-PO Apok 3:14-20
Ekeko ny hanalàna ny sakana avy amiko tsy ahazoany miditra: ny avonavona ao amiko, ny fahotana nabànako ny varavarana tsy hivoha: fahotana miafina, ankasitrahako,

1. Fakofako manakana eo ambaravarana

“Nahita fahitana aho tamin'ny fivoriana hariva ary nirotsaka tamin'ny mpivory ny herin' Andriamanitra; Nambarako ny hafatra nomen'ny Tompo ahy ho an'ny olona. Toy izao izany: “Miverena Amiko dia hiverina aminareo Aho, ary hositrany ny fiadinanareo rehetra. Esory ny fakofako eo amin'ny varavarany fono; ka vohay izany fa hiditra Aho ary hiara-misakafo aminao.”Hitako fa raha mampisava ny lalàna izy, ary miaiky ny fahadisoany, dia hiditra amin-kery eo afovoanay amin-kery Jesosy”. {LS 160.3}

« Aoka tsy hisy hanao hoe : tsy afaka manitsy ny tsy mety amin'ny toetra amam-panahiko aho. Raha izany no fanapahan-kevitrao dia tsy hahazo ny fiainana mandrakizay na oviana na oviana ianao. Ao amin'ny sitraponao no misy ny tsy fahazoana mivoatra.. Raha tsy tianao, dia tsy afaka handresy ianao.Ny tena zava-

tsarotra dia avy amin'ny fahalotoan'ny fo tsy nohamasinina, sy ny sitrapo tsy nanaiky hilefitra amin'ny fifehezan' Andriamanitra." {HF 286. 3}

2. Ny fahamoram-panahiny

"Hoy ny Mpamonjy: "Indro efa mitsangana eo am-baravarana Aho ka mandondona, raha misy mihaino ny feoko ka mamoha ny varavarana, dia hiditra ao aminy aho ka hiara-misakafo aminy, ary izy amiko:" (Apok 3: 20) Tsy voasakan'ny fanarabiana lzy na voatosiky ny fandrahonana; fa mitady tsy an-kijanona ny very lzy manao hoe: "Hataoko ahoana e no fahafoy anao, ry Efraima?" Hosea 11:8. Na dia voatarika hiverina aza ny fitiavany noho ny fo kirina, dia mbola miverina mitalaho mafy kokoa lzy: "Indro efa mitsangana eo am-baravarana aho, la mandondona"; Manery ny fanahy hiditra ao amin'ny trano fanasana ny herin'ny fitiavana tsy resy tosika. Ary hoy izy amin' i Kristy hoe: "Ny fahamoram-panahinao no mahalehibe Ahy" Hos 11:8 {HF 202.2}

4. Hanao asa lehibe ho antsika lzy

"Manasa antsika Jesosy hanaiky ny fanatrehany, tokony hovohaintsika ny varavarana'ny fontsika, ary havelantsika hiditra lzy. Nefa tsy hitoetra ao amin'ny fo mizarazara lzy. Raha nomena hanompo an' i Mamona izany, raha mamenon'ny efitra ny fitiavan-tena sy ny avonavona, dia tsy hisy toerana ho an'Ilay Vahiny avy an-danitra; tsy hiara-mitoetra amintsika lzy raha tsy efa foana sy madio ny tempolin'ny fanahy. Tsy tokony hisy tsifahombiazana anefa ny fiainana Kristiana. Miandry ny hanao asa lehibe ho antsika Jesosy, ary liana amin'ny famonjena antsika ny lanitra manontolo" {OHC 55.4}

B. HANETRI-TENA SY HIBEBAKA

1. Hiaraha-misakafo Aminy:

- Marim-pitiavana ifanolorana (cf sobin-kanina nomen'i Jesosy an'i Jodasy: Jao 13: 26 = Raiso ho fahasoavana ho anao; sanatriavo ny Jao 13: 30)

2. Fiaiken-keloka

"Rehefa nijoro ho vavolombelona aho, dia nisy rahavavy iray niaiky ny helony tamin'ny fomba mazava sy hentitra, ary rehefa niaiky ny helony izy dia toa nivoha tampoka ireo varavarana'ny lanitra nibosesehan'ny riam-pitahiana, ary niankohoka aho noho ny herin' Andriamanitra. Toa nahatahotra, nefa be voninahitra koa ilay toerana. Nitohy ny fivoriana ankoatry ny nisasak'alina, ka nisy asa lehibe tanteraka." {LS 160.4}

3. Fitahiana tsy an-kiato

"Notohizana teo amin'izay nijanonana tamin'ny alina ny fivoriana ny ampitson'iny. Izay nandray fitahiana tamin'ny fivoriana omalin'iny dia nihazona izany fitahiana izany. Tsy natory firy izy ireo, satria nitoetra teo aminy ny Fanahin' Andriamanitra nandritra ny alina. Nisy niaiky ny fisarahany taminay sy ny fihemorana

teo aminy. Nitohy ny fivoriana, tsy an-kiato nanomboka tamin'ny folo maraina hatramin'ny dimy hariva." {LS 160.5}

4. Hafatra miverimberina

"Misy hiteny angamba hoe: Nahoana no tonga aty an-tsofina miverimberina foana io hafatra io? Satria tsy mibebaka marina ianao. Tsy mivelona ao amin' i Kristy ianao ary tsy mitoetra ao aminao Kristy. Rehefa norohasina ny sampy iray, dia manomana iray hafa hisolo toerana an'iny Satana. Raha tsy manolo-tena tanteraka ho an' i Kristy ianao ka miara-miaina Aminy, raha tsy raisinao ho Mpanolo-tsaina anao lzy, dia ho hitanao fa ny fonao, misokatra ho amin'ny eritreri-dratsy, dia mora miala tsy ho eo amin'ny fanompoana an' Andriamanitra ary mivily hanompo ny izaho". {1SM 107.5}

Vavaka mangina = Ahitako ireo sakana napetrako tsy idirany ao amin'ny fiainako

Fiaikena izany ary fandraisana famelan-keloka

III. HANDRAY FENO IREO ALA-OLANA ATOLOTRA

A." DIA MANORO HEVITRA ANAO AHO HIVIDY AMIKO"

1. Mpivarotra entam-barotra sarobidy ny lanitra

"**Mampiseho ny tenany** ho mpivarotra avy any an-danitra **Ilay Mpanavotra lehibe**, mivesatra harena, mitety trano miantso, mitondra entam-barotra sarobidy" [Momba ny Apok. 3:18-20] (RH July 23, 1889). {7BC 965.7}.

Nahoana no entiny mandehadeha ny entany? Tsy mety lafo? Tsy misy mpanontany ve?

Sa tiany hoentina hisarihana ny tsirairay samy handray?

2. Tsy amim-bola na amin-karena:

« Ny sitrapon' Andriamanitra dia tsy inona fa ny lalàny. (Sal 40: 8). Lazain'ny teny àry fa "Andriamanitra dia fitiavana" (1 Jaona 4: 16) , koa satria ny fitiavana no fanatanterahan'ny lalàna" (Rom 13: 16) ; dia eo amin'ny fitiavan' Andriamanitra mihoatra noho ny zavatra rehetra no ahazoana io fahamarinana io. Ary Kristy no fahamarinan' Andriamanitra, ka ao Aminy no andraisantsika izany. {S 23.1}

"Tsy amin'ny ady mahamay sy mandreraka akory no ahazoana ny fahamarinana, na amin'ny haben' ny vola atolotra mbamin'ny fanatitra atao, fa omena maimaimpoana ho an'ny fanahy noana sy mangetaheta rehetra handray azy izany " {S 23.2}

"Fiadanam-po no ilainao, izany hoe famelan' Andriamanitra ny helokao sy fihavanana Aminy ary fitiavana ao am-po. Vola aman-karena tsy mahavidy izany; fahaizana tsy mahazo azy; fahendrena tsy mahatakatra azy; tsy mahazo manantena velively ny hahazo izany ianao, raha amin'ny herin'ny tenanao fotsiny. Nefa Andriamanitra mety manome azy ho anao maimaimpoana; "tsy amim-bola na amin-karena" (Isaia 55:1) Anao izany, raha mety manatsotra ny tananao handray azy ianao".{Ny dia 58.2}

“Fanomezana maimaimpoana ny famonjena, nefa tsy maintsy hovidina sy hamidy izany. Eo amin'ny tsena izay fehezin'ny famindram-pon' Andriamanitra dia aseho fa tsy novidina tamim-bola na tamin-karena ilay perila sarobidy. Azon'ny rehetra atao ny mahazo ny zava-tsoan'ny lanitra eo amin'io tsena io. Mivoha ho an'ny rehetra ny fitehirizana ny vatsoan'ny fahamarinana. “Indro efa nasiako varavarana mivoha eo anatrehanao, hoy ny Tompo, ka tsy misy maharindrina azy”. Tsy misy sabatra miaro ny lalana ho amin'io varavarana io. Misy avy ao anatiny sy eo ambaravarana manao hoe: “Avia”. Miantso amim-kafanam-po sy amim-pitiavana ny feon'ny Mpamonjy: “Manoro hevitra anao Aho mba hividny Amiko volamena voadio tamin'ny afo, mba hanan-karena ianao”. Apok. 3:8, 18. {HF 90.3}

“Tsy mitaky ezaka ara-tsaina mafy sy ady mihatra aman'aina ny mankeo amin' i Kristy, fa fanekena tsotra ny fanambarana ny famonjena izay nasehon' Andriamanitra mazava ao amin'ny Teniny. Maimaimpoana ho an'ny rehetra ny fitahiana. Hoy ny antso hoe: “He! Ianareo rehetra izay mangetaheta, mankanesa amin'ny rano! Ary ianareo izay tsy manam-bola Avia, mividianana, ka homàna! Eny, avia, mividy divay sy ronono, nefa tsy amim-bola na amin-karena”. (Isa. 55:1). {1SM 333.1}

« Tsy inona ny toro-hevitri'i Kristy amintsika « hividny » Aminy fa fanarahana fotsiny ny fepetra nomeny antsika. Dia ireo fahasoavana tena izy, izay ahazaka ny fisedrana sy ny fitsapana noho ny zava-tsarotra, fahasoavana tsy azo raha tsy amin'ny alalan'ny finoana sy ny fankatoavana amim-panetren-tena sy amim-pivavahana” {4T 89.1

B. VOLAMENA VOADIO TAMIN'NY AFO SATRIA MAHANTRA SY ORY

“Ny volamena voalazan'i Kristy, Ilay Vavolombelona mahatoky sy marina, izay tsy maintsy hananantsika rehetra , dia naseho ahy fa ny finoana sy ny fitiavana mikambana, ary fitiavana no mandeha alohan'ny finoana. Miasa tsy an-kijanona Satana hanala ireo fanomezana sarobidy ireo tsy ho ao am-pon' ny olon' Andriamanitra. Samy tafiditra ao amin'ny lalao* isehoan'ny fiainana ny tsirairay. Fantatr' i Satana tsara fa raha mahafaka ny finoana sy ny fitiavana izy, ka soloiny fitiavan-tena sy tsi-finoana, dia samy ho very ireo endrika sarobidy rehetra noesorin' ny tanany kinga mifono fitaka sy lainga, dia ho resy isika eo amin'ny lalao. {2T 36.2}

* Toy ny lalao fanorona

1. Voasedra tamin'ny afo

“Volamena voasedra tamin'ny afo no tian' i Jesosy hovidantsika Aminy; **volamenan' ny finoana sy ny fitiavana, izay tsy misy loto mifangaro aminy.** (RH April 1, 1890). {7BC 965.1}

2..Fitiavan' Andriamanitra: fototry ny filazantsara: Efes 3:14-19

- “Hamaka sy hiorina mafy amin'ny fitiavana ianareo”
- “Fitiavana mihoatra noho ny fahalalana rehetra”
- “Ny fihevitry Andriamanitra tsy tahaka ny fiheviitry ny olona”

3. Ny fitiavana eo amin'ny olona sy ny eo amin' Andriamanitra:

Eo amin'ny olona	Eo amin' Andriamanitra
Mifamaly Manao ny tsara mba ho tian' Andriamanitra Mora miova: Lio 22:31-34 Tsy azo itokisana Voapetin' ny izaho: Is 33:6 Fil 2:20	Tsy manam-petra Rom 5:6-10: Tsy miova: Jer 31:3 1 Kor 3: 8 Jao 13: 1 Tsy tia tena: 1 Kor 13: 5 Fil 2: 6-8 2 Kor 5:14, 15

4. Nanpidinin' ny Fanahin' Andriamanitra ao am-pontsika : Rom 5:5

5. Ny finoana = fanomezana: Efes 2:8, 9

Fanontaniana, apetraka amin'ny miaramila an-daharana:

“Avelanao hanatanteraka izany ve i Satana? Manaiky ho resy ve ianao nefa maniry ny fiainana mandrakizay? Tsy maintsy ho azonao, hiverina aminao ny fitiavana sy ny finoana. Manaiky ny hanohy hiady ve ianao ka handrombaka indray ireo fanomezana sarobidy nomena anao? Matio 11:12. Mila ezaka mafana kokoa izany, mila faharetana tsy mety sasatra mihoatra noho ny teo aloha. Tsy hivavaka sy ny hifady hanina fotsiny, fa ny mankatoa, ny manifika ny fitiavan-tena, ary ny manaraka ny fifadian- kanina ankasitrahana' Andriamanitra.” {2T 37.1}

Vavaka = Fisaorana an' Andriamanitra noho ireo fanomezany sarobidy

D. FITAFIANA FOTSY SATRIA MITANJAKA

1. Nanomana tahiry mananamby ampy lzy”

“Hoy ilay Vavolombelona Marina: “Mividianana Amiko volamena voadio tamin'ny afo mba hanan-karena ianao, sy fitafiana fotsy, mba hotafianao ka tsy hisehoan'ny henatrao.” **inona io henatry ny fitanjarahana sy fahantrana io? (Cf Gen 3::7, 11-13) Henatra avy amin'ny fanafiantsika ny tenantsika amin'ny fitafian'ny fanamarinan-tenantsika izany sy ny fisarahantsika amin'Andriamanitra, nefa nanomana tahiry mananamby ampy lzy mba handraisan'ny rehetra ny fitahiany** (HS 139). {7BC 965.2}

Kristy irery ihany no afaka manome azy

“Izany dia “ny fahamarinan'i Kristy, ilay fitafiana fitondra fampakaram-bady **izay Kristy irery ihany no afaka manome** amin'ny **azy** no fitafiana fotsy.” (RH April 1, 1890). {7BC 965.1}

Izay mandray azy dia hitafy azy eto

“Aoka hampianarina ny tanora sy ny ankizy madinika hisafidy ho an’ny tenany ny fitafian’ny mpanjaka notenomina tany an-danitra, ilay “akanjo rongony madinika, sady fotsy no madio”. Io fitafiana io, dia ny toetra amam-panahin’ i Kristy madio tsy misy pentina, dia atolotra maimaimpoana ny olombelona tsirairay. Nefa izay mandray azy dia hitafy azy dieny eto.” {AH 536.4}

Ny atao hoe mitafy ny akanjom-pahamarinany

“Fony Izy (Kristy) tety an-tany dia hoy Izy tamin’ny mpianany: “Tahaka ny nitandremako ny didin’ny Raiko (Jao 15:10) Noho ny fankatoavana tanteraka vitany, dia nataony ho azon’ny olombelona tsirairay efaina ny mankato ny didin’ Andriamanitra. Rehefa milefitra eo amin’ i Kristy isika, ny fontsika dia miray amin’ny fony, ny sitrapontsika voasaron’ny sitrapony, ny saintsika manjary iray amin’ny sainy, ny eritreritsika voababony; mivelona amin’ny fiainany isika. **Izany no atao hoe mitafy ny akanjom-pahamarinany.** Amin’izay rehefa mijery antsika ny Tompo, dia tsy ny akanjo ravin’aviavy na ny fitajahantsika sy ny fanimban’ny fahotana no hitany, fa ny akanjom-pahamarinany’ny tenany, dia ilay fankatoavana tanteraka ny lalàn’ i Jehovah “. {HF 275.1}

Isaina ho mendrika ny handray anjara amin’ny fanjakany

“Ao amin’ny fanoharana ao amin’ny Matio faha-22, dia hita indray io sary aman’ohatra momba ny fampakaram-bady io, ary aseho mazava fa mialoha ny fampakaram-bady, dia tonga ny mpanjaka hijery ny nasaina, hijery raha samy manao ny akanjo fitondra amin’ny fampakaram-bady avy izy rehetra, dia ilay fitafiana tsy misy pentin’ny toetra amam-panahy nosasana sy nofotsiana tao amin’ny ran’ny Zanak’ondry. Matio 22:11; Apok 7:14. Izay hita fa tsy nanana izany dia noroahina fa izay rehetra hita kosa, nandritra ny fanadihadihana fa **nanana ny fitafiana fitondra amin’ny fampakaram-bady dia eken’ Andriamanitra ary isaina ho mendrika ny handray anjara amin’ny fanjakany sy hananana toerana eo amin’ny seza fiandrianany**. {HM 442.1}

E. ODI-MASO SATRIA JAMBA

“Ny odi-maso kosa dia ny fahatsilovana ara-panahy izay banga indrindra eo amintsika, satria tsy maintsy amin’ny ara-panahy no ahatsilovana ny zavatra ara-panahy” (RH April 1, 1890). {7BC 965.1}

1. Ahafantatra ny fahotana amin’ny endrika isalorany rehetra.

“ Ny odi-maso dia ny fahendrena sy ny fahasoavana izay mahatonga antsika **ho afaka hanavaka ny tsara sy ny ratsy, sy ahafantatra ny fahotana amin’ny endrika isalorany rehetra.** Nomen’ Andriamanitra maso ny fiangonana izay asainy hosorana odi-maso avy an-danitra mba ahitany mazava, nefa betsaka no hanala ny mason’ny fiangonana raha azony atao, satria tsy tiany ho tonga eo amin’ny mazava ny asany, sao ahazo tsiny izy. Hampahazava ny saina ahataka-javatra ny odi-maso avy amin’ Andriamanitra. **Eo amin’i Kristy no nametrahana ireo fahasoavana rehetra ireo. Hoy Izy hoe: ‘Mividiana Amiko’** {4T 88.2}

2. Nialany ny fitiavany voalohany

“Mankeo amin’ny vahoakany Kristy ankehitriny, maniry mafy ny hahita voan’ny fahamarinana eo aminy. Nefa maro, tena maro, no tsy mitondra afa-tsy raviny atolotra azy. **Nialany ny fitiavany voalohany, ary nanjary jamba ara-panahy izy, mafy fo sy saina.** Mivavaka amin’ Andriamanitra izy, ary mampianatra ny fahamarinan’ny Baiboly, satria manana fahazarana manao izany, nefa veriny izay ho nahatonga ny fanompoany ho azo ekena. Hajambana re izany! Tsy fahombiazana ny fanompoany. {RH, June 9, 1903 par. 5}

3. Jamba, ary tsy mahita lavitra

“Izay tsy miakatra ny tohatry ny fandrosoana ka manampy fahasoavana ny fahasoavana “dia **jamba, ary tsy mahita lavitra**”..... Raha tsy manampy fahasoavana ny fahasoavana izy, dia hadinony ny fitakian’ Andriamanitra aminy, fa fankatoavana ny fitakian’ Andriamanitra rehetra no andraisany ny famelan-keloka. Eo amin’ny toeran’ny mpanota izy eo anatrehan’ Andriamanitra.... **Mifantoka amin’ny tany ny masonry, fa tsy amin’ Andriamanitra eny an-tampon’ny tohatra**”. {19MR 350.3}

Vavaka: Mba tsy ho ny fihevitra ny nofo no handraisana ny ara-panahy, tsy ny avonavona sy ny fahatokian-tena no hanapaka ny fandraisana ny tenin’ Andriamanitra.

IV. MIASA HANASITRANA ANTSIKA ILAY VAVOLOMBELONA MAHATOKY SY MARINA: Apok 3:14, 15

A. FITSABOANA MAHASITRANA

- Sedrainy isika hampiharihary ny fahalementsika
- Kendreny hisy fotoana mety hanitsiana ny lesoka
- Avelany hamaivay ny fahoriana hanadiovany antsika
- Arahiny maso anefa ny fisedrana

“Ireo fahasoavana izay mahazaka ny fisedran’ny fahoriana sy ny fanenjarahana ary maneho mazava ny maha-tena izy azy sy ny maha-marina azy, dia volamena voasedra tao amin’ny afo ary hita fa tena izy. Manolotena hivarotra izany amintsika Jesosy.” {4T 89.1}

B. FANTATR’I JESOSY IZANY FISEDRANA IZANY SATRIA NANDALOVANY

- Heb. 5: 7-9
- Isaia 53: 10
- Heb 4:15: nalaim-panahy nefa tsy nanota

D. VOKATRY NY FISEDRANA: Atao antom-bavaka

- Hanetri-tena, ho faty ny amin’ny “izaho”, handresy
- Tsy ho andevon’ny fakam-panahy sy ny filan’ny nofo
- Hikatsaka ny tena harena: finoana sy fitiavana

- Fankatoavana an-tsitrapo, handray sy hitafy ny fahamarinan'i Kristy
- Fiovam-po marina

FEHIN-TENY:

Maty nitondra ny fahotantsika Jesosy. Andriamanitra irery no manana ny zo hanafaka Azy tao am-pasana satria nivesatra ny sazy ny fandikan-dalàna rehetra nataon'ny olona Izy.

Naniraka ny anjeliny Andriamanitra Ray hoe: Ry Zanak'Andriamanitra, miantso Anao ny Rainao.

Nolavin'i Jesosy ny fihobiana Azy raha tsy nihaona tamin'ny Rainy Izy. Tiany ho fantatra izay ho satan'ny olona voavonjy rehefa tonga any an-danitra.

Izao no valin'ny fangatahany:

- Andriamanitra Ray ho tia ny mpanota mibebaka tahaka ny itiavany an'i Jesosy, handray azy tahaka ny fandraisany an' i Jesosy
- Jesosy kosa miantoka fa hanao ny olona ho sarobidy noho ny volamena, eny mihoatra noho ny volamena avy any Ophira aza. Is 13:12
- Nofihin'ny Rainy ny Zanany ho fanekem-pihavanana ho antsika

Vavaka : Sedrao aho hipoirany ny volamena: Diniho aho sao misy fahotana tsy foiko Sal 139:23, 24

Araho maso ny fisedrana ahy

Ataovy sarobidy noho ny volamena aho ho voninahitrao

Vavaka farany fisaorana an'Ilay Vavolombelona Mahatoky sy marina, mpizaha marary sy mpanasitrana

Toko sy andininy hoentina mody , hosaintsainina any an-tokantrano: Apok 3:21

ANDRO FAHATELO

Sabata

ILAY ZANAK 'ONDY NOVONAINA

ZAVA-KENDRENA SY ANATOM-BAVAKA:

Ny ahazoana fa fepetra tsy azo ialàna io Zanak'ondry natao Sorona io
 Ny hahitana ny fitiavana nentina nanatanteraka ny Sorona hanavotana ahy.
 Ny hahitana ny hasarobidin'ny rà nalatsaka ho Sorona
 Ny ahafantarana fa "fahafatesana faharoa" no nahafatesan'i Kristy teo amin'ny hazo fijaliana
 Ny fahatokisana azy ho antoky ny famonjena

FITARIHAN-TENY :

"Fahafatesana no tambin'ny ota", voaheloka ho faty aho raha tsy misy ala-olana, tsy afaka hiditra ilay tany vaovao
 Ampy ve ilay Sorona notanterahina ho onitra ho ahy?
 Hiteraka finoana ho ahy ny fibanjinako izany fanatitra izany
 Ampiasaiko izany finoana izany hoentiko "mivarotra" (miaiky ny fahotako) sy "mividy" (mandray famelan-keloka) amin' Ilay Zanak'Ondry novonoina.

Ny FILAZANTSARA dia "tsy ho very izay rehetra mino Azy...."

« Tsy manao marimaritra iraisana amin'ny fahotana mihitsy Andriamanitra.
 Manova ny fironana ho amin'ny ratsy nolovaina na noraiketina ny tena fibebahana marina. Toy ny lamba mafy, nitenoman'ny mapakanto kofehy tsy hita isa » (Lettre 105, 1893) 6BC 1101

I. HEB 10:5: NY NANAMBOARINA NY SORONA

Andriamanitra, Tompon'ny aina
 Andriamanitra fahamarinana sy fahitsiana tanteraka,
 Andriamanitra tsy refesi-mandidy, tsy voafehy ny fotoana, mandrakizay
 Andriamanitra tapi-pahalalana sy fahendrena
 Andriamanitra Mpahary, nahariana izao rehetra izao: Heb 1:2
 "Niteny dia ary izany" Sal 33:9
 Namorona sy mitàna ny vahan-danitra aman-tapitrisany
 Nampiangana ity tany ity, izay milanja an-taonina tsy hita isa, hirimorimo anaty habakabaka hanaraka ny baikony:

- Ny tany toy ny vovoka kely raha mitahy amin'ny masoandro
- Ny masoandro anisan' ny kintana kely ao amin'ny vahan-danitra misy azy
- Tsy hita isa ny vahan-danitra manerana an'izao rehetra izao

Dia nanaiky ho tonga "sela tokana tsy hita maso" hotenomina ao am-bohok'i Maria, Hifaningotra amin'ny nofon'ny olombelona marefo sy miha-osa noho ny fahotana nanjaka nandritra ny efatra arivo taona.

Nidika safidy mahagaga hanao ny sitrapon'Andriamanitra izany.
Nidika ady tsy an-kijanona handresy ny nofo
Nidika fifehezana ny vatana teo amin'ny fiarovana voajanahary amn'ny tontolo iainana anjakan'ny ratsy.

Teo amin'ny hazo fijaliana, vonton"adrenaline" ny vatany, nefa nofeheziny hatramin'ny sela tsirairay, hanaiky ny sitrapon'Andriamanitra., tsy hitraotra, tsy hamaly

Adrenaline: Miforona ao amin'ny tena rehefa misy loza mitranga:
- Tombony eo amin'ny fitempon'ny fo, eo amin'ny tosi-drà, eo amin'ny fisefo, eo amin'ny isan'ny fiarovana ao amin'ny rà mivonona raha misy fahasimbana mila fanamboarana haingana eo amin'ny tena
- Mivonona ny hanao ezaka manokana ny hozatra sy ny vanon-taolana ahazoana miaro-tena, na mandositra
- Ny ati-doha miha-matsilo, mivonona hibaiko

Tsy nisy fironana hanohitra ny sitrapon'Andriamanitra na tamin'ny eritreritra singany iray aza, Zanak'ondry tsy misy kileme, tsy voapentin'ny ota.

Vavaka: Fankasitrahana ny fanetren-tenan'i Jesosy sy ny safidiny hamonjy ahy

II. NIDINA AN-TANIM-PAHAVALO

- Fahavalo fara-tampony tamin'ny hafetsena, manan-tsaina indrindra manao fara-ezaka handringana satria ny fanjakany no ho levona, ho foana ny fisiany raha resy eo izy

- Niezaka namafy na dia fisalasalana fotsiny aza, fitarainana ny hitarika safidy hampiasa ny maha-Andriamanitra hamonjena ny tenany

Ohatra: Safidy hitsaoka ny fanekena nataony tamin'Andriamanitra tsy hitondra ny fahotan'izao tontolo izao
Na : Fihetsiky tsy voafehy noho ny fangirifiriana ny nofo
Sanatria, inona no nanjo antsika raha nitsaoka izany fanekena izany Jesosy?

- Fara-tampony tamin'ny fampijaliana ny kapoka karavasy (in 39x2)
sy ny hazo fijaliana = fangirifiriana, fahafam-baraka, ozona Deo 7:26, Gal 3:13
Vavaka: "Izaho tsy ho fahavalonao, Jeso".

III. FAKAM-PANAHY FARA-TAMPONY: Mba tsy hiharan' ny fahatezeran'Andriamanitra amin'ny fahotana

- Faharikorikoana eo anatrehan'ny fahotana, izay nekeny hoentina;
- Ilay jiolahy naneso Azy, fahotana lalim-paka indrindra
- Ny mpisorona, ny loholona nandatsa Azy, ireo mpitarika ara-pivavahana
- Ny mpianany: " nantenainay fa Izy no hamonjy ny Israely"

- Ny fireneny; 'Aoka ny rany ho aminay sy ny zanakay, fankahalana miantso tody amin'ny taranaka
- Ny habibiana: olombelona natao araka ny endrik'Andriamanitra, latsaka ambany noho ny biby fehezin'i Satana, babony hanao ny sitrapony

- Fijaliana ara-nofo teo amin'ny fanatanterahana ny sitrapon' Andriamanitra:
- Ny nitondrany ny hazo fijaliana
- Ny nandadizany hiakatra teo amin'ny hazo fijaliana
Nahoana no tsy maintsy nijaly toy izany Jesosy? Fa tsy natao tahaka ny ondry tonga dia novonoina tahaka ny ondry natao fanatitra?
Efa zatra ny fahafatesana isika ka tsy ho nampiraika antsika ny fahafatesana tsotra

- Fandatsana hampitraotra ny hambom-po, nefa mifono tsy fanarahana ny sitrapon'Andriamanitra: Tsy ho tanteraka ny fanavotana raha nihemotra Jesosy;
Matio 27:39-44:: Antsoantso naneso nandritra ny adiny telo anaty aizina
- Raha Zanak'Andriamanitra ianao, midina
- Mahay mamonjy ny hafa izy fa tsy mahay mamonjy ny tenany
- Mpanjakan'Israely Izy
- Mahatoky an'i Jehovah Izy
Afaka nidina Jesosy, afaka niverina ho any amin'ny Rainy Izy, nomen'Andriamanitra Azy ny fahefana, ny fahafahana hanao izany.

Vavaka: Tsy ho fandatsana Anao ny fiainako

IV. ADI-TSAINA FARA-TAMPONY

- Toky ho an'i Jesosy ny firaisany tamin'Andriamanitra;
Jaona 8:29: Tsy nandao Ahy ho irery Izy
Jaona 16:32: Tsy ho irery Aho fany Ray no ho ato Amiko
- Nasehon'Andriamanitra hatrany ny fankasitrahany Azy:
Matio 3:14; teo amin'ny batisany: "Zanako malalako izay sitrako"
Marka 9:7: Tendrombohitra fiovan-tarehy: Ity no Zanako malalako, Izy no henoy"
Jaona 11:42: Tamin'ny nanangana an'i Lazarosy: "Mihaino Ahy mandrakariva ianao"
Jao 12:28 : Fony nisy grika nitady Azy: "Hankalaza Azy indray Aho"
Jao 17: 21: Izay nolazainy tamin'ny vavaka ho an'ny mpianany: "Ianao Ray ato Amiko ary Izaho koa ao Aminao"

- Nefa Matio 27:46 : Aizina mikitroka nandritra ny adiny telo:
"Andriamanitra o, nahoana dia nahafoy Ahy ianao"

Vavaka: Tehirizo aho tsy hahafoy Anao

V. FANDRESENA FENO

- Jao 14:30 : "tsy manana na inona na inona Amiko izy

- Sitrak' Andriamanitra izany rehetra izany, satria marina Andriamanitra. Izay no rariny sy hitsiny manoloana ny fahotana, izay no tsy maintsy ho saziny. Rom 3: 25, 26. Is 53: 10
Ny rany nalatsaka = fanehoana ny fahamarinany

- Natoky ny fitiavan'ny Ray ny mpanota, sy ny fitiavany Azy Izy:
Raha sitrapon'Andriamanitra ny ahatafasaraka Azy Aminy, raha izany no ilaina hamonjena ny olombeloma, dia fitiavan'Andriamanitra ny olona izany, ekeko izany sitrapony izany. Izao no ilaina hamonjena ny olombelona, ilaina ny hanolorako an-tsitraro ny aiko, dia natolony izany.

- Lioka 23: 46 – Sal 40:8, an-tsitra-po, tsy tahaka ny ondry atao fanatitra

- "Vita " Ray o, ny fanatitra nifanekentsika hatao hanavotana ny olombelona

Vavaka: "Vita" ny fanavotana ahy, atolony ahy ka raisiko, handresy miaraka Aminy aho.

VI. NY FITONDRAN'I KRISTY FAHAFATESANA

Fahafatesana fahafiry no nentin'i Kristy ? Voalohany sa faharoa ?

A. Ny famonoana teo amin'ny hazo fijaliana

- dia fampiasan'ny Fenisianina 600 taona tahohan'i Kristy
- dia noraisin'ny Egyptianina izay vao ny Romanina
- Natao hamonoana ny andevo nandositra sy ny jiolahy raindahiny

B. Ny antony namonoana an'i Jesosy teo amin'ny hazo fijaliana

1. Ny nanamelohana Azy

Maninona ny fahafatesan'i Kristy no natao teo amin'ny hazo fijaliana kanefa ny antony nanamelohana azy dia hoe : « **Miteny ratsy ny anaran'Andriamanitra** » ?

2. Ny lalàn' i Mosesy

Ny fitenenen-dratsy mantsy dia tokony hotoraham-bato fa tsy melohina eo amin'ny hazo fijaliana araka ny lalàn'i Mosesy

« Ny Jiosy namaly Azy hoe: Tsy asa tsara no itorahanay vato Anao, fa fitenenen-dratsy, satria olona ihany Ianao, nefa manao ny tenanao ho Andriamanitra ».Jao 10: 30-33

« **Fa izay miteny ratsy ny anaran'i Jehovah dia hatao maty mihitsy; hitora-bato azy tokoa ny fiangonana rehetra; na vahiny na tompo-tany, raha miteny ratsy ny Anarana, dia hatao maty izy.** » Lev 24:16

2. Fa naninona no niantsoantso ny jiosy hoe :

Homboy, Homboy !

Fa tsy hoe: Torahy vato, torahy vato !

3. Satria zavatra mihoatra ny fahafatesana tsotra no tao an-tsain'izy ireo hatao amin'i Kristy

Ny toraham-bato mbola afaka mandohalika mangataka famelana, ary ho voavela; fa ny mihantona amin'ny hazo tsy afaka hanantena fitsanganana amin'ny maty.
« dia tsy havela hiloaka alina eo amin'ny hazo ny fatiny, fa tsy maintsy halevinao androtriny ihany izy (fa **voaozon' Andriamanitra ny mihantona amin'ny hazo**); koa aza lotoina ny taninao, izay omen'i Jehovah Andriamanitrao anao ho lovana. »
Deot 21:23

Neken' Andriamanitra Ray ny fangatahan'ny Jiosy hanozona ny Zanany

4. Amin'ny Jiosy ny fanomboana eo amin'ny hazo fijaliana **dia mihoatra noho ny fahafatesana ara-batana fotsiny**

« Kristy nanavotra anay tamin'ny ozon'ny lalàna, satria tonga voaozona hamonjy anay izy; fa voasoratra hoe: "**Voaozona izay rehetra mihantona amin'ny hazo**" (Deo. 21. 23), » Gal 3:13

Teo amin'i Kristy no napetraka ny fahadisoantsika rehetra amin'ny maha-mpisoloto toerana antsika sy antoka ho antsika Azy. Nisaina ho anisan'ny mpanao meloka Izy mba hahazoany manavotra antsika amin'ny fanamelohan'ny lalàna. Nitambesatra teo amin'ny fony ny fahadisoan'ny taranak' i Adama tsirairay. Ny fahatezeran' Andriamanitra amin'ny fahotana, ny fanehoany mahatahotra ny tsy fankasitrahany ny fahadisoana dia nahazendana ny fanahin'ny Zanany. Nandritra ny fiainany manontolo dia notorian' i Kristy tamin'izao tontolo izao lavo ireo vaovao mahafaly momba ny famindram-pon' ny Ray sy ny fitiavany mamela heloka. Famonjena ho an'ny lohan'ny mpanota no lafin-kevitra nasehony; Nefa ankehitriny, noho ny vesatra mahatsiravin'ny heloka nentina, dia tsy afaka mahita ny tavan'ny Ray mitory fampihavanana Izy. Ny fialan'ny tavan' Andriamanitra tsy ho hitan'ny Mpamonjy tamin'ity fotoana nampitebiteby Azy mafy indrindra ity dia nanindrona ny fony tamin'ny alahelo izay tsy ho takatry ny olona na oviana na oviana amin'ny fomba feno. Mafy loatra io ady mihatra aman'aina niaretany io ka saiky tsy reny ny fanaintainana ara-nofo." {IFM 811.3}

5. Tsy maty fotsiny fa maty mitondra ozona i Kristy

=
Fahafatesana faharoa

VI . HAFATRA AVY AMIN' NY FITOERANA MASINA INDRINDRA

A. AVOTAN' NY RANY SAROBIDY AHO

1. Ny rany sarobidy no itokisako

« Mety hibitsibitsika Satana hoe: "Mpanota be loatra ianao raha hovanjen' i Kristy"; Ekenao fa tena mpanota sy tsy mendrika ianao, nefa setraho ny mpaka fanahy ka antsoy mafy hoe: "Noho ny hasoavan' ny fanavotana, dia takiako ho

Mpamonjiko Kristy. Tsy ny fahamendrehako no itokiako , fa ny rà sarobidin' i Jesosy, izay manadio ahy. “ Tsy afaka mamonjy ny tenanao amin'ny herin'ny mpaka fanahy ianao, fa mangovitra sy mandositra kosa izy rehefa ny fahamendrehana'ny rà sarobidin' i Kristy no antitranterina”. {SD 224.4}

2. Ny fitahiana lehibe indrindra ho an'ny olombelona

“Tokony ho afaka manatona malalaka ny rà'n'i Kristy manavotra isika. Horaisintsika ho tombontsoa sarobidy indrindra, ho fitahiana lehibe indrindra mbola nomena ny olombelona mpanota izany.... Ny fanahy rehetra mangetaheta fahamasinana dia hahita fialan-tsasatra, fahatoniana, hery miasa hamelombelona avy amin'ny Fanahy, ary amin'izay, dia ho feno fahamasinana, fahasambarana, fiadanana ny lalana hiaraha-manao amin'i Kristy sy ny firaisana sarobidy Aminy.” {SD 224.5}

3. Ho antemam- pifaliana

“Resaho izany, ento amim-bavaka. Aoka hatao hira masina – ny hosasana, ny hodiovina, mitaky izany fitiavana izany ny fanahy mino, ary noho ny fahasoavany dia mijoro manoloana ny seza fiandrianan' Andriamanitra izy, voavela heloka, nohamarinina, nohamasinina Ny fahasoavany manadio dia manome hery sy tanjaka ny finoana, manome hery ny fivavahana, ary fahasambarana noho ny fankatoavana amim-pifaliana.” {SD 224.6}

B. DIOVIN' RAN' I KRISTY

“Ny ran' i Jesosy Zanany no manadio antsika ho afaka amin'ny ota rehetra”1 Jaona 1:7.

“Masina ny rà, tamin'ny fandatsana ny rà'ny Zanak' Andriamanitra ihany no nahazoana fanavotana ho an'ny fahotana. Nampiasaina koa ny rà hanadiavana ny fitoerana masina noho ireo fahotan'ny olona, ka naseho tamin'izany ny rà'n' i Kristy izay hany afaka manadio ho afaka amin'ny fahotana”. {SD 225.5}

D. AVOTANA AMIN' NY RAN' I KRISTY

“Mifaly amin' Andriamanitra isika amin'ny alalan' i Jesosy Kristy Tompontosika izay nahazoantsika ny fihavanana ankehitriny” Rom. 5:11.

1. Fanantenana ho antsika

“Misaotra an' Andriamanitra isika izay nandatsaka ny ràny ho antsika, izay velona handahatra ny amin'izany, velona hanelanelana ho an'ny fanahy tsirairay izay mandray Azy. “Raha miaiky ny fahotantsika isika, dia mahatoky sy marina lzy ka mamela ny fahadisoantsika sy manadio antsika ho afaka amin'ny tsi-fahamarinana rehetra.” Manadio antsika amin'ny fahotana rehetra ny rà'n' i Kristy.... Ilaintsika ny hitahiry manoloana antsika mandrakariva ny fahombiazan' ny rà'n'i Jesosy. Io rà manadio ny fiainana, io rà mihazona ny aina io, izay raisina amin'ny alalan'ny finoana velona, no fanantenana ho antsika”.. {SD 226.2}

2. Mitaky ny herin'ny rany amin'ny alalan'ny finoana

“Ilaintsika ny hitombo amn'ny fankasitrahana ny tombambidin'ny rà'n' i Kristy tsy hita lany, satria tsy miteny ho antsika izy raha tsy takiantsika amin'ny finoana ny fahasoavany, izay mihazona ny feon'ny fieritreretantsika ho madio sy tsara firindra amin' Andriamanitra. Aseho amin'ny rà mitondra famelan-keloka izany, izay mifandray tsy tapaka amin'ny nitsanganan'ny Mpanavotra antsika tamin'ny maty sy amin'ny fiainany, aseho an-tsary amin'ny alalan' ny rian-drano mikoriana mandrakariva mivoaka avy ao amin'ny seza fiandrianan' Andriamanitra, dia ny ranon'ny onin'aina” izany. {SD 226.2}

3. Fahafatesana sy fiainana

“Ilay tandindona mahagaga asehon'ny vorona velona atsoboka ao amin'ny rà'n'ny vorona novonoina ary nalefa handeha ho amin'ny fiainany feno fialiana {Lev. 14:4-8}, dia tandindon'ny fanavotana ho antsika. Tafaray tao ny fahafatesana sy ny fiainana, izay maneho amin'ny olona mikatsaka ny fahamarinana sy ny harena nafenina, ny firaisan'ny rà mitondra famelan-keloka amin'ny fitsanganana amin'ny maty sy ny fiainan' ny Mpanavotra antsika. Eo ambonin'ny rano velona ilay vorona novonoina, rano izay nikoriana ho tandindon'ny rà'n' i Kristy mikoriana mandrakariva, mahomby mandrakariva ho fanadiavana, dia Ilay Zanak' Ondry novonoina hatramin'ny nanorenana an'izao tontolo izao... . {SD 226.3}

E. HAMARININA AMIN' NY RAN' I KRISTY

“Fa Andriamanitra nampiseho ny fitiavany antsika fa fony mbola mpanota isika dia maty hamonjy antsika Kristy. Koa mainka aza no hamonjeny antsika ho afaka amin'ny fahatezerana ankehitriny, rehefa nohamarinina tamin'ny ràny isika” Rom. 5:8, 9

1. Nitondra fahamarinana mandrakizay

“Nanao fampihavanana ho amin'ny fahotana Kristy, ary nitondra ny henatra rehetra momba izany, ny fanomezan-tsiny, sy ny famaizana, nefa raha nitondra ny fahotana lzy, dia nampiditra koa fahamarinana mandrakizay, hany ka tsy misy pentina ny mpino eo anatrehan' Andriamanitra”. . . . {SD 227.2}

2. Matoky ny tenany

“Betsaka anefa no mihambo ho zanak' Andriamanitra izay mametraka ny fanantenany amin'ny zavatra hafa iankinany, fa tsy amin'ny rà'n'i Kristy ihany. Rehefa amporisihany izy hametraka ny finoany tanteraka eo amin'i Kristy amin'ny maha-Mpamonjy feno Azy, dia maro ireo mampiseho fa mino ny zavatra izay heveriny fa azony atao izy. Hoy izy: “Mbola betsaka no tokony hataoko alohan'ny ahazoako manatona an' i Kristy”. Ny hafa indray manao hoe: “Rehefa nanao izay faran'ny azoko hatao aho, amin'izay dia ho avy hanampy ahy Jesosy Tompo.” Heveriny fa misy zavatra betsaka hataony ho an'ny tenany hamonjena ny fanahiny, ary ho avy Jesosy hameno izay banga, ary hamarana ny asa farany ho famonjena azy. Tsy

hahery ao amin' Andriamanitra ireo fanahy mahantra ireo raha tsy manaiky an' i Kristy ho Mpamonjy feno. Tsy misy na inona na inona azony hanampy hamonjena azy." {SD 227.3}

3. Rà eo amin'ny tolàna

"Nasaina nitentina ràny zanak'ondry novonoina teo amin'ny tolàm-baravarany ny Isiraelita, ka rehefa mitety ny tany ny anjely mpandringana, dia ho afa-miala ny loza izy, nefa tsy nanao ilay fihetsika tsotra, mitory finoana sy fankatoavana izy, fa ny varavarana no nosakanany tsy hivoaha, dia nataony izay rehetra tokony hatao tsy ahatafiditra ny anjely mpandringana, ho very maina ny ezaka nataony.... Fa rehefa hita teo amin'ny tolàna ny rà, dia ampy izay. Azo antoka ny famonjena ny trano; torak'izany ny asam-pamonjena, ny ràny Jesosy Kristy no manadio ny ota rehetra, {SD 227.4}

4. Maharesy ny fahavalo ara-panahy

"Noho ny fahamendrehan'ny rany, dia afaka mandresy ny fahavalo ara-panahy rehetra ianao, sy manasitrana ny lesoka rehetra eo amin'ny toetr amam-panahy." {SD 227.5}

F. MANAFAKA AMIN'NY FAHAFATESANA

"Ary izy no nahafaka anay tamin'izao fahafatesana lehibe izao ary mbola hanafaka anay koa" 2 Kor. 1:10.

1. Mpamonjy nizaka ny fakam-panahy rehetra

"Tonga teto amin'ity izao tontolo izao ny Mpamonjintsika, raha nitafy ny maha-olombelona izy, mba hizaka ny fakam-panahy rehetra izay miseho eo amin'ny olona. Notombanany teo amin'ny fiainany ny herin' ilay fahavalo fetsy raha hamitaka, handrebireby, ary hamono. Amin'ny maha-Mpanavotra ny taranaka Azy, dia mampitandrina ny taranak'olombelona izy tsy hikatsaka ireo zavatra izay hamily lalana azy tsy hizotra amin'ny lalàn-tery; nanomana lalàna be voninahitra izy ho an'ireo izay mizotra ho any amin'ny fonenana any an-danitra izay lasa namboariny ho an'ny rehetra izay hiomana ho tonga anisan'ny fianakavian'ny Mpanjaka." . . . {SD 230.2}

2. Fahafatesana sy fiainana

"Novidin'i Kristy tamin'ny ainy ny olombelona rehetra. Fahafatesana mahatsiravina no nahafatesany hamonjeny ny olombelona tsy hiaran'ny fahafatesana mandrakizay. Nomeny ny ainy hamonjena ny olona amin'ny fahafatesana mandrakizay. Nomeny ny fiainany tsy voapentin'ota ahazoany mpanota fiainana mifamatra amin'ny fiainan' Andriamanitra. Tamin'ny alalan'ny fahafatesany, dia nanolotra lalana izy ahazoan'ny olona misaraka amin' i Satana, hiverina hifandray amin' Andriamanitra, ary amin' ny alalan'ny finoana ny Mpanavotra hahazo famelan-keloka. . . . {SD 230.3}

Ilay manana ny hery rehetra any an-danitra sy ety an-tany dia hamerina amin'ny laoniny indray ny mpanota mibebaka sy mino rehetra izy. Izay rehetra nandray Azy dia nomeny hery ho tonga zanak'Andriamanitra. Maha-liana Azy lalina ny fanahy tsirairay, satria ny ainy no nanefany ny vidiny mba tsy hisy ho very mandrakizay. {SD 230.4}

3. Mandresy ny fakam-panahy

"Afaka ary tokony ho afaka misetra sy mandresy ny fakam-panahy rehetra ny mpanompon'i Kristy. Tokony hiteny izy hoe: "Tsy tompon'ny tenako aho, efa novidiana aho; Ny sorona tsy hita lany nataon'i Kristy ho ahy dia napetrany ho fahefako ny hanome Azy mihoatra noho izay angatahiny. Azy ny rehetra; novidiany aho, ny tenako, ny fanahiko sy ny saiko. Takiany ny fotoanako rehetra, ny fahaizako rehetra." " {SD 230.5}

4. Zanaka ara-panahin' Andriamanitra

"Izay mandray Azy sy mino Azy dia tonga zanaka ara-panahin' Andriamanitra. Natsangana ao amin'ny fianakavian'ny mpanjaka izy, ary rehefa mitady ny hanao ny sitrapon' Andriamanitra izy, dia manjary mitovy endrika Aminy." {SD 230.6}

FAMPIHARANA

I TOLORANY FIBEBAHANA

Tsy maintsy mibebaka ny tsirairay: "Tsy voavela ny fahotana tsy nibebahana" {White *Our High Calling*, p. 82}

a. Fanomezana ataon' i Kristy ho an'ny fanahy izany:

"Izay avelany heloka dia tarihiny hibe-baka aloha". {White *Selected messages*, 1/324}

b. **"Ny fibebahana amin'ny fahotana no vokatra voalohany eo amin'ny asan'ny Fanahy Masina eo amin'ny fiainana"** (MS 28, 1905). {6BC 1068.6}

- Ampidiriny ao an-tsaintsika ny toe-tsaina vonona hibe-baka.
Gen 3:15 = Mifandrafy = ny fahitana ny fitiavany ahy sy ny fahatsarany no mahatonga ahy hankahala ny tenako sy handrafy an'i Satana

" Ny Fanahy no manambara ny tsy fahaizan'ny fo mankasitraka, dia ny fo manao tsinontsinona ny Mpamonjy sy mandratra Azy, ka entiny eo am-pototry ny hazo fijaliana isika rehefa torotoro fo. Mandratra an' i Jesosy indray ny fahotana rehetra; ary raha mijery Azy izay nolefonina isika dia malahelo noho ny fahotana izay nahatonga ady mihatra aman'aina taminy. Ny alahelo toy izany no hitarika ho amin'ny fahafoizana ny fahotana". {IFM 314/1}

d. Fiovan'ny saina ny fibebahana

Miova fitodika: faniriana marina hikatsaka fiainam-baovao avy amin'ny sitrapo izany Foto-kevitra no arahina: "Tsy hanao intsony aho"
Mirodana ny sakana rehetra
Tsy hiady amin' Andriamanitra sy amin'ny feon' ny fieritreretako intsony aho

Vavaka: Fangatahana fibebahana marina avy amin' Andriamanitra

II. TARIHINY HIAIKY HELOKA

(Horaisina araka ny fizotry ny fotoana sy ny valitenin'ny mpivory. Zava-dehibe indrindra ny ahatsapan'ny tsirairay ny toeran'ny fiaiken-keloka eo amin'ny fanavotana.)

A. Fampileferana ny "izaho"

.1. Fandraisana ny fibebahana

"Manolotra fibebahana ho fanomezana Andriamanitra. Ny fandraisana io fanomezana io amin' ny fo manontolo dia midika fiaikena heloka sy fileferana ary finiavana hiala amin'ny fahotana". .” {VM p.488.2}

2. Fepetra ny famindram-po

"Raha miaiky ny fahotantsika isika dia mahatoky sy marina Izy ka mamela ny fahotantsika, sy manasio antsika ho afaka amin'ny tsi-fahamarinana rehetra. **Tsotra sady ara-drariny ny fepetra ilaina mba hahazoana ny famindram-pon'Andriamanitra.**" {VM p.488.2}

3.. Aza mangataka andro

"Raha misy fahotana tokony ekenao, aza mangataka andro. Fotoam-bolamena izao.... Hovokisana izay rehetra noana sy mangetaheta ny fahamarinana; nampanantena izany Jesosy. Mpamonjy sarobidy loatra! Mitsotra ny tanany handray antsika ary miandry ny fony be fitiavana hitahy antsika. {1SM 352.3}

4. Midika herisetra anaty izany, famonoana ny "izaho".

- Tsy maintsy vakiana sy potehina ny tahirin' avonavona rehetra
- Ny fitiavana an'izao tontolo izao kobonina (ny sofina sy ny maso ary ny eritreritra mirona ho amin'ny zavatra tsy araka an'i Kristy)
- Ny fiheveran-tena ho ampy eo amin' ny ara-panahy: Isaia 1:5, 6
- Tsy manota fotsiny isika, fa mpanota: mihanaka ao amin'ny tenantsika ny fahotana.

"Ho saronanao ve ny fahotanao ka hosetrainao ny miseho ivelany? Lazain'Andriamanitra fa tsy hambinina ianao. Fa izay miaiky ka mahafofy ny fahotany no hahazo famindram-po. Hisafidy ny fahafatesana ve ianao? Hakatonao tsy ho anao ve ny fanjakan'ny lanitra **satria tsy hampileferinao ny avonavon-dratsinao?** Ny hany fanantenana ho anao dia ny hanekenao ny fihemoranao. Navelan' Andriamanitra namirapiratra teo amin'ny lalanao ny fahazavana. Hisafidy ny lalan-dratsinao ve ianao? Hariana any ivohanao ve ny fahamarinana satria tsy hanohana anao eo amin'ny lalan'ny fahotana? Oh, meteza **"handrotika ny fonao, fa tsy ny fitafiana."** Manaova asa ho amin'ny mandrakizay. Hamindra fo aminao Andriamanitra. Mahaliana Azy ny momba anao. **Tsy manao tsinontsinona ny fo torotoro sy mangorakoraka Izy.** Hitodi-doha hiverina ve ianao? Ho velona ve ianao? **Mendrika ny hovonjena ny fanahinao; sarobidy izany.**Tiany ny hanampy anao. {2T 303.1}

B. Fiaiken-keloka tena izy

1. Tsy misy fanamarinan-tena.
2. Tsy tokony ho faobe: "Raha misy ratsy nataoko taminareo... "
3. Manondro ny tena izy: Fiaikena an' "izao fahotana izao"
4. Tsy miankina amin'ny isany miverimberina (Mat 18:22)
5. Mety ho manokana na ampahibemaso
6. Arahin'ny fanonerana

"Ny tena fiaiken-keloka marina dia ny filazana izay tena izy mihitsy ary fitsorana amin'ilay fahotana nahavao indrindra. Angamba fahotana tokony ho entina eo anatrehan'Andriamanitra irery ihany izany na angamba fahatafintohinana tokony ekena amin'ilay olona nasian-dratsy; na angamba fahadisoana fantatry ny besinimaro, ka tokony hekena ampahibemaso. Nefa ny fiaiken-keloka rehetra, na toy inona na toy inona, dia tsy tokony hatao anjoanjo, na faobe, fa tokony hopotsirina amin'ny masom-boavahiny, dia fiaikena ilay tena fahotana indrindra izay nahadiso anao. " {Ny Dia 46: 2}

D. Mianjera amin'ilay vatolampy ary torotoro fo

- Mafy, mampahory ary mety mahasadaikatra ny fiaiken-keloka marina: Mat 21:44
- "Ny mianjera amin' Ilay Vatolampy sy ny torotoro, dia ny miala amin'ny fanamarinan-tena sy ny manatona an'i Kristy amin'ny fahatsoran'ny zaza ary ny mino ny fitiavany mamela heloka. " { IFM 639/2}
- Tsy hamarinina isika raha misy fahotana fantatra tsy nanaovana fiaiken-keloka ao amin'ny fiainantsika: "Tsy manarona fahotana tsy nibebahana ny fahamarinan' i Kristy". {White SDA 7BC/931}
- Mitondra fialana amin'ny fahotana sy fandresena azy ny fiaiken-keloka

E. Fampiharana

Mivonona hiaiky heloka, manatona izay nampalahelovinao ka tafintohina noho izay nataonao na izay nampalahelo anao, mifaneke heloka ary miaraha mivavaka mifamela. Raha misy tsy mahalala ary noho izany mety tsy tafintohina noho izay

nataonao, dia anjaranao ny miaiky izany fahotana izany amin'Andriamanitra samirery, mba tsy hiteraka alahelo sy fanafintohinana ny fiaiken-keloka.

"Tsy angatahina ianao hiaiky heloka amin'izay tsy mahalala ny fahotanao sy ny fahadisoanao. Tsy tokony hiaiky heloka am-pahibemaso ianao izay hampiravoravo ny tsy mino". {*Témoignages pour l'église*, vol. 1, p. 289, 3}.

Asiana hira malefaka ataon'ny besinimaro raha mbola misy mifamela heloka

" Fantatr' Andriamanitra daholo ny fahotana tsirairay izay miafina tsy eo imason'ny mety maty. Fantatry ny meloka ireo fahotana tokony hekeny, mba hadio eo anatrehan' Andriamanitra ny fanahiny. {2SG 253.1}

" Hitako fa manome azy fotoana mety ahazoany miaiky ny fahotany Andriamanitra, hibebehany amin'ny fanetren-tena lalina, sy hanadiovany ny fiainany amin'ny fankatoavana sy hiainany ny fahamarinana. Hitako fa **izao no fotoana hanitsiana ny ratsy natao, hiaikena ny fahotana, na hisehoan'izany eo anatrehan' ny mpanota amin'ny andron'ny fahatezeran'Andriamanitra**". {2SG 253.2}

FAMARANAN-TENY: ISAIA 53: 11

Hosaintsainina ny hovalian'ny tsirairay ao amin'ny fianakaviana:

"Noho ny fisasaran'ny fanahiny dia hahita izany izy ka ho afa-po".

Nisasatra tamin' i Kaiafa, Pilato, ilay jiolahy Izy. Misasatra aminao koa Izy.

Hahita anao ve izy rahatrizay ka ho afa-po?

ANDRO FAHEFATRA

Alahady

JESOSY MPANALALANA SY MPISORONABE

ZAVA-KENDRENA SY ANATOM-BAVAKA:

Ny hatokisana Ilay Mpisoronabe notendren' Andriamanitra

Ka hitombon'ny finoana HANATONANA Azy eo amin'ny lalana natokany ho antsika, ka tsy handositra Azy

Ny hahitana Azy manao fanavotana ho antsika eo anatrehan'ny Ray; ka ho tia Azy hatrany.

I. NY PLANAN' ANDRIAMANITRA HAMONJENA ANTSIKA

« Zavatra maharikoriko ny fahotana. Nanimba ny hakanton' ny fitondran-tenan'ny anjely maro izany . Nitsofoka teo amin'ny tanintsika izany ka nikosoka

mihitsy ny endriky ny fitondran-tenan' Andriamanitra teo amin'ny olona. Nefa, noho ny fitiavany lehibe, dia nanavatsava lalana Andriamanitra hiverenan'ny olona ho eo amin'ny toerana nahalavoany raha resin'ny mpaka fanahy izy. Tonga Kristy nijoro ho lohalaharana teo amin'ny taranak'olombelona, ka naneho toetra amam-panahy tanteraka amin'ny anarantsika Ateraka indray izay mandray Azy » . {9T 21}

A. NY FISORONANA SY NY ASAN'NY MPISORONABE TAO AMIN'NY TESTAMENTA TALOHA:

1. Fomba nentin' Andriamanitra nampianatra ny Planan'ny Fanavotana teo amin' Isiraely ny fanompoam-pivavahana ao amin'ny Tabernakely:

Teo amin'ny fanompoam-pivavahana tandindona

1) Isan' andro

2) Isan-taona

2. Plana hotanterahin' Andriamanitra hatramin'ny farany, ahatonga ny vahoakany hiditra ny Kananan' ny Lanitra

- Ny tena izy

a) Ny fanatitra teo amin'ny Kianja = Jesosy novonoina ho sorona teo Kalvary

b) Ny fanompoam-pivavahana ao amin'ny fitoerana masina any an-danitra Jesosy nitsangana tamin'ny maty ho Mpisorona

- Ny ankehitriny, nanomboka tamin'ny Andro fitsarana:

a) Ny fanompoam-pivavahana ao amin'ny Fitoerana Masina Indrindra

any an-danitra = Andro Fanavotana

b) Jesosy Mpisoronabe, Mpitsara, Mpisolovava

B. AO AMIN'NY MASINA INDRINDRA :

Dingana manaraka ny teo Kalvary sy tao amin'ny Fitoerana Masina ao amin'ny Drafitry ny Fanavotana:

"Nisy fahazavana bebe kokoa anefa tonga, vokatry ny fanadihadiana mikasika ny fitoerana masina. Hitany ankehitriny fa marina ny finoany fa milaza zava-dehibe ny fiakaran' ny 2300 andro tamin'ny taona 1844. Raha marina fa nikatona ilay varavaran' ny fanantenana sy ny famindram-po izay nahazoan' ny olona nanatona an' Andriamanitra nandritra ny taon-jato valo ambiniolo, dia nisy koa varavarana hafa nivoaha **ary** atolotra ny olona ny famelan-keloka amin'ny alalan'ny fanelanelanana ataon' i Kristy ao amin'ny Fitoerana masina indrindra. Vita ny dingana iray amin'ny fanompoana nataony, fa miditra kosa ny manaraka. Mbola nisy varavarana mivoha ao amin'ny Fitoerana masina indrindra any an-danitra izay nanaovan' i Kristy fifonana ho an'ny mpanota." {HM 443.2}

"Rehefa lasa ny fe-potoana tamin'ny 1844, dia nisy androm-pitsapana mafy ho an'ireo izay mbola namikitra mafy tamin'ny finoana ny fiverenan'ny Tompo. ... Nisy antokon'olona indray izay nitana mafy fa ny Tompo no efa nitarika azy teo amin'ny fanandramana nataony teo aloha; ary rehefa niandry sy niambina ary nivavaka izy mba ahafantarany ny sitrapon'Andriamanitra dia hitany fa

efa niditra tao amin'ny asa fanompoana hafa Ilay Mpioronabeny, ka rehefa nanaraka Azy tamin'ny finoana izy, dia voatarika koa hahita ny asa farany ataon'ny fiangonana. Nazava taminy kokoa ny hafatry ny anjely voalohany sy faharoa, ka voamana izy handray sy hanome ny fampitandremana miezinezina ho an'izao tontolo izao entin'ny anjely fahatelo ao amin'ny Apokalypsy 14. {HM 446}

Fanontaniana: Inona ilay asa fanompoana hafa ataon'ny Mpisoronabe?
Inona no hafatry ny anjely voalohany, raha ny Drafity ny Fanavotana no jerena?
Inona no hafatry ny anjely faharoa?
Inona ilay fampitandremana miezinezina entin'ilay anjely fahatelo?
Vonona ve aho handray sy hizara izany fampitandremana izany?

Vavaka: Tiako ny ho vonona, miasa ao amiko Andriamanitra ô, mba ho vonona aho.

II. MPISORONABE AZO ITOKISANA VE ?

A. NATSANGANA TAMIN'NY MATY

1. Ny Ray ihany no afaka namoaka an'i Kristy tao am-pasana

"Hijanona ao amin'ny fasana nandritra ny fotoana voatendry Ilay maty ho an'ny fahotan'izao tontolo izao. Mpigadran'ny fahamarinan' Andriamanitra Izy tao amin' io tranomaizina vato io. Nanana andraikitra teo anatrehan' ny Mpitsara an'izao rehetra izao Izy. Nitondra ny fahotan'izao tontolo izao Izy, ary ny Ray ihany no afaka namoaka Azy. Nisy anjely maro sady mahery niambina ny fasana, ary raha nisy tanana natsangana haka ny vatany, dia ho nalavon' ny voninahitra mitselatselatra tamin'ny tany, tsy hanan-kery, izay sahisahy hanao izany. {5BC 1114.1}

Tsy nisy afa-tsy fidirana tokana ny fasana, ary tsy nisy herin'olombelona na hafetsena afaka hanainga ilay vato nanakana ny fidirana. Tao Jesosy no niala sasatra nandritra ny Sabata. Efa notondroin'ny faminaniana anefa fa hitsangana amin'ny maty Kristy amin'ny andro fahatelo Kristy mihitsy no nanamafy izany tamin'ireo mpianany. "Ravao iy tempoly ity, hoy Izy, fa amin'ny hateloana dia hatsangako indray". **Tsy nanota mihitsy Kristy, na nisy fitaka teo am-bavany; hivoaka ny fasana tsy tratry ny fahalovana ny tenany** (MS 94, 1897). {5BC 1114.2}

2. Nanana ny hery hanapahana ny fatoran'ny fahafatesana Kristy

"Rehefa re ny feon'ny anjely nanao hoe: "Miantso Anao ny Rainao", Ilay niteny hoe: "Izaho manolotra ny aiko mba hakako azy indray", "Ravao ity tempoly ity fa amin'ny hateloana dia hatsangako indray", dia nivoaka ny fasana ho velona tamin'ny aina izay tao Aminy; **tsy maty ny maha- Andriamanitra. Ny maha-olombelona no maty**, fa izao Kristy nanambara teo amin'ny fasana triatra an'i Josefa hoe: "Izaho no fananganana ny maty sy fiainana." Nanana ny hery hanapahana ny fatoran'ny fahafatesana Kristy tao amin'ny maha-Andriamanitra Azy. Nambarany fa nanana aina ao Aminy Izy hamelona izay tiany." {5BC 1113.4}

3. "Izaho no fananganan'ny maty sy fiainana"

"Andriamanitra ihany no afaka mampiasa izany fiteny izany. Velona noho ny sitrapo sy ny herin' Andriamanitra ny voaary rehetra. Miankina amin'ny ain'ny Zanak' Andriamanitra izy. Na afaka sy be talenta toy inona izy, na midadasika toy inona ny fahaizany, aina avy amin'Ilay Loharanon'ny aina rehetra no mameno azy. Ilay hany manana fiainana mandrakizay, izay mitoetra eo amin'ny mazava sy ny aina, no afaka miteny hoe: "Manana fahefana hanolotra ny aiko aho, ary manana fahefana handray azy indray; " Mandray ny ainy avy Aminy ny olombelona rehetra eto amin'ity izao tontolo izao misy antsika ity. Izy no loharano, ipoiran'ny aina (MS 131, 1897). {5BC 1113.5}

4. Zo h anome fiainana mandrakizay

"Nasalotra an'i Kristy ny zo hanome fiainana mandrakizay **Ny aina izay natolony ny taranak'olombelona, dia noraisiny indray ary nomeny ny taranak'olombelona.** "Tonga Aho" hoy Izy, " mba hananany fiainana, sady hananany be dia be (YI Aug. 4, 1898). {5BC 1113.8}

" Ny maha-ampy tsy misy fetra an'i Kristy dia asehon' ny nitondrany ny fahotan'izao tontolo izao manontolo. Toerana roa no tazoniny amin'ny maha mpanolotra sy Atolotra Azy, amin'ny maha-Mpisorona sy Sorona Azy. Masina, tsy misy tsiny, tsy misy loto, ary tafasaraka tamin'ny mpanota Izy. "Avy ny andrian' izao tontolo izao, hoy Izy, "nefa tsy manana na inona na inona Amiko" (Jaona 14: 30). Zanak'ondry tsy misy kilema ary tsy misy pentina Izy. (Letter 192, 1906). {7BC 933.7}

Hira ho fiderana an'i Kristy naharesy ny fahafatesana ary natsangana ho Mpisoronabe ho an'ny olombelona

D. NY TOETRANY

1. Mpisoronabe mamindrafo sy miantra Heb 2 :17

2. Mpisoronabe ekentsika: Heb 3: 1, 2, 6

mahatoky ny nanendry Azy
Zanaka manapaka ny tranon' Andriamanitra
Ary isika no tranony

3. Mpisoronabe mahay mitondra ny fahalementsika: Heb 4:15

nalaim-panahy tamin'ny zavatra rehetra tahaka antsika
kanefa tsy nanana ota:

4. Mpisoronabe notendren' Andriamanitra: Heb 5: 4-10

nianatra fanarahana tamin'ny fahoriana nentiny
natao tanteraka

loharanon'ny famonjena mandrakizay
notononin' Andriamanitra ho Mpisoronabe araka ny fanaon'i Melkizedeka

5. Mpisoronabe mandrakizay: Heb. 6: 20

6. Mpisoronabe mendrika ho antsika, masina, tsy misy tsiny, tsy misy loto: Heb. 7:26

Voasaraka amin'ny mpanota
Natao avo noho ny lanitra notanterahina ho mandrakizay

7. Mpisoronabe efa mipetraka eo ankavanany ny seza fiandrianan' Andriamanitra: Heb 8:1

8. Mpisoronabe araka ny fanekena tsara lavitra: Heb 8:6
Ilay fanekena tsara lavitra: Heb 8:10-12 :Heb 8:6

9. Mpisoronabe ny amin'ny zavatra tsara lavitra: Heb 9: 11-14
Nitondra ny ran'ny tenany
Nahazo fanavotana mandrakizay
Hahadio ny fieritreretana ho afaka amin'ny asa maty

10. Mpisoronabe hiseho fanindroany tsy amin'ny ota: Heb 9: 28

E. . NY NANENDRENA AZY

1. Heb 5: 1 Alaina amin'ny olona ka tendrena ho soloin'ny olona

- Jesosy tonga olombelona
rahalahy, havana; mahafantatra ny olona mahazo antsika, tsy vahiny;
« **Ampanakekezin' Andriamanitra Azy ny olony amin'ny alalan'ny fitsapana sy ny fisedrana, amin'ny fanehoany azy ny fahalemeny sy ny tsifahaizany, ary amin'ny fampianarana azy hiankina Aminy izay hany afaka hanampy sy hiaro azy.** Tanteraka amin'izay ny zava-kendreny. Voaomana izy ho azony ampiasaina amin'ny toe-javatra maha-poritra rehetra, handray toeram-pitokisana sy hanatanteraka ny fikasan-dehibe nanomezana hery azy Izy... ».{4T 86.1}

2) Heb 5 : Mahay mitondra ny mora, ny tsy mahalala, sy ny mania

“Nijoro ho lohan'ny taranak'olombelona Kristy tamin'ny tenan'ny maha-olombelona. **Maha-te-ho tia sy be fitiavana** indrindra ny fihetsiny ka na ny mahantra indrindra aza tsy natahotra ny hanatona Azy. **Nalemy fanahy** tamin'ny rehetra Izy, ka nahavanana ny ambany indrindra ny nankeo Aminy. Nitety ny trano Izy, nanasitrana ny marary, namahana ny noana, nampionona ny malahelo, niteny fiadanana ho an'ny fadiranovana. . . . Nivonona ny hanetri-tena Izy. Tsy nitady izay hampihavaka Azy Izy. **Mpanombo Izy ho an'ny rehetra.** Nataony hahasoa sy hampionona ny hafa izay hohaniny sy hosotroiny, hamalifaly ny malahelo sy mavesatra entana nifandray taminy isan' andro.”. {WM 53.2}

3) Heb 5 :3 Manao fanatitra ho an'ny olona (tsy nila ho an'ny tenany Izy) :

Ny Hazo fijaliana , Kalvary, samy nanomana ny maha-mpisoronabe an' i Kristy

« Jesosy, Mpanavotra antsika, izay solontenan'ny olona sy filohany, dia niaritra ny fisedrana. Nijaly mihoatra noho izay azontsika antsoina hoe fijaliana Izy. Nitondra ny aretintsika Izy ary nalaim-panahy tamin'ny zavatra rehetra tahaka antsika. **Tsy nijaly noho ny tenany Izy, fa noho ny fahotantsika;** ary ankehitriny,

raha miantehitra amin'ny fahamendrehany isika dia mety ho tonga mpandresy amin'ny anarany « {4T 86.1}

“Mpisoronabe ao amin'ny efitra-lamba Kristy ka nampitoetra an'i Kalvary ho mandrakizay, koa na dia velona ao amin' Andriamanitra aza Izy, **dia maty mandrakariva ny amin'ny fahotana, ary amin'izany,** raha misy manota, dia manana mpisolovava ao amin'ny Ray”. {1SM 343.1}

4) Heb 5 :4 Antsoin' Andriamanitra, tsy manendri-tena

“Tsy nanome voninahitra ny tenany Kristy raha natao Mpisoronabe. **Andriamanitra no nanendry Azy ho Mpisoronabe.** Natao ho ohatra ho an'ny fianakavian'ny olombelona rehetra Izy. . Nanana ny toetra nilaina Izy tsy ho solontenan'ny taranak'olombelona fotsiny, fa ho Mpisolovava ho azy koa, ka samy ho afaka hiteny ny fanahy tsirairay hoe: Manan-tSakaiza any amin'ny fitsarana aho. Mpisoronabe izay mety ho tohina amin'ny fahatsapany ny fahalementsika Izy.” (MS 101, 1897). {7BC 930.7}

Vavaka fisaorana an' Andriamanitra noho I Jesosy Mpisoronabe ho antsika

III. KOA AMIN'IZANY..... Heb. 10: 19

A. SATRIA MANANA FAHATOKIANA BE HIDITRA AO AMIN'NY FITOERANA MASINA

1. Noho ny ràn' i Jesosy:

1 Jao 1:7 / Apok 7:14

- Ny finoana ny ràn' i Kristy

“Na iza ianao na iza, na toy inona na toy inona ny fiainanao, ny làlana notendren' Andriamanitra ihany no azo hamonjena anao. Tsy maintsy mibebaka ianao, tsy maintsy ho potraka tsy manan-kery eo amin'Ilay Vato, dia Jesosy Kristy. Tsy maintsy mahatsapa ny ilànao mpitsabo ianao sy ny hany fanafody ho an'ny fahotana dia ny ràn' i Kristy. Tsy ho azo antoka ny ahazoanao io fanafody io raha tsy amin'ny fibebahana amin' Andriamanitra sy ny finoana an'i Jesosy Kristy Tompo... **Ho an'izay mahatsapa ny filàny ny hery manadio ny ràn' i Kristy ihany io rà io.** {5T 218.3}

- Ny fanahy mibebaka sy torotoro

“Amin'ny alalan' i Jesosy Kristy, Ilay Mpanelanelana, Ilay hany làlana hamelany fahotana, no hanatonana an' Andriamanitra. Tsy afaka mamela fahotana Andriamanitra ka hampandefitra ny fahamarinany, sy ny fahamasinany. Nefa mamela heloka ary mamela heloka feno Izy. Tsy misy fahotana izay tsy havelany ao amin' i Jesosy Kristy sy amin'ny alalany. **Io no hany fanantenana ho an'ny mpanota, ary raha mitoetra amin'ny finoana marina izy,** dia azony antoka ny famelan-keloka feno sy maimaim-poana. Tokana ihany ny “làlana” ary azon'ny rehetra hidirana izany, ary ao amin'ny alalan'io “làlana” io **dia misy famelan-keloka sarobidy sy mitobaka miandry ny fanahy mibebaka sy torotoro sy hamelana ny fahotana mainty indrindra.** {7BC 912.9}.

2. Làlana natokany ho antsika,

Làlana vaovao sady velona, namaky teo amin'ny efitra lamba; Mat 27 : 51

“Rehefa niantso tamin'ny feo mahery Jesosy nanao hoe “Vita”, dia triatra nizara roa ny efitra lamba tao amin'ny tempoly : nanana ny maha-izy azy tao amin'ny firenena jiosy izy io. Sarobidy ny akoran-javatra nanaovana azy, volomparasy sy volamena izany, ary lava sy be velarana. Tamin'ny fotoana nialan' i Kristy aina indrindra, dia nisy vavolombelona tao amin'ny tempoly nahita ilay lamba mafy sy mavesatra notriarin'ny tana tsy hita maso hatrany ambony ka hatrany ambany. **Eo imason'izao rehetra izao any an-danitra, sy eo amin'izao tontolo izao simban'ny fahotana, dia nidika izany fa misy làlana vaovao sady velona vao nosokafana ho an'ny taranaka lavo**, fa tapitra tao amin'ilay fanatitra lehibe nataon'ny Zanak'Andriamanitra ny fanatitra natao tana rehetra.” 5BC 1109.6}

3. Dia ny nofony:

« Zava-tsarotra ho an'ny Andrianan'ny Fiainana ny nanatanteraka ny plana nataony ho famonjena ny olona, tamin' Izy nanafy maha-olombelona ny maha-Andriamanitra Azy. Nandray voninahitra Izy tany amin'ny lapa tany an-danitra, ary nahazatra Azy ny fahefana feno. **Sarotra ho Azy ny nihazona ny laharan'ny maha-olombelona toy ny maha-sarotra ho an'ny olona ny hisondrotra ho ambony ny faritra ambany maha-simba azy , ary ho mpiray amin'ny toetran' Andriamanitra.**” {7BC 930.1}

“**Fisedrana henjana indrindra izany, izay nitaky ny heriny rehetra hanoherany ny fironona hampiasa ny heriny hanafahany ny tenany amin'ny loza, ka handreseny ny andrianan'ny aizina.** Nasehon' i Satana ny fahalalàny ny faritra malemy eo amin'ny fon'ny olombelona, ka nampihariny ny fara-heriny handreseny ny fahalemen'ny maha-olombelona izay noraisin' i Kristy mba handreseny ny fakam-panahy ho an'ny olombelona “ {7BC 930.2}

B. SADY MANANA MPISORONABE LEHIBE MITANDRINA NY TRANON'ANDRIAMANITRA

1. Mikarakara sy manasoa ny fiangonana eto an-tany

“Na dia Mpisoronabe sy Mpanalalana any amin'ny fitoerana masina any an-danitra aza Izy, dia aseho koa ho **mifanerasera amin'ny fiangonana aty an-tany.** Amin'ny fikarakarana tsy miketraka na oviana na oviana, no iambenany fatratra sao dia mihamalefaka na maty mihitsy aza ny fahazavan'ny mpitiliny sasany: Raha natolotra teo am-pelatànan'ny olona ny fitandremana ny fanaovan-jiro dia hitsilopilopy ny lelafony, ary ho faty mihitsy aza; nefa kosa **Izy izay tena mpitilin' ny tranon' i Jehovah, Ilay tena Mpiambina ny kianjan'ny tempoly, Ilay Loharanon'aina sy fahazavana, no mikarakara sy manasoa azy lalandava.** “ {VM p. 519.2}

2. Ditin-kazo manitra miakatra miaraka amin' ny vavaka

“Mampiseho ny fahamendrehana sy ny fanelanelanana ataon'ny Mpamonjy, ary toy izany koa ny fahamarinany tsy misy pentina, nisaina tamim-pinoana ho an'ny mpanota sady hany ahazoana mankasitraka ny fanompoam-pivavahana atolony ho

an' Andriamanitra, ny ditin-kazo manitra izay miara-miakatra amin'ny vavaka ataon'ny Isiraely. {PM p. 357.1}

3. Alitara famelan-keloka

“Ankoatr'izany, raha tahiny ka nisy alitara fanelanelanana mandrakizay eo anoloan'ny varavarana lamba ao amin'ny efitra masina indrindra, dia **misy tsy tapaka koa ny alitara famelan-keloka** eo anoloan'ny varavarana lamba ao amin'ny efitra masina”. {PM p. 357.1}

4. Mpanalalana lehibe

“Ary farany, raha tahiny ka amin'ny alalan'ny ra sy ny ditin-kazo manitra aratandindona no ahazoana manatona an' Andriamanitra dia amin'ny alalan' Ilay Mpanalalana lehibe **amintsika no ahazoan'ny mpanota manatona an' Andriamanitra** izay hany Mpizara famindram-po sy famonjena ho an'ny fanahy mibebaka sy mino.” {PM p. 357.1}

5. Ny fahatanterahan'ny Mpisorona

“Izay rehetra nanaovan'ny mpisorona dia tokony ho tanteraka sy tsy nisy pentina. Nampiseho ny toetra amam-panahin' Ilay tena izy lehibe, dia Jesosy Kristy ireo fitafiana kanto fanaovana fisoronana. Tsy misy afa-tsy ny fahatanterahana, eo amin'ny fitafiana sy ny fihetsika, eo amin'ny teny sy ny toe-tsaina no azon' Andriamanitra ekena. Masina Izy, ary ny voninahiny sy ny fahatanterahiny dia tsy maintsy asehon'ny fanompoana ara-nofo. **Tsy misy afa-tsy ny fahatanterahana no afaka hampiseho ny fahamarinan'ny fanompoan'ny lanitra**” {IFM p. 758.4}

Hoeritretina: Inona avy no mahatonga antsika hanam-pahatokiana 'hanatona'? Miteraka finoana izany. Angataho.

IV. DIA AOKA ISIKA HANATONA FA TSY HIERY NY TAVAN' I JEHOVAH

A. AMIN' NY FO MARINA AMIN'NY FAHATOKIANA BE AVY AMIN'NY FINOANA

1. Fo miankina amin'ny zanak' Andriamanitra

« Ilaintsika ny manankina ny fonsika amin'ny fomba feno sy maharitra eo amin'ny Zanak' Andriamanitra ho famonjena sy ho fahendrena rehetra ary hery arapanahy miasa amintsika. Raha tsy misy fitiavana be lavitra ho an'Andriamanitra sy ny olona, fiankinana mitohy amin'ny fahasoavan' i Kristy manavao sy manamasina, izay hiasa hanova ny toetra amam-panahy amin'ny alalan'ny fanovana ataon' Andriamanitra ao amin'ny fo, izay ho hita mazava eo amin'ny teny, ny fanahy, raha tsy misy izany dia tsy hahomby ny asantsika” . . . {UL 333.2}

2. Hanana faniriam-panahy lalina hiray amin' Andriamanitra.

“Mila finoana mitombo isika, toky sy antoka kely lavitra ny amin'izay mety ho vitantsika, ary fitokisana be lavitra ny amin' izay irin' Andriamanitra mafy hatao ho antsika isam-batan'olona, raha hanomana ny làlana ho an'ny Tompo isika. Ilaintsika,

eny mihoatra lavitra noho izay eo amintsika ankehitriny, ny **hanana faniriam-panahy lalina hiray amin' Andriamanitra**. Iaintsika ny mitalaho Aminy amin-kafanam-po bebe kokoa. Raha mitady ny Tompo Andriamanitrao ianao, dia hahita Azy raha mitady Azy amin'ny fonao rehetra sy ny fanahinao rehetra..... .. {UL 333.3}

3. Fenoin'i Kristy amin'ny fahafenoan' Andriamanitra ny banga

"Tokony hankamamiana ny hanam-paniriana lalina handray fitahiana be sy fahafenoana lalina. Tsy handray an'izany mihitsy isika raha mbola mahatsapa-tena ho ampy toy izao, nefa matroka toy izao ny fitiavantsika an' Andriamanitra ary bitika toy izao ny fitiavana toy ny an' i Kristy asehontsika ny rahalahintsika. Rehefa afaka tsy ao am-po intsony ny "izaho", dia **fenoin'i Kristy amin'ny fahafenoan' Andriamanitra ny banga....**" {UL 333.4}

4. Mianatra mba hino sy hankato

"Miasa miaraka amin'ny sitrapo sy ny asa ataon'ny olombelona ny Tompo. Tombon-tsoa sy adidin'ny olona tsirairay ny mitana an' Andriamanitra amin'ny teniny, ny mino an' i Jesosy ho Mpamonjy ny tenany manokana, sy ny hamaly amin-kafanam-po, avy hatrany, ireo fahasovany atolony. **Tokony hianatra ny hino sy hankato ny baikon' Andriamanitra ao amin'ny Soratra Masina izy.** Tsy tokony hatsangany amin'izay zavatra tsapany fa amin'ny porofo mazava sy ny Tenin' Andriamanitra ny finoany." {7BC 928.4}

5. Finoana ilaina amin'izao fotoana izao

"**Mila fahalalana ho an'ny tena manokana ny tsirairay momba ny toerana sy ny asan'ilay mpisoronabeny. Raha tsy izany dia tsy ho azony atao ny hampiasa ny finoana izay tena ilaina amin'izao fotoana izao, na hitana ny toerana zay notendren' Andriamanitra ho azy.**" {HM 304. 3}

6. Mitodika any amin'ny rako-panavotana

"Tamin'ny fotoana fandroana ditin-kazo manitra isan'andro no fotoana nanakaikezan'ny mpisorona an' Andriamanitra indrindra..... **Tahaka ny nijeren'ny mpisorona tamim-pinoana ny rako-panavotana izay tsy hitany maso teo amin'ny fombam-pivavahana ara-tandindona, no tokony hampakaran'ny olon' Andriamanitra ny fivavahany amin' i Jesosy Kristy** Izay na dia tsy hitan'ny maso ara-nofo aza, dia manao fifonana ho azy any amin'ny fitoerana masina any andanitra". {PM 356.3}

Vavaka: Fisaorana an' Andriamanitra noho ny fampitombohany ny finoana

B. INONA NO ANGATAHINTSIKA RAHA MANATONA ISIKA?

1. FANEKEN'NY FANANTENANA: Heb 10: 23

Aoka hazonintsika mafy ny fanekena ny fanantenana mba tsy hihozongozonany

Fa mahatoky ilay efa nanao ny teny fikasana

2. Hanana fo voadio ho afaka amin'ny fieritreretana ratsy

- o Sal 51:10

- o 1 Tim 1:18, 19
- o Heb 13: 18

"Tsy azon' Andriamanitra atao ny hampietry ny lalàny hitovy lenta amin'ny faharatsian'ny olona; Ary ny olona koa dia tsy afaka hanatanteraka izay tadiavin'ny lalàna amin'ny herin'ny tenany irery. Amin'ny finoana an' i Kristy ihany no ahazoan'ny mpanota fanadiovana amin'ny fahotana sy ahazoany mankato ny didin' ny Mpahary". {VM 370.1}

3. Homeko fo vaovao ianareo : Ezek 36:25-27

"Homeko fo vaovao koa ianareo". Tsy maintsy mitoetra ao am-ponao Kristy, tahaka ny rà ao amin'ny tena, mikoriana ao ho hery mitondra aina. Tokony hoantritranterina hatrany izany. Ny fahamarinana no tsy maintsy ho fiadantsika rehetra, koa ilaina hamafisina ny faharesen-dahatra ao amintsika amin'ny fanehoampitiavana velona izay nampihavaka ny fiainan'i Kristy. Raha tsy tonga ohatra eo amin'ny toetra amam-panahy ny fahamarinana, dia ilay fahamarinana velona, dia tsy misy olona afaka mijoro. **Tsy misy afa-tsy hery tokana ihany no mampifahatra antsika na hihazona antsika ao amin'ny fahamarinana – dia ny fahasovan' Andriamanitra. Izay mitoky amin'ny zavatra hafa dia mivembena, efa ho lavo** {7T 189.2}

"Ny tanora indrindra no tafintohina amin'ny teny hoe: "fo vaovao". Tsy fantany izay dikany. Miandry fiovana manokana eo amin'ny fihetseham-pony izy. Antsoiny hoe fiovam-po izany. An'arivony no tafintohina eo amin'izany fahadisoan-kevitra izany, tsy azony ny fomba fiteny hoe: "tsy maintsy ateraka indray".... Rehefa milaza ny momba ny fo vaovao Jesosy, dia midika ny saina, ny fiainana, ny tena manontolo izy. Ny fo no miova dia ny fitiavana an'izao tontolo izao no esorina, ka ampitoerina mafy eo amin' i Kristy. Ny fo vaovao dia midika saina vaovao, fikasana vaovao, anton-javatra manosika vaovao. **Inona no hamantarana ny fo vaovao, -- fiainana niova, maty isan'andro, isan'ora ny amin'ny fitiavan-tena sy ny avonavona**". {SD 100.2}

Vavaka famaranana: Fanatonana ny seza fiandrianan' Andriamanitra amin-kasahiana = Vavaka mafy elanelanina hira. Fanamafisana ny Fanekena nataony, fandraisana fo sy fiainam-baovao.

Antom-bavaka hoentina any an-tokantrano ho an'ny ankohonana tsirairay:

"Ny herin' Andriamanitra irery no afaka manova ny fo vato ho fo nofo." {SD 100.5}

ANDRO FAHADIMY

Alatsinainy

KRISTY, FIADANANA SY FAMPIHAVANANA HO ANTSIKA

« Nampahafantarin' Andriamanitra izay tena hitranga aty amin'ny andro farany mba hahavonona ny vahoakany hihatrika ny rivo-doza'ny fanoherana sy ny fahatezerana . Tsy tokony hiandry fotsiny ny rivo-doza ho avy amim-pahatoniana izay nahazo fampitandremana ka hampaheri-tena hoe hiaro izay matoky Azy ny Tompo amin'ny andro mahory. Tokony ho lehilahy miandry ny Tompony isika, ka tsy hidonanaka foana eo am-piandrasana, fa hiasa amin-kafanam-po, sy finoana tsy azo hozongozonina. Tsy izao no fotoana hamelantsika ny saintsika ho vonton'ny zavatra tsy misy vidiny. Raha matory ny olona, Satana kosa miasa mafy tsy ahazoan'ny vahoakan' Andriamanitra famindram-po na fahamarinana. . {5T 452}.

ZAVA-KENDRENA SY ANATOM-BAVAKA:

Ny hamerenana ilay fihavanana tamin' Andriamanitra tapaka raha nisafidy ny hofeheziny i Satana ny olombelona tao Edena

Ny HILEFERANA amin' i Kristy ka hanekena ilay "Fanekena tsara lavitra", hanoratany ny lalàny ao am-po sy ao an-tsaina sy hanaovany ny Fanahiny ao anatintsika

Hiara-mandeha Aminy ho olom-baovao, miara-mandresy Aminy

FITARIHAN-TENY :

Nanatona ny seza fiandrianan' Andriamanitra aho, teo amin'ny lalana natokany ho ahy, fa tsy niery ny tavan' i Jehovah intsony, nomeny ahy fo vaovao.

Tiako ny hiaina amin'ny fiainam-baovao, mijery an'i Jesosy Tompon'ny finoako sy Mpanefa azy isaky ny mandingana

Tiako ny hiara-mihazakazaka Aminy eo amin'ny ady tsara ny finoana

Ny FILAZANTSARA dia "ny fiadanany » no atolony ahy

I. JESOSY KRISTY NO FAMPIHAVANANA

A. NY RANY NO MAMPIHAVANA

1. Ny voninahitra miafin'ny Fitoerana Masina Indrindra

"Nofantsihina teo amin'ny hazo fijaliana Kristy teo anelanelan' ny ora fahatelo sy fahenina, izany hoe teo anelanelan'ny tamin'ny sivy sy ny tamin'ny roa ambinifolo. Maty Izy ny folak'andro. Oran'ny fanatitra hariva tamin'izay. Dia triatra ilay efitra lamba tao amin'ny tempoly, izay nanafina ny voninahitr' Andriamanitra tsy ho hitan'ny fiangonan'Israely, nisaraka roa hatrany ambony ka hatrany ambany . {SD 228.2}

"Tao amin' i Kristy no naseho ny voninahitry ny Masina Indrindra nafenina. Niaritra fahafatesana ho an'ny olona tsirairay Izy, ary noho io fanatitra nataony io, dia ho tonga zanakalahin' Andriamanitra ny zanakalahin'ny olona . Amin'ny tava tsy misarona no hibanjinan'ireo mpino an' i Kristy ny voninahitry ny Tompo, toy ny amin'ny fitaratra ka "ovàna ahazo izany endrika izany indrindra izy avy amin'ny voninahitra ka ho amin'ny voninahitra". Misokatra ho an'izay rehetra manaiky an' i Kristy ho fanavotana ho an'ny fahotana, ny rakom-panavotana izay nitoeran'ny voninahitr' Andriamanitra tao amin'ny Masina Indrindra, ary amin'ny alalan' io, diaentina ho sakaiza amin' Andriamanitra ny olona. **Triatra ny efitra lamba, nazera ny rindrina fampisarahana, nofoanana ireo didy nosoratan'ny tana. Noho ny ràny dia foana ny fandrafiana.**" {SD 228.3}

2) Mitarika ho amin'ny fibebahana

"Ny tantara tsotra ny hazo fijalian' i Kristy, ny fahoriany sy ny nahafatesany ho an'izao tontolo izao, ny nitsanganany tamin'ny maty sy ny niakarany tany andanitra, ny fanelanelanany ho an'ny mpanota eo anatrehan'ny Ray, dia mampilefitra sy mahavaky ny fo mafy sy feno ota, ary mitarika ny mpanota hibe-baka. **Apetraky ny Fanahy Masina eo anatrehan'ny fahazavana vaovao izany, ka tsapan'ny mpanota fa tsy maintsy ho tena zava-doza ny fahotana raha fanatitra toy izany no nilaina nanaovana fanavotana ho azy . . .**" . {SD 228.4}

B. NY FAHAFATESANY NO MAMPIHAVANA

1. Hery tsy hay ambara

"Fa raha fony mbola fahavalo aza isika no nampihavanina tamin' Andriamanitra tamin'ny nahafatesan'ny Zanany, mainka ny hamonjena antsika amin'ny fahavelomany ankehitriny, rehefa nampihavaniny". Rom 5:1

"**Misy hery tsy hay ambara ny hazo fijaliana.** Mahamenatra ny ahakelin'ny ezaka sy ny fomba fiasantsika hisetra sy hanandratra ny taranak'olombelona, ny hanampy ny lehilahy sy ny vehivavy mpanota hahita an' i Jesosy". {SD 229.2}

2. Ahafoy ny lanitra

"Rehefa niditra teo amin'ny asa Izy, dia ilay asa mahagaga ny fanavotana antsika, dia nanapa-kevitra Kristy tao amin'ny filan-kevitra niaraka tamin'ny Rainy fa tsy hiaro na inona na inona, na lafo toy inona aza, na izay tombanana ambony toy inona aza, izay hamonjena ny mpanota mahantra. **Homeny ho an'io asa famonjena io ny lanitra manontolo, asa izay hamerenana ny endrik' Andriamanitra eo amin'ny olona.**" {SD 229.4}

Vavaka: Fisaorana an' Andriamanitra noho ny finivany hampihavana antsika Aminy

Havan' Andriamanitra = Izy Ray, izaho zanaka, Jesosy zoky, ny Fanahy, toe-panahiko;

1. Hany mpampihavana

“Antoka ho amin'ny fiainantsika mandrakizay ny maha-Andriamanitra an' i Kristy... Izy, Ilay nitondra ny fahotan'izao tontolo izao, **no hany manelanelana hampihavana antsika amin'ny Andriamanitra marina.**” {TMK 35.4}

2. Amin'ny alalàn'ny fiovam-po sy ny finoana ny Mpamonjy

“Tsy afaka mihavana amin'Ilay Andriamanitra marina sy masina amin' ny alalan'ny tenany fotsiny ny olombelona noho izy efa simban'ny fahotana. Ary Andriamanitra koa tsy afaka hihavana amin'izao tontolo izao raha tsy amin'ny alalan' ny Zanany. 2 Kor 5:19. Ary ny Zanaka, rehefa avy namonjy olombelona tsy ho trātran'ny fahamelohan'ny lālana, dia **afaka mampiray ny fihezahan'ny olombelona amin'ny herin' Andriamanitra.** Dia toy izany no ahatonga indray ny zanak' i Adama ho Zanak' Andriamanitra”, **dia amin'ny alalan'ny fiovam-po sy ny finoana ny Mpanavotra.** Hiara-miasa hanatanteraka izany plana izany izao ny lanitra manontolo”. {PM 46.2}

3. Ady an-tsaina

“Hoy ny anjely: Mihevitra ve ianareo fa tsy nisy ady an-tsaina ny nanomezan' Andriamanitra ny Zanany malalany? Tsia, tsia”. Nisy ady an-tsaina tao amin'ny Andriamanitra ny lanitra, ny na hamela ny olo-meloka ho faty, na ny hanome ny zanany malalany ho faty ho azy ireo. Liana indrindra tamin'ny famonjena ny olona ny anjely ka nisy tamin'izy ireo ho nahafoy ny voninahiny ka nanolotra ny ainy ho an'ny olona izay ho faty. “Nefa, hoy ilay anjely mpiaraka amiko, “tsy ho nisy antony izany”. Lehibe indrindra ny fandikan-dalāna ka tsy ho voaloan'ny ain' ny anjely ny trosa. **Tsy misy afa-tsy ny ain'ny Zanak' Andriamanitra no hahefa ny trosa** ka hamonjy ny olona very ao amin'ny fahoriana sy ny fijaliana tsy misy fanantenana.” {EW 127.1}

4. Nahatakatra ny fitsapana sy ny fahorian'ny olombelona

“Tafaray tao amin' i Kristy ny maha-olona sy ny maha-Andriamanitra. Ny hampihavana an' Andriamanitra amin'ny olona no asa nanirahana Azy, ny voafetra amin'ny tsi-voafetra. Io no hany lālana azo hanandratana ny olona amin'ny alalan'ny fahamendrehana'ny ràn' i Kristy ho mpiray amin'ny fomban' Andriamanitra. **Raha nandray ny toetry ny maha-olombelona Izy dia nanjary afaka nahatakatra ny fitsapana sy ny fahorian'ny olombelona, sy ireo fakam-panahy rehetra izay nosetrainy** Ny anjely izay tsy nifampikasoka tamin'ny fahotana dia tsy afaka naneho fitiavana ny olona teo amin'izay fisedrana azy manokana. Nanaiky ny handray ny toeny ny olona Kristy ka nalaim-panahy tamin'ny zavatra rehetra tahaka antsika, mba ahazoany mamonjy izay alaim-panahy.” {2T 201.1}

Vavaka: Fisaorana an' Andriamanitra noho ny fitiavany nampihavana

II. INONA NY FAMPIHAVANANA?

A. FAMPIHAVANANA AMIN' ANDRIAMANITRA

1. Afaka izay rehetra mampisaraka ny fanahy amin' Andriamanitra

“**Midika ny fampihavanana fa afaka izay rehetra mampisaraka ny fanahy amin' Andriamanitra,** ka tsapan'ny mpanota ny dikan'ny fitiavan' Andriamanitra mamela heloka. Noho ny sorona nataon' i Kristy ho an'ny olombelona lavo, dia afaka mamela marina ny mpandika lālana izay manaiky ny fahamendrehana' i Kristy ho azy Izy. Kristy **no fantsona ahazoan'ny famindram-po, ny fitiavana, sy ny fahamarinana mikoriana avy amin'ny fon' Andriamanitra ho ao amin'ny fon'ny mpanota.** {1SM 395.2}

2. Finoana ny maha-iray an' Andriamanitra sy Kristy

“Minoa Ahy fa Izaho ao amin'ny Ray, ary ny Ray ato Amiko; fa raha tsy izany dia minoa Ahy noho ny asa ihany aza”. Afaka mitoetra ho azo antoka eo amin'ny fanehoana mazava nomena eo amin'ny asan' i Kristy ny finoany, dia asa izay tsy mbola nisy mihitsy olona nanao izany, na ho afaka hanao izany na oviana amin'ny alalan'ny tenany. **Vavolombelon'ny maha-Andriamanitra Azy ny asan' i Kristy. Tamin'ny alalany no efa nanehoana ny Ray**”. {IFM 717.3}

3. Andriamanitra amin'ny nofon' olombelona

“Raha nino io firaisana mitondra aina misy amin'ny Ray sy ny Zanaka io ny mpianatra, dia tsy ho nandao azy ny finoany rehefa nahita ny fijalian' i Kristy sy ny fahafatesany hamonjy an'izao tontolo izao very. Niezaka ny hiatrika azy hiala amin'ny toerana ambany nisy ny finoany Kristy ho eo amin'ny fanandramana mety ho azony raha mahatsapa marina ny maha-Izy an' i Kristy izy – dia Andriamanitra amin'ny nofon' olombelona. **Tiany ny hahitan'izy ireo fa tsy maintsy hotarihina hiakatra ho amin' Andriamanitra ny finoany, ka ho voafatotry ny vatofantsika eo. Tamin'ny hafanam-po sy ny fikirizana manao ahoana no niezahan'Ilay Mpamonjintsika be famindrampo nanomana ny mpianany amin'ny tafio-drivotry ny fakam-panahy izay efa hamely azy tsy ho ela. Tiany ny hiafenan' izy ireo miaraka Aminy ao amin' Andriamanitra** {IFM 717.4}

4. Voatarika hifanatona izy samy izy.

“Raha nanao ireo teny ireo Kristy, dia namirapiratra teo amin'ny endriny ny voninahitr' Andriamanitra, fa fanajana feno fahamasinana no tsapan'izay rehetra nanatrika raha liana sy tetraka izy nihaino ny teniny. Voasarika mazava kokoa ho eo Aminy ny fony; ary raha **voatarika teo amin'i Kristy tamin'ny fitiavana lehibe kokoa izy, dia voatarika hifanatona izy samy izy.** Tsapany fa akaiky dia akaiky ny lanitra, ary tsapany fa hafatra ho azy avy any amin'ny Rainy izay any an-danitra ny teny izay norenesiny”. {IFM 718.1}

Vavaka: Fisaorana noho ny finoana ateraky ny fampihavanana

B. DINGANA HO AMIN'NY FAMPIHAVANANA

1. Adidintsika ny mikatsaka azy

"Raha nampalahelo na nandratra ny hafa isika tamin'ny fomba iray, dia adidintsika ny miaiky ny fahadisoantsika sy mitaky fihavanana. **Fiomanana tsy maintsy ilaina io mba ahazoantsika mankeo anatrehan' Andriamanitra amin'ny finoana hangataka ny fitahiany.**" {HF 117.1}

2. Kristy misarika ny fo rehetra ho eo Aminy

"Tonga Kristy mba haneho ny fitiavan' Andriamanitra an'izao tontolo izao, **hisarika ny fon'ny olona rehetra ho eo Aminy.** Hoy Izy: "Ary Izaho, raha asandratra hiala amin'ny tany, dia hitaona ny olona rehetra hanatona ahy." (Jaona 12:32).

3. Mamaly ny antso

"Ny dingana voalohany ho amin'ny famonjena dia **ny mamaly ny fitaoman'ny fitiavan' i Kristy. Hafatra miampy hafatra no alefan'Andriamanitra ho an'ny olona, miangavy azy hibe-baka, mba ahazoany mamela heloka, sy hanoratany hoe "Voavela" eo amin'ny anarany.**" {1SM 323.2}

4. Mandray ny fibebahana ho fanomezana

"Ny fanehoany ny fitiavany, ny fanolokoloana ataon'ny Fanahiny, dia **fitalahoany amin'ny olona hibe-baka, fa fanomezana avy amin' Andriamanitra ny fibebahana, ary izay avelany heloka dia ataony malahelo noho ny otany aloha.**"

"Ny mba ahazoan'ny mpanota ny fifalian'ny famelan-keloka, ny fiadanana' Andriamanitra, no hitaoman' i Kristy azy amin'ny fanehoany ny fitiavany." {1SM 323.2}

Ohatra: Ilay jiolahy teo amin'ny hazo fijaliana. Tanteraka teo aminy ve ireo dingana ireo?

5. Mampilefitra ny fo ahafantatra Azy

"Raha mety hotaominy izy, ka mampilefitra ny fony amin'ny fahasoavany, dia hitarika azy isaky ny mandingana Izy, ahafantatra Azy feno, ary izany no fiainana mandrakizay". {1SM 323.2}

6. Asan'ny finoana

"Rehefa mambabo ny fo ny Fanahy Masina dia manova ny fiainana. Avela ny erireritra feno fahotana, afoy ny asa ratsy; ny fitiavana, ny fanetren-tena, ny fiadanana no mandray ny toeran'ny fahatezerana, ny fitsiriritana sy ny ady lahy. Mandray ny toeran'ny alahelo ny fifaliana, ka mitaratra ny fahazavan' ny lanitra ny endrika. Tsy misy mahita ny tanana manala enta-mavesatra. na mibanjina ny

fahazavana midina avy amin'ny lapa any ambony. **Tonga ny fitahiana rehefa milefitra amin'ny finoana eo amin' Andriamanitra ny fanahy. Amin'izay dia mamorona olom-baovao araka ny endrik'Andriamanitra ilay hery izay tsy azon'ny mason' ny olombelona jerena.**" {IFM 168.3}

Vavaka: hirosoana amin'ireo dingana ny fampihavanana

D. NY FIHAVANANA TAPAKA

"Tokony hodinihintsika tsara ny fifandraisantsika amin' Andriamanitra sy amintsika samy isika".

1. Isika sy Andriamanitra

"Manota mandrakariva amin' Andriamanitra isika, nefa mbola manjohy antsika ihany ny famindram-pony, mizaka amim-pitiavana ny faharatsian-tsika Izy, ny an-tsirambina ataontsika, ny tsy fahaizantsika mankasitraka, ny tsi-fankatoavantsika. **Tsy mba ritra ny faharetany amintsika.** Miteny ratsy ny famindram-pony isika, mandratra ny Fanahiny Masina; ary tena manala-baraka Azy eo anatrehan'ny olona sy ny anjeliny, nefa tsy diso ny fangorahany antsika." . {TMK 181.2}

Fandinihantena: Manao ahoana ny fifandraisantsika amin' Andriamanitra?

2. Isika samy isika

"**Tokony hahatonga antsika hifampizaka ny fahatsiarovana ny faharetan' Andriamanitra amintsika.** Tokony hanam-paharetana manao ahoana amin'ny diso sy ny tsy mety nataon'ireo rahalahintsika isika , rehefa mahatsiaro ny halehiben'ny fahadisoantsika eo anatrehan' Andriamanitra. Ataontsika ahoana no fivavaka amin'ny Raintsika izay any an-danitra hoe: "Mamelà ny trosanay, tahaka ny namelanay ny manana trosa aminay" (Mat. 6:12) raha maneho fahasiahiana isika amin'ny hafa" . {TMK 181.2}

Fandinihan-tena: Ary manao ahoana ny fifandraisantsika amin'ny hafa? Ahoana no ahatonga antsika hanam-paharetana aminy?

3. Tsy manala-baraka ny fiaiken-keloka

"**Diso manao ahoana ny filazan' ireo izay mihevitra fa hanala-baraka azy ny fiaikena ny helony,** ka hampihena ny heriny miasa mangina amin'ny mpiara-belona aminy. Mifikitra amin'izany hevi-diso izany ny maro, na dia mahita ny fahadisoany aza, ka tsy miaiky izany, fa aleony lalovana ny ratsy nataony tamin'ny hafa, ka hampangidy ny fiainany, sy hanamaloka ny fiainan'ny hafa." {1SM 327}

"Tsy hanimba izay fahamendrehanao ny miaiky ny fahotanao. Esory lavitra izany fahamendrehana tsy izy izany. Miantoraha amin'Ilay Vatolampy ka aoka ho mongomongo, dia hanome anao ny tena fahamendrehana marina avy an-danitra ho anao Kristy. **Aoka ny avonavona, ny fiheveran-tena ho zavatra, na ny**

fanamarinan-tena tsy hanakana na iza na iza tsy hiaiky ny fahotana, mba ahazoany miaiky ny fahotany, ka hitakiany ny teny fikasana . "Izay manafina ny fahotany tsy hambinina, fa izay mitsotra ka mahafoy azy no hahazo famindram-po" (Ohab.. 28:13). {1SM 327}

4. Aleo lavitra mihatrika ny fahotantsika izao

"Betsaka ny fahotana no navela tsy nekena ka hatrehin'ny mpanota amin'ilay andro hifanazavana farany; aleo lavitra mihatrika ny fahotantsika izao, miaiky sy mahafoy azy, dieny mifona ho anao Ilay Sorona hanavotra anao. Aza manao an-tsirambina tsy ahafantatra ny sitrapon' Andriamanitra mikasika izany. " {1SM 327}

Vavaka: Angataho Andriamanitra hampahatsiaro anao ireny fahotana tsy mbola nekenao ireny, ary ekeo avy hatrany izany.

5. Teny fikasana

"Koa amin'izany manetren-tena ambanin'ny tàna-maherin' Andriamanitra, mba hanandratany anareo amin'ny fotoan'andro, ary apetraho Aminy ny fanahianareo rehetra, fa lzy no hihahy anareo". (1 Pet. 5:6, 7)

FAMPIHARANA: FAMITRAM- PIHAVANANA

III. ANDRIANAN' NY FIADANANA MITONDRA FIAHAVANANA

A. MITORY FIADANANA

1. Ny fiainan' i Jesosy

"Na dia fiainana tsy tapak' ady mangotraka aza ny fiainan'ny Mpamonjy teto an-tany dia **fiainana feno fiadanana kosa**. Raha nanenjika Azy tamim-paharomotana ny fahavalony, dia izao ihany no nolazainy: "Izay naniraka Ahy dia eto amiko; tsy mandao Ahy ho irery lzy satria izaho manao izay sitrany mandrakariva". (Jaona 8:29). Ny fifofon'ny tafiotra avy amin'ny fahaviniran'ny olona sy Satana, dia tsy afaka manelingelina akory izany filaminam-piainany izany, noho ny firaisany tanteraka tamin'ny Ray.

" {S. 21.2}

Fanontaniana: Inona no tsiambaratelo nahatonga ny fiainan' i Kristy ho fiainam-piadanana?

2. Ny filazantsarany

"Ny fivavahana kristiana rehefa raisina sy ankatoavina, dia manarona fiadanana sy fahasambarana manerana ny tany. Hampifanatona akaiky ny firaisan'ny firahalahiana amin'izay rehetra manaiky ny fampianarany ny fivavahan' i Kristy. **Iraha nampanaovina an' i Jesosy sy hampihavana ny olona amin' Andriamanitra, ary amin'izany fomba izany ny fampihavanana ny olombelona samy olombelona.** {HM 46.2}

Fanontaniana: Inona no hampihavana ny olombelona samy olombelona?

3. Ireo mpanaraka an' i Kristy

"Alefa eo amin'izao tontolo izao ireo mpanaraka an' i Kristy mitondra ny hafatry ny fiadanana. Na iza na iza, haneho ny fitiavan' i Kristy amin'ny alalan'ny fiainana masina izay miasa amin'ny fomba tony, mangina; na iza na iza haneho ny fitiavan' i Kristy, amin'ny alalan'ny teny na ny asa, dia **hitarika olona anankiray koa hahafoy ny fahotana sy hampilefitra ny fony amin' Andriamanitra, dia mpampihavana.**" {HP 35.4}

Fanontaniana: Iza no mpampihavana? Ahoana no ahatonga izany ary inona no ho vokany?

4. Ireo zanak' Andriamanitra

Ary "sambatra ny mpampihavana fa izy no atao hoe zanak'Andriamanitra" (Mat. 5:9). Porofon'ny fifandraisany amin'ny lanitra ny saina feno fiadanana. Manodidina azy ny fofomanitra avy amin' i Kristy. **Ny hanitry ny fiainana, ny hakanton'ny toetra amam-panahy, dia maneho amin'izao tontolo izao fa zanak' Andriamanitra izy. Fantatry ny olona fa efa niaraka tamin' i Jesosy izy".** {HP 35.5}

5. Fianakavian'ny lanitra sy fianakavian'ny tany

"Mba nahatonga antsika ho anisan'ny fianakavian'ny lanitra dia nanjary anisan'ny fianakavian'ny ety an-tany lzy. Zanak'olona lzy, ary noho izany dia rahalahin'ny zanak'i Adama rehetra sy anadahin'ny zanakavaviny. Tsy tokony hanava-tena tsy ho anisan'izao tontolo izao an-dalam-pahaverezana ny mpanaraka an' i Kristy. Anisan'ny ankohonan'ny olombelona koa izy ireo ary rahalahin'ny mpanota sy rahalahin'ny olona masina no fijerin'ny lanitra azy . {TMF 73.4}

Vavaka: Angataho ny teny fikasana ho an'izay niaraka tamin'i Jesosy

B. FIADANANA TOY INONA?

1. Sarobidy eo imason' Andriamanitra

"Tsy voavidy ny vola, tsy baikon'ny talenta mampirapiratra, tsy azon'ny saina maranitra, fanomezan' Andriamanitra izany..... Raha ny zavatra rehetra katsahina, ankafizina, sy kolokoloina, dia **tsy misy sarobidy eo imason' Andriamanitra tahaka ny fo madio, toe-tsaina vonton'ny fankasitrahana sy fiadanana.** {4T 559.2}

2. Fiadanana'i Kristy. anaty fa tsy ivelany

"Fotoana fohy talohan'ny nanombohana Azy teo amin'ny hazo fijaliana Kristy dia nanolotra hafatry ny fiadanana ho an'ny mpianatra. "Fiadanana no avelako ho anareo hoy lzy, ny fiadanako no omeko anareo; tsy tahaka ny fanomen'izao tontolo izao no fanomeko anareo. Aza malahelo na matahotra ny fonareo". Jaona 14:27. **Io fiadanana io dia tsy fiadanana azo amin'ny fanarahana an'izao tontolo izao. Tsy nikatsaka fiadanana na oviana na oviana amin'ny firaisana tsikombakomba amin'ny ratsy mihitsy Kristy. Ny fiadanana izay navelan' i**

Kristy ho an'ny mpianany dia anaty fa tsy ivelany, ary hitoetra mandrakariva amin'ny vavolombelony ao anatin'ny tolona sy ny ady.” {VM 76.2}

Fanontaniana: Inona izany “fiadanana anaty fa tsy ivelany”?

3. Maharitra

“Ny fahasambaran'ny tany dia mora lefy, mora miova, fa ny fahasambaran' i Kristy kosa dia mitoetra sady maharitra. Tsy miankina amin'ny toe-javatra izany, na amin'ny habetsahan'ny harena, na amin'ny hamaroan'ny sakaiza tia. **Fa Kristy no loharano velona, ary ny fahasambarana izay mivoaka ao Aminy, dia toy ny rano miboiboika tsy mety ritra”.** {S. 22.1}

Vavaka: Ento amim-bavaka ny haniry izany fiadanana izany.
D. AHOANA NO AHAZOANA IZANY?

1. Amin'ny fandraisana an' i Kristy

“Ny fiadanana mitoetra, ny tena fitsaharan'ny saina, dia avy amin'ny Loharano tokana. “Ny fiadanako no avelako ho anareo, ny fiadanako no omeko anareo .” Jaona 14:27. Tsy zavatra omeny misaraka Aminy io fiadanana io. **Fa ao amin' i Kristy izany, ary ny fandraisana Azy ihany no ahazontsika mandray azy.”** {MH 247.1}

Hoeritreretina: Tsy afaka misaraka Kristy sy ny fiadanany; raha mila ny fiadanany isika dia tsy maintsy mandray Azy koa.

2. Miankina amin'ny Mpamonjy

“Tahaka ny niankinan' i Kristy tamin'ny finoana ny fikarakaran'ny Rainy, no tokony hiankinantsika koa amin'ny fikarakaran'ny Mpamonjy antsika.” {IFM 354.3}

Hoeritreretina: Andriamanitra mikarakara an'i Kristy
Kristy mikarakara antsika

3. Amin'ny alalan'ny finoana velona

“Na an-tanety na an-dranomasina, dia tsy misy tokony hatahorantsika, raha ao am-pontsika ny Mpamonjy. Hampitony ny ranomasin'ny fiainana ny finoana velona ny Mpanavotra, ka hanafaka antsika amin'ny loza eo amin'ny lalana izay fantany ho tsara indrindra hizarantsika”. {IFM 354:4}

Hoeritreretina: Sambatra izay mialoka Aminy

4. Kristy monina ao amintsika

“Raha manaiky an' i Kristy honina ao anatintsika isika, dia hiaro ny fontsika sy ny hevintsika ao amin' i Kristy Jesosy ny fiadanana' Andriamanitra izay mihoatra noho ny fahalalana rehetra” (Fil. 4:7) {S 21.2}

Vavaka: Takio am-bavaka izany teny fikasana izany

E. RAHA TSY MISY FIADANANA

1. “Raha mbola tsy milefitra ny “izaho”,

dia tsy mety mahita fiadanana isika. Tsy misy herin'olombelona afaka mifehy ireo fironana manjaka ao am-po. Tahaka ny mpianatra dia tsy manan-kery hampitony ireo tafio-drivotra mifofofofa isika. Nefa llay nampitony ny onjan-dranomasin' i Galilia, dia efa nanao teny mitondra fiadanana ho an'ny fanahy tsirairay avy. Na masiaka toy inona aza ny rivotra, dia ho afaka amin'izany izay rehetra mitodika eo amin' i Kristy ka miantso hoe:”Tampo ô, vonjeo izahay”. **Ny fahasoavany izay mampihavana ny fanahy amin' Andriamanitra, no mampitony ireo fironana mifandriotra eo amin'ny olona, ka hahitan'ny fo fiadanana eo amin'ny fitiavany.”** “Nampitony ny rivotra mahery lzy, ka nitsahatra ny onjan-drano... “Ny asan'ny fahamarinana ho fiadanana; ary ny vokatry ny fahamarinana dia ho fiadanana sy fahatokiana mandrakizay” Isa. 32:17. {IFM 355. 1}

Fanontaniana: Ahoana no ahafahantsika amin'ny tafiotra masiaka?

Inona no mampitony ireo fironana mifandriotra ao amintsika?

Inona izany no dikan'ny hoe: “Mampilefitra ny “izaho”?

2. “Ny fitiavan-tena no manafaoana ny fiadanana.

“Raha mbola velona ao ny fizahozahoana, dia vonona mandrakariva hiaro azy tsy ho voaratra na ho voatebaka isika, **fa raha maty kosa izy ka voafina ao amn' i Kristy ao amin'Andriamanitra ny fiainantsika, dia hitsahatra tsy hihevi-tena intsony isika.** Manjary tsy re ireo teny faniniana, ary zary tsy hita ny vono aman'ozona”. {S. 21.3}

Fanontaniana: Manafaoana ny fiadanana ny fitiavan-tena, fomba ahoana no isehoany?

3. Tsy mbola nibebaka marina

“Raha tsy mbola nandalo tamin'ny fibebahana tsy misy tokony hanenenana isika – ka tsy niaiky ny fahotantsika tamin'ny alahelom-panahy sy ny fangoraham-po-na narikoriko ny faharatsiantsika, dia tsy mbola nitady marina ny famelan-keloka isika tsy akory; **ary raha tsy mbola nanao izany na oviana na oviana isika, dia tsy mbola nahita ny fiadanana avy amin' Andriamanitra.** Ny antony tokana tsy nahazoantsika ny famelana ny helontsika tamin'ny lasa dia ny tsi-fetezantsika nampietry ny fontsika; ka nanatanteraka ny fepetra izay lazain'ny tenin' ny fahamarinana. Toro-hevitra mazava tsara no omena momba izany. Ny fiaiken-keloka, na am-pahibemaso na amin'ny mangingina, dia tsy maintsy ho vokatry ny fo, sady aseho mazava. Tsy tokony ho an-tery no ihavian'izany avy amin'ny mpanota. Tsy tokony atao amin'ny tsy fiheverana sy ny tsy fitandremana izany, na tokony hanerena ny olona izay tsy mbola mahalala ny toetra maharikoriko ananan'ny fahotana. Ny fiaiken-keloka izay mivoaka avy eo amin'ny fo tokoa no mety ho tonga ao amin'ilay Andriamanitra ny famindram-po tsy voafetra, fa hoy ny mpanao Salamo hoe;” “Akaikin'izay manana fo mangorokoraka Jehovah, ary mamonjy izay torotoro fanahy”; Salamo 34:18. {Ny Dia 46. 1}

Fanontaniana: Inona avy ireo toetra mampihavaka ny fibebahana tsy misy tokony hanenenana?

Takio ny teny fikasana ao amin'ny Salamo 34:18

Angataho ny handray fibebahana tsy hanenenana

Ka miniava hiaiky ny fahotanao raha mbola misy tokony ekena

IV. FAMPILAVANANA SY FANAMASINANA

A. SITRAPON'ANDRIAMANITRA HO ANTSIKA NY FANAMASINANA .

1. Safidin' Andriamanitra:

2 Tes. 2:13.
1 Pet 2: 9, 10

"Inona no angatahin'Andriamanitra amin'ireo lovary novidiny tamin'ny ra?
Ny fanamasinan'ny maha-izy azy manontolo, --fahadiovana toy ny fahadiovan' i Kristy, fanarahana tanteraka ny sitrapon' Andriamanitra . . . Tsy misy na inona na inona maloto, na lainga ao amin'ilay tanàna masina". . . {SD 348.3}

"Ny tena fanamasinana dia firindrana amin' Andriamanitra, firaisana Aminy amin'ny toetra amam-panahy" {6T 350.1}

"Rehefa nanoratra i Paoly hoe: **"Ary Andriamanitry ny fiadanana anie hanamasina anareo samy ho tanteraka ,"** tsy nampirisika ny rahalahiny hahatratra tarigetra tsy ho azon'izy ireo hotratrarina izy, tsy nivavaka izy ahazoan'izy ireo fitahiana izay tsy sitrapon' Andriamanitra ny hanome izany. Fantany fa izay rehetra te ho afaka hihona amin'i Kristy amim-piadanana, dia tsy maintsy manana toetra amam-panahy madio sy masina." {Mar 62.1}

Vavaka: "Hatao anie ny sitrakao"

2 . Sitrapon' i Jesosy ho antsika koa ny fanamasinana.

Jaona 17:17-19 :

"Fametrahana ny toetr'i Kristy eo amin'ny olombelona ny fanamasinana ny fanahy amin'ny asan'ny Fanahy Masina." {COL 384.1}

Ohatra : Daniela

"Mampiseho izany toetra amam-panahy nohamasinana ny toetr'i Daniela" {SL 23.1}
Ny anjarako: Manaiky izay angatahiny

Vavaka: Fileferana amin' Andriamanitra

B. MIDIKA FANDRESENA NY FAHOTANA.

1.. Midika fialàna amin'ny fahotana izany, na ny lehibe na ny kely.

1 Tes. 4:3a 4:3b, 7.

« **Ny adidin'ny Kristiana dia ny hanana faharetana eo amin'ny fandresena ny fironan'ny sainy ho amin'ny ratsy.** Tokony hivavaka lalandava amin'ny Tompo izy mba hanasitrana ny fanahiny voan'ny aretim-pahotana. Samy tsy hananany na ny fahendrena na ny hery ahazoany fandresena. Andriamanitra ihany no Tompon'izany toetra ambony izany, nefa homeny an' izay rehetra mangataka famonjena Aminy izany dia izay mitalaho Aminy amin'ny fo torotoro sy manetri-tena" . {VM 467.6}

2. Tsy haintsika izany

- Job 14:4: "Aiza no misy madio ateraky ny tsy madio? Tsy misy na dia iray akory aza!"
- Jer. 13:23. Tahaka ny tsy ahazoantsika manova ny toetrantsika ivelany , no tsy ahazoantsika manova ny fiainantsika ho ankasitrahana' Andriamanitra
 - a. Tsy maintsy Andriamanitra no manao izany
 - b. Hataony izany, raha avelantsika Izy!

Vavaka fanoloran-tena hiasan' Andriamanitra ao amiko handreseko ny fahotana

V. ASAN' ANDRIAMANITRA AO AMINTSIKA NY FANAMASINANA

A. ASAN' ANDRIAMANITRA

1. Na ny fikasana na ny fanaovana

"Andriamanitra no "miasa ao anatinareo na ny fikasana na ny fanaovana3. Fil 2: 12, 13"

"Mandritra ny andro iainana ny faharetan'ny asa fanavaozana atao ho an'ny mpanota mikatsaka fahamasinana. Miasa ho fanamasinana ny Kristiana isan' andro isan' andro Andriamanitra; kanefa tokony hiara-miasa Aminy ny mpanota, ka hiezaka amim-paharetana hananana fahazarana tsara, sy hikely aina hampitombo fahasoavana hatrany hatrany. Ka rehefa hampitombo ny ezaka ataony toy izany izy, dia hikely aina koa mba hahabetsaka izay azony. **Vonona hihaino sy hamaly mandrakariva ny fivavahana ataontsika ny Mpamonjy, raha milohatra avy ao amin'ny fo torotoro izany. Ampitomboiny ho an'ny zanany ny fahasoavana sy ny fiadanana.** Amim-pifaliana no izarany fitahiana aminy satria fantany fa ilainy tokoa izany mba hiadiany amin'ny ratsy malaky mahazo azy " {VM 468.2}

Fanontaniana: Inona no asa ataon' Andriamanitra ao amintsika? Ary inona no anjarantsika?

2. Asa mitohy

"Tsy asa vetivety, adiny iray, na andro iray ny fanamasinana. **Fitombohana mitohy amin'ny fahasoavana . . .**Tsy misy ahazoantsika milaza fa nahatratra izany tanteraka isika" (RH May 6, 1862). {7BC 947.5}

3. Tsy mahasatra Azy

"Ento mandrakariva eo anoloan' Andriamanitra ny ilainao, ny fifalianao, ny fahorianao, ny fanahianao, ny tahotrao. Tsy hasasatra, na hahavalaka Azy ny hanaovanao izany. Tsy hanao tsinontsinona izay ilain'ny zanany ilay mahay manisa ny volon-dohanao. "Miantra indrindra ny Tompo sady be famindram-po". Ny fony feno fitiavana dia mangoraka noho ny fahoriantika, eny, na dia noho ny fitantarantsika an'ireny aza. Ento eo Aminy ny zavatra rehetra manahirana ny saina. **Tsy misy zavatra mavesatra loatra ka tsy ho zakany,** satria Izy no mitana an'izao tontolo izao, Izy no manapaka ny raharaha rehetra amin'izao tontolo izao. **Tsy misy**

na inona na inona izay momba ny fiadanantsika no azo atao hoe kely loatra ka tsy ho hitany. Tsy misy toko ao amin'ny zava-mihatra amintsika azo atao hoe maizina loatra, ka tsy ho voavakiny; tsy misy zava-tsarotra manahirana loatra, ka tsy ho hainy hazavaina. Tsy misy loza mahazo mihatra na dia amin'izay kely indrindra amin'ny zanany aza, tsy misy tebiteby mampijaly ny fanahy, tsy misy fifaliana mahamiramina, tsy misy fivavahana marina navoaky ny vava, izay tsy voadiniky ny Raintsika izay any an-danitra, na tsy manaitra Azy niaraka tamin'izay, "mahasitrana ny torotoro fo lzy sy mamehy ny feriny". Salamo 147:3. Ny firaisan' Andriamanitra sy ny fanahy tsirairay avy dia miavaka sady feno indrindra, ohatran'ny tsy misy afa-tsy iny fanahy iny no nanomezany ny Zanany malalany." {Ny Dia 118.3 }

Vavaka: Famborahana amin' Andriamanitra ny ao am-pontsika

B. NY VOKANY

1. Tolona tsy miato

"Ny fanamasinanan' i Paoly dia tolona tsy niato amin'ny "izaho". Hoy izy "maty isan'andro aho". Ny sitrapony sy ny faniriany isan'andro dia nifanehatra tamin'ny adidy sy ny sitrapon'Andriamanitra. Tsy nanaraka ny fironany izy, fa nanao ny sitrapon' Andriamanitra, na dia tsy nahafaly azy izany sy nanombo ny naha-izy azy aza." {4T 299.2}

2. Ohatra navelan' i Kristy

"Nanome ohatra tanteraka, tsy nisy ota antsika Kristy. Tokony hanaraka ny diany ny mpanaraka Azy. Raha tsy voaova ny toetra amam-panahiny, dia tsy ho afaka hiara-mitoetra Aminy ao amin'ny fanjakany izy. Maty Kristy mba hanandratra sy aha-mendrika andriana azy, ary ireo izay mitahiry ireo fironana nolovainy hanao ny ratsy dia tsy ho afaka hipetraka miaraka Aminy. Nozakainy izay rehetra nety hozakain'ny nofon'ny olombelona, mba ahazoantsika mandresy ny fakam-panahy rehetra mety hoforonin' i Satana hanimbana ny finoantsika " {SD 294.2}

3. Miara-mandeha amin' Andriamanitra

"Teo anatrehan' i Henoka mandrakariva ny Tompo, ary ny tsindrimandry dia milaza fa "niara-nandeha tamin' Andriamanitra" izy. Nataony ho mpiara-dia taminy mandrakariva Kristy. Teo amin'izao tontolo izao izy, ary nanatanteraka ny adidiny teo amin'izao tontolo izao; nefa niasa mangina taminy mandrakariva Jesosy. Nitaratra ny toetra amam-panahin'i Kristy izy ka naneho ireo toetrany kanto tamin'ny fahatsarana, ny famindram-po, ny fangorahana mamy, ny firaisam-po, ny faharetana, ny fahalemam-panahy, ny fanetren-tena, ary ny fitiavana. Ny fiarahany tamin' i Kristy isan' andro dia nanova azy hitovy endrika amin' ilay nifandray akaiky taminy indrindra. Nitombo isan'andro izy niala ny lalan'ny tenany ka nandeha tamin'ny lalan' i Kristy, izay avy any an-danitra, avy amin'Andriamanitra, teo amin'ny fisainany sy ny fihetsehampony . . . Nitombo mandrakariva sy niara-dia tamin'ny Ray sy ny Zanaka izy. Izany no tena fahamasinana. " {HP 337.4}

4. Fandresena atolony

"Vonona ny hamela anao Kristy, hanaisotra ny fahotanao sy hanafaka anao. Vonona lzy hanadio ny fonao sy hanome anao ny fanamasinanan'ny Fanahiny. Raha manokan-tena hanompo Azy ianao, dia ho eo ankavananao lzy hanampy anao. Hahazo hery isan'andro ianao sy ho mendrika andriana. Raha mibanjina ny Mpamonjy ianao mitady fanampiana, dia handresy, eny, mihoatra noho ny mpandresin'ny fakam-panahy izay manafotra anao. Ary hiha-mitovy amin' i Kristy ianao. Ho ravoravo ny anjelin'ny lanitra hahita anao mijoro eo anilan'ny Tompo, amin'ny fahamarinana sy ny tena fahamasinana.. " {CT 490.2}

"Aseho ny mpino ny fahagagana amin'ny mety ahatongavany ho tahaka an' i Kristy, hankato ireo foto-kevitra rehetra ao amin'ny lalàna. Nefa raha izy samy irery dia tena tsy afaka hahatratra izany izy..... . Tsy mety ho tonga tanteraka ny fankatoavan'ny olombelona raha tsy noho ny hanitry ny fahamarinan' i Kristy, izay mameno ny asa fankatoavana rehetra amin'ny fofomanitra avy amin' Andriamanitra. {AA 532.1}.

Vavaka: Hitady fanampiana ka handresy.

Hiara-mandeha Aminy

Ho vita fihavanana Aminy isam-potoana

Teny fikasana hoentina ho an'ny ankohonana hanaovana fanandramana:

"Afaka mahatsapa ny fitiavan' Andriamanitra sy ny hazo fijalian'i Kalvary ny fo torotoro sy manetri-tena. Hidadasika ny fitahiana hiainan'izay manatanteraka ny fepetra ahatongavany ho mpiray amin'ny fankasitranan' Andriamanitra". {1SM 326.2}

ANDRO FAHENINA

Talata

KRISTY, MPITSARA SY MPISOLOVAVA ANTSIKA

« Aoka isika tsy hihevitra fa mpitsara fotsiny Andriamanitra ka hanadino fa Raintsika tia koa lzy. Tsy misy hampahory ny fanahintsika toy izany satria vita lasitra amin'ny fiheverantsika ny toetra amam-panahin'Andriamanitra ny fiainantsika ara-panahy manontolo. {RH 4-5-1887, p. 210.}

ZAVA-KENDRENA SY ANATOM-BAVAKA:

Midika fitsarana ny Andro Fanavotana

Ny antoka ho ahy dia azoko hitokisana ny Mpisolovava sy ny Mpitsara ao amin'ny fitsaran' ny lanitra

Handraisako finoana hanatonako Azy mialoha izany

Ny HANATONAKO avy hatrany ny Mpisokovava sy ny Mpitsara hilazako ny momba ahy rehetra

FITARIHAN-TENY : *Lalàm-panorenan'ny Fanjakan' Andriamanitra ny Didy Folo Namolavola Plana hanavotana ny olona raha sanatria lavo izy Nandika ny lalàn' Andriamanitra ny olona ka voaheloka ho faty Tsy maintsy misy fitsarana anefa satria nisy ny fandikan-dalàna Mila olon-dalàna mahay sy marina na ny hitsara na ny hisolovava Manara-maso izay ho vokatr'izany izao rehetra izao manontolo*

Ny FILAZANTSARA dia hokosehina ho mandrakizay ny fahotana tsy hotsaraovana intsony

1. NY PLANAN' NY FANAVOTANA

A. NY NAHATONGA NY PLANAN'NY FANAVOTANA

1. Niavonavona i Satana, nitsiriritra ny voninahitr'i Kristy

Nandiso ny toetran' Andriamanitra izy

2. Fivoriambe nametrahana' Andriamanitra ny toeran'ny tsirairay

Nitarika fikomiana i Satana nanenjika ny fitondran'Andriamanitra (Jaona 8:44)
Resy i Satana ka voaraoka izy sy ireo ampahatelon'ny anjely tany an-danitra

3. Ny olana naterak'izany

- Mba ampahafantarana ireo mponina any amin'izao rehetra izao ny atao hoe "masina", "madio", tsy misy tsiny", "fitiavana", ny toetran' Andriamanitra, dia hoy i Jehovah: Genesisy 1: 26, 27 izay haneho amin'ny fomba azo tsapain-tànana, eo amin'ny fiainana andavanandro ny toetran' Andriamanitra
- Koa raha sanatria voafitak' i Satana hiandany aminy ny olona, izay "naterak' Andriamanitra", (Lioka 3:38) ka "manota", mandika ny lalàna, dia ho "havotana" izy

B FISAINAM-PIHAVANANA

1. Tsy moramora tamin'ny Mpanjakan'ny lanitra

"Raha mbola feno tebiteby sy nangitakitaka ny lanitra manontolo, dia niroso teo anatrehan'ny Rainy Izy mba handahatra ho an'ny mpanota. **Naharitra ela izany dinidinika izany, dia izay "fisainam-pihavanana" hoentina hanavotana ny olombelona.** Novolavolaina "hatramin'ny nanorehana izao tontolo izao" ny planan'ny famonjena izay nampiseho ny famonoana " ny Zanak'Ondry tsy misy kilema na tsiny". **Tsy moramora tamin'ny Mpanjakan'ny lanitra sy ny tany anefa na dia izany aza, ny nanolotra ny Zanany ho amin'ny fahafatesana, mba hanavotana ny olombelona izay efa diso!** Tia fatratra izao tontolo izao Izy ka dia "nomeny ny Zanani-lahy tokana, mba tsy ho very izay rehetra mino Azy, fa hanana fiainana mandrakizay". "Mihoatra noho ny fahalalàna rehetra ny fitiavan' Andriamanitra izao tontolo izao izay tsy tia Azy akory. Nandritra ny taon-jato tsy hanam-pahataperana dia hiaroka mafy am-piankohofana ny amin'izany zava-miafina izany ireo mponina any an-danitra." {PM 46.1}

2. Izay « fisainam-pihavanana » tapaka :

- Haloa ny sazin'ny ota (Rom 6:23)
- Hodiovina amin'ny alalan'ny rà izay rehetra voakasiky ny ota (Heb 9: 22).
- Havela ny ota ka hoesorina amin'ny ota izay manaiky izany
 - na eo amin'ny "dossier"-ny (fanamarinana)
 - na eo amin'ny fiainany (fanamasinana)
- . Asiana fitsarana mangarahara hisehoan' ny fahamarinana
- Andriamanitra "telo izay iray" no hanao ny asa: {PM 46.2}
"Hiara-miasa hahatanteraka izany plana izany izao ny lanitra manontolo".
 - Lio 22: 42
 - 1 Kor 1: 31
 - Jaona 16: 8-14

6. Zava-dehibe tahaka ny hazo fijaliana ny fifonana ataon' i Kristy

D. ZAVA-DEHIBE

1. Fahafatesana sy fifonana

"Zava-dehibe eo amin'ny drafitry ny fanavotana tahaka ny nahafatesan' i Kristy teo amin'ny hazo fijaliana ny fifonana ataony ho an'ny olombelona any amin'ny fitoerana masina any ambony. Tamin'ny nahafatesany no nanombohany ny asany ary tamin'ny nitsanganany tamin'ny maty dia niakatra tany an-danitra Izy mba hanatontosa izany an-tsakany sy an-davany". {HM 505.1}

2. Tsy maintsy miditra

"Tsy maintsy miditra ao amin'ny efitra lamba amin'ny alalan'ny finoana isika, "tany no nidiran' i Jesosy Mpialoha antsika." **Mitaratra ao ny fahazavan'ny hazo fijalian' i Kalvary. Ao no mety ahazoantsika fahalalàna mazava kokoa ny amin'ireo zava-miafin'ny fanavotana.**" {HM 505.1}

3. Lafo vidy dia lafo vidy tamin'ny lanitra

" Lafo vidy dia lafo vidy tamin'ny lanitra ny nanatanterahana ny famonjena ny olona; nifanandrify amin'ny fitakiana lehibe indrindra ataon'ny lalàn' Andriamanitra voadika ny sorona natolotra." { HM 505.1}

4. Manatona Azy amin'ny finoana

" Nanokatra ny lalàna mankeo amin'ny seza fiandrianan' ny Ray i Jesosy, ary amin'ny alalan'ny fanelanelanana ataony **dia azo entina eo anatrehan' Andriamanitra ny faniriana marina avy amin'izay rehetra manatona Azy amin'ny finoana**" {HM 505.1}

E. AIZA HO AIZA AMIN' IZAO ANDRO FANAVOTANA IZAO?

1. Kristy Sorona: Asa efa "vita"

- Namolavola toetra amam-panahy araka an' Andriamanitra

- Nanolotra ny tenany ho fanatitra tsy misy kilema

Tsy zakany ny mahita ny olombelona ho very

“Ilay tsy nahazaka ny mahita ny olombelona hiharan’ny fahafonganana ka tsy hamaoka ny ao amin’ny fanahiny hatramin’ny fahafatesana ho famonjena azy amin’ny faharavana mandrakizay, dia hijery amim-pangorahana sy famindram-po ny fanahy tsirairay izay mahatsapa fa tsy mahavonjy ny tenany samirery”. {SD 22.5}

Fiainana sy fahafatesana

“Mampiseho ny rà mitondra famelan-keloka izany, tsy azo sarahina fa mifandray eo amin’ny nitsanganan’ Ilay Mpanavotra antsika sy ny fiainany, izay naseho an-tsary tamin’ily rian-drano mikoriana mandrakariva avy eo amin’ny seza fiandrianan’ Andriamanitra, dia ny ranon’ aina izany. (Letter 87, 1894). {7BC 948.1}

2. Kristy Mpisorona sy Mpanao fanompoam- pivavahana Asa efa “vita”

- Nitondra ny ràn’ny tenany: Heb 9: 12
- Niditra indray mandeha
- Nahazo fanavotana mandrakizay

3. Ao amin’ny Fitoerana Masina Indrindra: Mpisoronabe eo am-panantanterahana

4. Kristy Mpitsara sy Mpanalalana: Eo am-panantanterahana: Apok 14: 6, 7

5. Ny ho didim-pitsarana mangarahara: Hoekena ho “marina tahaka ny tsy nanota akory” ny mpanota: Rom.8: 1

6. Tombo-kasen’ Andriamanitra velona: Eo am-panantanterahana

Fanontaniana: Aiza ho aiza no misy antsika eo amin’ny fizotry ny Planan’ny fanavotana? Ary tokony hanao ahoana ny fiainantsika ara-panahy?

II FITSARANA ARA-DALÀNA, MANARA-PENITRA, MILA OLON-DALÀNA (MATIHANINA)

A. MILAZA NY BAIBOLY FA KRISTY NO NATAON’ ANDRIAMANITRA MPITSARA

1. Mpitsara marina: 2 Tim 4:8

Jaona 5:22; Asa 10:42; Asa 17:31.

2. Andriamanitra, Tompon’ny lalàna sady nanatanteraka azy:

Mat 5:17; Isaia 42:21.

3. Mahay mitondra ny fahalementsika:

Nalaim-panahy tahaka antsika amin’ny zavatra rehetra Izy, nefa tsy nanota: Heb 4:15

“Ary Andriamanitra dia nanome Azy fahefana hanao fitsarana koa, satria Zanak’olona Izy. Satria Izy efa nanandrana ny tena faikany tamin’ny fahorian’olombelona sy ny fakam-panahy mahazo azy, sady mahazo ny fahosan’ny olona sy ny fahotana ataony, satria nijoro tamim-pandresena ho antsika Izy sady tsy lavon’ny fakam-panahin’i Satana, ary hifandray amin’ny fahamarinana sy amimpitiavana amin’ireo fanahy izay nahararaka ny ràny mba hamonjeny azy – **noho izany ny Zanak’olona no voatendry hanao fitsarana.**” {IFM 211.2}

4. Nandoa ny sazin’ny lalàna Izy: Rom 5:8

- Nekena ho mpitondra ny fahotana Izy: zony ny mamela heloka satria Izy no Mpitsara

“Raha nilaza ireo teny fikasan ireo Izy, dia voagorobaky ny fahazavana mampirapitra sy velona ny rahona mainty toa manondidina ny hazo fijaliana. Tonga teo amin’ily jiolahy nibebaka ny fidanana tanteraka avy amin’ny fanekena an’ Andriamanitra. Nomem-boninahitra teo amin’ny fanetren-tenany Kristy. Mpandresy Ilay resy eo imason’ny hafa rehetra. Nekena ho mpitondra fahotana Izy. Mety mampiasa hery amin’ny tenan’ny maha-olombelona ny olona. Azony atao ny mandoaka ireo fihirifany masinna amin’ny satro-tsilo. Azony atao ny manala ny akanjony sy miady ny amin’izay hizarana azy. **Nefa kosa tsy azony atao ny mandoaka Azy amin’ny fahefany mamela heloka.**” {IFM 809. 3}

Famelan-keloka ho an’ny rehetra

“Manerana an’izao tontolo izao io fivavahan’i Kristy ho an’ny fahavalony io. Mahafaoka ny mpanota tsirairay izay efa velona na mbola ho velona, hatramin’ny fiantombohan’izao tontolo izao ka hatramin’ny faran’ny andro izany. Mipetraka amin’ny olona rehetra ny heloka noho ny nanombohana ny Zanak’ Andriamanitra teo ambonin’ny hazo fijaliana. Atolotra maimaimpoana an’ny rehetra anefa ny famelan-keloka. “Izay rehetra mety “ dia mahazo mihavana amin’ Andriamanitra sy mandova ny fiainana mandrakizay”. { IFM 803}.

B. IZY KOA NO MPISOLOVAVA: 1 Jaona 2:1

1. Jesosy Kristy, Ilay Marina (Misy mpisolovava tsy marina)

- Mifandray amin’ Andriamanitra sy ny olona

“Tsy maintsy manana ny toen’ny olona izay solontena sy antoka ho an’ny olona, manana fifandraisana amin’ny fianakavian’ny olombelona izay soloiny tena, ary, amin’ny maha- Andrianjaonon’ Andriamanitra Azy, dia tsy maintsy manana ny toen’ Andriamanitra Izy, manana fifandraisana amin’ Ilay tsy voafetra, mba hanehoany an’ Andriamanitra eo anatrehan’ izao tontolo izao, ary ho mpanalalana amin’ ny Andriamanitra sy ny olona”. {1SM 257.1}

- Toetra hita eo amin’i Jesosy samirery izany:

“Ireo toetra ireo dia teo amin’ i Jesosy irery no nahitana azy. Notafiany maha-olombelona ny maha-Andriamanitra Azy, tonga teto an-tany Izy nantsoina hoe Zanak’olona sy Zanak’ Andriamanitra; Izy no antoka ho an’ny olona, Andrianjaonany Andriamanitra – antoka ho an’ny olona ahafa-po izay takian’ny lalàna amin’ny alalan’ ny fahamarinany ho an’ny olona, ary solon-tenan’ Andriamanitra haneho mazava ny toetra amam-panahiny amin’ny taranaka lavo”. {1SM 257.2}

2. Nahazo ny zo ho mpisolovavan’ny olona eo anatrehan’ny Ray Izy: Lio 3:34

–“Satria tsy fantany izay ataony”: Voafehin’ i Satana ny sitrapony
Fa ny an’ i Jesosy kosa: Sal 40: 8

“Raha mba fantany fa mampijaly llay tonga hamonjy ny taranaka mpanota ho afaka amin’ny fahafatesana mandrakizay izy ireo, dia ho azon’ny nenina sy ny tahotra. Nefa tsy nanala ny fahadisoany tsy akory ny tsi-fahalalàny; satria tombontsoan’izy ireo ny afaka hahalala sy ny hanaiky an’i Jesosy ho Mpamonjin’ny tenany. Nisy tamin’izy ireo anefa nahita ny fahotany ary nibebaka sy niova fo. Nisy mafy fo ka nahatonga ny fivavahan’ i Jesosy ho tsy nisy valiny ho azy. **Nefa na dia izany aza dia tonga tamin’ny fahatanterahany ny fikasan’ Andriamanitra. Azon’ i Jesosy ny zo ho tonga mpisolovavan’ny olona eo anatrehan’ny Ray**”. {IFM 803.3}

“Gaga ny anjely nibanjina ny fitiavan’ i Jesosy tsy hita fetra, izay, na dia niaritra ny ady nihatra aman’aina teo amin’ny saina sy ny nofo aza, **dia tsy nihevitra afa-tsy ny hafa sy nampahery ny fanahy nibebaka ho amin’ny finoana**. Teo amin’ny fietreny dia niteny tamin’ireo zanakavavin’ny Jerosalema Izy amin’ny maha-mpaminany Azy; amin’ny maha-mpisorona sy mpisolovava Azy dia nifona tamin’ny Ray Izy mba hamelany heloka ireo mpamono Azy; amin’ny maha-Mpamonjy be fitiavana Azy dia namela ny helok’ilay jiolahy Izy”. { IFM 810.2}

3. Ny asany

- Manolotra antsika eo anatrehan’ Andriamanitra

“Mpisolovava mitafy ny toetsika no notendren’ny Tompo eo amin’ny alitarany. Amin’ny maha- Mpanelanelana Azy ho antsika, dia anjara asany ny manolotra antsika eo anatrehan’ Andriamanitra amin’ny maha-zananilahy sy zananivavy antsika . {SD 22.2}

- Ny valintenin’ Andriamanitra

“Mifona ho an’ireo izay nandray Azy Kristy. Omeny hery ireo, noho ny fahamendrehany, ho tonga anisan’ny fianakavian’ny mpanjaka, zanaky ny Mpanjakan’ny lanitra. Asehon’ny Ray ny fitiavany an’i Kristy tsy hita lany, izay nandoa ny avotra ho antsika tamin’ny ràny, ka raisiny sy ekeny ho sakaizany ireo sakaizan’ i Kristy . Afa-po amin’ny avotra natao Izy. Voninahitra ho Azy ny nandraisan’ i Kristy ny maha-olombelona, ny fiainany, ny nahafatesany, sy ny fanelanelanana nataon-janany.” {6T 363.3}

“Raha mifona ho antsika Kristy, dia sokafan’ny Ray ny tahirin’ny fahasoavany rehetra ho antsika, hifaliantsika sy hozaraina amin’ny hafa. “Mangataha amin’ny anarako”. Hoy Kristy ; Tsy milaza aminareo Aho fa Izaho no hangataka amin’ny Ray ho anareo; fa ny Ray dia tia anareo, satria ianareo efa tia Ahy” Ampiasao ny anarako . Hampahomby ny fivavahanareo izany, ary ny Ray hanome anareo ny harem-pahasoavany, noho izany “mangataha dia homena ianareo mba ho feno ny fifalianareo “ Jaona 16:24, 26, 27. {6T 364.2}

4.. Mahavonjy tokoa izay rehetra manatona Azy Izy

- Afaka mampitony ny tahotra

“Manan-kery hitaona ny olona hanatona Azy, hampitony tahony, hampisava ny alahelony, hanome azy aingam-panantenana sy herim-po, ahatonga azy ho afaka hino ny fahavononany Andriamanitra handray azy noho ny fahamendrehany llay Andriamanitra nandray ny toerany. » ... {1SM 258.1}
- Raisiny avy hatrany

“**Raha vantany vao manatona ny rakom-panavotana ny zanak’ Andriamanitra dia manjary “client”-n ‘ilay Mpisolovava lehibe**. Raha vao mamboraka ny fibebahany izy ka mampiakatra fangatahana hahazo famelan-keloka, dia **raisin’ i Kristy an-tànana ny adiny** toy ny an’ny tenany mihitsy ka entiny eo anatrehan’ny Ray ny fitarainany toy ny an’ny tenany manokana”. {6T 364.1}

- Tahiry- na ditin-kazo manitra: ny fahamendrehany, ny fahafoizan-tenany

“Nanaiky ho solontena sy antoka ho antsika Kristy, ary tsy misy ataony antsirambina. Misy tahiry napetraka izay mitombo araka ny fankatoavan’i Kristy. Voatahiry any an-danitra ny fahamendrehany, ny fahafoizan-tenany sy ny fanatitra nataony, ho toy ny ditin-kazo manitra atolotra miaraka amin’ny vavaky ny olony. Rehefa miakatra any amin’ny seza fiandrianan’ Andriamanitra ny fivavahana avy amin’ny fon’ny mpanota, manetri-tena, dia ampiharahan’ i Kristy amin’ izany ny fahamendrehany fiainany nankatoavany tanteraka. Manjary manim-pofona ny fivavahantsika noho io fofomanitra io. Nanome toky Kristy fa hifona ho antsika ary ny Ray mihaino an-janany mandrakariva”. {SD 22.3}

- Velona mandrakizay Izy, ary mbola mifona

“Satria velona mandrakizay Izy hanao fifonana ho azy”: Heb 7:25

- Nomen’Andriamanitra ho antoka mandrakizay ny Zanany

“Manana ny zavatra rehetra azontsika angatahina isika hitondra finoana sy fitokisana. Eo amin’ny fitsarana eto an-tany, rehefa te-hanamarina ny teniny ny mpanjaka dia atolony ho takalon’aina ny zanany, izay havotana rehefa tanteraka ny teny ampanantenainy, ary indro ny fanekena nataon’ny Ray ho fitokisana ny teniny, satria nomeny toky fa tsy hiova ny fanapahan-keviny, dia tonga teto an-tany ny Zanani-lahy tokana handray ny maha-olombelona, **tsy mandritra ny fotoana fohy eo amin’ny fiainany, fa hihazona izany any an-danitra, ho fanekena mandrakizay ny fahatokian’ Andriamanitra**. Izany halalin’ny harenan’ ny

fahendrena sy ny fitiavan' Andriamanitra! Endrey manao ahoana ny fitiavana nasehon'ny Ray ho antsika dia ny iantsoana antsika hoe Zanak' Andriamanitra, sady izany tokoa isika." " (1 Jaona 3:1). {1SM 258.2}

5. Izy mandahatra

- Tsy manala tsiny ny fahotany Jesosy

"Tsy manala tsiny ny fahotany Jesosy fa asehony kosa ny fibebahany sy ny finoany, ka mitaky famelan-keloka ho azy Izy. Asandrany eo anatrehan'ny Ray sy ny anjely masina ireo tãnany voaratra, ka hoy Izy" {HM 500.3}

- Fantatro amin'ny anarany izy.

:" Fantatro amin'ny anarany izy. Efa vita toambo-kavatsa eo amin'ny tãnako izy.

"Ny fanatitra ho an' Andriamanitra dia fanahy torotoro; ny fo torotoro sy mangorakoraka Andriamanitra o, tsy mba ataonao tsinontsinona". {HM 500.3}

- Forohana nosarihana tamin'ny afo

"Ary hoy Izy amin'ilay mpiampangan' ny vahoakany: " Hananatra anao anie Jehovah ry Satana: eny, Jehovah izay nifidy an' i Jerosalema anie hananatra anao; tsy forohana nosarihana tamin'ny afo va ity?" {HM 500.3}

- Voatana ao amin'ny bokin'ny fiainana ny anarany

"Hotafian' i Kristy amin'ny fahamarinan'ny tenany ireo olony mahatoky, mba ahazoany mitondra azy eo anatrehan'ny Ray "ho fiangonana madio, tsy misy penmpentina na fiketronana, na izay toy izany". Voatana ao amin'ny bokin'ny fiainana ny anarany ary izao no voasoratra ao momba azy ireo:"Ary hiara-mandeha Amiko mitafy lamba fotsy ireo satria mendrika izy". Apokalypsy 3:4. {HM 500.3}

- Manana porofo ny amin'ny fanatitra nataony Izy: Ireo holatra mandrakizay eo amin'ny tenany.

- Miara-mipetraka amin' Andriamanitra eo amin'ny seza fiandrianany

"Amin'ny maha-pisorona Azy izao no hiarahan' i Kristy mipetraka amin'ny Ray eo amin'ny seza fiandrianany (Apok 3:21). Eo amin'ny seza fiandrianana miaraka amin'ilay Mandrakizay, tsy nisy nanorina mandrakizay. Ilay " mitondra ny aretintsika tokoa sady nivesatra ny fahotantsika ", "Ilay nalaim-panahy tamin'ny zavatra rehetra tahaka antsika kanefa tsy nanana ota", "ka mahavonjy izay alaim-panahy koa Izy". "Raha misy manota dia manana solovava ao amin'ny Ray isika". Ny fanelanelanana ataony dia fanelanelanen'ny tena nolefonina sy torotoro. Fiainana tsy misy pentina, ny tãnany naratra, ny lanivony nolefonina, ny tongony simbasimba, dia manao fifonana ho an'ny olombelona lavo, izay novidiana tamin'ny vidiny tsy hita fetra". { HM 430.3}

- Fikiry ny tãnan-mahery fa hamikitra anao Izy

"Kristy no Mpisolovava ho antsika. Ho fanekena mahery avy amin ny fo izany fitiavan' Andriamanitra izany, raiso ny tãnan' i Kristy ary fikiry mafy. Hamikitra anao mafy noho izay mety hamikiranao Azy ny tãnan'ny". {SD 22.6}

- Mangataha

"Hoy ny Soratra Masina hoe : "Ary teo amin'ny kianjan'ny tempoly isan'andro izy nankalaza an' Andriamanitra". Nivory koa izy mba hitondra ny fangatahany teo amin'ny Ray amin'ny anaran' i Jesosy. Fantany fa nanana Solontena any an-danitra izy. Mpisolovava eo anatrehan'ny seza fiandrianan' Andriamanitra. Niondrika nivavaka tamim-panajana fatratra izy namerina ny toky hoe: "Na inona na inona na inona inona angatahinareo amin'ny Ray dia homeny anareo amin'ny anarako izany. **Mandraka ankehitriny dia tsy mbola nangataka na inona na inona tamin'ny anarako ianareo; mangataha dia hahazo ianareo, mba ho tanteraka ny fifalianareo". Nisandratra ho ambony kokoa hatrany ny tãnan'ny finoana, notohanany ny laha-kevitra mahery hoe: "Kristy Jesosy no efa maty, eny, sady nitsangana tamin'ny maty koa ka mitoetra eo amin'ny tãnana ankavanany Andriamanitra ary mifona ho antsika."** {VM 33.2 }

6.. Efa ho tapitra

"Ilay nijoro ho mpanalalana ho antsika, izay mandre ny fivavahana fibebahantsika rehetra, misy avana manodidina ny lohany, tandindon'ny fahasoaavana sy ny fitiavana, dia efa hamarana tsy ho ela ny asany ao amin'ny fitoerana masina any an-danitra. Amin'izay dia hidina ny seza fiandrianana ny fahasoaavana sy ny famindram-po ary handray ny toeran'izy ireo ny fahamarinana. Handray ny zony amin'ny maha- Mpitsara ao amin'ny Fitsarana fara-tampony Azy Ilay notadiavin'ny olony." (RH Jan. 1, 1889). {7BC 989.11}

Vavaka: Fanatonana Ilay Mpisolovava hanaborahana ny zavatra rehetra momba ny fiainan'ny tsirairay Aminy, dieny mbola ao amin'ny Fitoerana Masina Indrindra

D. FANAMARINANA SY FANAMASINANA

1.Voadio ny "casier judiciaire":= Fanamarinana

Hamarinina = Ekena ho marina toy ny tsy nanota akory ny mpanota Mosesy, Saoly (Paoly), Davida, Petera, ets

2. Fa tsy mbola voaova ny toetra:

Sary aman'ohatra azo tsindriana: Ilay olona nahazo famotsoran-keloka tamin'ny 29 Martsa 2006 teo, nefa voatifitry ny mpitandro ny filaminana fa tratra ambodiombony namaky trano teny amin'ny 67 Ha

Toetra amam-panahy volavoleny, raha mety ianao:

Fil 2: 12, 13: "Ahatanteraka ny sitrapony"

3. Manara-maso ny vahoakany Izy

"Mafy ny fanafihan' i Satana, loza ny fitaka ataony, fa manara-maso ny vahoakany Jehovah. Be ny fahoriany; toa efa handevona azy ny afon'ny lafaoro, nefa hamoaka azy toy ny volamena voadio Jesosy. Tsy maintsy hoesorina ny momba ny eto an-tany eo aminy mba hitaratra tanteraka ny endrik' i Kristy; tsy

maintsy resena ny tsi-finoana; tsy maintsy hivelatra ny finoana, ny fanantenana, ary ny faharetana”. {5T 474.3}

4. Izy no antoka:

Raha niakatra ho any an-danitra Izy, nitaky amin'ny maha-mpandresy Azy:

- Hiara-manam-boninahitra Aminy ny fiangonany: Jao 17:24
- Handray azy sy ho vita fihavanana aminy Andriamanitra
- Izy kosa miantoka fa hataony ho sarobidy noho ny volamena avy any Ofira ny olona :Isaia 13:12
- Heb 1:6

5. Raisina amin'ny finoana

Finoana no ahazoany famelan-keloka

“Raha mbola miantehitra amin'ny hery sy ny fahamarinan'ny tenany koa ny olona, dia tsy hahazo famelan-keloka sy hahay hampifanaraka ny fiainana amin' didin' Andriamanitra na oviana na oviana. Koa dia foana ny fanekenareo hanompo Azy satria amin'ny alalan'ny finoana ny Mpanavotra irery no ahazoana famelana sy hery hanao ny tsara. Koa mitsahàra ary aoka tsy hiankina amin'ny fiezahana ataon'ny tenanareo ary ny fahamendrehan'ilay Mpamonjy nampanantenaina ihany no itokiso, raha te ho voavonjy ianareo”. {PM 550}

6. Tian'ny anjely hojerena

“Izao no zava-miafin'ny famindram-po izay tian'ny anjely hojerena – dia ny mbola maha-marina an' Andriamanitra ihany nefa Izy manamarina ny mpanota mibebaka sy manavao ny fifandraisany amin'ny taranaka lavo, fa azon' i Kristy atao ny manetry tena mba hampiakarany vahoaka tsy hita isa avy amin'ny hantsan'ny faharavana ka hanafiany azy amin'ny fitafiana tsy misy pentin'ny fahamarinana mba hiray amin'ny anjely izay tsy lavo na oviana na oviana ary hitoetra mandrakizay eo anatrehan' Andriamanitra”. {HM p. 439.2}

III. VELONA AMIN'NY ANDRO FITSARANA, AMIN'NY ANDRO FANAVOTANA ISIKA . Hanao ahoana no tokony ho fiainantsika?

A. TANTERAKA IREO TENY FIKASANA NY FANEKENA VAOVAO

“Amin'izany dia ho mby amin'ny fahatanterahana feno ny teny fikasan'ny fanekena vaovao: “ Fa avelako ny helony ary tsy ho tsarovako intsony ny fahotany”, “amin'izany andro izany sy amin'izany fotoana izany , hoy Jehovah, dia hotadiavina izay heloky ny Isiraely, **fa tsy hisy**; ary izay fahotan' i Joda, **fa tsy ho hita**; **satria havelako ny helok'izay sisa narovako**”. Amin'izany andro izany ny rantsan' i Jehovah dia ho tonga fahatsaran-tarehy sy voninahitra, ary ny vokatry ny Tany dia ho reharena sy ho firavaka ho an' Israely sisa afaka”; ary izay sisa any Ziona izay mbola mitoetra any Jerosalema, **dia atao hoe masina**, dia izay rehetra ho isan'ny velona any Jerosalema.” {HM 501.3}

B. FAMARANANA NY FITSARANA FAMOTOPOTORANA

1. Hovonoina (hokosehana) ny fahotan'ny mpino

“Ny asan'ny fitsarana famotopotorana sy ny fikosehana ny fahotana dia tsy maintsy vita alohan'ny fiavian'ny Tompo fanindroany. Satria hotsaraina araka izay voasoratra ao amin'ny boky ny maty, dia tsy mety ho voakosoka ny fahotan'ny olona raha tsy aorian'ny fitsarana izay handinihina ny momba azy.

Lazain'ny apostoly Petera mazava anefa **fa hovonoina ny fahotan'ny mpino “rehefa tonga ny andro famelombelomana avy amin'ny fanatrehan'ny Tompo, ary mba hanirahany ny Kristy voatendry ho anareo dia Jesosy”**. {HM 501.3}

2. Ho avy Jesosy

“Rehefa mifarana ny fitsarana famotopotorana, dia ho avy Kristy, ary ho eny Aminy ny famaliany hanomezany ny olona araka ny asany avy. {HM 501.3}

D. RESAKA ATAO AMIN' ILAY MPISOLOVAVA

Raha tianao hisolovava anao Jesosy, dia sy maintsy mangataka izany Aminy koa ianao, sy mametraka feno ny momba anao eo Aminy. Amin'ny fomba ahoana?

1. Milaza ny Rom. 2:4 fa ny fahamoraham-panahin' Andriamanitra no mitaona anao hibe-baka.. Efa nahita ny fahamoraham-panahin' Andriamanitra ho anao ve ianao, ary nitondra fibebahana ao aminao ve izany?

Angataho ny hampahiratany ny masom-panahinao.

2. Miaiky heloka, hoy 1 Jao. 1:9 hoe hamela heloka Jesosy. Niaiky ny helokao ve ianao? Sa misy zavatra tazoninao tsy ho eo amin' i Jesosy izay tsy tianao hampileferina Aminy?

Angataho ny handresenao ny “izaho” mila hibahana amin'ny sitraponao

3. Milaza koa io andininy io fa hanadio antsika ho afaka amin'ny tsi-fahamarinana rehetra Jesosy. Efa nangatahinao ve Izy hanadio anao? Nomenao alalana hanao izany ve izy? Tsy hanohitra azy ianao na hofikirinao ny fahotanao ve? Ilazao Izy fa tsy misy hofikirinao ny fahotanao.

4. Amin'izao ora fitsarana izao, mandinika ny fanahinao ve ianao, mba ho azonao antoka fa efa nalefitrao amin' i Jesosy ny zavatra rehetra? Diniho isam-potoana ny fanapahan-kevitrao rehetra hilefitra amin'ny sitrapon' Andriamanitra, ary ataovy am-pifaliana izany.

TENY FIKASANA:

- TSY MISY FANAMELOHANA HO AN' IZAY AO AMIN' I KRISTY JESOSY
Rom. 8:1

- KOA MIBEBAHA IANAREO KA MIVERENA HAMONOANA NY FAHOTANAREO
MBA HO AVY IZAY ANDRO FAMELOMBELOMANA AVY AMIN'NY
FANATREHAN'NY TOMPO. Asa 3: 19

Ho anao sy ny ankohonanao:

"Na toy inona na toy inona haratsin'ny toe-piainanao tamin'ny lasa, ary na manao ahoana na manao ahoana haben'ny hakivinao mahita ny ankehitriny, raha mety manatona an' i Kristy amin'izao toetranao malemy sy osa ary very hevitra izao ianao, dia hanoro lala-malalaka hahafahanao Ilay Mpamonjy tia, ka hisakambina anao amin'ny sandrum-pitiavana, ary hanafy anao amin'ny akanjom-pahamarinana. Voatafy akanjo fotsy no hitondrany antsika miseho eo anatrehan' ny ray. Ilay toetrany madio tsy misy pentina mihitsy no atafiny antsika; ary toy izao ny fitarainany: "Ray marina ô! Nisolo voina an'ity mpanota ity Aho. Aza ny firenireneny no jerena, fa izaho jerena...." Eny, na dia hiantsoantso hiampanga anao aza i Satana, ka hitory antsika ho mpanota, ary hilaza antsika ho zanany, ny ran' i Kristy dia manan-kery be lavitra hiady ho antsika. "An'i jehovah, hoy ny Teny, no misy fahamarinana be sy hery... Ao amin'i Jehovah no hanamarinana ny taranak'Isiraely rehetra". Is 45: 24, 25. {S 16.1}

ANDRO FAHAFITO

Kristy, “Tompon’ny finoako sy mpanefa azy ”

FITARIHAN- TENY:

HAFATRA HOTORIANA

« Fitoriana ny didin’Andriamanitra sy ny finoana an’i Jesosy Kristy no hafatry ny anjely fahatelo. Notorian’ ny Advantista mitandrana ny andro fahafito ny didin’ Andriamanitra, fa tsy notoriany mitovy kosa ny finoan’i Jesosy Kristy, nefa mifampitantana ny lalàna sy ny filazantsara. » {3SM 172}

FINOAN’I JESOSY KRISTY

« Tsy hitako izay hambara hilazana izany zavatra amin’ny fomba feno. « Ny finoan’i Jesosy Kristy ». Resahina izany, saingy tsy azo ny dikany. Inona izany finoan’ i Jesosy voarakitra ao amin’ny hafatry ny anjely fahatelo ? Jesosy nanjary llay nitondra ny fahotantsika mba ho afaka ho tonga Mpamonjintsika mamela ny helontsika. Nahatra taminy izay tokony nahatra tamintsika. Tonga teto amin’izao tontolo izao misy antsika lzy ka nandray ny fahotantsika mba handraisantsika ny fahamarinany. Ary ny finoana an’ i Kristy ho afaka hanolotra famonjena ampy, feno sy tanteraka ho antsika, no finoan’i Jesosy Kristy. » {3SM 172}

ZAVA-KENDRENA SY ANATOM-BAVAKA

- Ny ho fandraisana ny finoan’i Jesosy izay fanomezana avy amin’ Andriamanitra
- Ny manaiky ny hilefitra amin’izay fitaizana fantany fa mahaso ho fandraisana ny finoana
- Ny ho fampiasàna sy fampitomboana izany handraisana ny fahasoavana atolotr’ Andriamanitra isan’ andro

Ny FILAZANTSARA: “Indro Ny faharetan’ny olona masina izay mitandrana ny didin’ Andriamanitra sy ny finoana an’ i Jesosy” Apok 14:12

I NY FINOANA

A. FINOANA ATY AMIN’NY ANDRO FARANY?

Manontany Jesosy: Lioka 18:8

Nefa “Raha tsy amin’ny finoana dia tsy misy azo hatao ahazoana sitraka Aminy’ (Heb 11:6)

Ary “Fa ota izay rehetra tsy avy amin’ny finoana”. (Rom 14:23)

B. NY TSI-FINOANA

1. Tsy fandraisana an’Andriamanitra amin’ny teniny

- Tsy hoe fisalasalana noho ny tsi-fahalalana tsy akory
- Tsy hoe finjavana tsy hino araka ny hevitsain’olombelona

2. Fa toe-po mandà ny hino ny tsi-finoana, avy amin’ny fo izany (Heb 3:12), ara-pitondran-tena.

- Fandàvana ny zava-misy, ny baiko na ny tena fikasana avy amin’Andriamanitra.
- Safidy ny hanaraka ny hevitra ny tena satria mahafaly kokoa ny “izaho” izany

Ohatra: Ilay tovolahy mpanan-karena: Matio 19:21-22

“Ny tsi-finoana dia zary hompa atao amin’ llay nahavita be ho antsika ”. {RH Nov 19, 1901: } Deot 7:9, Heb 10: 23, Fitomaniana 3:23, 2 Tim 2; 13. Fanaovana tsinontsinona ny nataony ho antsika;

3. Fahotana lehibe:

“Ny tsi-finoana an’Andriamanitra no fahotantsika lehibe indrindra”. {White, Manuscript Releases, 4, p. 395}

“Ny tsi-fisian’ny finoana no anton’ny tsi-fahombiazana rehetra eo amin’ny zanak’Andriamanitra”. {Signs of the Times, Oct 4, 1899}

4. Tsy mitondra fandresena

- Betsaka ny olona no tsy mino ny fahasoavan’ Andriamanitra hahatonga azy ho mpandresy amin’ny fahotany rehetra. Koa mitovy amin’ny an’izao tontolo izao ny fomba fiainany.
- Mpamonjy ivelany fotsiny Kristy, tsy llay mitoeatra ao anaty ary tena manadio ny fo ho afaka amin’ny tsi-fahamarinana rehetra.
- Ara-tsaina ny famelan-keloka ka manome rariny ny fahalavoana.
- Raha tsy mino isika fa azon’Andriamanitra atao ny mandresy ny fahotana sy ny fakam-panahy, dia manjary tsy azo atao izany satria tsy mino isika.

II. INONA NO ATAO HOE FINOANA?

A. TANANA MANDRAY

1. Ny finoana dia fandraisana tsotra an’Andriamanitra amin’ny teny nataony, sy fanarahana izany.

“Amin’ny maha-mpanota antsika dia tsy maintsy mino isika fa rehefa milefitra amin’Andriamanitra isika dia mamela antsika izy, manaiky, manadio ary manova antsika. Nefa “izao no mahadiso ny olona betsaka: tsy mino izy fa ny tenany manokana mihitsy, izy tsirairay avy mihitsy, no avelan’ i Jesosy. Tsy mitana an’Andriamanitra amin’ny teniny nataony izy” {Ny Dia 63}

“Ny mino amin’ny anaran’i Jesosy dia fandraisana izay nomaniny ho famonjena ao amin’ i Kristy Jesosy ” {5BC 900-901}

- Ny finoana dia fandraisana Azy ho Mpamonjy ny tenako manokana:

“Tsy ampy ny mino ny momba an’ i Kristy; tsy maintsy mino Azy isika. **Ny hany finoana hitondra soa ho antsika dia izay mandray Azy ho Mpamonjy ny tenantsika manokana; izay mandray ny fahamendrehany ho antsika.** Betsaka no mitana ny finoana ho hevitra tazonina. Fa **fifanarahana ny finoana mahavonjy**, ka miditra amin’ny fifanarahana amin’ Andriamanitra izay mandray an’i Kristy. **Fiainana**

ny finoana tena izy. Midika fitomboan'ny tanjaka, fitokisana marina, izay manjary hery mandresy ho an'ny fanahy ny finoana velona". {GW 261.1}

2. Ny finoana no tanaan'ny fanahy

izay mananty ny fahasoavana sy ny famindram-pon' Andriamanitra. Ny finoana dia "fanomezam-pahasoavana madio avy amin'Andriamanitra; anjarantsika ny mampiasa azy." {PP 449.1}

"Amin'ny alalan'ny finoana no andraisantsika ny fahasoavan'Andriamanitra; tsy ny finoana anefa no Mpamonjy antsika. Tsy mahazo na inona na inona izany. Tànana, izay hamikirantsika an' i Kristy izany ka handraisantsika ho an'ny tenantsika ny fahamendrehany, ho fanafody ny fahotana. {IFM 171. 2}

"Ny tena finoana sy ny tena vavaka – manan-kery manao ahoana izany! Tànana roa mamikitra amin'ny herin' ny fitiavana mandrakizay ireo. **Ny finoana dia fitokisana an'Andriamanitra – mino fa tia antsika lzy, ary mahafantatra izay tsara indrindra ho antsika.** Noho izany, mitarika antsika hifidy ny lalany izany fa tsy ny antsika. Manaiky ny fahendreny ho solon'ny tsi-fahalalàntsika. Ho solon'ny fahalementsika, ny heriny; ho solon'ny toe-pahotantsika ny fahamarinany, Efa Azy ny fiainantsika, ny maha-izy antsika. Manaiky ny maha-Azy antsika ny finoana, ary mandray ny fitahiana avy amin'izany. Ny fahamarinana, ny fahitsian-toetra, ny fahadiovana dia samy tondroina ho tsiambaratelon'ny fahombiazana eo amin'ny fiainana. Ny finoana no ahazoantsika ireo. {GW 259.2}

Ohatra: Abrahama: Romana 4: 18-22
Gen 22:10-12

B. FINOANA MAMOKATRA:

"Ny finoana izay manamarina dia mitondra hatrany ny vokatra voalohany ho fibebahana marina, dia manaraka ny asa tsara, izay vokatr'izany finoana izany. **Tsy misy finoana mahavonjy izay izay tsy mitondra voa tsara.** Nomen'Andriamanitra ho an'izao tontolo izao Kristy hisolo ny mpanota. **Rehefa mino ny famendrehan' io fanatitra sarobidy ho fanavotana io ny mpanota, ka mitaky an' i Kristy ho Mpamonjy ny tenany manokana, dia voavela heloka izy amin'iny fotoana iny indrindra ka hamarinina eo anatrehan' Andriamanitra.**" {OHC 52.5}

« Ny tena mpiasa marina dia feno finoana miasa amin'ny fitiavana sy manadio ny fanahy. Tsy misy mafy loatra ho an'izay milefitra amin'ny sitrapon' Andriamanitra. Ny « hanao ny asa ao amin' Andriamanitra » dia fisainana mahatonga ho fahafinarehana na inona na inona asain' i Jehovah atao ». {9T 150}

"Ny finoana dia fankatoavana na toy inona na toy inona ho vokany

"Matetika no tandindomin-doza ny fiainana kristiana ary toa sarotra tanterahina ny adidy. Asehon'ny saina ny sarin'ny loza mananontanona mialoha, sy ny fanandevozana sy ny fahafatesana manaraka. Nefa miteny mazava ny

feon'Andriamanitra: Mandrosoa. Aoka isika hankatoa ny baiko, na dia tsy mahagorobaka ny haizina aza ny masontsika." {GW 262.1}

Ohatra: Sadraka, Mesaka, Abednego: Dan 3:16-18

D. AHOANA NY AMIKO?

1. Raha sanatria tsy mino aho....

Misy fanahy tora-kovitry ny tsi-finoana. Manontany izy hoe: "Ahoana no ahafantarako fa vita fihavanana amiko Andriamanitra? Ahoana no ahazoako antoka fa tia ahy sy mamela ny heloko lzy?" **Tsy anjaranao ry tanora malala, ny mahatonga anao ho marina amin'Andriamanitra. Manasa anao Jesosy hankeo Aminy mitondra ny entanao mavesatra sy ny zavatra mahavery hevitra anao rehetra Ekeo ny teny fikasany sy izay nomanin'Andriamanitra Aza mijery ny tenanao fa Jesosy jerena; satria aseho ao amin' i Kristy ny toetra aman-panahin'ny Ray"** {HP 16.2}

Ny ran' i Kristy izay mahomby mandrakariva no hany fanantenana ho antsika, fa amin'ny alalany irery no ahazoantsika famelan-keloka sy fiadanana. {HP 16.3}

Miantso ny finoantsika sy ny fitiavantsika ny toetra aman-panahin' Andriamanitra, araka izay nasehon' i Kristy, **satria tsy diso ny famindram-po sy ny fangorahan'Andriamanitra antsika. Hiaraka amintsika lzy isaky ny mandingana eo amin'ny diantsika ho any an-danitra hitari-dàlana amin'izay rehetra mahavery hevitra, hanampy amin'ny fakam-panahy rehetra** {HP 16.4}

2. Vavaka:

"Mitondra fiadanana ny fiankinana amin'ny herin' Andriamanitra. Raha vantany vao manapa-kevitra ny fanahy fa hiasa araka izay fahazavana omena, dia manome fahazavana sy hery bebe kokoa ny Fanahy Masina. Omena ny fahasoavan'ny Fanahy hiara-miasa amin'ny fanapahan-kevitra ny fanahy, fa tsy misolo ny fampiasan'ny tena ny finoana tsy akory izany. Miankina amin'ny fandraisana ny fahazavana izay nomen' Andriamanitra ny fahombiazana amin'ny fiainana kristiana. Tsy ny habetsahan'ny fahazavana sy ny porofo no mahatonga ny fanahy ho afaka ao amin' i Kristy, fa ny **fiaingan' ny fahefana sy ny sitrapo ary ny herin'ny fanahy hiantso amin'ny fo marina** hoe: "Tompo ô, Mino aho, vonjeo aho ho afaka amin'ny tsi-finoako".Marka 9:24 {TM 518.1}

3. "Mijery an'i Jesosy Tompon'ny finoantsika sy Mpanefa azy"

'Izay rehetra azon'ny olona atao tsy misy an' i Kristy dia voaloton'ny fitiavan-tena sy ny fahotana; fa izay atao amin'ny alalan'ny finoana dia eken' Andriamanitra. Rehefa mitady ny ahazo ny lanitra amin'ny alalan'ny fahamendrehan' i Kristy isika, dia mandroso ny fanahy. Mijery an' i Jesosy, Tompon'ny finoantsika sy Mpanefa azy, dia afaka mandroso hery isika, avy amin'ny fandresena ho amin'ny fandresena, fa amin'ny alalan' i Kristy no niasan'ny fahasoavan' Andriamanitra ahatanteraka ny famonjena antsika feno." {1SM 364.2}

III. JESOSY, TOMPON'NY FINOANTSIKA SY MPANefa AZY

Heb 5: 7-9

1. Teo amin'ny nahaterahany sy ny fahazazany: {IFM p. 36}

“Tsy nisy izay tsy nandraman' i Kristy ny zava-mangidy izay kapoaka anjaran'ny taranak'olombelona. Tao ireo izay nanamavo Azy noho ny fomba nahaterahany; ary na dia hatramin'ny fahazazany aza dia tsy maintsy nisetra ny fijery maneso sy ny bitsibitsika manaratsy Izy”. {IFM 77. 2}

“Tsy mbola nisy zaza teo amin'ny taranak' olombelona nantsoina hivelona fiainana masina teo anivon'ny ady mangotraka tamin'ny fakam-panahy tahaka ny Mpamonjy”. {IFM p. 58.4}

“Nifankazatra tamin'ny fahantrana, ny fahafoizan-tena sy ny fihafiana Izy”. {IFM p. 59.1}

“Tsy nampiasa ny hery maha-Andriamanitra Azy Izy mba hampihena ny entamavesatra teo Aminy na hanamaivana ny asa mafy nataony.” {IFM 59.3}

2. Tany an'efitry ny fakam-panahy

“Vonona ho amin'ny ady Izy noho ny nitoeran'ny Fanahy Masina tao Aminy. Ary tonga Izy mba hanaovany antsika ho mpiray amin'ny fomban' Andriamanitra. Raha mbola miray Aminy amin'ny alalan' ny finoana isika, dia tsy manan-kery amintsika ny fahotana. Mandray ny tanan'ny finoana eo amintsika Andriamanitra ka tarihiny hamikitra mafy amin'ny maha-Andriamanitra an' i Kristy, mba ahatarantsika ny fahatanterahan' ny toetra amam-panahy”. {IFM 114.2. }

“Ny nahazoan' i Jesosy ny fandresena dia tamin'ny alalan'ny fanekena an' Andriamanitra sy ny finoana Azy”. {IFM 120.2. }

B. FINOANY NOHEFAINY

1. Tao Getsemane:

“In-telo ny maha-olombelona no nihemotra teo amin'ny sorona farany indrindra. Nefa izao dia tonga tao an-tsain'ny Mpanavotra an'izao tontolo izao ny tantaran'ny taranak'olombelona. Hitany ireo mpandika lalàna tsy maintsy ho faty, raha ilaozany samirery. Hitany ny tsy fahazoan'ny olona manampy ny tenany. Hitany ny herin'ny fahotana. Mitranga eo anoloany ny loza sy ny fitarainan'izao tontolo izao tandindomin'ny fahafatesana. Natrehiny ny anjara miandry an'izao tontolo izao ka tapaka ny heviny. Hamonjy ny olona Izy na ho toy inona na ho toy inona ho vidin'izany Aminy. Ekeny ny batisan'ny ra, mba hahazo ny fiainana mandrakizay amin'ny alalany ny olona an-tapitrisany eo am-bavahaoana”. {IFM 744.1}

2. Teo amin'ny hazo fijaliana:

“Nosotroin' i Jesosy hatramin'ny farany ny kapoakan'ny hazo fijalian'ny taranak' olombelona. Nandritra ireo ora nampivarahontsana ireo, dia niankina tamimpinoana tamin'ilay nankatoaviny amim-pifaliana Izy ary fantany ny fahamarinany, ny famindrampo ary ny fitiavan-dehibe ananany; Tamin'ny fotoana niankinan'ny tamin'

Andriamanitra tamin'ny fanoavana tanteraka dia tsy nitsahatra tao Aminy ny fiheverana ho tsy mahazo ny fankasitrahana' Andriamanitra. Nandresy tamin'ny alalan'ny finoana Kristy. {IFM 815.3}

D. FINOANA AZY, MPAMONJY NY TENAKO MANOKANA.

1. Vavolombelona mahatoky sy marina Izy:

- **Mahatoky** Ilay nanao ny teny fikasana: Heb. 10:23
- **Marina** satria Izy no Fahamarinana:: Jao. 14: 6
Izy no Mazava: Jao.1: 9, Is 60: 2

2. Izy no Zanak'Ondry novonoina

- **Nanavotra anay tamin'ny ozon'ny lalàna**, Gal 3:13
- **Ny rany no manadio ho afaka amin'ny ota rehetra”** 1 Jaona 1:7.

“Manadio antsika amin'ny fahotana rehetra ny rà'n' i Kristy.... Iaintsika ny hitahiry manoloana antsika mandrakariva ny fahombiazan' ny rà'n'i Jesosy. Io rà manadio ny fiainana, io rà mihazona ny aina io, izay raisina amin'ny alalan'ny finoana velona, no fanantenana ho antsika”.. {SD 226.2}

- “Fa Andriamanitra nampiseho ny fitiavany antsika **fa fony mbola mpanota isika dia maty hamonjy antsika Kristy** “. Rom. 5:8, 9

- Nitondra fahamarinana mandrakizay

“Nanao fampihavanana ho amin'ny fahotana Kristy, ary nitondra ny henatra rehetra momba izany, ny fanomezan-tsiny, sy ny famaizana, nefa raha nitondra ny fahotana Izy, dia nampiditra koa fahamarinana mandrakizay, hany ka tsy misy pentina ny mpino eo anatrehan' Andriamanitra”. . . . {SD 227.2}

- “**Ary Izy no nahafaka anay tamin'izao fahafatesana lehibe izao ary mbola hanafaka anay koa”** 2 Kor. 1:10.

3. Mpisoronabe tonga lafatra Izy

- **Mamindrafo sy miantra** Heb 2 :17
- **Ekentsika:** Heb 3: 1, 2, 6
- **Mahay mitondra ny fahalementsika:** Heb 4:15
- **Notendren' Andriamanitra:** Heb 5: 4-10
- **Mandrakizay:** Heb. 6: 20
- **Mendrika ho antsika, masina, tsy misy tsiny, tsy misy loto:** Heb. 7:26
- **Efa mipetraka eo ankavanana'ny seza fiandrianan' Andriamanitra:** Heb 8:1
- **Araka ny fanekena tsara lavitra:** Heb 8:6
- **Mpisoronabe ny amin'ny zavatra tsara lavitra:** Heb 9: 11-14
- **Hiseho fanindroany tsy amin'ny ota:** Heb 9: 28

4. Andriamanitra amin'ny nofon' olombelona Kristy, mitondra fiadanana sy fampihavanana Izy

- misarika ny fo rehetra ho eo Aminy

“Tonga Kristy mba haneho ny fitiavan' Andriamanitra an'izao tontolo izao, **hisarika ny fon'ny olona rehetra ho eo Aminy**. Hoy Izy: “Ary izaho, raha asandratra hiala amin'ny tany, dia hitaona ny olona rehetra hanatona ahy.” (Jaona 12:32)

- Fiadanana'i Kristy. anaty fa tsy ivelany

5. Mpitsara sy Mpisolovava eo amin'ny fitsaran' Andriamanitra Izy

- Mpitsara marina: 2 Tim 4:8

Andriamanitra, Tompon'ny lalàna sady nanatanteraka azy: Mat 5:17; Isaia 42:21.

- Nahazo ny zo ho mpisolovavan'ny olona eo anatrehan'ny Ray Izy: Lio 3:34

- Velona mandrakizay Izy, ary mbola mifona

E. FINOANA ATOLONY AHY: Efes 2: 8-10

- Raisintsika amim-panentren-tena
- Ampiasaina ho amin'ny asa tsara notendreny ho antsika

« Ny finoana no mampifandray antsika amin'ny lanitra ka mitondra hery ho antsika hoenti-mametra sy mandresy ny herin'ny maizina....Betsaka no mahatsapa anefa fa tsy manana finoana, ka manalavitra an' i Kristy. Aoka ireny fanahy ireny, ao amin'ny fahalemeny, sy ny tsy fahamendrehany hiantoraka ho eo amin'ny famindram-pon'ilay Mpamonjy mangoram-po. **Aza ny tenanao no jerena, fa Kristy. ...Amin'ny alalan'ny tenin' Andriamanitra no iavian'ny finoana. Koa fikiro ny teny fikasany : « Izay manatona Ahy dia tsy mba ho laviko mihitsy .» (Jaona 6 :37)** Miantoraha eo an-tongony ary miantsoa hoe : «Tompo ô, mino aho ; lanao no aoka hamonjy ahy amin'ny tsy finoako . » Raha manao izany ianao, dia tsy ho faty na oviana na oviana. {IFM 460. 3}

IV. Ahoana no fomba fandraisana an'izany?

1. **Fanomezana avy amin'Andriamanitra** ny finoana. Anjarantsika ny mampiasa izany: Efes 2: 8-10

- Raisina amim-panetren-trna
- Mankatoa ny fontsika (Rom 6:17), mino izy (Rom 10:9)
Ohatra: Maria Magdalena: Jaona 8:11

2- Avy amin'ny Soratra Masina:

«Tsy mamaky fotsiny ny Baiboly ny Kristiana marina, **fa manao fanandramana aminy**. Tsy nandre fotsiny ny amin'ny fahamarinan'i Kristy izy; fa amin'ny alalan'ny finoana dia nanokatra ny varavarankelin' ny fanahiny izy hidiran'ny Masoandron'ny Fahamarinana.” {White, *Signs of the Times*, Oct 4, 18}

3.Velona ao amiko Ilay Tompon'ny finoansika sy Mpanefa Azy

- Tsy mijanona ho fahalalana ara-tsaina fa miditra ao am-po, miteraka fitiavana.

« Izao no lazain'i Jesosy amiko ao amin'ny teny fikasany sy ny fampitandremana nataony. Fa toy izao no nitiavan'Andriamanitra an'izao tontolo izao, nomeny ny Zananilahy tokana **mba tsy ho very aho amin'ny finoako Azy** fa hanana fiainana mandrakizay. **Tokony ho fanandramana ataoko ny fanandramana voalaza ao amin'ny tenin' Andriamanitra. Ny fivavahana sy ny teny fikasana, ny fitsipika sy ny fampitandremana, dia ahy.** « Voahombo miaraka amin' i Kristy amin'ny hazo fijaliana **aho, ary tsy izaho** intsony no velona fa Kristy no velona **ato anatiko. Fa izay ivelomako** ankehitriny eo amin'ny nofo dia ivelomako amin'ny finoana ny Zanak'Andriamanitra Izay efa tia ahy ka nanolotra ny ainy hamonjy **ahy** » Gal 2 :20 . Rehefa raisin'ny finoana toy izany ny foto-kevitra ny fahamarinana ka voatsakotsakony dia manjary **isan'ny tenany izany, sy hery manosika ho amin'ny fiainana.** {IFM 412. 2}

Teny fikasana atao antom-bavaka sy horaisina ho zava-misy ao amin'ny fiainanao manokana:

“Izay miankina mandrakariva amin' Andriamanitra amin'ny fitokisana tsotra sy vavaka, dia hodidin'ny anjelin'ny lanitra. Izay velona amin'ny finoana an' i Kristy dia hahazo hery sy hasandratra, ho afaka hiady ny ady tsaran'ny finoana ary hamikitra amin'ny fiainana mandrakizay.” {HP 16.7}

ANDRO FAHAVALO

ANTSO AVO

FAMPIDIRANA

Tonga eo amin'ny sisin-tanin'ny mandrakizay isika, velona amin'ny Andro Fanavotana ! Miasa hamita ny fanavotana ny olony Andriamanitra alohan'ny fiafaran'ny tantaran'izao tontolo izao sy ny fahotana. Manana hafatra manokana ho an'izany vanim-potoana izany Andriamanitra :

NY FILAZANTSARA MANDRAKIZAY, miantso antsika

- Hiditra an-daharana eo amin'ny vala famonjena
- Handray anjara hitory amin'ny fahefana sy hery io hafatry ny famindrampo farany io.

ZAVA-KENDRENA SY ANATOM- BAVAKA

1. Ny votoatin'ny antso: HERY MIFANANDRINA SY RANONORANA FARANY

- Ny ahatsapana fa tafiditra ao amin'ny fizarana hoe **Hery Mifanandrina** no misy ny hafatry ny andro farany napetraka hotorian'ny zanany sisa, ao amin' ny Apok 14.6-12, ilay antsoina amin' ny fiteny mahazatra hoe « **Ny hafatry ny anjely telo** ».

- Fa hafatra maika io, hotoriana amin' ny feo avo, hitondra fahazavana ho an'izao tontolo izao. Avy ao amin' ny Fitoerana masina no mampahazava ny hafatry ny famindrampo farany.
 - Fa avy ao ihany koa no hanolorana ny hery sy fahefana ho an'ireo ireo anjely iraka : **ny Ranonorana Farany.**

2. ANTISO HIDITRA AN- DAHARANA

Ny fotoana rehetra teo aloha dia antsom-pitiavana hidirantsika an-daharana :

- Handray ny FILAZANTSARA mandrakizay ho an'ny tenantsika,
- Hizara io FILAZANTSARA mandrakizay io amin' ny olona rehetra.

NY FILAZANTSARAN' NY HAFATRY NY ANJELY TELO

« Nomen' Andriamanitra antsika ny fahazavana mikasika ny zavatra maka toerana ankehitriny, ary, ankehitriny, dia tokony hitory amin'izao tontolo izao, amin'ny alalan'ny penina sy ny feo isika, ny amin'ny fahamarinana. Fa ny fiainan' i Kristy ao amin'ny fanahintsika ihany, ny foto-kevitra miasa avy amin'ny fitiavana izay zarain'ny Fanahy Masina ihany no hampisy vokany ny teny ambarantsika . Ny fitiavan' i Kristy no hery sy fahefana eo amin'ny hafatra rehetra ho an' Andriamanitra avy amin'ny molotry ny olombelona. » . {GW 288. }

« Nanankinan' Andriamanitra asa ho tanterahina eto an-tany ny vahoakany. Tokony hotoriana ny hafatry ny anjely fahatelo ary tokony hotarihina ny sain'ny olona hitodika any amin'ny fitoerana masina any an-danitra izay nidiran' i Kristy hanao fanavotana ho an'ny vahoakany. Tokony haroso ny fanavaozana momba ny Sabata. Tsy maintsy harenina ny banga eo amin'ny lalàn' Andriamanitra. Tokony hotoriana avo sy mafy ny hafatra mba handrenesan' ny mponina rehetra eto an-tany ny hafatra fampitandremana. Toky hanadio ny fanahiny ny vahoakan' Andriamanitra amin'ny fankatoavana ny fahamarinana sy hiomana hiseho tsy manan-tsiny eo anatrehany, amin'ny fiverenany. » {1SM 67-68}

« Tokony hotoriana mazava kokoa eo anatrehan'izao tontolo izao ny fanamarinana amin'ny finoana ka haneho mazava ny Mpamonjy nasandratra, ny sorona noho ny fahotan' izao tontolo izao manontolo. Napetrany ho antoka ny fanamarinana amin'ny finoana. Nasainy ny olona handray ny fahamarinan' i Kristy aseho amin'ny fankatoavana ny didin' Andriamanitra rehetra. Betsaka ny olona no tsy mahita an' i Kristy. Tokony hafantoka ny masony eo amin'ny maha-Andriamanitra Azy, ny fahamendrehany sy ny fitiavany tsy miova ho an'ny taranak'olombelona.... Io no hafatra baikon' Andriamanitra hoentina eo amin'izao tontolo izao. Hafatry ny anjely fahatelo izany izay tokony hotoriana ho antso avo, izay tokony hodinihina amin'ny Fanahy Masina mirotsaka be dia be » {TM 91-92}

A. NY ANTOSOM-PITIAVANA : hafatra ho an'ny androntsika

NY	ILAY TANANA NIVARILAVO	NY ANTOSOM-PITIAVANA	VOKANY
----	---------------------------	----------------------	--------

IRAKA			
JONA	NINIVE	Jona 1.2 "...miantsoa ny amin' ny hamelezana azy fa tafakatra eto anatrehako ny fahadisoany"	Ni
AMAF	BABYLONA LEHIBE	Apok 14.6-12 "...nisy anjely nanidina..., nanana filazantsara mandrakizay ...	Ts Iri ar hil

1 - Hafatra voalohany : Apok 14.6-7

1. Matahora an'Andriamanitra,
2. ka omeo voninahitra lzy;
3. fa tonga ny andro fitsarany;
4. ary miankohofa eo anoloan' Izay nanao ny lanitra sy ny tany sy ny ranomasina ary ny loharano.

2 - Hafatra faharoa : " Apok 14.8

"Rava ! rava Babylona lehibe ! izay nampisotro ny firenena rehetra ny divain'ny fahatezerana noho ny fijanganjangany"
 Babylona dia avy amin' ny teny hoe Babela.

⇒ **fikorontanana**, = sary maneho ireo **antokom-pivavahana maro be, diso sy mihemotra ankehitriny.**

⇒ Maneho koa ilay **hera ara-pivavahana**, manan-karena, manana hery miasa mangina, nanova ny lalàn'Andriamanitra ka nijanganjanga amin' ny fampianaran'izao tontolo izao.

3 - Hafatra fahatelo : Apok 14.9-10

"Raha misy miankohoka eo anoloan'ny bibidia sy ny sariny ka mandray ny marika eo amin' ny handriny na eo amin' ny tanany, dia izy koa no hisotro ny divain'ny fahatezeran' Andriamanitra..."

Tadidintsika tsara fa niafara tamin' ny fibebahana ny an'i Jona sy Ninive ary tsy nihatra ny loza.

Tian'Andriamanitra koa ny hamonjy marobe ankehitriny avy ao Babylona lehibe. Izany no nanirahany anao hitondra ny hafatry ny anjely telo ao, eto amin' ny tanàna sy vohitra honenanao io.

Apok 18.4: "Mialà aminy hianareo, ry oloko, mba tsy hiombonanareo ota aminy, ary mba tsy hahazo anareo ny loza manjo azy"

⇒ Eny, tokony hiala avy teo amin' ny korontan'ireo fivavahana isan-karazany ireo isika.

⇒ Tiany hantsointsika hiala eo koa ireo tso-po rehetra, ondrin'Andriamanitra voavily lalana any amin' ny tsy izy.

Izany no mahatonga ny ivon'ny hafatra

- ho "ILAY FILAZANTSARA MANDRAKIZAY",
- ho antsom-pitiavana

« Efa lasa dia lasa ny fotoana hanentanana antsika hikatsaka ny fahamarinana sy handraisana an' i Kristy ho sakazantsika. Tsy tokony ho izay anefa no tena antony. Mamofompona fitiavan-tena izany. Iaina ve ny hanehoana eo anoloantsika ny andron'i Jehovah mampihorohoro vao ho voahetsika hanao ny tsara isika, noho ny tahotra ? Tsy tokony ho izany no izy. Manintona Jesosy. Feno fitiavana Izy, famindram-po sy fangorahana. Te-ho sakaizantsika Izy sy hiara-mandeha amintsika manaraka iny lalana vatoina eo aamin'ny fiainantsika iny. Tombon-tsoa ho antsika ny hiara-dia amin' i Jesosy, tony, toy ny mpisakaiza sambatra, isan'andro amin'ny fiainantsika. » {TMK 320

Hira sy Vavaka: Ny handraisana io hafatry ny fitiavana io ho an'ny tena manokana

Antso Avo sandoka :

«Manangana antoko Andriamanitra hitondra ho antso avo ny hafatry ny anjely fahatelo. Mikasa ny hamorona vinavinan-kevitra vaovao izao i Satana hampivily ny saina tsy ho eo amin'ny tena asa sy tsy ho eo amin' ny tena hafatra ho amin'izao andro izao. Hetsehiny ny saina handray diso ny Soratra Masina, ho antso avo sandoka, mba ho very ny maha-izy ny tena hafatra rehefa hampandrenesina izany . Izay no anisan'ny porofo mazava indrindra fa tsy ho ela dia ho renesina ny antso avo ary ho heniky ny voninahitr'Andriamanitra ny tany. » . { 3SM 410)

B. NY FILAZANTSARA MANDRAKIZAY Apok 14.6-12

1 - Filazantsara mandrakizay ao amin' ny hafatra voalohany

a. Matahora an'Andriamanitra :

= Fil 2.12 "Koa amin'izany, ry malalako, tahaka ny nanekenareo mandrakariva, tsy fony teo aminareo ihany aho, **miasà amin' ny tahotra sy ny hovitra hahatanteraka ny famonjena anareo**"

"Mifandrindra amin' ny io fanandramana io ny baiko manao hoe : "miasà amin' ny tahotra sy ny hovitra hahatanteraka ny famonjena anareo. Fa Andriamanitra no miasa ao anatinareo, na amin' ny fikasana, na ny fanaovana hahatanteraka ny sitrapony".

"Tsy MIBAICO anao Andriamanitra hatahotra sao tsy hahatanteraka ny teny fikasany IZY, sao ho sasatra ny faharetany na tsy ho ampy ny famindrampony.

- Fa matahora kosa, sao tsy ho voatana hilefitra eo amin' ny sitrapon'i Kristy ny sitraponao, sao ireo lafin-toetra nolovaina sy nokolokolina no mifehy ny fiainanao. "Andriamanitra no miasa na ny fikasana na ny fanaovana hahatanteraka ny sitrapony".

- Matahora sao misalovana eo anelanelan'ny fanahinao sy Ilay Tompon'ny asa lehibe ny IZAHO.

- Matahora sao ny sitrapon'ny tena no hanimba ilay fikasana ambony izay irin'Andriamanitra ho tanteraka amin' ny alalanao.

- Matahora sao matoky ny tenanao ianao ;

- Tandremo sao esorinao tsy ho tantànan'i Kristy ny tànanao, ka hizotra amin' ny lalan'ny fiainana lavitra ny fanatrehany ianao" (HF 134. 2)

b. ka omeo voninahitra Izy :

Rom 4.18-25: "Ary na dia efa tsy nisy nanantenana aza, dia nanantena ihany izy (Abrahama) ka nino, mba ho rain'ny firenena maro; araka ny voalaza hoe: "Ho tahaka izany ny taranakao" (Gen.15.5).

- 4.19 - Ary satria tsy mba nalemy finoana izy, dia nihevitra ny tenany izay efa hoatra ny maty (fa efa tokony ho zato taona izy), sy ny fahafatesan'ny kibon'i Saraha,

4.20 - ary tsy niahanahana ny amin'ny teny fikasan'Andriamanitra tamin'ny tsi-finoana izy, fa nampaherezin'ny finoana ka nanome voninahitra an' Andriamanitra

4.21- ary natoky indrindra fa izay nolazainy dia hainy hatao koa.

4.22 - Dia nisaina ho fahamarinany izany.

4.23 - Nefa tsy ho azy ihany no nanoratana fa nisaina ho azy izany,
4.24- fa ho antsika izay hanisana izany koa, dia isika izay mino Ilay nanangana an'i Jesosy Tompontosika tamin'ny maty,
4.25- Izay natolotra noho ny fahadisoantsika ka natsangana indray ho fanamarinana antsika.

Vavaka: Apetrao amin' ny an'Andriamanitra ny ady handresena ny fahotana (na ny fanamarinana, na ny fanamasinana) = omeo voninahitra izany fikasany tsara izany, fa izay no iriny.

d. fa tonga ny andro fitsarany :

- Eo amin' ny fitsarana dia **omena rariny ny olo-masin'ny Avo Indrindra.**

- Omena satria tsy manana, fa mpanota
 - Omena satria efa nahatanteraka ny fahamarinana ilain'ny lalàna tao amin' ny nofony i Kristy (Rom 8.3,4). Ka afaka manamarina izay mandray Azy ho Mpisolo Izy.
- Ny finoana no tànana ara-panahy handraisantsika izany ;
- Ny Fibebahana sy ny Fiaiken-keloka no fanehoana hita maso izany finoana izany.

ILAY AMENA = MPITSARA = MPISOLOVAVA = VAVOLOMBELONA MAHATOKY SY MARINA no manome izany rariny izany ho an'ny olo-masin'ny Avo Indrindra. ZO azy samirery izany.

- Heb 9.11,12 “Fa Kristy kosa, rehefa tonga ho Mpisoronabe... , ary ... nitondra ny ran'ny tenany, dia niditra indray mandeha ho any amin' ny fitoerana masina ka **nahazo fanavotana mandrakizay**”

Heb 9.24 “Fa Kristy ... niditra... ho any an-danitra tokoa, **mba hiseho eo anatrehan'Andriamanitra ankehitriny ho antsika**”

e. ary miankohofa eo anoloan' izay nanao ny lanitra sy ny tany sy ny ranomasina ary ny loharano : Ny Sabatan'i Jehovah

- Andro fitsaharana sy firavoravoana ary fitahiana vaovao,
Gen 2.3, Eks 20.8-11, 35.2 ; Lev 23.1-3; Heb 4.4; Isaia 58.13-14
- Fanafahana Deot 12.15
- Famonjena Heb 4.9-11

- Fanamasinana Eks 31.13 ; Ezek 20.12
- Fahatokiana Apok 14.1-1

Raisina amin' ny io antso io, ary atao antom-bavaka

- Ny hitsahatra tsy hitady ny famonjena amin' ny vaha-olana maha-olona mpanota,
- Fa mandray ny fanavotana sy ny fanafahana avy amin' ny Andriamanitra.

_2 – Ny hafatry ny filazantsara ao amin' ny hafatra faha-2 sy faha-3. Ny taloha no miverina : Jona = AMAF

a – Ho an'i Jona

Jona 1.2 “Mitsangana, mankanesa any Ninive, ilay tanàna lehibe, ary miantsoa ny amin' ny hamelezana azy, fa tafakatra eto anatrehako ny faharatsiany”

Jona, avy tany amin' ny lalin'ny fandavana ny iraka, nandray tamin'ny finoana ny Famelan-keloka, no nomena HERY sy FITIAVANA **handeha hanaparitaka io antso io tamin' ny toe-panahy hamonjy.**

→ Nitondra famonjena ho an'i Ninive ny hafatra.

b - Ho an'ny AMAF

Apok 14.8 “Rava ! rava Babylona lehibe ! izay nampisotro ny firenena rehetra ny divain'ny fahatezerana noho ny fijanganjangany”

Apok 14.9-10 “Raha misy miankohoka eo anoloan'ny bibidia sy ny sariny ka mandray ny marika eo amin' ny handriny na eo amin' ny tănany, dia izy koa no hisotro ny divain'ny fahatezeran' Andriamanitra...”

« Ny fampitandremana loza indrindra tsy mbola natao ho an'ny olombelona mety maty no voarakitra ao amin'ny hafatry ny anjely fahatelo. **Fahotana loza indrindra izany mahatonga ny fahatezeran' Andriamanitra, tsy miaro famindram-po izany. Tsy azo avela ao amin'ny haizina ny olona mikasika io zava-dehibe io.** Tsy maintsy hoentina eo amin'izao tontolo izao ny fampitandremana momba ny fahotana dieny tsy mbola manomboka ny fitsaran' Andriamanitra, mbaahafantaran'ny rehetra ny antony hanamelohana azy sy ny ahafantarany ny fomba ahafahana amin'izany. Milaza ny faminaniana fa hitory amin'izay rehetra monina ambonin'ny tany ny anjely voalohany, sy amin'ny firenena sy ny fokom-pirenena sy ny samy hafa fiteny ary ny olona rehetra ». tsy ho latsa-danja noho izany ny hafatry ny anjely fahatelo izay fizarana fahatelo ny hafatra voalohany ihany ». {GC 449-450}

AMAF mandray amin' ny finoana Famelan-keloka avy ao Fitoerana Masina Indrindra, Naneho izany tamin' ny Fibebehana sy Fiaiken-keloka, **no iraka ho tafiana HERY sy FAHEFANA hizara izany amim - pitiavana hamonjy amin' ny faritra misy azy avy.**

→ Hitondra famonjena ho an'ny maro izany.

II – NY FAHEFANA SY HERY AVY AO amin' ny FITOERANA MASINA HAMITAN'NY IRAKA NY FITORIANA NY HAFATRY NY ANJELY TELO.

A. NY HERY NANOMBOHAN'NY FIANGONANA VOALOHANY NY ASA

1. Vitany ny anjara-fanompoana napetraka tamin' ny ireo mpianatra voalohany

- Lioka 24.49 + Asa 1.5 “.. Fa ianareo kosa hatao batisa amin' ny Fanahy Masina, rehefa afaka andro vitsivitsy”
- Asa 1.8 “Fa hahazo hery ianareo amin' ny hilatsahan'ny Fanahy Masina aminareo, ary ho vavolombeloko any Jerosalema sy eran'i Jodia sy Samaria ary hatramin'ny faran'ny tany”

2. Taranaka iray monja

« Notontosain'ny mpianatra tanteraka ny adidy natolotr'i Kristy azy ; ka raha nampiely vaovao mahafalin'ny famonjena izy, dia namirapiratra teo amin' ny olona nihoatra lavitra noho ny teo aloha ny voninahitr'Andriamanitra. **Noho ny fanampian'ny Fanahy Masina no nahazoany nanatontosa ny asa izay nampihozongozona an'izao tontolo izao.** Tao anatin'ny taranaka iray monja dia voatory tany amin' ny firenena rehetra ny filazantsara » {VM, p.527.2}

⇒ **Na Pentekosta na tsy fahombiazana !**

B. NY HERY HAMITAN'I LAODIKIA NY ANJARA ASA FANOMPOANY

1. Tsy mora ny asa

- “Indro ny aizina manarona ny tany “
- Satana romotra mampilahatra ny tafiny

- Ny tany simba:
eo amin'ny fiaraha-monina
eo amin'ny fiainam-pivavahana
eo amin'ny toe-karena
eo amin'ny fahasalamana
eo amin'ny fitondran-tena

2. Ho antsika tahaka ireo mpianatra voalohany ny teny fikasana

- Apok 18.1-4 « Ary rehefa afaka izany, dia hitako fa, indro, nisy anjely iray koa nidina avy tany an-danitra, **NANANA FAHEFANA LEHIBE**; ary ny tany nohazavain'ny voninahiny. Ary **NIANTSO Tamin' ny FEO MAHERY** izy ka nanao hoe : Rava ! rava Babylona lehibe !.....Ary nahare feo iray koa avy tany an-danitra aho nanao hoe : Miala aminy hianareo, ry oloko.... »

« Nampanantena ny fanomezana ny Fanahy Masina ho an'ny fiangonany i Kristy, ary **ho antsika tahaka ireo mpianatra voalohany ny teny fikasana....** » {FFF, p.62/2}

“Hanana vahoaka ny Tompo izay tena izy tahaka ny vy, ary **manana finoana tahaka ny vatolampy** . Ho vavolombelony ireo eto amin'izao tontolo izao, ho fitaovana ho Azy hanao asa manokana, be voninahitra amin'ny andro fanomanana”. {4T 594.3}

“Tokony hivavaka amin'ny fomba manokana ny tsirairay ny mba hanaovan' Andriamanitra batisa amin'ny fatra betsaka amin'ny Fanahiny ireo ambasadaoro nofidiny ho any amin'ny sahan'ny misiona. Ny fanatrehan'ny Fanahy eo amin'ny mpiasan' Andriamanitra dia hanome herin'ny fitoriana ny fahamarinana izay tsy hain'ny voninahitra na ny laza rehetra eo aminizao tontolo izao omena”. {VM 46.1}

« Miandry Kristy sady maniry mafy indrindra ny hahita ny fanehoana ny toetrany eo amin' ny fiangonany. Rehefa hita tanteraka eo amin'ny vahoakan'ny toetran' i Kristy, dia ho avy Jesosy hitaky azy ho fananany .“{HF 47.4 }

“Lehibe sy manan-danja ny asa nankinina tamintsika, mitaky lehilahy tsy mihevitra ny tenany, lehilahy mahafantantra izany hoe manolon-tena hanao asa feno fitiavana ny amin'ny atao hoe famonjem-panahy »
« Tsy afaka hanao izany fanompoana izany ny olona matimaty, satria tsy azon' i Kristy ampiasaina . Mila lehilahy sy vehivavy manana fo voatohin'ny fahorian'ny olombelona ary manana fiainana maneho fa mandray sy mizara fahazavana, sy aina ary fahasoavana »: { 9T26}

➔ Homen'ny lanitra fahefana lehibe sy feo mahery ireo hamita ny hafatry ny anjely telo. Ny Mpisoronabe ao amin' ny Fitoerana Masina Indrindra no hanatanteraka izany ho an'izay mangataka.

3. Ankehitriny:

« Toe-javatra mbola ho avy no fitazanana ny fidinan'ny Fanahy Masina eo amin' ny fiangonana ; nefa **tombotsoa ho an'ny fiangonana ny mandray izany**

ankehitriny. Katsaho izany, ataovy tonom-bavaka, inoy. Tsy maintsy mahazo izany isika, **ary miandry ny lanitra hanome izany**. = {Evangelism, 701 } {FFF, 61/4-5}

“Amin'izao ora izao indrindra dia **ho an'izay rehetra mila izany sy mandray amin' ny teniny ny Fanahy sy ny fahasoavana** » {Christian.Service, 250}

“....**izao no fotoanan'ny Ranonorana Farany**, izay hanomezan'ny Tompo be dia be ny Fanahiny...= {Testimonies to Ministers and Gospel Workers, 512} { FFF, 63/6}

4. Addintsika

« Raha tsy mandroso isika, raha tsy miomana handray ny ranonorana voalohany sy ranonorana farany, dia hamery ny fanahintsika isika, ary tompon'andraikitra irery ny amin' ny izany. » {RH, 2 mars 1897}

« Zak 10.1 « Mangataka ranonorana amin' ny Jehovah amin' ny andro faraoana »

Hoeritreretina sy atao am-bavaka: Aza mionona fotsiny hilaza fa tsy maintsy ho tonga ny orana amin' ny fotoanany. Mivavaha mba ho avy izy. ...Andeha hitady ny fitiavan'Andriamanitra amin' ny fonsika rehetra raha irintsika ny handray ny ranon'andon'ny fahasoavany. »

III. FAMPIHARANA : MIOMBONA ASA amin' ny KRISTY : Hitory ny hafatry ny famindrampo farany

A. FILAZANTSARA HO AN' NY MAMBRA AO LAODIKIA

1. Raisina sy ekena feno ny hafatry ny anjely telo **amin' ny maha-filazantsara mandrakizay azy (Apok 3.14-20)**

2. Raisina daholo ireo fanafody asetriny ny fahantrantsika:

- Finoana voasedra
- Fahamarinan-toetran' i Kristy
- Fahatsilovan-tsaina avy amin'ny Fanahy

3. Zaraina ho an'izao tontolo izao ny filazantsara mandrakizay, hafatry ny anjely telo:

“Logo” advantista sy ny hafatry ny anjely telo :

- Iraka miodidina ny tany homban'ny herin'ny Fanahy Masina
- Mitondra ny tenin'Andriamanitra, ny filazantsara mandrakizay
- Mitondra an'i Jesosy amin' ny endriny rehetra

4. **Mandray ny Fanahy Masina** izay nahatonga ny mpianatra voalohany ho vavolombelon'i Kristy. Nandroso nitombo ny velaran'ny saha niasany :

- Tao Jerosalema aloha
- Dia tany Jodia

- Dia tany Samaria : io tany izay sady jiosy no hafa firenena koa no tetehezana nanohizana nankany amin' ny jentilisa ;
- Ary farany hatrany amin' ny faran'ny tany.

Atao antom-bavaka sy fanoloran-tena io andraikitra ny fiangonana io. Tahaka ny nanirahan'Andriamanitra an' Kristy hanefa ny adidiny teto amin' ny izao tontolo izao, no hiantsoana ny fiangonana koa handray anjara amin' ny izany asan'Andriamanitra izany. ... Hijoro eo anatrehan'izao tontolo izao no anirahana antsika.

B. TENA TSY MAINTSY ILAINA

1. Jesosy sy ny mpianany:

“Niezaka nampahafantatra ireo mpianany Jesosy fa tena tsy maintsy ilaina ny fandraisana ny Fanahy Masina. Fitaovana sarobidy izany. **Tsy maintsy ho tonga ny Pentekosta ! Fa na Pentekosta na tsy fahombiazana. Izany no fandaminan'i Kristy hitoriana tamin' ny izao tontolo izao tamin' ny taona faha-33.**” Robert Folkenberg.

2. Tsiambaratelon'ny fahombiazana

Nanaraka ny tari-dàlany izy ireo. Nomena azy ireo ny Fanahy Masina nampanantenaina. Tonga ny Pentekosta, tao anatin'ny fahasoavany sy ny voninahiny (Asa 2.1-4). Vita tao anatin'ny 30 taona ny baikon'ny Tompony. Ny Pentekosta niaraka tamin' ny herin'ny Fanahy Masina no tsiambaratelon'ny fahombiazany.

3. “Fahamarinana ankehitriny” ho antsika

Ny baikon'i Jesosy ho an'ny mpianany ho entina ho an'ny vahoakan'Andriamanitra dia ny “fahamarinana ankehitriny” (= ny filazantsaran'ny famonjena = ny Hafatry ny Anjely 3). **Goavana ny haika manoloana antsika. Tsy efan'ny maha-olona ny fanatanterahana izany adidy lehibe izany. Mila ny fanampiany isika, toy ireo mpianatra roarivo taona lasa izay.** {Témoignages aux prédicateurs p.512}.

4. Na Pentekosta, na tsy fahombiazana.

“**Mitovy tamin' ny izay nisy tamin' ny taona faha-33 ihany ny fandaminan' Andriamanitra ankehitriny : ny fandraisan'ny fiangonana sisa ny Fanahy Masina, ao anatin'ny herin'ny Ranonorana Farany.** Tsy hahomby ny fandaminana mahafaobe ataontsika raha tsy resy lahatra toy ny fiangonana Apostolika isika, fa na Pentekosta, na tsy fahombiazana. Ny herin'ny Fanahy Masina ihany no hitondra antsika handamina amim - pahendrena sy hanatontosa amin' ny fahombiazana.” Robert H. Pierson

Hoeritreretina sy hoentina am-bavaka ny faharesen-dahatra momba izany: “**Ny firotsahan' ny RANONORANA FARANY no hanome hery hitoriana ny hafatr'Andriamanitra ho an'ny andro farany amin' ny ireo olon'ny taonjato materialiste, mpanompo sampy na kristiana tsy miraika**”. Robert H. Pierson

IV. FITAOVANA HIASANA

A. FITAOVANA FITORIANA :

1. **Antso Mafy**, Antso Farany, Ny tsiambaratelon'ny Fahasambarana

Lesona fito mifototra amin'ny Fanamarinana amin'ny finoana

- Misy fianarana ifampitondrana (cours par correspondance),
- Misy trakta, mamintina io fianarana eo ambony io, azo ampiasaina mamangy tokantrano ary mampianatra izany. Misy amin'izay ny fifaneraserana akaiky mampihavana.
- Misy k7 mirakitra io leson'ny Antso Mafy io, azo atao fanomezana na iarahan'ny vondron'olona mihaino.

2. Fitaovana hafa

- Rouleau d'images
- Multi média, sns ...
- Hira : famoronana hira mitory ny hafatry ny famindrampo farany,
- Antsa-panahy = Antso Avo an-kira : mihira ireo hafatry ny filazantsara ranofotsiny.

B. FANDAMINANA NY GROPY HIARA-MAMANGY TOKANTRANO :

1. Faritra mazava nofidin'ny fiangonana, ka tsinjaraina isan-tokatrano ho an'ny gropy. Tsy hasiana trano voadingana.
2. Samy hanaovana ny lesona efa voamana avokoa ny isan-tokatrano vangiana.
3. Mandeha gropy tsi-roaroa na tsi-telotelo
4. Samy mandamina ny fotoana mety amin' ny ilay tokantrano vangiana ny gropy aorian'ny famangiana voalohany.
5. Vorian'ny amin' ny toerana iray hanovana kaoferansa rehefa maro no nahavita ny lesona fito.
6. Hanaovana antso ho amin' ny kilasin'ny batisa

D. IZA NO HANDEHA HO IRAKAY ?

1. **Isaia 6.1-6**

“Lozako ! Maty aho ! Fa lehilahy maloto molotra, ...

Ary natehiny ny vavako ny vainafo, ka hoy Izy : Indro, efa nitehika tamin' ny molotrao. ka dia afaka ny helokao, ary voavela ny fahotanao. ...

Ary nandre ny feon'ny Tompo aho nanao hoe : Iza no hirahiko, ary iza no handeha ho irakay ?

Dia hoy aho : inty aho, iraho aho.”

Isaia nahatsapa ny mahatsinontsinona azy, niaiky izany : lozako ! hoy izy. Nanaiky ny fanadiovana famelan-keloka avy any an-danitra.

== >Namaly antso izy : inty aho, iraho aho.

2. **Mila anao hamaly toy izany koa Andriamanitra androany. Iza no hirahiko, ary iza no handeha ho irakay ?**

- Loholona/Filoha-tsampana/Fiangonana/Ny tanora/Ny ankizy/Ny rehetra

Asiana vavaka fanoloran-tena manamarika izany.
Hira ary fijoroana ho vavolombelona.

E. VY VERY

1. Hitory ny teninao amin'ny fahasahiana rehetra

“Koa ankehitriny, Tompo ô, jereo ny fandrahonany; ary **omeo anay mpanomponao ny mba hitory ny teninao amin'ny fahasahiana rehetra**” Asa 4.29.

:

2. Mila ny fotoanantsika izany : handeha hitety tokantrano isaky ny fotoana iombonan'ny fiangonana sy isaky ny fotoana omen'ny Tompo anao manokana

3. Mila vola koa izany hividianana ireo fitaovana hiasana, atao saran-dàlana raha ilaina izany, hanorenana fiangonana, sns, ...

Vy Very = tamin'ny ady tany aloha, lefona vy natoraka ny fahavalo ka very any tsy miverina aminao = fahafoizana no dikany andraisana azy ankehitriny, fahafoizan-tena.

Miantso antsika hanao izany fanandramana izany koa ny Tompo. Hisy valopy hozaraina androany ary hangonina amin'ny fomba manokana amin'ny Sabata farany.

Ho entintsika amim-bavaka isam-pianakaviana ny fanomezana fanoloran-tena hatao amin'izany. Hitsinjovana ny fandanianana maika rehetra sy ny asa ho avy.

Vavaka: handraisany ny fiangonana ny Hafatry ny Anjely telo, hanam-paniriana handray ny herin'ny Ranonorana farany ho zava-misy ao amin'ny fiainam-piangonana, ka hilatsaka ho ao amin'ny Tafika hamita ny asa.

ANDRO FAHASIVY

NY TOMBO - KASEN' ANDRIAMANITRA VELONA

ZAVA-KENDRENA SY ANATOM-BAVAKA:

Ny safidiko hanaiky ho ahy ny tenin'ny Filazantsara rehetra
Ny safidiko hentitra sy voalanjalanja hiandany amin' i Jehovah
Sy ny handraisako ny tombon-kasen' Andriamanitra velona
Izao isika tonga indray eo amin'ny sisin-tanin'ny mandrakizay

FITARIHAN-TENY :

Misy fanapahan-kevitra ho an'ny mandrakizay, safidy tsy maintsy hatao, ho hankatoavin'ireo anjely irak' Andriamanitra hanisy tombon-kase ny handrin'izay nisafidy ny hiandany Amino.

Antontan-taratasy no dinihina eo amin'ny fitsarana
Rehefa mivoaka ny didim-pitsarana farany dia apetaka ny tombon-kasen' Andriamanitra hanan-kery ny didy navoaka.

Ny FILAZANTSARA dia faneken' Andriamanitra ny safidiko izay ho anjarako ho mandrakizay ary miankina amiko izany.

« Tsy firavoravoana ara-tsaina tsy akory ny fahamasinana, fa fileferana tanteraka amin'ny sitrapon'Andriamanitra. Fanaovana ny sitrapon'ny Raintsika any an-danitra izany. Finoana an' Andriamanitra izany rehefa mihatra ny fitsapana, na mikitroka na mamiratra ny andro. Fandehanana amin'ny finoana izany fa tsy amin'ny fahitana izany ao anatin'ny fahatokiana tanteraka, mitoky amin'ny fitiavana ». { OFC 74 }

I. MIFARANA NY ANDRO FANAVOTANA

A. NY FANISIANA TOMBON-KASE

1. Anjely mihazona ny rivotra tsy hitsoka amin'ny tany

« Rehefa afaka izany, dia hitako fa, indreo, nisy anjely efatra nitsangana teo amin'ny vazan-tany efatra, nihazona ny rivotra efatra amin'ny tany, mba tsy hisy rivotra hitsoka amin'ny tany, na amin'ny ranomasina, na amin'ny hazo akory aza.” Apok 7: 1

Hoeritreretina: Manao ahoana ny fitsoky ny rivotry ny korontana eran-tany ? Inona no dikan'izany?

B. «VITA »

1 . Tatitra fa vita ny asan'ny anjely

« Nahita anjely niolomay hatraiza hatraiza aho tany an-danitra. Nisy anjely iray nitondra fitoeran-dranomainty teo am-balahany niverina avy ety an-tany ka nanao tatitra tamin'i Jesosy fa vita ny asany, fa efa voaisa ny olo-masina sy voaisy toambo-kase. » { *Testimonies to Ministers and Gospel Workers*, p.444 , 445. }

2. Ny asa fanompoan'i Jesosy tao amin'ny Fitoerana Masina

« Dia nahita an'i Jesosy aho, izay efa avy nanao fanompoana teo anoloan'ny fiara misy ny Didy Folo, nanipy ny fandoroana ditin-kazo manitra teny Aminy. Nanandratra ny tanany IZY, ka niteny tamin'ny feo mahery hoe : VITA” . { *Testimonies to Ministers and Gospel Workers*, p.444 ,445 }

- VITA ny asa fanelanelanana
- VITA ny famelan-keloka
- VITA ny fanavotana
- VITA ny fitsarana
- Tapitra ny androm-pahasoavana

“Tsy maintsy miasa isika dieny atoandro, fa rehefa tonga ny alin'ny zava-tsarotra sy ny tebiteby, dia ho diso aoriana ny hiasana ho an' Andriamanitra. Ao amin'ny tempoliny masina izao Jesosy ary hanaiky ny fanatitra entintsika, ny

fivavahana, sy ny fiaikentsika ny hadisoantsika ka hamela ny fahotan'Isiraely rehetra, mba hovoakosoka izany alohan'ny hivoahany ny Fitoerana masina.” {EW 48.1}

Vavaka: Fisaorana noho ny ho fahavitan'ny fanavotana antsika

II - NY TOMBON-KASEN'ANDRIAMANITRA VELONA

A . ASA FARANY:

“Ary hitako fa, indro, nisy anjely hafa koa, niakatra avy tany amin'ny fiposahan'ny masoandro, nanana ny fanombohan-kasen'Andriamanitra velona; ary izy niantso ny anjely efatra izay navela hanimba ny tany sy ny ranomasina tamin'ny feo mahery nanao hoe:

Aza manimba ny tany, na ny ranomasina, na ny hazo, mandra-panisinay tombon-kase eo amin'ny handrin'ny mpanompon'Andriamanintsika. Ary nahare ny isan'izay voaisy tombon-kase aho : efatra arivo amby efatra alina amby iray hetsy no voaisy tombon-kase avy amin'ny firenen'ny Zanak' Isiraely rehetra. » Apok 7 : 2-3

Tapitra ny androm-pahasoavana

« Rehefa tonga ny andro fahoriana, ka tapaka ny ho anjaran'ny tsirairay, dia tsy hisy fotoam-pahasoavana intsony, tsy misy intsony famindrampo ho an'izay tsy nibebaka. Efa nandray ny tombon-kasen' Andriamanitra velona ny olony. Tsy afaka miaro ny tenany mandritra ny ady mangotraka amin'ny herin'ny tany izay tarihin'ilay dragona izy ireo, fa Andriamanitra no aro ho azy. » {5T 212.5}

B. INONA?

1. Ny fitaovana fanombohan-kase: Ny lalàna sy ny Sabata

- Mitaratra ny fahanterahan' Andriamanitra Salamo 19: 7-9
- Mitaratra ny asa manavao ataon'ny Fanahiny Ezek 46:26, 27

2. Marika azon'ny anjely vakiana

“Inona ny tombon-kasen' Andriamanitra velona izay eo amin'ny handrin'ny olony? Marika azon'ny anjely vakiana izany, fa tsy azon'ny mason'ny olombelona vakiana, satria tsy maintsy ho hitan'ny anjely mpandringana ny mariky ny fanavotana.... Mitafy ny akanjo fitondra amin'ny fampakaram-bady izy ireo, ka mankato ny didin' Andriamanitra rehetra sy mahatoky”. (Letter 126, 1898). {7BC 968.13}

« Hampifandrindra ny endriky ny fiainany rehetra amin'ny sitrapon' i Jesosy izay rehera tia Azy. » {9T 23}

« Tokony hasehony fa misy hery ara-panahy izay ahazoan'ny lehilahy sy ny vehivavy tsy hihataka amin'ny fahamarinana sy ny hitsim-po na dia voatondro iray aza, ho setry ny haren-tsarobidy rehetra azo atolotra azy. Ny olona toy izany, na aiza na aiza misy azy, dia homen'ny lanitra voninahitra satria nampifanaraka ny

fiainany tamin'ny sitrapon'Andriamanitra ary tsy niasalasa ny amin'izay nantsoina ataony sorona. { 9T 24}

“Io asa io, izay tanterahin'ny anjelin'Andriamanitra sy ny FANAHY MASINA, dia fanoratana ny foto-kevitra ny lalàn'Andriamanitra - anisan'izany ny didy fahefatra – eo amin'ny fiainan'ny fanahy milefitra tsirairay. » {FFF, p.51/1}

3. Tombon-kasen' Andriamanitra sa mariky ny bibidia

- Ny tombon-kase sy ny Didy

“Betsaka no tsy handray ny tombon-kasen' Andriamanitra satria tsy mitandrana ny didiny na mitondra ny vokatry ny fahamarinana”. (Letter 76, 1900). {7BC 970.5}

- Ny mariky ny fanendren' Andriamanitra

(Eks. 12:7, 12, 13; Eze. 9:4; 20:12, 20.)

“Nametraka mariky ny rà teo amin'ny varavarany ny Israeliana, hanehoana fa fanananan' Andriamanitra izy Ny zanak' Andriamanitra amin'izao andro izao koa dia hitondra ny famantaran'ny fanendren' Andriamanitra. Hitoetra eo amin'izay hirindrany amin'ny lalàn' Andriamanitra masina izy. Misy famantarana napetraka eo amin'izay olon' Andriamanitra rehetra tahaka ny nisian'ny famantarana teo amin'ny varavarany tranon'ny Hebreo, hiaro ny olona tsy ho tratry ny loza manenika hatraiza hatraiza izany. Izao no nambaran' Andriamanitra: “Ary nomeko azy koa ny Sabatako ho famantarana ho Amiko sy ho aminy, mba ho fantany fa Izaho Jehovah no manamasina azy” (RH Feb. 6, 1900). {7BC 968.14}

- Ny Sabata sandoka

“Ny Sabata no fisedrana lehibe indrindra ny fahatokiana; satria io no fahamarinana isehoan'ny fifanolanana amin'ny fomba manokana. Rehefa hampiharina amin'ny olona ny fisedrana farany, dia hisy tsipika mazava hampisaraka izay manompo an' Andriamanitra sy izay tsy manompo Azy. Raha ny fitandremana ny sabata sandoka no fanekena ny lalàm-panjakana, izay manohitra ny didy fahefatra, ary fiaikena ny fiandiana amin'ny fahefana manohitra an'Andriamanitra, ny fitandremana ny Sabata marina kosa, dia fankatoavana ny lalàn' Andriamanitra, dia porofo mazava ny toetra mahatoky amin'ny Mpamorona. Ny antokon'ny olona iray, izay manaiiky ny famantarana amn'ny fileferana amin'ny fahefana eto an-tany, dia mandray ny mariky ny bibidia, ny iray kosa, izay mifidy ny famantarana ny fahefan' Andriamanitra, dia nandray ny tombon-kasen' Andriamanitra”. {HM 631.2}

4. Tsy fanapahan-kevitra an-jambany:

“Nefa tsy nisy olona na dia iray aza natao hiharan'ny fahatezeran' Andriamanitra raha sy efa nabaribary tsara tamin'ny saina amam-pieritreretany ny fahamarinana, anefa notsipahiny. Betska no tsy mbola nanam-potoana mihitsy nandrenesana ireo fahamarinana manokana ho amin'izao andro izao. Tsy mbola naseho teo anatrehany mihitsy araka izay tena toetrany ny maha-tsy maintsy hankatoavana ny didy fahefatra. Ilay mamaky ny ao am-po tsy miloaka ao amin'ny tsirairay sy misedra ny toe-tsaina manetsika antsika dia tsy hamela ny olona iray aza

maniry hahalala ny fahamarinana ho voafitaka ny amin'ny hiafaran'ny ady. Tsy hampiharina an-jamba amin'ny olona tsy akory ny didy. Tsy maintsy samy hahazo fahazavana ampy ny tsirairay mba hanapahany hevitra amin'ny saina mahiratra" {HM 631.1}

« Ny safidy izay ataontsika amin'ity fiainana ity no hanapaka ny ho mandrakizay manontolo. Na ny fiainana mandrakizay no horaisintsika na ny fahafatesana mandrakizay. Tsy misy anelanelany, na andrana faharoa. Mangataka antsika handresy tahaka ny nandresen' i Kristy Andriamanitra, hiarahantsika mipetraka amin'ny Mpamonjy eo amin'ny seza fiandrianany. » {YI 5-9-1901, 148. }

5 Ny fanapahan-kevitra

"Tsy maintsy hisy fanapahan-kevitra lehibe horaisina na handray ny mariky ny bibidia isika na ny tombon-kasen' Andriamanitra. Ary ankehitriny dia eo amin'ny sisin-tanin'ny izao tontolo izao mandrakizay isika, koa inona no ho sarobidy indrindra ho antsika toy ny ho hita mahatoky sy marina amin' Andriamanitra ny lanitra? Inona no homentsika tombam-bidy ambony noho ny fahamarinany sy ny lalàny? {6T 130.2}

Vavaka: Ny handraisako fanapahan-kevitra mazava, amin'ny fo tony ny handray ny tombon-kasen' Andriamanitra velona. Vavaka mangina ataon'ny tsirairay, arahin'ny vavaka amin'ny feo avo elanelan'ny hira.

D. RAHOVIANA?

1. Mino rehefa mandre

Efes 1.13 « Ao aminy koa hianareo, rehefa renareo ny tenin'ny fahamarinana, dia ny filazantsara famonjena anareo,--eny, **ao aminy koa hianareo, rehefa nino, no nasiana tombo-kase tamin'ny Fanahy Masina araka ny teny fikasana.** »

2. Mandritra ny fiainana

« Tsy toetra azo amin'ny fotoana fohy ny herim-po, ny faherezana, ny finoana sy ny fitokisana feno ny herin' Andriamanitra hamonjy. Fanandramana aman-taonany no ahazoana ireo. Ezaka masina mandritra ny fiainana sy famikirana hentitra amin'ny marina no hametrahana tombo-kase eo amin'ny zanak' Andriamanitra. Fakam-panahy tsy hita isa no manafika azy, fantany fa tsy maintsy toheriny amin-kerim-po ireo na ho resy izy. {5T 213.1}

3. Ho tanteraka tsy ho ela amin'ny fiafaran'ny androm-pahasoavana

"Satria mifandray amin'ny isam-batan'olona izany dia manomboka amin'ny andro niovany fo ny asa fanombohan-kase ary miafara ho azy amin'ny fiafaran'ny androm- pahasoavana, na ny fahafatesany, na fiafaran'ny fitsarana famotopotorana.

« Ny fanombohan-kase, izay asa ara-panahy tsy hitan'ny mason' olombelona, dia eo an-dàlam-pahatanterahana ankehitriny ary vetivety dia ho tanteraka, amin'ny fiafaran'ny androm-pahasoavana. »

"Fohy dia fohy ny fotoana fanombohan-kase, ary efa madiva ho tapitra. Izao no fotoana, raha mbola mitana ny rivotra efatra ireo anjely efatra, mba hahazoana antoka ny fiantsoana sy ny fifidianana antsika. » {*Early Writings*, p.58 }

4. Miasa Satana amin'izao fotoanan'ny fanombohan-kase izao

"Mampiasa ny hafetseny rehetra Satana amin'izao fotoanan'ny fanombohan-kase izao hihazona ny sain'ny vahoakan' Andriamanitra tsy handray ny fahamarinana ankehitriny, sy hampihozongozona azy Hitako fa nisy fiarovana narakotr' Andriamanitra ny olony hiarovana azy mandritra ny fotoan-tsarotra, koa ny fanahy rehetra nisafidy ny marina, sy madio am-po, dia ho voarakotry ny fiarovan'ny Tsitoha. Fantatr'i Satana izany, ka niasa tamin-kery izy hihazona ny sain'ny olona maro araka izay azony atao hihozongozona sy tsy hitoetra eo amin'ny fahamarinana."... {SD 342.2}

"Niezaka Satana nampiasa ny fahaizany rehetra hitana azy ireo eo amin'izay misy azy, mandra-pahavita ny fanombohan-kase, mandra-paharakotra ny vahoakan' Andriamanitra tamin'ny fiarovany, ka navela tsy hisy fialofana izy amin'ny fahatezeran' Andriamanitra mirehitra mandritra ny loza fito" {SD 342.3}

« Nahita fiarovana nandrakofan'ny Tompo ny vahoakany aho hiarovana azy mandritra ny fotoan-tsarotra. Nandray ny fiarovan'ny Tsitoha ny fanahy tsirairay izay nanapa-kevitra ho an'ny fahamarinana sy nadio am-po. » {EW 43 }

Vavaka: Mba ho rakofan'i Jehovah amin'ny famindram-pony tsy ho voafitaky ny fahavalo. Vavaka fitalahoana elanelanina hira.

E. IREO FEPETRA

1. Tsy matoky ny fahamarinan'ny tenany

« Izay nandray ny tombon-kasen' Andriamanitra velona ihany no hahazo pasipaoro hiditra ny vavahadin'ny tanàna masina. Betsaka anefa ireo nandray andraikitra mikasika ny asan' Andriamanitra no tsy mino amin'ny fony rehetra ary raha mbola toy izany izy ireo dia tsy ho afaka handray ny tombon-kasen' Andriamanitra velona. Mahatoky ny fahamarinan'ny tenany izy izay isain'i Jehovah ho fahadalàna. (Letter 164, 1909). {7BC 970.1}

2. Ireo tena mpanaraka an'i Kristy marina

« Ankoatr'izany, tahaka ny tombon-kase tsy azo apetraka afa-tsy amin'ny taratasy tena izy marina, dia toy izany koa ny tombon-kasen'Andriamanitra dia tsy azo hapetraka raha tsy eo amin'ny fiainan' ny tena kristiana, eo amin'ny fiainany

voatokana, voasasa tamin'ny ran'i KRISTY sy nohavaozina ho amin'ny fahamasinana araka ny tarigetran'ny lalàn'Andriamanitra » { FFF 54 . }

Kol 2.9, 10 « Fa ao amin'ny tenany no itoeran'ny fahafenoan'ny fomban' Andriamanitra rehetra; ary **hianareo dia tanteraka ao aminy**, sady Izy no Lohan'ny fanapahana sy ny fahefana rehetra »

3. Manam-pitoviana amin' i Kristy

“Apetraka eo amin'izay manam-pitoviana amin'i Kristy eo amin'ny toetra amam-panahiny ny tombon-kasen' Andriamanitra velona”. (RH May 21, 1895). {7BC 970.3}

“Endrik' i Kristy eo amin'ny fanahy. Toy ny savoka ipetahan'ny tombon-kase, dia toy izany koa ny fanahy mandray ny Fanahin' Andriamanitra nafindra teo aminy ka mitana ny endrik' i Kristy”. (ST July 18, 1911). {7BC 970.4}

“Tsy hisy amintsika handray ny tombon-kasen' Andriamanitra nefa ny toetra amam-panahintsika misy pentina na loto. Mipetraka amintsika ny manamboatra ny lesoka amin'ny toetra amam-panahintsika, ny hanadio ny fanahintsika ho afaka amin'ny loto rehetra. Dia hirotsaka amintsika ny ranonorana farany toy ny nilatsahan'ny ranonorana aloha teo amin'ny mpianatra tamin'ny Andron'ny Pentekosta.” {5T 214.2}

4. Maharesy izao tontolo izao

“Ireo izay naharesy an'izao tontolo izao, ny nofo, sy ny devoly, dia hahazo tombontsoa ka handray ny tombon-kasen' Andriamanitra velona . Izay tsy madio tânana, izay tsy madio am-po, dia tsy handray ny tombon-kasen' Andriamanitra velona. Hodinganina izay manao drafitra hanota sy manatanteraka izany. Izay maneho amin'ny fihetsiny eo anatrehan' Andriamanitra fa nibe-baka sy niaiky ny fahotany ihany amin' ny andro fanavotana lehibe, ireo ihany no hoe-kena ho mendriky ny fiarovana' Andriamanitra... Fa hokosehina kosa tsy ho ao amin'ny bokin'ny fiainana ny anaran'ireo izay nanana ny fahazavan'ny fahamarinana rehetra namirapiratra teo amin'ny fanahiny, nefa nanangana sampy tao am-pony ary nandoto izay niray tamin'ny fahotany. Dia havela any amin'ny haizin'ny misasak'alina ireo, satria tsy misy solika ny fitoeran-jirony. “Fa aminareo izay matahotra ny anarako kosa no hiposahan'ny Masoandron'ny Fahamarinana izay misy fanasitranana eny an-tànany” {TM 445.1}

5. Handray hery ho tonga zanak' Andriamanitra

(Jaona 1:12.) “Izay nivoaka an'izao tontolo izao, ka nijoro niavaka tamin'izao tontolo izao eo amin'ny fiteniny sy ny asany, ireo izay mahatsapa fa voninahitra ny mitondra ny famantaran' Andriamanitra, dia handray hery ahatonga azy ho zanany. Hanana olona azo hiankinana Andriamanitra. Tsy hisy hiditra ny lapa any ambony izay tsy mitondra ny famantaran' Andriamanitra. Izay mitondra izany famantarana izany amin-kasahiana sy fahamasinana raha eo anivon' ity izao tontolo

izao voaozon'ny fahotana ity, ka mandray izany ho voninahitra, dia handray fankasitrahana sy voninahitra avy amin' i Kristy any amin'ny lapa any ambony”.(Letter 125, 1903). {7BC 969.8}

6. Fananan'i Jehovah manokana

(Eks. 31:12-17.) “Fananan' i Jehovah ny fanahy tsirairay eto amin'ity izao tontolo izaontsika ity, noho ny famoronana, sy noho ny fanavotana. Samy mandalo fitsapana ny tsirairay eo amin'ny fiainany. Nomeny an' Andriamanitra ve izay an' Andriamanitra? Nampileferiny tamin' Andriamanitra ve izay rehetra Azy amin'ny maha-fananana novidiny an'izany? Izay rehetra tia an'i Jehovah amin'ny maha-anjarany Azy eto amin'ity fiainana ity, dia ho eo ambany fifehezany, ary handray ny famantarana, ny marik' Andriamanitra , izay maneho azy ho fananan' Andriamanitra manokana. Hialoha azy ny fahamarinan' i Kristy , ary ny voninahitr'i Jehovah no ho vodi-làlany ; Arovan' i Jehovah ny olombelona rehetra mitondra ny famantarany.” {7BC 969.1}

Vavaka : Fanoloran-tena ho fanananan' i Jehovah manokana, hotafiany hery ka ho tonga zanak' Andriamanitra. Vavaka mangina arahin'ny vavaka amin'ny feo avo elanelanina hira.

F . FIOMANANA HO AMIN' IZANY

1. Ankehitriny, satria ny tombon-kasen'Andriamanitra

- Dia tsy hapetraka na oviana na oviana amin'ny handrin'ny lehilahy na vehivavy tsy madio.
- Tsy hapetraka na oviana na oviana amin'ny handrin'ny lehilahy na vehivavy be hambom-po sy tia an'izao tontolo izao izany.
- Tsy hapetraka na oviana na oviana amin'ny handrin'ny lehilahy na vehivavy manana molotra mandainga na fo mamitaka izany.
- Izay rehetra mandray ny tombon-kase dia tsy maintsy tsy hisy pentina eo anatrehan'Andriamanitra – hilatsaka ho anisan'ny mpiomana ho any an-danitra. » {Testimonies, vol.5, p.216}

2. Ho anisan'ireo 144 000

« Aoka isika hiezaka amin'ny hery rehetra nomen' Andriamanitra antsika ho anisan'ireo efatra arivo amby efatr'alina sy iray hetsy. (RH March 9, 1905). {7BC 970.10}

3. Raha mbola ao amin' ny Fitoerana Masina Jesosy

« Oh, aoka isika hiaina feno ho an'i Jehovah ary haneho amin'ny fiainana milamina tsara sy amin'ny fomba firesaka araka an' Andriamanitra fa efa niaraka tamin'i Jesosy isika ka mpanaraka Azy malemy fanahy sady tsy miavona am-po. Tsy maintsy miasa isika dieny mbola maharitra ny andro, fa rehefa tonga ny alina maizin' ny zava-tsarotra ka tonga ny tebiteby, dia ho diso aoriana ny hiasa ho an' Andriamanitra. Ao amin' ny tempoliny masina Jesosy izao ka hanaiky ny fanatitra entintsika, ny vavaka asandrantsika, sy ny fiaikena ny fahadisoantsika sy ny

fahotantsika ka hamela izay rehetra fahadisoan' Isiraely, mba hokosehina alohan'ny hialany ny fitoerana masina. Rehefa miala ny fitoerana masina Jesosy, izay masina sy marina dia mbola ho masina sy marina ihany, satria efa voakosoka ny fahotany rehetra, ary nandray ny tombon-kasen' Andriamanitra velona izy. Fa izay tsy marina sy maloto, dia mbola ho tsy marina sy mbola haloto ihany, amin'izay mantsy tsy hisy Mpisorona ao amin'ny fitoerana masina hanolotra izay fanatitra hentiny, handray ny fiaikeny heloka, sy ny fivavahana asandrany manoloana ny seza fiandrianan'ny Ray. Noho izany izay rehetra tokony hatao hamonjena ny fanahy tsy hiharan'ny tafiotry ny fahatezerana avy dia tsy maintsy hatao alohoan'ny hialan' i Jesosy ao amin'ny fitoerana masina any an-danitra". {EW 48.1}

4. Fisedrana

"Ary na dia efa nandray ny tombon-kasen' Andriamanitra velona aza ny olo-masina, dia mbola hisy fisedrana ireo voafidiny isam-batan'olona. Hisy fahoriana hihatra amin'ny tena manokana, nefa hanara-maso azy akaiky ny maso izay tsy hanaiky ny volamena ho levona. Eo amin'izy ireo ilay famantaran' Andriamanitra tsy mety levona. Andriamanitra no nisolovava mba ny anaran'ny tenany no hosoratana eo. Jehovah no namatotra azy. Voasoratra ny handefasana azy – Andriamanitra, Jerosalema vaovao". Fananan' Andriamanitra izy, Azy manokana. {TM 446.1}

Vavaka : Hiroso hiomana ho amin'izany : fanapahan-kevitra entina amim-bavaka

Fibebahana sy fiaiken-keloka dieny mbola afaka mandray izany ao amin'ny Fitoerana Masina Jesosy

III. AHOANA NO AHATANTERAKA IZANY EO AMIN'NY FIAINANAO MANOKANA ?

A. SAFIDY SY SITRAPONAO Fahefana manapa-kevitra

« Mifandraika amin'ny sitrapo ny fivavahana marina. Ny sitrapo no fahefana mitana ny toen'ny olona, ka manjaka amin'ny faritra rehetra maha-olona. Tsy fitiavan-javatra na fironana ny sitrapo, fa fahefana manapa-kevitra, izay miasa ao amin'ny zanaky ny olona ho amin'ny fankatoavana na ho amin'ny tsifankatoavana ». {Messages to Young people 151}

Hoeritreretina : Anao ny safidy hiandany amin' i Jehovah ka handray ny tombon-kasen' Andriamanitra velona.. Haiko ve izany ?

B. SAFIDIN'I JESOSY ATOLONY ANAO

-Tao Getsemane : « Aoka tsy ny sitrapoko no atao fa ny Anao' »

:
- Lioka 22 : 42
- Lioka 22 : 44

- Tao Kalvary : »nanao hoe:Vita, dia nanondrika ny lohany ka nanolotra ny fanahiny »
- Jaona 19 :30

Vavaka : Atolotro ny safidiko hofehezina i Jehovah, fa tsy hofehezina i Satana

« Tsy ny sitrapoko fa ny Anao »

Antso ho an'ny Fanoloran-tena

Fanoloran-tena: Hiandany ho tafiki Jehovah. Fanambarana ampahibe-maso, ataon'ny isan-tsapany, sns..., ny isam-pianakaviana, ny tsirairay. Hofaranana amin'ny vavaka fanoloran-tena mafana ataon'ny pasitera sy ny hira mavitrika.

« Miantso antsika izy hiara-dia Aminy eo amin'ny lalana marin'ny fankatoavana feno fanentren-tena. Manasa antsika izy ho amin'ny fiainana madio, masina sy sambatra, ho amin'ny fiainana feno fiadanana sy fahatoniana, fiainam-pahafahana sy fitiavana. Manasa antsika izy handova lova sarobidy amin'ny ho avy, dia fiainana mandrakizay. Inona no ho safidintsika, fahafahana ao amin' i Kristy ve sa fanandevozana sy fampahoriana manompo an' i Satana ? Raha ny ho velona miaraka amn' i Kristy no safidintsika mandritra ny mandrakizay tsy hanam-pahataperana, nahoana no tsy hisafidy Azy izao ankehitriny izao, ho sakaizantsika mamy indrindra, izay azo itokisana indrindra, mpanolon-tsaina tsara sy hendry indrindra ho antsika ? {LHU 98. }

ANDRO FAHAFOLO

FAMIKIRANA NY TENY FIKASANA MOMBA NY RANONORANA FARANY

ZAVA-KENDRENA SY ANATOM-BAVAKA:

Ny handraisana ny herin'ny Ranonorana farany nampanantenain' Andriamanitra hamitana ny fitoriana ny Filazantsara

Ny hanomana ny sisa mpino hahajoro mandritra ireo loza fito farany, tsy misy mpanelanelana."

FITARIHAN-TENY : Nirotsaka ny Ranonorana voalohany raha nanomboka ny fitoriana ny filazantsara ny mpianatra

Hirotsaka hivatratra ny Ranonorana Farany eo am-pamaranana ny fitoriana ny Filazantsara: Teny fikasana izany raha hiditra ny tany nampanantenaina ny vahoakan' Andriamanitra.

Ny FILAZANTSARA dia hofaranan' Andriamanitra izay rehetra momba ny fahotana ary hanorina lanitra vaovao sy tany vaovao izay hitoeran'ny fahamarinana izy.

FEHIN-TENY

Fanoloran-tena hiara-dia amin'ny Tafiki Jehovah

Fisaorana sy fankalazana an' Andriamanitra noho ny famonjeny mahagaga

I. ANTISO

A. Avy amin'ny Baiboly : Joela 2.23

"Ary ianareo, ry zanak'i Ziona, miravoravoa sy mifalia amin'ny Jehovah Andriamanitrareo ;

- Fa hanome anareo loha-orana onony Izy, - (Homeny mpampianatra ny fahamarinana ianareo)
- dia handatsaka ranonorana mivatravatra ho anareo, Eny, loha-orana sy ny fara-orana aloha”

B. Avy amin'ny Fanahin'ny Faminaniana: VM, p.49/4

“Nefa rehefa akaiky ny fiakaran'ny fijinjana ny tany, dia hisy fanomezana manokana ny fahasoavana ara-panahy nampanantenaina, izay hanomana ny fiangonana ho amin'ny fiavian'ny Zanak'olona.

Ampitoviana amin'ny filatsaky ny ranonorana aoriana io firotsahan'ny Fanahy io ; ary io fanampin-kery io no tokony handefasan'ny kristiana fangatahana amin'ny Tompon'ny vokatra “amin'ny andro fara-orana”.

Ho valin'izany dia handatsaka ranonorana mivatravatra ho anareo aloha (Jehovah), eny, ny loha-orana sy ny fara-orana aloha”.

Nefa raha tsy manana fifandraisana velona, amin'ny loharanon'ny fitomboana ara-panahy rehetra ny mambra ao amin'ny fiangonanan'Andriamanitra ankehitriny, dia tsy ho vonona izy amin'ny andro fijinjana. Raha tsy tazoniny hadio sy mirehitra ny jirony, dia tsy ho afaka handray fahasoavana fanampiny izy amin'ny fotoana ilany fanampiana manokana”.

Hoeritreretina sy hatao antom-bavaka: Inona no fepetra ahavonona ny fiangonana amin'ny fiavian' i Jesosy, sy handraisana fahasoavana fanampiny amin'ny fotoana ilany fanampiana manokana.

D. Avy amin'ireo mpitantana ny asa

Ireo mpitantana ny asa nandinika ny Baiboly sy ny Fanahin'ny Faminaniana dia tsy tafandry mandry koa.

1. Tenin' i Dr Pardon Mwansa tany Antsiranana, fevrier 2005, **prezidan' ny diviziona misy antsika teo aloha, filoha lefitry ny CG ankehitriny (2005).**

“Rehefa handao ireo apostoly, - ny Mpampianatra sady Tompontosika –, ny teny farany nomeny azy ireo dia ny tokony hiandrasany ny batisan'ny Fanahy Masina.

Asa 1.4-8 « Ary raha niara-niangona teo aminy i Jesosy, dia namepetra azy tsy hiala ao Jerosalema fa hiandry ny teny fikasan'ny Ray, izay efa renareo tamiko, hoy Izy ; Fa hianareo kosa hatao batisa amin'ny Fanahy Masina, rehefa afaka andro vitsivitsy. ... Fa hahazo hery ianareo amin'ny hilatsahan'ny Fanahy Masina aminareo, ary ho vavolombeloko any Jerosalema sy eran'ny Jodia sy Samaria ary hatamin'ny ny faran'ny tany »

« Mamporisika anareo avy amin'ny izany teny masina izany aho hikatsaka ny Tompo, hitalaho amin'ny Tompo, hikiakiaka eo amin'ny Tompo handray ny batisa vaovaon'ny Fanahy Masina. Ny Asa 2:38, 39 dia miteny mazava fa izany teny fikasana momba ny Fanahy Masina izany dia ho antsika velona amin'ny taona 2005 ihany koa. » (*Taratasy nalefany ho an'ireo nivory tany Antsiranana nandritra ny fotoam-pifohazana lehibe, Février 2005*)

2. Neal C Wilson, filohan'ny Conférence Générale taloha, **ilay nandalo taty Madagasikara**

« Mazava ny tari-dàlana. **Tokony hiomana toy ireo Apostoly fahizay ny fiangonana ankehitriny mba handraisany hy herin'Andriamanitra.**

Manaraka io modely nomen'Andriamanitra antsika io ireo gropim-pivavahana miara-mivavaka mangataka ny RANONORANA FARANY ».

« Nampanantena antsika ny RANONORANA FARANY Andriamanitra aty amin'ny fotoana faran'ny tantara. Tokony hangataka amin'ny-pinoana io fampanantenana io isika. Tokony hivavaka manokana ho amin'ny RANONORANA FARANY isika »

3. Robert Pierson ; prezidan'ny Conférence Générale teo aloha

“Mitovy tamin'ny izay nisy tamin'ny taona faha-33 ihany ny fandaminan'Andriamanitra ankehitriny : ny fandraisan'ny fiangonana sisa ny Fanahy Masina, ao anatin'ny herin'ny RANONORANA FARANY. **Tsy hahomby ny fandaminana mahafaobe ataontsika raha tsy resy lahatra toy ny fiangonana Apostolika isika, fa na Pentekosta, na tsy fahombihazana.** Ny herin'ny Fanahy Masina ihany no hitondra antsika handamina amim-pahendrena sy hanatontosa amin'ny fahombiazana. Ny firotsahan' ny RANONORANA FARANY no hanome hery hitoriana ny hafatr'Andriamanitra ho an'ny andro farany amin'ny ireo olon'ny taonjato materialiste, mpanompo sampy na kristiana tsy miraika” Robert H. Pierson

4. Ellen G White

RH, 2 mars 1897 « Raha tsy mandroso isika, raha tsy miomana handray ny Ranonorana Voalohany sy Ranonorana Farany, dia hamery ny fanahintsika isika, ary tompon'andraikitra irery ny amin'ny izany.»

« Zak 10.1 « Mangataka ranonorana amin'ny Jehovah amin'ny andro fara-orana »


Aza mionona fotsiny hilaza fa tsy maintsy ho tonga ny orana amin'ny fotoanany. Mivavaha mba ho avy izy. ...Andeha hitady ny fitiavan'Andriamanitra amin'ny fonsika rehetra raha irintsika ny handray ny ranon'andon'ny fahasoavany. »

Vavaka: Valin'ireo Antso


II – FANAMPIN-KERY SY IREO FITAHIANA AVY AO AMIN'NY FITOERANA MASINA INDRINDRA

A. FANAMPIN-KERY

1. Fanazavana an-tsary



2. Ny hafatry ny anjely telo ho tonga Antso Avo



3. Tari-dàlan'ny Fanahin'ny Faminaniana

a. Fiomanana mafana nandritra ny Folo Andro

“Folo andro taoriana vao nomena ny Fanahy Masina. **Natokan'ireo mpianatra tamin'ny fiomanana nafana izany fotoana izany handraisana ny fanomezana tena saro-bidy.**

..... Mila fanandramana mitovy amin'ny izany koa ny fiangonana, **eto anivon'ny foiben'ny asa “: (Battle Creek, Michigan, Denominational Headquarters from 1855 to 1903).**

“Mandinika ny fontsika va isika, miomana handray ny fahasoavan'ny lanitra va isika ? Miandry ny Tompo handrotsaka ny fahasoavany” { The Day with God, With one accord p. 10}

b. Nivavaka ho amin'ny tanjona tokana nandritry ny folo andro

“Moa tsy tsara ho anareo ny hitady ny Tompo toy ny nataon'ireo mpianatra nialohan'ny andro Pentekosta ? **Tsy zava-navesatra ho azy ireo ny nifampiaiky heloka. Napetrany ny tsy fitoviana rehetra ... ka niray izy ary nivavaka ho amin'ny tanjona tokana nandritry ny folo andro. Feno ny Fanahy Masina izy rehetra tamin'ny fiakaran'ny fotoana” Three E. G. White {Messages Relating the Work in New-York, p. 94}**

d. Hotanteraka indray ireo faminaniana

« Ny asa lehibe fitoriana ny filazantsara dia tsy hifarana amin'ny fanehoan'ny herin' Andriamanitra latsa-danja noho izay hita teo amin'ny fiantombohany. Ireo faminaniana izay tanteraka tamin'ny ranonorana voalohany tamin'ny fiandohan'ny fitoriana ny filazantsara dia ho tanteraka indray amin'ny fiakaran'ny amin'ny ranonorana farany....Hidodododo hatraiza hatraiza ny mpanompon' Andriamanitra, hitory ny hafatra avy any an-danitra, ary ny tavany hazava sy hamirapiratra noho ny fanokanan-tena masina”. {TLF 34,3}; {Hery mifanandrana, 637.3, 634}

e. Manao izay nataon'ny Apostoly fahiny

« Izay andrasan'ny fiangonana ankehitriny ...Tena ilaina, eny, mihoatra noho ny tamin'ny izay fotoana izay aza ny hanaovan' ANDRIAMANITRA amin'ny olony ankehitriny izay efa nataony fahizay. Tsy maintsy manao ankehitriny izay nataon'ny Apostoly fahizay ny mambra tsirairay avy ao amin'ny fiangonana ;... »

{TLF 41,2} = {VII Testimonies, p. 32,33}

Fanontaniana: Inona no nataon'ireo apostoly fahiny ka tokony ataontsika koa ankehitriny ?

« Izay ilaintsika dia ny batisan'ny Fanahy Masina. Raha tsy izany, dia tsy ho afaka hi amin'izao tontolo izao isika tahaka ireo mpianatra tsy afaka nanao izany tao aorian'ny nanomboana ny Tompony teo amin'ny hazo fijaliana isika. {RH 2-18-1890. }

III – FAMPIHARANA

A. FITOLOMANA AM-BAVAKA ISAN-TOKONY

Omena fotoana fohy hiara-mitolona am-bavaka isan-tokony

Hifanantona ny iray Sampana ao amin'ny fiangonana

- Hitolona am-bavaka tsy ho diso anjara amin'ny fandraisana fanampin-kery sy ireo fitahiana rehetra avy ao amin'ny FITOERANA MASINA INDRINDRA

- Hangataka ny tari-dàlana avy any an-danitra ny amin'ny toerana tian'ny Tompo hanaovana asa iombonana manodidina ny fiangonana

- Hangataka fanoloran-tena avy any an-danitra ny amin'ny fanapahan-kevitra ho raisina hanolotra vy VERY.

- Sns

B. EO AM-PIANDRASANA ZAVA-DEHIBE SY NY HO ENDRIKY NY FIZOTRY NY FOTOANA AMIN'NY ANDRO FARANY

1. Amin'ny fomba tsy ampoizina

- **Asa 2.12** « Dia talanjona izy rehetra ka **niahanahana** sady niresaka hoe : **ahoana no tokony ho hevitra izany ?** »

- « Nisy mpino tsy nahay nandray ny FANAHY MASINA. Nolaviny ny herin'io fanomezana io ka niodinany sy nomelohiny ho toy ny fisehoan'ny hafanam-po diso toerana (fanatisme). **Rehefa miasa ao am-pontsika ny FANAHY MASINA, dia tsy miera IZY hoe amin'ny fomba ahoana no idirany an-tsehatra. Amin'ny fomba tsy hanampoizana aza no isehoany matetika.** (tamin'ny Pentekosta voalohany = lela afo ; tsy voatery hitovy endrika amin'izay ny ankehitriny.) {The E.G.White, 1888 materials, p.1540, 1541}

- « **KRISTY tsy tonga araka ny hevitra niandrasan'ny Jiosy azy.** Ary tsy nanome voninahitra AZY izany firenena izany...**Nolaviny ny nandray AZY..**Toy izany ny loza mananontanona ny fiangonana ankehitriny : mitady fahalalana mazava (mati-paika) ny amin'ny fomba hisehoan'ny FANAHY MASINA. ...

2. Ary satria ny FANAHY MASINA ,

- **tsy tonga hanasoaso olona, na hanome lanja ny faminavinana diso (théories erronées)**
- **fa hampiaiky izao tontolo izao ny fahotany, ny fahamarinana ary ny fitsarana**
dia maro ny mpino mihodina... »

3. Amim-pahamaotinana: Tit 2.7-8 : « ...fampianarana maneho ...fahamaotinana... »

« Na izany aza, ry rahalahy sy anabavy, mitandrema ary **aza mitady hamorona na hirona amin'ny rivotry ny fihotakotahana.** Tazony ny maha be voninahitra ny fotoana. **Aoka tsy ho mpaninitsiny na hiahiahy ny amin'ny asan'ny FANAHY MASINA...satria tsy tohina ny fo...** » { II MC, p.57}

- I Kor 14:40 « **Kanefa aoka ny zavatra rehetra atao amin'ny fahamendrehana sy ny filaminana** »

« **Tsy korontana. Tsy hafanam-po diso toerana** (fanatisme) ...Ny asan'ANDRIAMANITRA, ...dia arahana **filaminana sy fahamboniana.** » {II MC, p.41-44}

« ...**Tsy hamorona rivotra fientanentanana** (excitation), **fa fisainana lalina, maharitra sy mateza, afaka hisedra fotoana mandrakizay...**Tsy fanandramana mampientanentana na fisehoan-javatra mampitolagaga... » {Letter W 102, 1894}

NB - Mitsahatra avokoa ny maha-olona (Tout système humain écarté)

4. Napetraka mazava ny toro-hevitra iatrehana ny zava-panahy

Hoeritreretina sy entina amim-bavaka ny hanana izany fihetsika mendrika izany sy hisian'izany rivom-panahy izany:

- Manamarina an'ANDRIAMANITRA eo amin'ny drafitra izay napetrany (Lioka 7.29)

- Milefitra eo amin'ny fitarihan'ny FANAHY masina

- « ...fampianarana.maneho ...fahamaotinana... »

- Aza mitady hamorona na hirona amin'ny rivotry ny fihotakotahana

- Aoka tsy ho mpaninitsiny na hiahiahy ny amin'ny asan'ny FANAHY MASINA...satria tsy tohina ny fo... »

- Tsy hamorona rivotra fientanentanana (excitation), fa fisainana lalina, maharitra sy mateza, afaka hisedra fotoana mandrakizay
- Kanefa aoka ny zavatra rehetra atao amin'ny fahamendrehana sy ny filaminana »

- Tsy korontana. Tsy hafanam-po diso toerana (fanatisme) ...

- Ny asan'ANDRIAMANITRA, ...dia arahana filaminana sy fahamboniana. »

IV – FOTOANAN'NY RANONORANA FARANY

A. VELONA AMIN'NY ANDRO FANAVOTANA ISIKA

« Tamin'ny fotoana voatondro ho amin'ny fitsarana – dia ny fiakaran' ny 2.300 andro, tamin'ny 1844 – no nanomboka ny asa famotopotorana sy ny fikosehana ny fahotana.... » { HM 502/2}

- velona amin'ny Andro Fanavotana isika

- velona ao anatin'ny asa famotopotorana sy ny fikosehana ny fahotana isika

- velona ao anatin'ny fotoana fandrotsahana ny fanampin-kery sy ny fitahian'ny FITOERANA MASINA INDRINDRA isika ankehitriny

B . TENY FIKASANA

1. Joela 2.23

“Ary ianareo, ry zanak'i Ziona, miravoravao sy mifalia amin'i Jehovah Andriamanitrareo ;

- Fa hanome anareo loha-orana onony Izy, - (Homeny mpampianatra ny fahamarinana ianareo)
- dia handatsaka ranonorana mivatravatra ho anareo, Eny, loha-orana sy ny fara-orana aloha”

2. Fanapin-kery

“Nefa rehefa akaiky ny fiasaran'ny fijinjana ny tany, dia hisy fanomezana manokana ny fahasoavana ara-panahy nampanantenaina, izay hanomana ny fiangonana ho amin'ny fiavian'ny Zanak'olona.

Ampitoviana amin'ny filatsaky ny ranonorana aoriana io firotsahan'ny Fanahy io ; ary io fanampin-kery io no tokony handefasan'ny kristiana fangatahana amin'ny Tompon'ny vokatra “amin'ny andro fara-orana”.

Ho valin'izany dia handatsaka ranonorana mivatravatra ho anareo aloha (Jehovah), eny, ny loha-orana sy ny fara-orana aloha”. {VM, p.49/4}

D. ANKEHITRINY

« Nampanantena ny fanomezana ny Fanahy Masina ho an'ny fiangonany i Kristy, ary ho antsika tahaka ireo mpianatra voalohany ny teny fikasana.... » {FFF, p.62/2}

« Toe-javatra mbola ho avy no fitazanana ny firotsahan'ny Fanahy Masina eo amin'ny fiangonana ; nefa tombontsoa ho an'ny fiangonana ny mandray izany ankehitriny. Katsaho izany, ataovy tonom-bavaka, inoy. Tsy maintsy mahazo izany isika, ary miandry ny lanitra hanome izany. (Evangelism, 701) {FFF, 61/4-5}

”....izao no fotoanan'ny RANONORANA FARANY, izay hanomezan'ny Tompo be dia be ny Fanahiny...(Testimonies to {Ministers and Gospel Workers, 512) { FFF. 63/6}

« Amin'izao ora izao indrindra dia ho an'izay rehetra mila izany sy mandray amin'ny teniny ny Fanahy sy ny fahasoavana » (Christian.Service 250)

Hoeritreretina: Velona amin'ny fotoana manetriketrika indrindra isika. Atao antom-bavaka ny ahafantarantsika ny fomba tokony ho fiainantsika izay velona amin'ny Andro Fanavotana

IV – FAMIKIRANA AMIN'NY TENY FIKASANA MOMBA NY RANONORANA FARANY

A. TOMBO-KASE SY RANONORANA FARANY

«Tsy misy iray amintsika handray ny tombo-kasen' Andriamanitra nefa ny toetra amam-panahintsika hisy pentina na loto iray. Avela amintsika ny fanamboarana izay tsy mety eo amin'ny toetra amam-panahintsika, ny hanadio ny tempolin'ny fanahy ho afaka amin'izay rehetra mandoto azy.

Amin'izay dia hilatsaka amintsika tahaka ny Ranonorana Voalohany nirotsaka tamin'ny mpianatra tamin'ny andro Pentekosta, ny Ranonorana Farany.” {Testimonies, vol. 5, p.214}

Vavaka: Ataovy ny fanapahan-kevitra handray ny tombo-kasen' Andriamanitra, ary apetraho amin' Andriamanitra ny ho fanatanterahana ny fepetra ka aoka airoso hangataka ny Ranonorana Farany:

B. FAMARITANA NY ATAO HOE FAMIKIRANA

Mat 15.21-28 « ...Ary, indro, nisy vehivavy kananita ...nanao hoe : Mamindrà fo amin'ny-ko, TOMPOKO, Zanak'i Davida ô ! ny zanakovavy ampahorian'ny demonia loatra.

- Fa JESOSY tsy namaly teny.
 - **Dia nanatona ny mpianatra ka nangataka taminy nanao hoe :** Roahy izy, fa miantso mafy ato aoriantika.
 - Ary JESOSY namaly ka nanao hoe : Tsy nirahina AHO afa-tsy ho amin'ny ondry very amin'ny taranak'Isiraely.
 - Fa nanatona ihany ravehivavy, **ka niankohoka teo anatrehany ka nanao hoe :** TOMPOKO ô, vonjeo aho.
 - **Fa JESOSY namaly ka nanao hoe :** Tsy mety raha maka ny mofon-jaza ka manipy azy ho an'ny amboakely.
 - **Fa hoy ravehivavy...** : na dia ny amboakely aza mba mihinana izay sombitsombiny latsaka avy tamin'ny latabatry ny tompony ihany.
 - **Dia namaly JESOSY... hoe : Ravehivavy,** lehibe ny finoanao ; tongava amin'nynao araka izay irinao. Dia sitrana ny zanani-vavy tamin'ny izay ora izay.
- MAMIKITRA : manantena am-pinoana ary maneho izany eo am-piandrasana (miandry ny Mpamonjy araka ny tari-dalana omeny)**

D. TARI-DALANA MAZAVA

1. Asa 3.19 « Koa mibebaha hianareo, ka miverena hamonoana ny fahotanareo, mba ho avy izay andro famelombelomana avy amin'ny fanatrehan'ny TOMPO »

- Mibebaha, ka miverena : Fanatitranterana fanamafisana.

2. II Tant 7: 13-16 « Raha ny oloko izay nantsoina tamin'ny anarako – **(isika Laodikia vory eto koa)** – ho avy hanetry tena – **(hividy amiko)** – ka hivavaka sy hitady ny tavako ary hiala amin'ny ratsy fanaony - **(handray ny Fibebahana sy ny Fiaiken-keloka, hifamela heloka)**

- dia hihaino any an-danitra AHO ka hamela ny helony – **(hanadino ny lasa)** – ary hahatsara ny taniny – **(hanome ny FAMELOMBELOMANA)** –

Ary izao **-(androany)-** dia : hihiratra ny masoko, ary ny sofiko hihaino ny vavaka izay atao amin'ny ity fitoerana ity ;
Fa efa nofidiko sy nohamasiniko ity trano ity mba hitoeran'ny anarako mandrakizay, ary ny masoko sy ny foko ho ao mandrakariva. »

3. Hoy ilay zanaka adala :

Lioka 15.18 « Hiainga aho, dia hody any amin'ny Raiko ka hanao amin'ny hoe : dada a, efa nanota tamin'ny lanitra sy teo anatrehanao aho »

Mety mbola misy mangetaheta ny hanokanana fotoana hirosoana amin'ny fibebahana sy fiaiken-keloka. Hanokana fotoana fohy ho amin'izany isika mialoha ny hirosoantsika amin'ny vavaka famikirana momba ny Ranonorana Farany.

4. Mat 5.23,24 « Ary amin'izany, raha mitondra ny fanatitrao ho eo amin'ny alitara hianao, ary eo no mahatsiaro fa ny rahalahinao manana alahelo aminao, dia avelao eo anoloan'ny alitara ny fanatitrao, ka mandehana aloha, ataovy izay hihavananao amin'ny rahalahinao, ary rehefa miverina, dia vao atero ny fanatitrao »

Fampiharana : Fibebahana sy fiaiken-keloka eo amin'ny izay manana alahelo amintsika noho ny namilian'i Satana antsika niala teo amin'ny lalàm-pitiavan' Andriamanitra, ka nandratra ny fon'ny rahalahy sy anabavintsika.

5. {2 Testimonies for the Church}, p.296

« Tsy voatery hiaiky ny helokao sy ny fahadisoanao amin'ny izay tsy nahalala izany ianao. Tsy voatery hasehonao am-pahibemaso ny fiaikenao heloka hanome fandresena ny tsy mino ;

Fa eo amin'ny izay tokony hanaovana izany, dia hekeo araka ny tenin'Andriamanitra ny helokao ary izy hivavaka ho anao : hoeken'Andriamanitra ny asanao ary hanasitrana anao IZY. »

Aza havela hanavesatra ny fon'ny rahalahinao na ny anabavinao ny alahelony noho ny niviliana ny lalàm-pitiavan'Andriamanitra ka nanafintohina azy. Manatona azy.”

Hira sy vakiteny mifandimby

E. FAMIKIRANA AMIN'NY TENY FIKASANA MOMBA NY RANONORANA FARANY

1. Jao 14.16 “Ary IZAHO hangataka amin'ny RAY, ary IZY hanome anareo MPANANATRA hafa mba ho eo aminareo mandrakizay”

- Kristy hangataka amin'ny RAY,
- Ary Kristy MINO fa ny RAY dia hanome MPANANATRA mba ho eo amintsika mandrakizay.
- Isika manaiky fa marina izany.
- Raisintsika ho antsika io finoan'i KRISTY io
- Dia mahatoky isika fa handray ny FANAHY MASINA araka ny teny fikasana mampanatena izany.

2 - Heb 12.2 “Mijery an'i Jesosy, Kristy Tompon'ny Finoantsika sy Mpanefa Azy, Izay naharitra ny hazo fijaliana fa tsy nitandro henatra, mba hahazoany ny fifaliana napetraka teo anoloany, ka dia efa mipetraka eo amin'ny ankavan'ny seza fiandrianana' Andriamanitra IZY”.

Kristy :

- efa mipetraka eo amin'ny ankavan'ny seza fiandrianana' Andriamanitra,
- ao amin'ny Fitoerana Masina Indrindra
- Tompon'ny Finoantsika
- Sy Mpanefa Azy,

NO

aloaha Miantoka ny fandraisantsika ny Ranonorana aloha sy ny Ranonorana farany
Handray ny fitahiana isika satria ao amin'ny Fitoerana Masina indrindra i Kristy miantoka an'izany

Tsy omena amin'ny alalan'ny zavatra tsara ataontsika na ny fahamendrehantsika.

Fa amin'ny alalan'ny fahamendrehana i Kristy irery ihany

- Finoan'i KRISTY izany
- Ary IZY no hanefa izany
- Ny vavaka dia fomba anehoana ny finoana izay tanana andraisana ny fitahiana.

"Ny tena finoana dia mamikitra sy mitaky ny fitahiana nampanantenaina alohan'ny ahatsapana sy ahitana izany. Tsy maintsy hakarintsika ny fangatahantsika amin'ny finoana ary hotakiansika ho antsika izany. Dia tokony ino isika fa nanadray ny fitahiana satria nitana izany ny finoantsika, sy araka ny Teny, dia antsika izany. "Na inona na inona tononinareo amin'ny fivavahana sy angatahinareo, dia minoa fa efa nandray ianaeo, dia ho azonareo izany". Marka 11:24. Izany no finoana, finoana mianjahanja, mino isika fa nandray ny fitahiana, alohan'ny ahatsapantsika azy; Rehefa tsapa sy hifaliana ny fitahiana nampanantenaina, dia mitombo ny finoana. Betsaka anefa ny olona no mihevitra fa manana finoana be rehefa mandray anjara betsaka ny Fanahy Masina ary tsy afaka manana izany izy raha sy mahatsapa ny herin'ny Fanahy. **Ny olona toy izany dia mampifangaro ny finoana amin'ny fitahiana izay azo amin'ny alalan'ny finoana. Ny fotoana ampiasana ny finoana dia rehefa mahatsapa isika fa tsy manana ny Fanahy. Rehefa matevina ny rahona ka toa mandrakotra ny saina, amin'izay no fotoana hamelana ny finoana velona hangorobaka ny haizina sy hanaparitaka ny rahona. Mitoetra eo amin'ny teny fikasana ao amin'ny Tenin' Andriamanitra ny finoana tena izy, ary ireo izay mankato ny Teny ihany no afaka mitaky ireo teny fikasana be voninahitra; "Raha miray amiko ianareo ka mitoetra ao aminareo ny teniko, dia angataho izay tianareo, na inona na inona, fa ho tonga aminareo izany". Jaona 15:7. "Ary na inona na inona no angatahantsika dia raisintsika aminy, satria mitandrana ny didiny sy manao izay ankasitrahana eo aminy isika". 1 Jaona 3:22. {EW 72.2}**

"Aza mionona fotsiny hilaza fa tsy maintsy ho tonga ny rana amin'ny fotoanany. Mivavaha mba ho avy izy » EGW, {RH, 2 mars 1897}

Vavaka fangatahana

Fanazavana kely mialoha ny fitolomana am-bavaka.

- *Azo atao vavaka mangina ;*
- *Hasandrato mafy raha izay no mety.*
- *Samy mahazo mitaky amin'ny Jehovah avokoa na kely na lehibe, na vavy na lahy, na vahiny na tompo-tany, isika rehetra ; Aoka anefa tsy hikorontana fa hifadimby.*
- *Ataovy an-kira raha izay no mahavantana.*

Vavaka famikirana

F. FISAORANA SY FIDERANA

(Mety tsy ilaina intsony ity fizarana farany ity raha ohatra ka efa notarihin'ny Fanahy Masina sahady ny mpivory naneho hira fisaorana sy fiderana nandritry ny tolom-bavaka famikirana teo aloha teo.)

Fanontaniana :Handray ny hery avy any ambony no antony ahatongavantsika eto ; sao mbola misy maniry ny hanohizana ny tolona famikirana ?

(Raha misy na iray aza maniry izany, dia miara-mitolona am-bavaka indray ; raha tsy misy, dia miroso amin'ny hira fisaorana sy fiderana, raha toa mbola tsy nisy izany ny fotoana famikirana teo aloha)

G. INONA NO AHAFANTARANA FA VOARAY NY ZAVATRA IZAY NATOLOTRA ?

Manao teny sy hira fisaorana sy fiderana.

Tenin'ny ray aman-dreny izay eo an-toerana (Pastora) mialohan'ny hiravana.

Boky filan-kevitra

AC	Appel à la consécration : Conférence Générale
E G White	
AA	Acts of the Apostles
AH	Adventist Home
Ap :	Any am-parany any
1BC, 2BC...	Bible Commentary, vol. 1, 2...
CT	Counsels to Parents, Teachers and Students
DHK	Ny Dia
EW	Early Writings
FFF	Fiomanana amin'ny fotoan-tsarotra
GC	The Great Controversy
GW	Gospel Workers
HF	Henoinareo ny fanoharana
HM	Hery mifanandrina
HP	In Heavenly Places
IFM	Ilay Fitiavana Mandresy
LS	Life Sketches of Ellen White
MAR	Maranatha
IMC, IIMC	Messages Choisis vol. I, II...
MH	Ministries of Healing
1,2 MR 1, 2	Manuscript Releases
MYP	Messages to Young People
OHC	Our High Calling
PM	Patriarika sy Mpaminany
RH	Rewiew and Herald
S	Sambatra
SD	Sons and Daughters of God
1, 2SG	1, 2 Spiritual Gifts
SL	The Sanctified Life
1SM, 2SM	Selected Messages, vol. 1, 2, 3
1T, 2T, 3T...;	Testimonies, boky 1, 2, 3...
TM	Testimonies to Ministers
TMF	Tanamasoandron'ny fahasalamana
TMK	That I May Know Him
UL	The Upward Look
VM	Vavolombelona mahery
WM	Welfare Ministries
YI	Youth Instructor

